

Namo tassa bhagavato arahato sammāsambuddhassa

Saṃyuttanikāye

Sagāthāvagga-aṭṭhakathā

Ganthārambhakathā

Karuṇāśītalalahadayam (1.0001), paññāpajjotavihatamohatamam; sanarāmaralokagarum, vande **sugatam** gativimuttam.

Buddhopi buddhabhāvam, bhāvetvā ceva sacchikatvā ca; yaṁ upagato gatamalam, vande tamanuttaram **dhammam**.

Sugatassa orasānam, puttānam mārasenamathānānam; aṭṭhannampi samūham, sirasā vande **ariyasaṅgham**.

Iti me pasannamatino, ratanattayavandanāmayam puññam; yaṁ suvihatantarāyo, hutvā tassānubhāvena.

Saṃyuttavaggapaṭimaṇḍitassa, **saṃyutta-āgamavarassa**; buddhānubuddhasaṃvāṇitassa, ḡāṇappabhedajanānassa.

Atthappakāsanattham, **aṭṭhakathā** ādito vasisatehi; pañcahi yā saṅgītā, anusaṅgītā ca pacchāpi.

Sīhaļadīpam pana ābhatātha, vasiṇā mahāmahindena; ṭhapitā sīhaļabhāsāya, dīpavāsīnamatthāya.

Apanetvāna (1.0002) tatoham, sīhaļabhāsam manoramam bhāsam; tantinayānucchavikam, āropento vigatadosam.

Samayaṁ avilomento, therānam theravāmsadīpānam; sunipuṇavinicchayānam, mahāvihāre nivāsīnam.

Hitvā punappunāgata-mattham, attham pakāsayissāmi; sujanassa ca tuṭṭhattham, ciraṭṭhitatthañca dhammassa.

Sāvatthipabhūtīnam, nagarānam vaṇṇanā katā heṭṭhā; saṅgītīnam dvinnam, yā me attham vadantena.

Vitthāravasena sudam, vatthūni ca yāni tattha vuttāni; tesampi na idha bhiyyo, vitthārakatham karissāmi.

Suttānam pana atthā, na vinā vatthūhi ye pakāsanti; tesam pakāsanattham, vatthūnipi dassayissāmi.

Sīlakathā dhutadhammā, kammaṭṭhānāni ceva sabbāni; cariyāvidhānasahito, jhānasamāpattivitthāro.

Sabbā ca abhiññāyo, paññāsaṅkalananicchayo ceva;

khandhādhātāyatanindriyāni, ariyāni ceva cattāri.
 Saccāni paccayākāradesanā, suparisuddhanipuṇanayā;
 avimuttatantimaggā, vipassanābhāvanā ceva.
 Iti pana sabbam yasmā, **visuddhimagge** mayā suparisuddham.
 vuttam tasmā bhiyyo, na tam idha vicārayissāmi.
 “Majjhe **visuddhimaggo**, esa catunnampi āgamānañhi.
 thatvā pakāsayissati, tattha yathābhāsitamattham”.
 Icceva kato tasmā, tampi gahetvāna saddhīmetāya;
 aṭṭhakathāya vijānatha, samyuttavinissitam attanti.

1. Devatāsamyuttam

1. Naṭavaggo

1. Oghatarañasuttavaṇṇanā

Tattha (1.0003) **samyuttāgamo** nāma sagāthāvaggo, nidānavaggo, khandhaka-vaggo, saṅyatanavaggo, mahāvaggoti pañcavaggo hoti. Suttato-
 “Satta suttasahassāni, satta suttasatāni ca;
 dvāsaṭṭhi ceva suttāni, eso samyuttasaṅgaho”.

Bhāṇavārato bhāṇavārasataṁ hoti. Tassa vaggesu **sagāthāvaggo** ādi, suttesu **oghatarañasuttam**. Tassāpi “evam me sutan”ti-ādikam āyasmatā ānandena paṭhamamahāsaṅgītikāle vuttaṁ nidānamādi. Sā panesā paṭhamamahāsaṅgīti sumāngalavilāsiniyā dīghanikāyaṭṭhakathāya ādimhi vitthāritā, tasmā sā tattha vitthāritanayeneva veditabbā.

1. Yam panetam “evam me sutan”ti-ādikam nidānam, tattha **evanti** nipātapadam. Meti-ādīni nāmapadāni. **Sāvatthiyam viharatīti** ettha **vīti** upasaggapadam, **haratīti** ākhyātapatadanti iminā tāva nayena padavibhāgo veditabbo.

Atthato pana **evam**saddo tāva upamūpadesa-sampahamṣana-garahaṇa-vacanasampaṭiggahākāranidassanāvadhāraṇādi-anekatthappabhedo. Tathā hesa-“evam jātena maccena, kattabbaṁ kusalam bahun”ti (dha. pa. 53) evamādīsu upamāyam āgato. “Evam te abhikkamitabbam, evam te paṭikkamitabban”ti-ādīsu (a. ni. 4.122) upadese. “Evametam bhagavā, evametam sugatā”ti-ādīsu (a. ni. 3.66) sampahamṣane. “Evamevam panāyam vasalī yasmiṁ vā tasmiṁ vā tassa muṇḍakassa samaṇakassa vaṇṇam bhāsatī”ti-ādīsu (sam. ni. 1.187) garahaṇe. “Evam, bhanteti kho te bhikkhū bhagavato paccassosun”ti-ādīsu (ma. ni. 1.1) vacanasa-mpaṭiggaha. “Evam byā kho aham, bhante, bhagavatā dhammam desitaṁ ājānāmī”ti-ādīsu (ma. ni. 1.398) ākāre (1.0004). “Ehi tvam māṇavaka, yena samaṇo ānando tenupasaṅkama; upasaṅkamitvā mama vacanena samaṇam ānandaṁ appābādham appātaṅkam lahuṭṭhānam balam phāsuvihāram puccha- ‘subho

māṇavo todeyyaputto bhavantam ānandaṁ appābādham appātañkam lahuṭṭhānam balam phāsuvihāram pucchatīti. Evañca vadehi- ‘sādhū kira bhavam ānando yena subhassa māṇavassa todeyyaputtassa nivesanam, tenupasañkamatu anukampam upādāyā’ti”ādīsu (dī. ni. 1.445) nidassane. “Tām kim maññatha kālāmā, ime dhammā kusalā vā akusalā vāti? Akusalā, bhante. Sāvajjā vā anavajjā vāti? Sāvajjā, bhante. Viññugarahitā vā viññuppasathā vāti? Viññugarahitā, bhante. Samattā samādinnā ahitāya dukkhāya saṃvattanti vā no vā, katham vo ettha hotīti? Samattā, bhante, samādinnā ahitāya dukkhāya saṃvattanti, evam no ettha hotīti-ādīsu (a. ni. 3.66) avadhāraṇe. Svāyamidha ākāranidassanāvadhāraṇesu datṭhabbo.

Tattha ākāratthena **evam**saddena etamattham dīpeti- nānānayanipuṇam anekajjhāsayasamuṭṭhānam atthabyañjanasampannam vividhapāṭihāriyam dhammatthesanā paṭivedhagambhīram sabbasattānam sakasakabhāsānurūpato sotopathamāgacchantam tassa bhagavato vacanam sabbappakārena ko samattho viññātum? Sabbathāmena pana sotukāmatam janetvāpi evam me sutam, mayāpi ekenākārena sutanti.

Nidassanatthena- “nāham sayambhū, na mayā idam sacchikatan”ti attānam parimocento- “evam me sutam, mayāpi evam sutan”ti idāni vattabbam sakalasuttam nidasseti.

Avadhāraṇatthena- “etadaggam, bhikkhave, mama sāvakānam bhikkhūnam bahussutānam yadidam ānando, gatimantānam, satimantānam, dhitimantānam, upaṭṭhākānam yadidam ānando”ti (a. ni. 1.220-223) evam bhagavatā- “āyasmā ānando atthakusalo dhammakusalo byañjanakusalo niruttikusalo pubbāparakusalo”ti (a. ni. 5.169) evam dhammasenāpatinā ca pasatthabhāvānurūpaṁ attano dhāraṇabalaṁ dassento sattānam sotukāmatam janeti- “evam me sutam, tañca kho atthato vā byañjanato vā anūnamanadhikam, evameva na aññathā datṭhabban”ti.

Mesaddo (1.0005) tīsu atthesu dissati. Tathā hissa- “gāthābhigītam me abhojaneyyan”ti-ādīsu (su. ni. 81) mayāti attho. “Sādhū me, bhante, bhagavā saṃkhitena dhammam desetū” ti-ādīsu (sam. ni. 4.88) mayhanti attho. “Dhammadāyādā me, bhikkhave, bhavathā”ti-ādīsu (ma. ni. 1.29) mamāti attho. Idha pana “mayā sutan”ti ca “mama sutan”ti ca atthadvaye yujjati.

Sutanti ayam **sutasaddo** sa-upasaggo anupasaggo ca gamana-vissuta-kilinna-upacitānuyoga-sotaviññeyya-sotadvārānusāraviññātādi-anekatthappabhedo. Tathā hissa- “senāya pasuto”ti-ādīsu gacchantoti attho. “Sutadhammassa passato”ti-ādīsu (udā. 11) vissutadhammassāti attho. “Avassutā avassutassā”ti-ādīsu (pāci. 657) kilinnākilinnassāti attho. “Tumhehi puññam pasutam anappakan”ti-ādīsu (khu. pā. 7.12) upacitanti attho. “Ye jhānapasutā dhīrā”ti-ādīsu (dha. pa. 181) jhānānuyuttāti attho. “Diṭṭham sutam mutan”ti-ādīsu (ma. ni. 1.241) sotaviññeyyanti attho. “Sutadharo sutasannicayo”ti-ādīsu (ma. ni. 1.339) sotadvārānusāraviññātadharoti attho. Idha panassa sotadvārānusārena upadhāritanti vā upadhāraṇanti vā attho. Me-saddassa hi mayāti atthe sati- “evam mayā sutam, sotadvārānu-

sārena upadhāritan”ti yujjati. Mamāti atthe sati- “evam mama sutam, sotadvārānu-sārena upadhāraṇan”ti yujjati.

Evametesu tīsu padesu **evanti** sotaviññāṇādiviññāṇakiccanidassanaṁ. **Meti** vuttaviññāṇasamaṇigipuggalanidassanaṁ. **Sutanti** assavanabhāvapaṭikkhepato anūnānadhiκāviparitaggahaṇanidassanaṁ. Tathā **evanti** tassa sotadvārānusārena pavattāya viññāṇavīthiyā nānappakārena ārammaṇe pavattibhāvappakāsanam. **Meti** attappakāsanam. **Sutanti** dhammappakāsanam. Ayañhettha saṅkhepo- “nānappakārena ārammaṇe pavattāya viññāṇavīthiyā mayā na aññam kataṁ, idam pana kataṁ, ayam dhammo suto”ti.

Tathā (1.0006) **evanti** niddisitabbappakāsanam. **Meti** puggalappakāsanam. **Sutanti** puggalakiccapakkāsanam. Idam vuttaṁ

hoti- “yam suttam niddisissami, tam maya evam sutan”ti.

Tathā **evanti** yassa cittasantānassa nānākārappavattiyā nānatthabyañjanaga-haṇam hoti, tassa nānākāraniddeso. **Evanti** hi ayam ākārapaññatti. **Meti** kattuniddeso. **Sutanti** visayaniddeso. Ettāvatā nānākārappavattena cittasantānena tamśamañgino kattuvisaye gahaṇasanniṭhānam kataṁ hoti.

Atha vā **evanti** puggalakiccaniddeso. **Sutanti** viññāṇakiccaniddeso. **Meti** ubhaya-kiccyuttapuggalaniddeso. Ayam panettha saṅkhepo- “maya savanakiccavīññāna-samañginā puggalena viññānavasena laddhasavanakiccavohārena sutan”ti.

Tattha **evanti** ca **meti** ca saccikaṭṭhaparamatthavasena avijjamānapaññatti. Kiñhettha tam paramatthato atthi, yam evanti vā meti vā niddesam labhetha. **Sutanti** vijjamānapaññatti. Yañhi tam ettha sotena upaladdham, tam paramatthato vijjamānanti. Tathā **evanti** ca **meti** ca tam tam upādāya vattabbato upādāpaññatti. **Sutanti** dīṭṭhādīni upanidhāya vattabbato upanidhāpaññatti.

Ettha ca **evanti** vacanena asammoham dīpeti. Na hi sammūlho nānappakārapati-vedhasamattho hoti. **Sutanti** vacanena sutassa asammosam dīpeti. Yassa hi sutam sammuṭṭham hoti, na so kālantarena maya sutanti paṭijānāti. Iccassa asammohena paññāsiddhi, asammosena pana satisiddhi. Tattha paññāpubbaṅgamāya satiyā byañjanāvadhāraṇasamatthatā, satipubbaṅgamāya paññāya attapati-vedhasamatthatā. Tadubhayasamatthatāyogena atthabyañjanasampannassa dhammakosassa anupālanasamatthato dhammabhaṇḍāgārikattasiddhi.

Aparo nayo- **evanti** vacanena yoniso manasikāram dīpeti, ayoniso manasikaroto hi nānappakārapati-vedhābhāvato. **Sutanti** vacanena avikkhepam dīpeti vikkhittacittassa savanābhāvato. Tathā hi vikkhittacitto puggalo sabbasampattiyā vuccamānopi “na maya sutam, puna (1.0007) bhaṇathā”ti bhanati. Yoniso manasikārena cettha attasammāpañidhim pubbe ca katapuññataṁ sādheti, sammā appañihitattassa pubbe akatapuññassa vā tadabhāvato. Avikkhepena saddhammassavanaṁ sappurisūpanissayañca sādheti. Na hi vikkhittacitto sotum sakkoti, na ca sappurise anupanissayamānassa savanam attīti.

Aparo nayo- yasmā “**evanti** yassa cittasantānassa nānākārappavattiyā nānatthabyañjanaggahaṇam hoti, tassa nānākāraniddeso”ti vuttam, so ca evam bhaddako ākāro na sammā appañihitattano pubbe akatapuññassa vā hoti, tasmā **evanti** iminā bhaddakena ākārena pacchimacakkadvayasampattimattano dīpeti. **Sutanti** savanayogena purimacakkadvayasampattim. Na hi appatirūpadese vasato sappurisūpanissayavirahitassa vā savanam atthi. Iccassa pacchimacakka-dvayasiddhiyā āsayasuddhi siddhā hoti, purimacakkadvayasiddhiyā payoga-suddhi, tāya ca āsayasuddhiyā adhigamabyattisiddhi, payogasuddhiyā āgamabyattisiddhi. Iti payogāsayasuddhassa āgamādhigamasampannassa vacanam aruṇugam viya sūriyassa udayato, yoniso manasikāro viya ca kusalakammassa, arahati bhagavato vacanassa pubbaṅgamam bhavitunti ṭhāne nidānam ṭhapento **evam me sutanti-ādimāha**.

Aparo nayo- **evanti** iminā nānappakārapati-vedhadīpakena vacanena attano attapaṭibhānapati-ambhidāsampattisabbhāvam dīpeti. **Sutanti** iminā sotabbabhe-

dapaṭivedhadīpakena dhammaniruttipaṭisambhidāsampattisabbhāvaṁ. **Evanti** ca idam yoniso manasikāradīpakavacanam bhāsamāno- “ete mayā dhammā manasānupekkhitā diṭṭhiyā suppaṭividdhā”ti dīpeti. **Sutanti** idam savanayogadīpakavacanam bhāsamāno- “bahū mayā dhammā sutā dhātā vacasā paricitā”ti dīpeti. Tadubhayenapi atthabyañjanapāripūriṁ dīpento savane ādaram janeti. Atthabyañjanaparipuṇṇañhi dhammam ādarena assuṇanto mahatā hitā paribāhiro hotīti ādaram janetvā sakkaccam dhammo sotabboti.

Evam (1.0008) **me sutanti** iminā pana sakalena vacanena āyasmā ānando tathāgatappaveditaṁ dhammaṁ attano adahanto asappurisabhūmim atikkamat, sāvakattam paṭijānanto sappurisabhūmim okkamat. Tathā asaddhammā cittam vutṭhāpeti, saddhamme cittam patiṭṭhāpeti. “Kevalam sutamevetam mayā, tasseva pana bhagavato vacanan”ti dīpento attānam parimoceti, satthāram apadisati, jinavacanam appeti, dhammanettim patiṭṭhāpeti.

Apica “evam me sutan”ti attanā uppāditabhāvaṁ appaṭijānanto purimavacanam vivaranto- “sammukhā paṭiggahitamidam mayā tassa bhagavato catuvesārajjavissāradassa dasabaladharassa āsabhaṭṭhānaṭṭhāyino sīhanādanādino sabbasuttamassa dhammissarassa dhammarājassa dhammādhipatino dhammadīpassa dhammasaraṇassa saddhammavaracakkavattino sammāsambuddhassa vacanam, na ettha atthe vā dhamme vā pade vā byañjane vā kaṅkhā vā vimati vā kattabbā”- ti sabbadevamanussānam imasmiṁ dhamme assaddhiyam vināseti, saddhāsampaṭadam uppādetīti. Tenetam vuccati-

“Vināsayati assaddhaṁ, saddhaṁ vadḍheti sāsane;
evam me sutamiccevam, vadam gotamasāvako”ti.

Ekanti gaṇanaparicchedaniddeso. **Samayanti** paricchinnaniddeso. **Ekaṁ samayanti** aniyamitaparidīpanam. Tattha **samaya**saddo-

“Samavāye khaṇe kāle, samūhe hetudiṭṭhisu;
paṭilābhe pahāne ca, paṭivedhe ca dissati”.

Tathā hissa “appeva nāma svepi upasaṅkameyyāma kālañca samayañca upādāyā”ti evamādīsu (dī. ni. 1.447) samavāyo attho. “Ekova kho, bhikkhave, khaṇo ca samayo ca brahmacariyavāsāyā”ti-ādīsu (a. ni. 8.29) khaṇo. “Uṇhasamayo pariṭṭhasamayo”ti-ādīsu (pāci. 358) kālo. “Mahāsamayo pavanasmī”ti-ādīsu (dī. ni. 2.332) samūho. “Samayopi kho te, bhaddāli, appaṭividdho ahosi, bhagavā kho sāvathiyam viharati, bhagavāpi maṁ jānissati- ‘bhaddāli, nāma bhikkhu satthusāsane sikkhāya aparipūrakāri’ti. Ayampi kho te (1.0009), bhaddāli, samayo appaṭividdho ahosi”ti-ādīsu (ma. ni. 2.135) hetu. “Tena kho pana samayena uggāhamāno paribbājako samaṇamuṇḍikāputto samayappavādake tindukācīre ekasālake mallikāya ārāme paṭivasatī”ti-ādīsu (ma. ni. 2.260) diṭṭhi.

“Diṭṭhe dhamme ca yo attho, yo cattho samparāyiko;
atthābhisaṁyā dhīro, paṇḍitoti pavuccati”ti.-

Ādīsu (sam. ni. 1.129) paṭilābho. “Sammā mānābhisaṁyā antamakāsi dukkha-ssā”ti-ādīsu (ma. ni. 1.28) pahānam. “Dukkhassa pīlanaṭṭho saṅkhataṭṭho santāpaṭṭho vipariṇāmatṭho abhisamayaṭṭho”ti-ādīsu (paṭi. ma. 2.8) paṭivedho. Idha

panassa kālo attho. Tena saṃvacchara-utu-māsaḍḍhamāsa-ratti-diva-pubbaṇha-majjhānhika-sāyanha-paṭhamamajjhimapacchimayāma-muhuttādīsu kālappabhedabhūtesu samayesu ekam samayanti dīpeti.

Tattha kiñcāpi etesu saṃvaccharādīsu samayesu yam yam suttam yasmiṃ yasmiṃ saṃvacchare utumhi māse pakkhe rattibhāge divasabhāge vā vuttaṃ, sabbam tam therassa suviditam suvavatthāpitam paññāya. Yasmā pana “evam me sutam asukasamvacchare asuka-utumhi asukamāse asukapakkhe asukarattibhāge asukadivasabhāge vā”ti evam vutte na sakkā sukhena dhāretum vā uddisitum vā uddisāpetum vā, bahu ca vattabbaṃ hoti, tasmā ekeneva padena tamattham samodhānetvā “ekam samayan”ti āha.

Ye vā ime gabbhokkantissamayo jātisamayo saṃvegasamayo abhinikkhamanasaṃmayo dukkarakārikasamayo māravijayasamayo abhisambodhisamayo dīṭhadhammasukhavihārasamayo desanāsamayo parinibbānasamayoti evamādayo bhagavato devamanussesu ativiya suppakāsā anekakālappabhedā eva samayā. Tesu samayesu desanāsamayasaṅkhātam ekam samayanti dīpeti. Yo cāyam nāṇakaruṇākiccasamayesu karuṇākiccasamayo, attahitaparahitapaṭipattisamayesu parahitapaṭipattisamayo (1.0010), sannipatitānam karaṇiyadvayasamayesu dhammikathāsamayo, desanāpaṭipattisamayesu desanāsamayo, tesupi samayesu aññataram sandhāya “ekam samayan”ti āha.

Kasmā panettha yathā abhidhamme “yasmiṃ samaye kāmāvacaran”ti ca ito aññesu suttapadesu “yasmiṃ samaye, bhikkhave, bhikkhu vivicceva kāmehī”ti ca bhummavacanena niddeso kato, vinaye ca “tena samayena buddho bhagavā”ti karaṇavacanena, tathā akatvā “ekam samayan”ti upayogavacanena niddeso katoti. Tattha tathā, idha ca aññathā atthasambhavato. Tattha hi abhidhamme ito aññesu suttapadesu ca adhikaraṇattho bhāvenabhāvalakkhaṇattho ca sambhavati. Adhikaraṇāhi kālattho samūhattho ca samayo, tattha vuttānam phassādiddhammānam khaṇasamavāyahetusāṅkhātassa ca samayassa bhāvena tesam bhāvo lakkhiyati. Tasmā tadatthajotanattham tattha bhummavacananiddeso kato.

Vinaye ca hetu-attho karaṇattho ca sambhavati. Yo hi so sikkhāpadapaññattisamayo sāriputtādīhipi dubbiññeyyo, tena samayena hetubhūtena karaṇabhūtena ca sikkhāpadāni paññāpayanto sikkhāpadapaññattihetuñca apekkhamāno bhagavā tattha tattha vihāsi. Tasmā tadatthajotanattham tattha karaṇavacanena niddeso kato.

Idha pana aññasmiṃ ca evamjātike accantasaṃyogattho sambhavati. Yañhi samayaṃ bhagavā imam añnam vā suttantaṃ desesi, accantameva tam samayaṃ karuṇāvihārena vihāsi. Tasmā tadatthajotanattham idha upayogavacananiddeso katoti.

Tenetaṃ vuccati-

“Tam tam athamaapekkhitvā, bhummena karaṇena ca;
aññatra samayo vutto, upayogena so idhā”ti.

Porāṇā pana vaṇṇayanti- “tasmiṃ samaye”ti vā “tena samayenā”ti vā “ekam samayan”ti vā abhilāpamattabhedo esa, sabbattha bummameva (1.0011) atthoti.

Tasmā “ekam̄ samayan”ti vuttepi “ekasmim̄ samaye”ti attho veditabbo.

Bhagavāti garu. Garum̄ hi loke “bhagavā”ti vadanti. Ayañca sabbaguṇavisiṭṭha-tāya sabbasattānam̄ garu, tasmā “bhagavā”ti veditabbo. Porāṇehipi vutta-

“Bhagavāti vacanam̄ setṭham̄, bhagavāti vacanamuttamam̄;

garu gāravayutto so, bhagavā tena vuccati”ti. (visuddhi. 1.142);

Apica-

“Bhagyavā bhaggavā yutto, bhagehi ca vibhattavā;

bhattavā vantagamano, bhavesu bhagavā tato”ti.-

Imissā gāthāya vasenassa padassa vitthārato attho veditabbo. So ca **visuddhi-magge** (visuddhi. 1.144) buddhānussatiniddese vuttoyeva.

Ettāvatā cettha **evam me sutanti** vacanena yathāsutam dhammam dassento bhagavato dhammasarīram paccakkham karoti. Tena “nayidam atikkantasa-tthukam pāvacanam, ayam vo satthā”ti satthu adassanena ukkaṇṭhitam janam samassāseti. **Ekaṁ samayaṁ bhagavāti** vacanena tasmīm samaye bhagavato avijjamānabhāvam dassento rūpakāyaparinibbānam sādheti. Tena “evamvi-dhassa nāma ariyadhammassa desako dasabaladharo vajirasāṅghātasamāna-kāyo sopi bhagavā parinibbuto, kena aññena jīvite āsā janetabbā”ti jīvitamada-mattam janam samvejeti, saddhamme cassa ussāham janeti. **Evanti ca bhaṇanto desanāsampattim niddisati. Me sutanti** sāvakasampattim. **Ekaṁ samayanti** kālasa-mpattim. **Bhagavāti** desakasampattim.

Sāvatthiyanti evamnāmake nagare. Samīpatthe cetam bhummavacanam. **Vihara-**tīti avisesena iriyāpathadibbabrahma-ariyavihāresu aññataravihārasamaṅgiparidī-panametam. Idha pana ṭhānagamananisajjāsayanappabhedesu iriyāpathesu aññatara-iriyāpathasamāyogaparidīpanam (1.0012), tena ṭhitopi gacchantopi nisi-nnopi sayānopi bhagavā viharaticceva veditabbo. So hi ekaṁ iriyāpathabādhanam aññena iriyāpathena vicchinditvā aparipatantam attabhāvam harati pavatteti, tasmā “viharatī”ti vuccati.

Jetavaneti jetassa rājakumārassa vane. Tañhi tena ropitam samvadḍhitam paripālitam ahosi, tasmā “jetavanā”ti saṅkham gataṁ. Tasmīm jetavane. **Anātha-piṇḍikassa ārāmeti** anāthapiṇḍikena gahapatinā catupaññāsahiraññakoṭipariccā-gena buddhappamukhassa bhikkhusāṅghassa niyyātitattā “anāthapiṇḍikassa ārāmo”ti saṅkham gate ārāme. Ayamettha saṅkhepo, vitthāro pana papañcasūdaniyā majjhimaṭṭhakathāya sabbāsavasuttavaṇṇanāyam (ma. ni. aṭṭha. 1.14) vutto.

Tattha siyā- yadi tāva bhagavā sāvatthiyam viharati, “jetavane”ti na vattabbam. Atha tattha viharati, “sāvatthiyan”ti na vattabbam. Na hi sakkā ubhayattha ekaṁ samayaṁ viharitunti. Na kho panetam evam daṭṭhabbam.

Nanu avocumha “samīpatthe bhummavacanan”ti. Tasmā yathā gaṅgāyamunā-dinam samīpe goyūthāni carantāni “gaṅgāyam caranti, yamunāyam caranti”ti vuccati, evamidhāpi yadidam sāvatthiyā samīpe jetavanam, tattha viharanto vuccati “sāvatthiyam viharati jetavane”ti. Gocaragāmanidassanattham hissa sāva-thivacanam, pabbajitānurūpanivāsaṭṭhānanidassanattham sesavacanam.

Aññatarā devatāti nāmagottavasena apākaṭā ekā devatāti attho. “Abhijānāti no, bhante, bhagavā ahu nātaññatarassa mahesakkhassa yakkhassa samkhittena taṇhāsaṅkhayavimuttim bhāsitā”ti ettha pana abhiññāto sakkopi devarājā “aññataro”ti vutto. “Devatā”ti ca idam devānampi devadhītānampi sādhāraṇavacanam. Imasmiṁ panatthe devo adhippeto, so ca kho rūpāvacarānam devānam aññataro.

Abhikkantāya rattiyāti ettha abhikkanta-saddo khayasundarābhīrūpa-abbhānu-modanādīsu dissati. Tattha “abhikkantā, bhante, ratti, nikkhanto paṭhamo yāmo (1.00 ciranisinno bhikkhusāṅgo, uddisatu, bhante, bhagavā bhikkhūnam pātimokkhan”-ti evamādīsu (a. ni. 8.20; cūlava. 383) khaye dissati. “Ayam imesam catunnam puggalānam abhikkantataro ca paṇītataro cā”ti evamādīsu (a. ni. 4.100) sundare.

“Ko me vandati pādāni, iddhiyā yasasā jalām;

abhikkantena vaṇṇena, sabbā obhāsayam disā”ti.-

Evamādīsu (vi. va. 857) abhirūpe. “Abhikkantam bho gotama, abhikkantam bho gotamā”ti evamādīsu (pārā. 15) abbhānumodane. Idha pana khaye. Tena abhikkantāya rattiyā, parikkhīnāya rattiyāti vuttam hoti. Tatthāyam devaputto majhimayāmasamanantare āgatoti veditabbo. Niyāmo hi kiresa devatānam yadidam buddhānam vā buddhasāvakānam vā upaṭṭhānam āgacchantā majhimayāmasamanantareyeva āgacchanti.

Abhikkantavaṇṇāti idha **abhikkanta**-saddo abhirūpe, **vaṇṇa**-saddo pana chavithuti-kulavagga-kāraṇa-saṇṭhānappamāṇa-rūpāyatānādīsu dissati. Tattha “suvaṇṇavāṇṇosi bhagavā”ti evamādīsu (su. ni. 553) chavyā. “Kadā saññūlhā pana te, gahapati, ime samaṇassa vaṇṇā”ti evamādīsu (ma. ni. 2.77) thutiyam. “Cattārome, bho gotama, vaṇṇā”ti evamādīsu (dī. ni. 3.115) kulavagge. “Atha kena nu vaṇṇena, gandhathenoti vuccatī”ti evamādīsu (saṁ. ni. 1.234) kāraṇe. “Mahantam hatthirājavaṇṇam abhinimminitvā”ti evamādīsu (saṁ. ni. 1.138) saṇṭhāne. “Tayo pattassa vaṇṇā”ti evamādīsu (pārā. 602) pamāṇe. “Vaṇṇo gandho raso ojā”ti evamādīsu rūpāyatane. So idha chavyā daṭṭhabbo. Tena abhikkantavaṇṇā abhirūpacchavi, iṭṭhavaṇṇā manāpavanṇāti vuttam hoti. Devatā hi manussalokam āgacchamānā pakativanṇam pakati-iddhiṃ jahitvā olārikam attabhāvam katvā atirekavaṇṇam atireka-iddhiṃ māpetvā naṭasamajjādīni gacchantā manussā viya abhisāṅkhatena kāyena āgacchanti. Tattha kāmāvacarā anabhisāṅkhatenapi āgantuṃ sakkonti, rūpāvacarā pana na (1.0014) sakkonti. Tesañhi atisukhumo attabhāvo, na tena iriyāpathakappanam hoti. Tasmā ayam devaputto abhisāṅkhateneva āgato. Tena vuttam “abhikkantavaṇṇā”ti.

Kevalakappanti ettha **kevala**-saddo anavasesa-yebhuyyābyāmissānatirekadaḥatthavisamyogādi-anekattho. Tathā hissa “kevalaparipuṇṇam parisuddham brahmacariyan”ti evamādīsu (pārā. 1) anavasesatthamattho. “Kevalakappā ca aṅgamagadhā pahūtam khādanīyabhojanīyam ādāya upasaṅkamissantī”ti evamādīsu (mahāva. 43) yebhuyyatā. “Kevalassa dukkhakkhandhassa samudayo hotī”ti evamādīsu (vibha. 225) abyāmissatā. “Kevalam saddhāmattakam nūna ayamāyasmā”ti evamādīsu (mahāva. 244) anatirekatā. “Āyasmato, bhante, anuruddhassa bāhiyo nāma saddhivihāriko kevalakappam saṅghabhedāya ṭhito”ti evamādīsu (a. ni. 4.243) daṭṭhatthatā. “Kevalī vusitavā uttamapurisoti vuccatī”ti evamādīsu (saṁ. ni. 3.57) visamyo go attho. Idha panassa anavasesattho adhippeto.

Kappa-saddo panāyaṃ abhisaddahana-vohāra-kāla-paññatti-chedana-vikappa-lesasamantabhāvādi-anekattho. Tathā hissa “okappaniyametam bhotō gotamassa, yathā tam arahato sammāsambuddhassā”ti evamādīsu (ma. ni. 1.387) abhisaddahanamattho. “Anujānāmi, bhikkhave, pañcahi samaṇakappehi phalam paribhuñjitun”ti evamādīsu (cūlava. 250) vohāro. “Yena sudaṃ niccakappam viharāmī”ti evamādīsu (ma. ni. 1.387) kālo. “Iccāyasmā kappo”ti evamādīsu paññatti. “Alaṅkato kappitakesamassū”ti evamādīsu (vi. va. 1094, 1101) chedanam. “Kappati dvaṅgulakappo”ti evamādīsu (cūlava. 446) vikappo. “Ātthi kappo nipajjitu”ti evamādīsu (a. ni. 8.80) leso. “Kevalakappam veļuvanam obhāsetvā”ti evamā-

dīsu (sam. ni. 1.94) samantabhāvo. Idha panassa samantabhāvattho adhippeto. Tasmā **kevalakappam** jetavananti ettha “anavasesam samantato jetavanant”ti evamattho daṭṭhabbo.

Obhāsetvāti (1.0015) vatthālaṅkārasarīrasamuṭṭhitāya ābhāya pharitvā, candimā viya sūriyo viya ca ekobhāsaṁ ekapajjotaṁ karitvāti attho.

Yenāti bhummatthe karaṇavacanam. **Yena bhagavā tenupasaṅkamīti** tasmā “yattha bhagavā, tattha upasaṅkamīti evamettha attho daṭṭhabbo. Yena vā kāraṇena bhagavā devamanussehi upasaṅkamitabbo, tena kāraṇena upasaṅkamīti evamettha attho daṭṭhabbo. Kena ca kāraṇena bhagavā upasaṅkamitabbo? Nānappakāraguṇavisesādhigamādhippāyena, sādupalūpabhogādhippāyena dijagānehi niccaphalitamahārukko viya. **Upasaṅkamīti** ca gatāti vuttam hoti. **Upasaṅkamītivāti** upasaṅkamanapariyosānadīpanam. Atha vā evam gatā tato āsannataram thānam bhagavato samipasaṅkhātam gantvātipi vuttam hoti.

Idāni yenatthena loke aggapuggalassa upaṭṭhānam āgatā, tam pucchitukāmā dasanakhasamodhānasamujjalam añjulim sirasi patiṭṭhapetvā ekamantaṁ atṭhāsi. **Ekamantanti** bhāvanapumṣakaniddeso- “visamam candimasūriyā parivattanti”ti-ādīsu (a. ni. 4.70) viya. Tasmā yathā ṭhitā ekamantaṁ ṭhitā hoti, tathā atṭhāsīti evamettha attho daṭṭhabbo. Bhummatthe vā etam upayogavacanam. **Atṭhāsīti** thānam kappesi. Paṇḍitā hi devamanussā garuṭṭhāniyam upasaṅkamitvā āsanakusalatāya ekamantaṁ tiṭṭhanti, ayañca devo tesam aññataro, tasmā ekamantaṁ atṭhāsi.

Kathaṁ ṭhito pana ekamantaṁ ṭhito hotīti? Cha thānadose vajjetvā. Seyyathidam- atidūram, accāsannam, uparivātam, unnatappadesam, atisammukham, atipacchāti. Atidūre ṭhito hi sacce kathetukāmo hoti, uccāsaddena kathetabbam hoti. Accāsanne ṭhito saṅghaṭanam karoti. Uparivāte ṭhito sarīragandhena bādhati. Unnatappadese ṭhito agāravam pakāseti. Atisammukhā ṭhito sacce daṭṭhukāmo hoti, cakkhunā cakkhum āhacca daṭṭhabbam hoti. Atipacchā ṭhito sacce daṭṭhukāmo hoti, gīvam passāretvā daṭṭhabbam hoti. Tasmā ayampi ete cha thānadose vajjetvā atṭhāsi. Tena vuttam “ekamantaṁ atṭhāsī”ti.

Etadavocāti (1.0016) etam avoca. **Katham nūti kāraṇapucchā.** Bhagavato hi tiṇṇoghabhāvo dasasahassilokadhātuyā pākaṭo, tenimissā devatāya tattha kaṅkhā natthi, iminā pana kāraṇena “tiṇṇo”ti na jānāti, tena sā tam kāraṇam pucchamānā evamāha.

Mārisāti devatānam piyasamudācāravacanametam. Niddukkhāti vuttam hoti. Yadi evam “yadā kho te, mārisa, saṅkunā saṅku hadaye samāgaccheyya, atha nam tvam jāneyyāsi ‘vassasahassam me niraye paccamānassā’”ti (ma. ni. 1.512) idam virujjhati. Na hi nerayikasatto niddukkho nāma hoti. Kiñcāpi na niddukkho, ruḥīsaddena pana evam vuccati. Pubbe kira paṭhamakappikānam niddukkhānam sukhasamappitānam esa vohāro, aparabhāge dukkham hotu vā mā vā, ruḥīsaddena ayam vohāro vuccateva nippadumāpi nirudakāpi vā pokkharaṇī pokkharanī viya.

Oghamatarīti ettha cattāro oghā, kāmogho bhavogho diṭṭhogho avijjoghoti.

Tattha pañcasu kāmaguṇesu chandarāgo kāmogho nāma. Rūpārūpabhavesu chandarāgo jhānanikanti ca bhavogho nāma. Dvāsatṭhi diṭṭhiyo diṭṭhogho nāma. Catūsu succesu aññānam avijjogho nāma. Tattha kāmogho aṭṭhasu lobhasahagatesu cittuppādesu uppajjati, bhavogho catūsu diṭṭhigatavippayuttalobhasahagatesu cittuppādesu uppajjati, diṭṭhogho catūsu diṭṭhigatasampayuttesu cittuppādesu uppajjati, avijjogho sabbākusalesu uppajjati.

Sabbopi cesa avahananaṭṭhena rāsaṭṭhena ca oghoti veditabbo. **Avahananaṭṭhenāti** adhogamanaṭṭhena. Ayañhi attano vasam gate satte adho gameti, nirayādi-bhedāya duggatiyamyeva nibbatteti, uparibhāvam vā nibbānam gantum adento adho tīsu bhavesu catūsu yonīsu pañcasu gatīsu sattasu viññānaṭṭhitīsu navasu sattāvāsesu ca gametītipi attho. **Rāsaṭṭhenāti** mahantaṭṭhena. Mahā heso kilesarāsi avicito paṭṭhāya yāva bhavaggā patthaṭo, yadidam pañcasu kāmaguṇesu chandarāgo nāma. Sesesupi eseva nayo. Evamayam rāsaṭṭhenāpi oghoti (1.0017) veditabbo. **Atarīti** imam catubbidhampi ogham kena nu tvam, mārisa, kāraṇena tiṇṇoti pucchatī.

Athassā bhagavā pañham vissajjento **appatiṭṭham khvāhanti-ādimāha**. Tattha **appatiṭṭhanti** appatiṭṭhahanto. **Anāyūhanti** anāyūhanto, avāyamantoti attho. Iti bhagavā

gūlham paṭicchannam katvā pañham kathesi. Devatāpi nam sutvā “bāhirakam tāva ogham tarantā nāma ṭhātabbatthāne tiṭṭhantā taritabbatthāne āyūhantā taranti, ayam pana avīcito yāva bhavaggā patthaṭam kilesogham kilesarāsim appatiṭṭhahanto anāyūhanto atarinti āha. Kim nu kho etam? Katham nu kho etan”ti? Vimatim pakkhantā pañhassa attham na aññāsi.

Kim pana bhagavatā yathā sattā na jānanti, evam kathanatthāya pāramiyo pūretvā sabbaññutā paṭividdhāti? Na etadatthāya paṭividdhā. Dve pana bhagavato desanā niggahamukhena ca anuggahamukhena ca. Tattha ye paṇḍitamā-nino honti aññātepi ñātasaññino pañcasatā brāhmaṇapabbajitā viya, tesam māna-niggahattham yathā na jānanti, evam mūlapariyāyādisadisam dhammam deseti. Ayam niggahamukhena desanā. Vuttampi cetam “niggayha niggayhāham, ānanda, vakkhāmi, pavayha pavayha, ānanda, vakkhāmi, yo sāro, so ṭhassati”ti (ma. ni. 3.196). Ye pana ujukā sikkhākāmā, tesam suviññeyyam katvā ākaṇkheyyasuttādisadisam dhammam deseti, “abhirama, tissa, abhirama, tissa, ahamovā-dena ahamanuggahena ahamanusāsaniyā”ti (sam. ni. 3.84) ca ne samassāseti. Ayam anuggahamukhena desanā.

Ayam pana devaputto mānatthaddho paṇḍitamānī, evam kirassa ahosi-aham ogham jānāmi, tathāgatassa oghatiṇṇabhāvam jānāmi, “iminā pana kāraṇena tiṇṇo”ti ettakamattam na jānāmi. Iti mayham ñātameva bahu, appam aññātam, tamahaṁ kathitamattameva jānissāmi. Kiñhi nāma tam bhagavā vadeyya, yassāham attham na jāneyyanti. Atha satthā “ayam kiliṭṭhavattham viya (1.0018) raṅgajātam abhabbo imam mānam appahāya desanam sampaṭicchitum, mānani-ggaham tāvassa katvā puna nīcacittena pucchantassa pakāsessāmī”ti paṭi-cchannam katvā pañham kathesi. Sopi nihatamāno ahosi, sā cassa nihatamānatā uttaripañhapucchaneneva veditabbā. Tassa pana pañhapucchanassa ayamattho-katham pana tvam, mārisa, appatiṭṭham anāyūham oghamatari, yathāham jānāmi, evam me kathehīti.

Athassa bhagavā kathento **yadāsvāhanti-ādimāha**. Tattha **yadā svāhanti** yasmim kāle aham. Sukāro nipātamattam. Yathā ca ettha, evam sabbapadesu. **Saṃśidāmīti** paṭicchannam katvā ataranto tattheva osidāmi. **Nibbuvhāmīti** ṭhātum asakkonto ativattāmi. Iti ṭhāne ca vāyāme ca dosam disvā atiṭṭhanto avāyamanto oghamatarinti evam bhagavatā pañho kathito. Devatāyapi paṭividdhho, na pana pākaṭo, tassa pākaṭikaraṇattham satta dukā dassitā. Kilesavasena hi santiṭṭhanto saṃśidati nāma, abhisāṅkhāravasena āyūhanto nibbuvhati nāma. Taṇhādiṭṭhīhi vā santiṭṭhanto saṃśidati nāma, avasesakilesānañceva abhisāṅkhārānañca vasena āyūhanto nibbuvhati nāma. Taṇhāvasena vā santiṭṭhanto saṃśidati nāma, diṭṭhivasena āyūhanto nibbuvhati nāma. Sassatadiṭṭhiyā vā santiṭṭhanto saṃśidati nāma, ucchedadiṭṭhiyā āyūhanto nibbuvhati nāma. Olīyanābhinivesā hi bhava-diṭṭhi, atidhāvanābhinivesā vibhavadīṭṭhi. Līnavasena vā santiṭṭhanto saṃśidati nāma, uddhaccavasena āyūhanto nibbuvhati nāma. Tathā kāmasukhallikānuyoga-vasena santiṭṭhanto saṃśidati nāma, attakilamathānuyogavasena āyūhanto nibbuvhati nāma. Sabbākusulābhisaṅkhāravasena santiṭṭhanto saṃśidati nāma, sabba-

lokiyakusalābhisaṅkhāravasena āyūhanto nibbuhati nāma. Vuttampi cetam—“seyyathāpi, cunda, ye keci akusalā dhammā, sabbe te adhobhāgaṅgamanīyā, ye keci kusalā dhammā, sabbe te uparibhāgaṅgamanīyā”ti (ma. ni. 1.86).

Imam pañhavissajjanam sutvāva devatā sotāpattiphale patiṭṭhāya tuṭṭhā pasannā attano tuṭṭhiñca pasādañca pakāsayantī **cirassam** vatāti gāthamāha. Tattha **cirassanti** cirassa kālassa accayenāti attho. Ayam (1.0019) kira devatā kassapasammāsambuddham disvā tassa parinibbānato paṭṭhāya antarā aññam buddham na diṭṭhapubbā, tasmā aija bhagavantam disvā evamāha. Kim panimāya devatāya ito pubbe satthā na diṭṭhapubboti. Diṭṭhapubbo vā hotu adiṭṭhapubbo vā, dassanam upādāya evam vattum vaṭṭati. **Brāhmaṇanti** bāhitapāpam khīñāsavabrāhmaṇam. **Parinibbutanti** kilesanibbānena nibbutam. **Loketi** sattaloke. **Visattikanti** rūpādīsu ārammaṇesu āsattavisattatādīhi kāraṇehi visattikā vuccati taṇhā, tam visattikam appatiṭṭhamānam anāyūhamānam tiṇṇam nittiṇṇam uttiṇṇam cirassam vata khīñāsavabrāhmaṇam passāmīti attho.

Samanuñño satthā ahosīti tassā devatāya vacanam citteneva samanumodi, ekajjhāsayo ahosi. **Antaradhāyī** Ti abhisāṅkhatakāyam jahitvā attano pakati-upādi-ṇṇakakāyasmīmyeva ṭhatvā laddhāsā laddhapatīṭṭhā hutvā dasabalam gandhehi ca mālehi ca pūjetvā attano bhavanamyeva agamāsīti.

Oghataraṇasuttavaṇṇanā niṭṭhitā.

2. Nimokkhasuttavaṇṇanā

2. Idāni dutiyasuttato paṭṭhāya paṭhamamāgatañca uttānatthañca pahāya yam yam anuttānam, tam tadeva vaṇṇayissāma. **Jānāsi** noti jānāsi nu. **Nimokkhanti**-ā-dīni maggādīnam nāmāni. Maggena hi sattā kilesabandhanato nimuccanti, tasmā maggo sattānam **nimokkhoti** vutto. Phalakkhaṇe pana te kilesabandhanato pamuttā, tasmā phalam sattānam **pamokkhoti** vuttam. Nibbānam patvā sattānam sabbadukkham viviccati, tasmā nibbānam **vivekoti** vuttam. Sabbāni vā etāni nibbānasseva nāmāni. Nibbānañhi patvā sattā sabbadukkhato nimuccanti pamuccanti viviccati, tasmā tadeva “nimokkho pamokkho viveko”ti vuttam. **Jānāmi khvāhanti** jānāmi kho aham. Avadhāraṇattho khokāro (1.0020). Aham jānāmiyeva. Sattānam nimokkhādijānanatthameva hi mayā samatiṁsa pāramiyo pūretvā sabbaññutaññānam paṭividdhanti sīhanādam nadati. Buddhasīhanādam nāma kira etam suttam.

Nandībhavaparikkhayā Ti nandīmūlakassa kammabhavassa parikkhayena. Nandiyā ca bhavassa cātipi vaṭṭati. Tattha hi purimanaye nandībhavena tividhakammābhisaṅkhāravasena saṅkhārakkhandho gahito, saññāviññāṇehi taṁsampa-yuttā ca dve khandhā. Tehi pana tīhi khandhehi sampayuttā vedanā tesam gahaṇena gahitāvāti anupādiṇṇakānam catunnam arūpakkhandhānam appavattivasa sa-upādisesam nibbānam kathitam hoti. **Vedanānam nirodhā upasamāti** upā-

dīṇakavedanānam nirodhena ca upasamena ca. Tattha vedanāgahaṇena tamṣa-
mpayuttā tayo khandhā gahitāva honti, tesam vatthārammaṇavasena rūpakkha-
ndhopi. Evam imesam upādīṇakānam pañcannam khandhānam appavattiva-
senā anupādisesam nibbānam kathitam hoti. Dutiyanye pana nandiggahaṇena
saṅkhārakkhandho gahito, bhavaggahaṇena upapattibhavasaṅkhāto rūpa-
kkhandho, saññādīhi sarūpeneva tayo khandhā. Evam imesam pañcannam
khandhānam appavattivasena nibbānam kathitam hotīti veditabbam. Imameva ca
nayam catunikāyikabhaṇḍikatthero rocti. Iti nibbānavaseneva bhagavā desanam
niṭṭhāpesīti.

Nimokkhasuttavaṇṇanā niṭṭhitā.

3. Upanīyasuttavaṇṇanā

3. Tatiye **upanīyatīti** parikkhīyati nirujjhati, upagacchati vā, anupubbena maraṇam upetīti attho. Yathā vā gopālena gogaṇo niyati, evam jarāya maraṇasantikam upanīyatīti attho. **Jīvitanti** jīvitindriyam. **Appanti** parittam thokam. Tassa dvīhākārehi parittatā veditabbā sarasaparittatāya ca khaṇaparittatāya ca. Sarasaparittatāyapi hi “yo, bhikkhave, ciram jīvati, so vassasataṁ appam vā bhiyyo”ti (dī. ni. 2.7; sam. ni. 2.143) vacanato parittam. Khaṇaparittatāyapi. Paramathato hi atiparitto sattānam jīvitakkhaṇo ekacittappavattimattoyeva (1.0021). Yathā nāma rathacakkam pavattamānampi ekeneva nemippadesena pavattati, tiṭṭhamānampi ekeneva tiṭṭhati, evamevam ekacittakkhaṇikam sattānam jīvitam, tasmīm citte niruddhamatte satto niruddhoti vuccati. Yathāha- atīte cittakkhaṇe jīvittha na jīvati na jīvissati, anāgate cittakkhaṇe jīvissati na jīvati na jīvittha, paccuppanne cittakkhaṇe jīvati na jīvittha.

“Jīvitam attabhāvo ca, sukhadukkhā ca kevalā;
ekacittasamāyuttā, lahuso vattate khaṇo.

“Ye niruddhā marantassa, tiṭṭhamānassa vā idha;
sabbepi sadisā khandhā, gatā appaṭisandhikā.

“Anibbattena na jāto, paccuppanna jīvati;
cittabhaṇgā mato loko, paññatti paramatthiyā”ti. (mahāni. 10);

Jarūpanītassāti jaram upagatassa, jarāya vā maraṇasantikam upanītassa. **Na santi tāṇāti** tāṇam leṇam saraṇam bhavitum samatthā nāma keci natthi. **Etam bhayanti** etam jīvitindriyassa maraṇūpagamanam, āyuparittatā, jarūpanītassa tāṇābhāvoti tividham bhayam bhayavatthu bhayakāraṇanti attho. **Puññāni kayirātha sukhāvahānīti** viññū puriso sukhāvahāni sukhadāyakāni puññāni kareyya. Iti devatā rūpāvacarajjhānam sandhāya pubbacetanam aparacetanam muñcaceta-nañca gahetvā bahuvacanavasena “puññānī”ti āha. Jhānassādam jhānanikantim jhānasukhañca gahetvā “sukhāvahānī”ti āha. Tassā kira devatāya sayam dīghāyukatṭhāne brahmañloke nibbattattā heṭṭhā kāmāvacaradevesu parittāyukatṭhāne

cavamāne upapajjamāne ca thullaphusitake vuṭṭhipātasadise satte disvā etada-hosi “ahovatime sattā jhānam bhāvetvā aparihīnajjhānā kālam katvā brahmaloke ekakappa-dvekappa-catukappa-aṭṭhakappa-solasa kappa-dvattiṁsakappa-catusa-tṭhikappappamāṇam addhānam tiṭṭheyun”ti. Tasmā evamāha.

Atha bhagavā- “ayam devatā aniyānikam vaṭṭakatham katheti”ti vivaṭṭamassā dassento dutiyam gāthamāha. Tattha **lokāmisanti** dve lokāmisā (1.0022) pariyā-yena ca nippariyāyena ca. Pariyāyena tebhūmakavaṭṭam lokāmisam, nippariyā-yena cattāro paccayā. Idha pariyāyalokāmisam adhippetam. Nippariyāyalokāmi-sampi vaṭṭatiyeva. **Santipekkhoti** nibbānasāṅkhātam accantasantim pekkhanto icchanto pathayantoti.

Upanīyasuttavaṇṇanā niṭṭhitā.

4. Accentisuttavaṇṇanā

4. Catutthe **accentīti** atikkamanti. **Kālāti** purebhattādayo kālā. **Tarayanti rattiyoti** rattiyō atikkamamānā puggalam maraṇūpagamanāya tarayanti sīgham sīgham gamayanti. **Vayoguṇāti** paṭhamamajjhimapacchimavayānam gunā, rāsayoti attho. “Anujānāmi, bhikkhave, ahatānam vatthānam diguṇam saṅghāṭin”ti (mahāva. 348) ettha hi paṭalaṭṭho gunaṭṭho. “Sataguṇā dakkhinā pāṭikaṅkhitabbā”ti (ma. ni. 3.379) ettha ānisamṣaṭṭho. “Antam antaguṇan”ti ettha koṭṭhāsaṭṭho. “Kayirā mālāguṇe bahū”ti (dha. pa. 53) ettha rāsaṭṭho. “Pañca kāmaguṇā”ti ettha bandhanāṭṭho. Idha pana rāsaṭṭho gunaṭṭho. Tasmā **vayoguṇāti** vayorāsayo veditabbā. **Anupubbam Jahantīti** anupaṭipāṭiyā puggalam jahanti. Majjhimavaye ṭhitam hi paṭhamavayo jahati, pacchimavaye ṭhitam dve paṭhamamajjhimā jahanti, maraṇakkhaṇe pana tayopi vayā jahanteva. **Etam bhayanti** etam kālānam atikkamanam, rattidivānam taritabhāvo, vayoguṇānam jahanabhāvoti tividham bhayaṁ. Sesam purimasadisamevāti.

Accentisuttavaṇṇanā niṭṭhitā.

5. Katichindasuttavaṇṇanā

5. Pañcame (1.0023) **kati chindeti** chindanto kati chindeyya. Sesapadesupi eseva nayo. Ettha ca “chinde jahe”ti atthato ekaṁ. Gāthābandhassa pana mattha-bhāvattham ayam devatā saddapunaruttiṁ vajjayantī evamāha. **Kati saṅgātigoti** kati saṅge atigato, atikkantoti attho. Saṅgātikotipī pāṭho, ayameva attho. **Pañca chindeti** chindanto pañca orambhāgiyasamyojanāni chindeyya. **Pañca jahe** Ti jahanto pañcuddhambhāgiyasamyojanāni jaheyya. Idhāpi chindanañca jaha-nañca atthato ekameva, bhagavā pana devatāya āropitavacanānurūpeneva evamāha. Atha vā pādesu baddhapāsasakuṇo viya pañcorambhāgiyasamyojanāni heṭṭhā ākaddhamānākārāni honti, tāni anāgāmimaggena chindeyyāti vadati. Hatthehi gahitarukkhasākhā viya pañcuddhambhāgiyasamyojanāni upari ākaddhamānākārāni honti, tāni arahattamaggena jaheyyāti vadati. **Pañca cuttari bhāvayeti** etesam samyojanānam chindanatthāya ceva pahānatthāya ca uttari atirekam visesam bhāvento saddhāpañcamāni indriyāni bhāveyyāti attho. **Pañca saṅgātigoti** rāgasāṅgo dosasāṅgo mohasaṅgo mānasāṅgo diṭṭhisāṅgoti ime pañca saṅge atikkanto. **Oghatiṇḍoti** **vuccatīti** caturoghatiṇḍoti kathiyati. Imāya pana gāthāya pañcindriyāni lokiyalokuttarāni kathitānīti.

Katichindasuttavaṇṇanā niṭṭhitā.

6. Jāgarasuttavaṇṇanā

6. Chatthe **jāgaratanti** jāgarantānam. **Pañca jāgaratanti** vissajjanagāthāyam pana saddhādīsu pañcasu indriyesu jāgarantesu pañca nīvaraṇā suttā nāma. Kasmā? Yasmā taṁsamaṅgīpuggalo yattha katthaci nisinno vā ṭhito vā aruṇam uṭṭhapentopi pamādatāya akusalasamaṅgitāya sutto nāma hoti. Evam suttesu pañcasu nīvaraṇesu pañcindriyāni jāgarāni nāma. Kasmā (1.0024)? Yasmā taṁsamaṅgīpuggalo yattha katthaci nipajjītvā niddāyantopi appamādatāya kusala-samaṅgitāya jāgaro nāma hoti. Pañcahi pana nīvaraṇehева kilesarajam ādiyati gaṇhāti parāmasati. Purimā hi kāmacchandādayo pacchimānam paccayā hontīti pañcahi indriyehi parisujjhātīti ayamattho veditabbo. Idhāpi pañcindriyāni lokiyalokuttarāneva kathitānīti.

Jāgarasuttavaṇṇanā niṭṭhitā.

7. Appaṭividitasuttavaṇṇanā

7. Sattame **dhammāti** catusaccadhammā. **Appaṭividitāti** nāṇena appaṭividhā. **Paravādesūti** dvāsaṭṭhiditṭhigatavādesu. Te hi ito paresam titthiyānam vādattā paravādā nāma. **Niyareti** attano dhammatāyapi gacchanti, parenapi nīyanti. Tattha sayameva sassatādīni gaṇhantā gacchanti nāma, parassa vacanena tāni

gaṇhantā nīyanti nāma. **Kālo tesam pabujjhitunti** tesam puggalānam pabujjhitum ayam kālo. Lokasmiñhi buddho uppanno, dhammo desiyati, saṅgo suppañipanno, pañipadā bhaddikā, ime ca pana mahājanā vaṭṭe suttā nappabujjhantīti devatā āha. **Sambuddhā** Ti sammā hetunā kāraṇena buddhā. Cattāro hi buddhā- sabbaññubuddho, paccekabuddho, catusaccabuddho, sutabuddhoti. Tattha samatiṁsapāramiyo pūretvā sammāsambodhiṁ patto sabbaññubuddho nāma. Kappasatasaha-ssādhikāni dve asaṅkhyeyyāni pāramiyo pūretvā sayambhutam patto pacceka-buddho nāma. Avasesā khīṇāsavā catusaccabuddhā nāma. Bahussuto sutabuddho nāma. Imasmim atthe tayopi purimā vaṭṭanti. **Sammadaññāti** sammā hetunā kāraṇena jānitvā. **Caranti visame samanti** visame vā lokasannivāse visame vā sattanikāye visame vā kilesajāte samam carantīti.

Appatīviditasuttavaṇṇanā niṭṭhitā.

8. Susammuṭṭhasuttavaṇṇanā

8. Atṭhame (1.0025) **susammuṭṭhāti** paññāya appatīviddhabhāveneva sunatthā. Yathā hi dve khettāni kasitvā, ekam vapitvā, bahudhaññam adhigatassa avāpita-khettato aladdham sandhāya “bahuṁ me dhaññam naṭṭhan”ti vadanto aladdha-meva “naṭṭhan”ti vadati, evamidhāpi appatīviditāva susammuṭṭhā nāma. **Asammuṭṭhāti** paññāya paṭividdhabhāveneva anaṭṭhā. Sesam purimasadisamevāti.

Susammuṭṭhasuttavaṇṇanā niṭṭhitā.

9. Mānakāmasuttavaṇṇanā

9. Navame **mānakāmassāti** mānam kāmentassa icchantassa. **Damoti** evarū-passa puggalassa samādhipakkhiko damo natthīti vadati. “Saccena danto damasā upeto, vedantagū vusitabrahmacariyo”ti (saṁ. ni. 1.195) ettha hi indriya-saṁvaro damoti vutto. “Yadi saccā damā cāgā, khantyā bhiyyodha vijjati”ti (saṁ. ni. 1.246; su. ni. 191) ettha paññā. “Dānena damena samyamena saccavajjena atthi puññam, atthi puññassa āgamo”ti (saṁ. ni. 4.365) ettha uposathakammam. “Sakkhissasi kho tvam, puṇṇa, iminā damūpasamena samannāgato sunāparantaṁsiṁ janapade viharitun”ti (saṁ. ni. 4.88; ma. ni. 3.396) ettha adhivāsanakhanti. Imasmim pana tutte damoti samādhipakkhikadhammānam etam nāmam. Tenevāha- “na monamatthi asamāhitassā”ti. Tattha **monanti** catumaggaññānam, tañhi munātīti monam, catusaccadhamme jānātīti attho. **Maccudheyyassāti** tebhū-makavatṭassa. Tañhi maccuno patiṭṭhānatṭhena maccudheyyanti vuccati. **Pāranti** tasseeva pāram nibbānam. **Tareyyāti** paṭivijjhewya pāpuṇeyya vā. Idam vuttam hoti- eko araññe viharanto pamatto puggalo maccudheyyassa pāram na tareyya

na paṭivijjhayya na pāpuṇeyyāti.

Mānam pahāyāti arahattamaggena navavidhamānam pajahitvā. **Susamāhitatto** upacārappanāsamādhīhi suṭṭhu samāhitatto. **Sucetasoti** ñāṇasampayutta-tāya (1.0026) sundaracitto. Ñāṇavippayuttacittena hi sucetasoti na vuccati, tasmā ñāṇasampayuttena sucetaso hutvāti attho. **Sabbadhi vippamutto** sabbesu khandhāyatānādīsu vippamutto hutvā. **Tareyyāti** ettha tebhūmakavatṭam samati-kkamanto nibbānam paṭivijjhanto taratīti paṭivedhataranām nāma vuttam. Iti imāya gāthāya tisso sikkhā kathitā honti. Katham- māno nāmāyam sīlabhedano, tasmā “mānam pahāyā”ti iminā adhisīlasikkhā kathitā hoti. “Susamāhitatto”ti iminā adhicittasikkhā. “Sucetaso”ti ettha cittena paññā dassitā, tasmā iminā adhipaññā-sikkhā kathitā. Adhisīlañca nāma sile sati hoti, adhicittam citte sati, adhipaññā paññāya sati. Tasmā sīlam nāma pañcapi dasapi sīlāni, pātimokkhasamvaro adhisīlam nāmāti veditabbam. Atṭha samāpattiyo cittam, vipassanāpādakajjhānam adhicittam. Kammassakatañānam paññā, vipassanā adhipaññā. Anuppannepi hi buddhuppāde pavattatīti pañcasīlam dasasīlam sīlameva, pātimokkhasamvara-sīlam buddhuppādeyeva pavattatīti adhisīlam. Cittapaññāsupi eseva nayo. Apica nibbānam patthayantena samādinnam pañcasīlambi dasasīlambi adhisīlameva. Samāpannā atṭha samāpattiyo adhicittameva. Sabbampi vā lokiyasīlam sīlameva, lokuttaram adhisīlam. Cittapaññāsupi eseva nayoti. Iti imāya gāthāya samo-dhānetvā tisso sikkhā sakalasāsanam kathitam hotīti.

Mānakāmasuttavaṇṇanā niṭṭhitā.

10. Araññasuttavaṇṇanā

10. Dasame santānanti santakilesānam, paṇḍitānam vā. “Santo have sabbhi pavedayanti (jā. 2.21.413), dūre santo pakāsanti”ti-ādīsu (dha. pa. 304) hi paṇḍitāpi santoti vuttā. **Brahmacārinanti** setṭhacārīnam maggabrahmacariyavāsam vasantānam. **Kena vaṇṇo pasīdatīti** kena kāraṇena chavivaṇṇo pasīdatīti pucchati. Kasmā panesā evam pucchat? Esā kira vanasaṇḍavāsikā bhummadevatā āraññake bhikkhū pacchābhattam piṇḍapātapaṭikkante araññam pavisitvā (1.00 rattiṭṭhānadivatṭhānesu mūlakammaṭṭhānam gahetvā nisinne passati. Tesañca evam nisinnānam balavacittekkaggatā uppajjati. Tato visabhāgasantati vūpasa-mmati, sabhāgasantati okkamati, cittam pasīdati. Citte pasanne lohitam pasīdati, cittasamuṭṭhānāni upādārūpāni parisuddhāni honti, vaṇṭā pamuttatālaphalassa viya mukhassa vaṇṇo hoti. Tam disvā devatā cintesi- “sarīravaṇṇo nāmāyam paṇṭītāni rasasampannāni bhojanāni sukhasamphassāni nivāsanapāpuraṇasaya-nāni utusukhe tebhūmikādibhede ca pāsāde mālāgandhavilepanādīni ca labha-ntānam pasīdati, ime pana bhikkhū piṇḍāya caritvā missakabhattam bhuñjanti, viraṭamañcake vā phalake vā silāya vā sayanāni kappenti, rukkhamūlādīsu vā abbhokāse vā vasanti, kena nu kho kāraṇena etesam vaṇṇo pasīdatī”ti. Tasmā

pucchi.

Athassā bhagavā kāraṇam kathento dutiyam gātham āha. Tattha **atītanti** atīte asuko nāma rājā dhammiko ahosi, so amhākam pañite paccaye adāsi. Ācariyupajjhāyā lābhino ahesum. Atha mayam evarūpāni bhojanāni bhuñjimhā, cīvarāni pārupimhāti evam ekacce paccayabāhullikā viya ime bhikkhū atītam nānusocanti. **Nappajappanti nāgatanti** anāgate dhammiko rājā bhavissati, phitā janapadā bhavissanti, bahūni sappinavanītādīni uppajjissanti, “khādatha bhuñjathā”ti tattha tattha vattāro bhavissanti, tadā mayam evarūpāni bhojanāni bhuñjissāma, cīvarāni pārupissāmāti evam anāgatam na patthenti. **Paccuppannenāti** yena kenaci tañkhaṇe laddhena yāpenti. **Tenāti** tena tividhenāpi kāraṇena.

Evam vaṇṇasampattiṁ dassetvā idāni tasseva vaṇṇassa vināsam dassento anantaram gāthamāha. Tattha **anāgatappajappāyāti** anāgatassa patthanāya. **Etenāti** etena kāraṇadvayena. **Naļova harito lutoti** yathā harito naļo lāyitvā uṇhapāsāne pakkhitto sussati, evam sussantīti.

Araññasuttavaṇṇanā niṭhitā. Naļavaggo paṭhamo.

2. Nandanavaggo

1. Nandasuttavaṇṇanā

11. Nandanavaggassa (1.0028) paṭhame **tatrāti** tasmiṁ ārāme. **Khoti** byañjana-siliṭṭhatāvasena nipātamattam. **Bhikkhū āmantesīti** parisajeṭṭhake bhikkhū jānāpesi. **Bhikkhavoti** tesam āmantanākāradīpanam. **Bhadanteti** pativacanadānam. **Te bhikkhūti** ye tattha sammukhībhūtā dhammapaṭiggāhakā bhikkhū. **Bhagavato paccassosunti** bhagavato vacanam pati-assosum, abhimukhā hutvā suṇimṣu sampaṭicchimṣūti attho. **Etadavocāti** etam idāni vattabbam “bhūtapubban”ti-ādivacanam avoca. Tattha **tāvatiṁsakāyikāti** tāvatiṁsakāye nibbattā. Tāvatiṁsakāyo nāma dutiyadevaloko vuccati. Maghena māṇavena saddhiṁ macalagāme kālam katvā tattha uppanne tettiṁsa devaputte upādāya kira tassa devalokassa ayam pañṇatti jātāti vadanti. Yasmā pana sesacakkavālesupi cha kāmāvacaradevalokā atthi. Vuttampi cetam “sahassam cātumahārājikānam sahassam tāvatiṁsānan”ti (a. ni. 10.29), tasmā nāmapaṇṇattiyesā tassa devalokassāti veditabbā. Evañhi niddosam padam hoti.

Nandane vaneti ettha tam vanam pavitthe pavitthe nandayati tosetīti nandanam. Pañcasu hi maraṇanimittesu uppannesu “sampattim pahāya cavissāmā”ti paridevamānā devatā sakko devānamindo “mā paridevittha, abhijjanadhammā nāma saṅkhārā natthī”ti ovaditvā tattha pavesāpeti. Tāsam aññāhi devatāhi bāhāsu gahetvā pavesitānampi tassa sampattim disvāva maraṇasoko vūpasammati, pīti-pāmojjameva uppajjati. Atha tasmim kīlamānā eva uṇhasantatto himapiṇḍo viya

vilīyanti, vātāpahatadīpasikhā viya vijjhāyantīti evam yamkiñci anto paviṭṭham
nandayati tosetiyevāti nandanam, tasmiṁ nandane. **Accharāsaṅghaparivutāti**

accharāti devadhitānam nāmaṁ, tāsaṁ samūhena parivutā.

Dibbehīti devaloke nibbattehi. **Pañcahi kāmaguṇehīti** manāpiyarūpasaddaganḍharasaphoṭṭhabbasāṅkhātehi pañcahi kāmabandhanehi kāmakoṭṭhāsehi vā (1.002) **Samappitāti** upetā. Itaram tasseeva vevacanaṁ. **Paricārayamānāti** ramamānā, tesu tesu vā rūpādīsu indriyāni sañcārayamānā. **Tāyam velāyanti** tasmiṁ paricāraṇakāle. So panassa devaputtassa adhunā abhinibbattakālo veditabbo. Tassa hi paṭisandhikkhaṇeyeva rattasuvanṇakkhandho viya virocayamāno tigāvutappa-māno attabhāvo nibbatti. So dibbatthanivattho dibbālaṅkārapaṭimāṇḍito dibba-mālāvilepanadharo dibbehi candanacuṇṇehi samāṁ vikiriymāno dibbehi pañcahi kāmaguṇehi ovuto nivuto pariyonaddho lobhābhībhūto hutvā lobhanissa-raṇam nibbānam apassanto āsabhim vācaṁ bhāsanto viya mahāsaddena “na te sukhām pajānanti”ti imām gāthām gāyamāno nandanavane vicari. Tena vuttam-“tāyam velāyam imām gāthām abhāsi”ti.

Ye na passanti nandananti ye tatra pañcakāmaguṇānubhavanavasena nandanavānam na passanti. **Naradevānanti** devanarānam, devapurisānanti attho. **Tidasā-nanti** tikkhattum dasānam. **Yasassinanti** parivārasaṅkhātena yasena sampa-nnānam.

Aññatarā devatāti ekā ariyasāvikā devatā. **Paccabhāsīti** “ayam bāladevatā imām sampattim niccaṁ acalaṁ maññati, nāssā chedanabhedanaviddham-sandhammatam jānāti”ti adhippāyam vivatṭetvā dassentī “na tvām bāle”ti imāya gāthāya pati-abhāsi. **Yathā arahataṁ vacoti** yathā arahantānam vacanām, tathā tvām na jānāsīti. Evam tassā adhippāyam paṭikkhipitvā idāni arahantānam vacanām dassentī **aniccāti-ādimāha**. Tattha **aniccā vata saṅkhārāti** sabbe tebhū-makasaṅkhārā hutvā abhāvatthena aniccā. **Uppādavayadhamminoti** uppādavaya-sabhbāvā. **Uppajjītvā nirujjhantīti** idam purimasseva vevacanaṁ. Yasmā vā uppajjītvā nirujjhanti, tasmā uppādavayadhamminoti. Uppādavayaggahaṇena cettha tadanantarā vemajjhāṭhānam gahitameva hoti. **Tesam vūpasamo sukhoti** tesam saṅkhārānam vūpasamasāṅkhātam nibbānameva sukhām. Idam arahataṁ vacoti.

Nandanasuttavaṇṇanā niṭṭhitā.

2. Nandatisuttavaṇṇanā

12. Dutiye (1.0030) **nandatīti** tussati attamano hoti. **Puttimāti** bahuputto. Tassa hi ekacce puttā kasikammām katvā dhaññassa koṭhe pūrenti, ekacce vanijjam katvā hiraññasuvanṇam āharanti, ekacce rājānam upaṭṭhahitvā yānavāhanagāma-nigamādīni labhanti. Atha tesam ānubhāvasaṅkhātam sirīm anubhavamānā mātā vā pitā vā nandati. Chaṇadivasādīsu vā maṇḍitapasādhite putte sampattim anubhavamāne disvā nandatīti, “nandati puttehi puttimā”ti āha. **Gohi tathevāti** yathā puttimā puttehi, tathā gosāmikopi sampannam gomaṇḍalam disvā gāvo nissāya

gorasasampattiṁ anubhavamāno gohi nandati. **Upadhī hi narassa nandanā**Ti, ettha **upadhīti** cattāro upadhī- kāmūpadhi, kandhūpadhi, kilesūpadhi, abhisākhārūpadhīti. Kāmāpi hi “yaṁ pañca kāmaguṇe paṭicca uppajjati sukhā somanassam, ayaṁ kāmānam assādo”ti (ma. ni. 1.166) evaṁ vuttassa sukhassa adhitṭhānabhāvato “upadhiyati ettha sukhā”ti iminā vacanatthena upadhīti vuccati. Kandhāpi kandhamūlakassa dukkhassa adhitṭhānabhāvato, kilesāpi apāyadukkhassa adhitṭhānabhāvato, abhisākhārāpi bhavadukkhassa adhitṭhānabhāvato. Idha pana kāmūpadhi adhippeto. Pañca hi kāmaguṇā tebhūmikādipāsāda-uḷārasayana-vatthālaṅkāra-nāṭakaparivārādivasena paccupaṭṭhitā pītisomanassam upasamharamānā naram nandayanti. Tasmā yathā puttā ca gāvo ca, evaṁ imepi upadhī hi narassa nandanāti veditabbā. **Na hi so nandati yo nirūpadhīti** yo kāmaguṇasampattirahito daliddo dullabhaghāsacchādano, na hi so nandati. Evarūpo manussapeto ca manussanerayiko ca kiṁ nandissati bhagavāti āha.

Idam sutvā satthā cintesi-“ayaṁ devatā sokavatthumeva nandavatthum karoti, sokavatthubhāvamassā dīpessāmī”ti phalena phalaṁ pātentō viya tāyeva upamāya tassā vādam bhindanto tameva gāthāṁ parivattetvā **socatīti** āha. Tattha **socati puttehīTi** videsagamanādivasena puttesu naṭhesupi nassantesupi idāni nassissantīti nāsasaṅkīpi (1.0031) socati, tathā matesupi marantesupi corehi rājapurisehi gahitesu vā paccatthikānam hatthāṁ upagatesu vā maraṇasaṅkīpi hutvā socati. Rukkhapabbatādīhi patitvā hathapādādīnam bhedavasena bhinnesupi bhijjantesupi bhedasaṅkīpi hutvā socati. Yathā ca puttehi puttimā, gosāmikopi tatheva navahākārehi gohi socati. **Upadhī hi narassa socanāti** yathā ca puttagāvo, evaṁ pañca kāmaguṇopadhīpi-

“Tassa ce kāmayānassa, chandajātassa jantuno;
te kāmā parihāyanti, sallaviddhova ruppatī”ti. (su. ni. 773)-

Vuttanayena naram socanti. Tasmā narassa socanā sokavatthukamevāti veditabbā. **Na hi so socati, yo nirūpadhīti** yassa pana catubbidhāpete upadhiyo natthi, so nirupadhi mahākhīṇāsavo kiṁ sociissati, na socati devateti.

Nandatisuttavaṇṇanā niṭṭhitā.

3. Natthiputtasamasuttavaṇṇanā

13. Tatiye **natthi puttamasamāpemanti** virūpepi hi attano puttakē suvaṇṇabimbakāṁ viya maññanti, mālāguṇe viya sīsādīsu katvā pariharamānā tehi ohadi-tāpi omuttikāpi gandhavilepanapatitā viya somanassam āpajjanti. Tenāha- “natthi puttamasamāpemant”ti. Puttapemasamāpemā nāma natthīti vuttam hoti. **Gosamitām dhananti** gohi samaṁ godhanasamāpem godhanasadisam aññām dhanām nāma natthi bhagavāti āha. **Sūriyasamā ābhāti** sūriyābhāya samā aññā ābhā nāma natthīti dasseti. **Samuddaparamāti** ye keci aññe sarā nāma, sabbe te samuddaparamā, samuddo tesam uttamo, samuddasadisam aññām udakanidhānam

nāma natthi, bhagavāti.

Yasmā pana attapemena samam̄ pemam̄ nāma natthi. Mātāpitādayo hi chadde-tvāpi puttadhītādayo ca aposetvāpi sattā attānameva (1.0032) posenti. Dhaññena ca samam̄ dhanam̄ nāma natthi. (yadā hi sattā dubbhikkhā honti), tathārūpe hi kāle hiraññasuvanṇādīni gomahimśādīnīpi dhaññaggahaṇattham̄ dhaññasāmikā-nameva santikam̄ gahetvā gacchanti. Paññāya ca samā ābhā nāma natthi. Sūriyā-dayo hi ekadesam̄yeva obhāsanti, paccuppannameva ca tamam̄ vinodenti. Paññā pana dasasahassimpi lokadhātum̄ ekappajjotam̄ kātum̄ sakkoti, atītaṁsādipaṭi-cchādakañca tamam̄ vidhamati. Meghavutthiyā ca samo saro nāma natthi. Nadī-vāpi hotu talākādīni vā, vuṭṭhisamo saro nāma natthi. Meghavutthiyā hi pacchi-nnāya mahāsamuddo aṅgulipabbatemanamattampi udakam̄ na hoti, vuṭṭhiyā pana pavattamānāya yāva ābhassarabhavanāpi ekodakam̄ hoti. Tasmā bhagavā devatāya paṭigātham̄ vadanto **natthi attasamam̄ pemanti-ādimāhāti**.

Natthiputtasamasuttavaṇṇanā niṭṭhitā.

4. Khattiyasuttavaṇṇanā

14. Catutthe **khattiyo dvipadanti** dvipadānam̄ rājā seṭṭho. **Komārīti** kumārikāle gahitā. Ayam̄ sesabhariyānam̄ seṭṭhāti vadati. **Pubbajoti** paṭhamam̄ jāto kāño vāpi hotu kuṇi-ādīnaṁ vā aññataro, yo paṭhamam̄ jāto, ayameva putto imissā devatāya vāde seṭṭho nāma hoti. Yasmā pana dvipadādīnam̄ buddhādayo seṭṭhā, tasmā bhagavā paṭigātham̄ āha. Tattha kiñcāpi bhagavā sabbesam̄yeva apadādi-bhedānam̄ sattānam̄ seṭṭho, uppajjamāno panesa sabbasattaseṭṭho dvipadesu-yeva uppajjati, tasmā **sambuddho dvipadam̄ seṭṭhoti** āha. Dvipadesu uppannassa cassa sabbasattaseṭṭhabhāvo appaṭihatova hoti. **Ājānīyoti** hatthī vā hotu assādīsu aññataro vā, yo kāraṇam̄ jānāti, ayam̄ ājānīyova catuppadānam̄ seṭṭhoti attho. Kūṭakaṇṇarañño guļavaṇṇa-asso viya. Rājā kira pācīnadvārena nikhamitvā ceti-yapabbatam̄ gamissāmīti kalambanadītīram̄ sampatto, asso tīre ṭhatvā udakam̄ otaritum̄ na icchatī, rājā assācariyam̄ āmantetvā, “aho (1.0033) vata tayā asso sikkhāpito udakam̄ otaritum̄ na icchatī”ti āha. Ācariyo “susikkhāpito deva asso, etassa hi cittam̄- ‘sacāhaṁ udakam̄ otarissāmi, vālam̄ temissati, vāle tinte rañño aṅge udakam̄ pāteyyā’ti, evam̄ tumhākaṁ sarīre udakapātanabhayena na otarati, vālam̄ gaṇhāpethā”ti āha. Rājā tathā kāresi. Asso vegena otaritvā pāram̄ gato. **SussūsāTi** sussūsamānā. Kumārikāle vā gahitā hotu pacchā vā, surūpā vā virūpā vā, yā sāmikam̄ sussūsatī paricarati toseti, sā bhariyānam̄ seṭṭhā. **Assavoti** āsuṇā-māno. Jeṭṭho vā hi hotu kaniṭṭho vā, yo mātāpitūnam̄ vacanam̄ suṇāti, sampaṭi-cchatī, ovādapaṭikaro hoti, ayam̄ puttānam̄ seṭṭho, aññehi sandhicchedakādico-rehi puttehi ko attho devateti.

Khattiyasuttavaṇṇanā niṭṭhitā.

5. Sañamānasuttavaṇṇanā

15. Pañcame ṭhite majjhānhiketi ṭhitamajjhānhike. **Sannisīvesūti** yathā phāsuka-ṭṭhānam upagantvā sannisinnesu vissamamānesu. Ṭhitamajjhānhikakālo nāmesa sabbasattānam iriyāpathadubbalyakālo. Idha pana pakkhīnaṃyeva vasena dassito. **Sañatevāti** sañati viya mahāviravam viya muccati. Sañamānameva cettha “sañatevā”ti vuttam. Tappaṭibhāgam nāmetam. Nidāghasamayasmīhi ṭhitamajjhānhikakāle catuppadagañesu ceva pakkhīgañesu ca sannisinnesu vāta-pūritānam susirarukkhānañceva chiddaveṇupabbānañca kandhena kandham sākhāya sākham saṅghatayantānam pādapānañca araññamajjhe mahāsaddo uppajjati. Tam sandhāyetam vuttam. **Tam bhayaṃ paṭibhāti manti** tam evarūpe kāle mahā-araññassa sañamānam mayham bhayaṃ hutvā upaṭṭhāti. Dandha-paññā kiresā devatā tasmiṃ khaṇe attano nisajjaphāsukam kathāphāsukam dutiyakam alabhanṭī evamāha. Yasmā pana tādise kāle piṇḍapātapaṭikkantassa vivitte araññāyatane kammaṭṭhānam gahetvā nisinnassa bhikkhuno anappakam sukham uppajjati, yam sandhāya vuttam-

“Suññāgāraṃ (1.0034) paviṭṭhassa, santacittassa bhikkhuno; amānusī ratī hoti, sammā dhammaṃ vipassato”ti. (dha. pa. 373) ca,
“Purato pacchato vāpi, aparo ce na vijjati;
atīva phāsu bhavati, ekassa vasato vane”ti. (theragā. 537) ca;

Tasmā bhagavā dutiyaṃ gāthamāha. Tattha **sā rati paṭibhāti manti** yā evarūpe kāle ekakassa nisajjā nāma, sā rati mayham upaṭṭhātīti attho. Sesam tādisame-vāti.

Sañamānasuttavaṇṇanā niṭṭhitā.

6. Niddātandisuttavaṇṇanā

16. Chaṭṭhe **niddāTi**, “abhijānāmaham, aggivessana, gimhānam pacchime māse niddam okkamitā”ti (ma. ni. 1.387) evarūpāya abyākataniddāya pubbabhā-gāparabhāgesu sekhaputhujjanānam sasaṅkhārika-akusale citte uppannam thina-middham. **Tandīti** aticchātātisitādikālesu uppannam āgantukam ālasiyam.

Vuttampi cetam- “tattha katamā tandī? Yā tandī tandiyānā tandimanatā ālasyam ālasyāyanā ālasyāyitattam, ayam vuccati tandī”ti (vibha. 857). **Vijambhitāti** kāyavijambhanā. **Aratīti** akusalapakkhā ukkaṇṭhitatā. **Bhattachāmadoti** bhattachāmucchā bhattachākilaṁatho. Vitthāro pana tesam- “tattha katamā vijambhitā? Yā kāyassa jambhanā vijambhanā”ti-ādinā nayena abhidhamme āgatova. **Etenāti** etena niddādinā upakkilesena upakkiliṭṭho nivāritapātubhāvo. **Nappakāsatīti** na jotati, na pātubhavatīti attho. **Ariyamaggoti** lokuttaramaggo. **Idhāti** imasmim loke. **Pāṇinanti** sattānam. **Viriyenāti** maggasaḥajātaviriyena. **Naṁ pañāmetvāti** etam kilesajātam nīharitvā. **Ariyamaggoti** lokiyalokuttaramaggo. Iti maggeneva upakkilese nīharitvā maggassa visuddhi vuttāti.

Niddātandīsuttavaṇṇanā niṭṭhitā.

7. Dukkarasuttavaṇṇanā

17. Sattame (1.0035) **duttitikkhanti** dukkhamam du-adhivāsiyam. **Abyattenāti** bālena. **Sāmaññanti** samaṇadhammo. Iminā devatā idam dasseti- yam pañditā kulaputtā dasapi vassāni vīsatipi saṭṭhipi vassāni dante abhidantamādhāya jivhāya tālum āhaccapi cetasā cittaṁ abhiniggaṇhitvāpi ekāsanam ekabhattam paṭisevamānā āpāṇakotikam brahmačariyam carantā sāmaññam karonti. Tam bhagavā bālo abyatto kātum na sakkotīti. **Bahū hi tattha sambādhāti** tasmiṁ sāmaññasaṅkhāte ariyamagge bahū sambādhā maggādhigamāya paṭipannassa pubba-bhāge bahū parissayāti dasseti.

Cittañce na nivārayeti yadi ayoniso uppannam cittaṁ na nivāreyya, kati ahāni sāmaññam careyya? Ekadivasampi na careyya. Cittavasiko hi samaṇadhammam kātum na sakkoti. **Pade padeti** ārammaṇe ārammaṇe. Ārammaṇañhi idha padanti adhippetam. Yasmiṁ yasmiṁ hi ārammaṇe kileso uppajjati, tattha tattha bālo visidati nāma. Iriyāpathapadampi vaṭṭati. Gamanādīsu hi yattha yattha kileso uppajjati, tattha tattheva visidati nāma. **Saṅkappānanti** kāmasaṅkappādīnam.

Kummo vāti kacchapo viya. **Aṅgānīti** gīvapañcamāni aṅgāni. **Samodahanti** samodahanto, samodahitvā vā. **Manovitakketi** manamhi uppannavitakke. Ettāvatā idam dasseti- yathā kummo soṇḍipañcamāni aṅgāni sake kapāle samodahanto siṅgālassa otāram na deti, samodahitvā cassa appasayhataṁ āpajjati, evamevaṁ bhikkhu manamhi uppannavitakke sake ārammaṇakapāle samodaham mārassa otāram na deti, samodahitvā cassa appasayhataṁ āpajjatīti. **Anissitoti** taṇhādiṭṭhinissayehi anissito hutvā. **Aheṭhayānoti** avihimsamāno. **Parinibbutoti** kilesanibbānena parinibbuto. **Nūpavadeyya kañcīti** yamkiñci puggalam ācāravipatti-ādīsu yāya kāyaci mañkum kātukāmo hutvā na vadeyya, “kālena vakkhāmi no akālenā”-ti-ādayo pana pañca dhamme ajjhattam upaṭṭhapetvā ullumpanasabhbāvasaṇṭhitena cittena kāruññatam paṭicca vadeyyāti.

Dukkarasuttavaṇṇanā niṭhitā.

8. Hirīsuttavaṇṇanā

18. Atṭhame (1.0036) **hirīnisedhoti** hiriyā akusale dhamme nisedhetīti hirīnisedho. **Koci lokasmim vijjatīti** koci evarūpo vijjatīti pucchati. **Yo nindam apabodhatīti** yo garahaṁ apaharanto bujjhati. **Asso bhadro kasāmivāTi** yathā bhadro assājā-nīyo kasam apaharanto bujjhati, patodacchāyam disvā samvijjhanto viya kasāya attani nipātam na deti, evameva yo bhikkhu bhūtassa dasa-akkosavathuno attani nipātam adadanto nindam apabodhati apaharanto bujjhati, evarūpo koci khīnā-savo vijjatīti pucchati. Abhūtakkosena pana parimutto nāma natthi. **Tanuyāti** tanukā, hiriyā akusale dhamme nisedhetvā carantā khīnāsavā nāma appakāti attho. **Sadā satāti** niccakālam sativepullena samannāgatā. **Antam dukkhassa pappuyyāTi** vaṭṭadukkhassa koṭim antabhūtam nibbānam pāpuṇitvā. Sesam vuttnayamevāti.

Hirīsuttavaṇṇanā niṭhitā.

9. Kuṭikāsuttavaṇṇanā

19. Navame **kacci te kuṭikāti** ayam devatā dasa māse antovasanaṭṭhānaṭṭhena mātarām kuṭikam katvā, yathā sakuṇā divasam gocarapasutā rattim kulāvakam alliyanti, evamevam sattā tattha gantvāpi mātugāmassa santikam āgacchanti, ālayavasena bhariyam kulāvakam katvā. Kulapaveṇim santānakatṭhena putte santānake katvā, taṇham bandhanam katvā, gāthābandhanena ime pañhe samodhānetvā bhagavantam pucchi, bhagavāpissā vissajento **tagghāti-ādimāha**. Tattha **tagghāti** ekamśavacane nipāto. **Natthīti** pahāya pabbajitattā vaṭṭasmiṁ vā puna mātukucchivāsassa dārabharanassā puttānibbattiyā vā abhāvato natthi.

Devatā “mayā sannāham bandhitvā guṇhā pañhā pucchitā, ayañca samaño pucchitamatteyeva vissajesi, jānam nu kho me ajjhāsayam kthesi, udāhu (1.0037) ajānam yam vā tam vā mukhāruṇham kthesi”ti cintetvā puna **kintāhanti-ādimāha**. Tattha **kintāhanti** kiṁ te aham. Athassā bhagavā ācikkhanto **mātaranti-ādimāha**. **Sāhu teti** gāthāya anumoditvā sampahamṣitvā bhagavantam vanditvā gandhamālādīhi pūjetvā attano devaṭṭhānameva gatāti.

Kuṭikāsuttavaṇṇanā niṭhitā.

10. Samiddhisuttavaṇṇanā

20. Dasame **tapodārāmeti** tapodassa tattodakassa rahadassa vasena evam laddhanāme ārāme. Vebhārapabbatassa kira heṭṭhā bhummāṭṭhakanāgānam pañcayojanasatikam nāgabhavanam devalokasadisam maṇimayena talena ārāmuyyānehi ca samannāgataṁ. Tattha nāgānam kīlanaṭṭhāne mahā-udakarahado, tato tapodā nāma nadī sandati kuthitā uṇhodakā. Kasmā panesā edisā? Rāgaham kira parivāretvā mahāpetaloko tiṭṭhati, tattha dvinnam mahālohakumbhini-rayānam antarena ayam tapodā āgacchati, tasmā kuthitā sandati. Vuttampi cetam-

“Yatāyam, bhikkhave, tapodā sandati, so daho accchodako sītodako sātodako setodako suppatittho ramaṇīyo pahūtamacchakacchapo, cakkamattāni ca padumāni pupphanti. Apicāyam, bhikkhave, tapodā dvinnam mahānirayānam antari-kāya āgacchati, tenāyam tapodā kuthitā sandati”ti (pārā. 231).

Imassa pana ārāmassa abhimukhaṭṭhāne tato mahā-udakarahado jāto, tassa vasenāyam vihāro “tapodārāmo”ti vuccati.

Samiddhīti tassa kira therassa attabhāvo samiddho abhirūpo pāsādiko, tasmā “samiddhī”tveva saṅkham gato. **Gattāni parisiñcitunti** padhānikatthero esa, balava-paccūse utṭhāyāsanā sarīram utum gāhāpetvā bahi (1.0038) saṭṭhihatthamatte mahācaṅkame aparāparam caṅkamitvā “sedagahitehi gattehi paribhuñjamānam senāsanam kilissatī”ti maññamāno gattāni parisiñcanattham sarīradhovanattham upasaṅkami. **Ekacīvaro atṭhāsīti** nivāsanam nivāsetvā kāyabandhanam bandhitvā cīvaraṁ hatthena gahetvā atṭhāsi.

Gattāni pubbāpayamānoti gattāni pubbasadisāni vodakāni kurumāno. Allasarīre pārutam hi cīvaraṁ kilissati duggandham hoti, na cetam vattam. Thero pana vattasampanno, tasmā vatte ṭhitova nhāyitvā paccuttaritvā atṭhāsi. Tattha idam nhānavattam- udakatittham gantvā yattha kathaci cīvarāni nikhipitvā vegena ṭhitake-neva na otaritabbam, sabbadisā pana oloketvā vivittabhāvam ūnatvā khāṇugumba-latādīni vavatthapetvā tikkhattum ukkāsitvā avakujja ṭhitena uttarāsaṅgacīvaraṁ apanetvā pasāretabbam, kāyabandhanam mocetvā cīvarapiṭṭheyeva ṭhapetabbam. Sace udakasāṭikā natthi, udakante ukkuṭikam nisīditvā nivāsanam mocetvā sace sinnatṭhānam atthi, pasāretabbam. No ce atthi, saṃharitvā ṭhapetabbam. Udakam otarantena saṇikam nābhippamāṇamattam otaritvā vīcīm anuṭṭhāpentena saddam akarontena nivattitvā āgatadisābhimukhena nimujjtabbam, evam cīvaraṁ rakkhitam hoti. Ummujjantenapi saddam akarontena saṇikam ummujjtvā nhānapariyosāne udakante ukkuṭikena nisīditvā nivāsanam parikkhipitvā utṭhāya supari-maṇḍalam nivāsetvā kāyabandhanam bandhitvā cīvaraṁ apārupitvā ṭhātabbanti.

Theropi tathā nhāyitvā paccuttaritvā vigacchamāna-udakam kāyam olokaya-māno atṭhāsi. Tassa pakatiyāpi pāsādikassa paccūsasamaye sammā pariṇatāhā-rassa uṇhodakena nhātassa ativiya mukhavaṇṇo viroci, bandhanā pavuttatālaphalam viya pabhāsampanno puṇṇacando viya taṇkhaṇavikasitapadumam viya mukham sassirikam ahosi, sarīravaṇṇopī vippasīdi. Tasmiṁ samaye vanasande adhivatthā bhummadevatā pāsādikam bhikkhum olokayamānā samanam niggahetum asakkontī kāmaparijāhābhībhūtā hutvā, “theram palobhessāmī”ti atta-

bhāvam uṭārena (1.0039) alaṅkārena alaṅkaritvā sahassavaṭṭipadīpaṁ pajjala-mānā viya candaṁ utṭhāpayamānā viya sakalārāmaṁ ekobhāsaṁ katvā theram upasaṅkamitvā avanditvāva vehāse ṭhitā gātham abhāsi. Tena vuttam- “atha kho aññatarā devatā ...pe... ajjhabhāsi”ti.

Abhutvāti pañca kāmaguṇe aparibhuñjitvā. **Bhikkhasīti** piṇḍāya carasi. **Mā tam kālo upaccagāti** ettha kālo nāma pañcakāmaguṇapaṭisevanakkhamo daharayobbanakālo. Jarājīṇṇena hi obhaggena daṇḍaparāyanena pavedhamānena kāsasā-sābhībhūtena na sakkā kāme paribhuñjituṁ. Iti imam kālam sandhāya devatā “mā tam kālo upaccagā”ti āha. Tattha **mā upaccagāti** mā atikkami.

Kālam voham na jānāmīti ettha voti nipātamattam. **Kālam na jānāmīti** maraṇa-kālam sandhāya vadati. Sattānañhi-

“Jīvitam byādhi kālo ca, dehanikkhepanam gati;
pañcete jīvalokasmim, animittā na nāyare”.

Tattha **jīvitam** tāva “ettakameva, na ito paran”ti vavatthānābhāvato animittam. Kalalakālepi hi sattā maranti, abbuda-pesi-ghana-adḍhamāsa-ekamāsa-dvemāsa-temāsa-catumāsapāñcamāsa ...pe... dasamāsakālepi, kucchito nikkhantasama-yeipi, tato param vassasatassa antopi bahipi marantiyeva. **Byādhipi** “imināva byādhinā sattā maranti, na aññenā”ti vavatthānābhāvato animitto. Cakkhuroge-napi hi sattā maranti sotarogādīnaṁ aññatarenapi. **Kālopi**, “imasmiṁ yeva kāle maritabbam, na aññasmin”ti evam vavatthānābhāvato animitto. Pubbañhepi hi sattā maranti majjhānhikādīnaṁ aññatarasmimpi. **Dehanikkhepanampi**, “idheva miyamānānam dehena patitabbam, na aññathā”ti evam vavatthānābhāvato animittam. Antogāme jātānañhi bahigāmepi attabhāvo patati, bahigāmepi jātānam antogāmepi. Tathā thalajānam jale, jalajānam thaleti anekappakārato vitthāre-ttabbam. **Gatipi**, “ito cutena idha nibbattitabban”ti evam vavatthānābhāvato animittā. Devalokato hi cutā manussesupi nibbattanti (1.0040), manussalokato cutā devalokādīnam yattha katthaci nibbattantīti evam yante yuttaqoṇo viya gatipañcake loko samparivattati. Tassevam samparivattato “imasmiṁ nāma kāle maraṇam bhavissati”ti imam maraṇassa kālam voham na jānāmi.

yati. Tasmāti yasmā ayam kālo paṭicchanno na paññāyati, tasmā pañca kāma-

Channo kālo na dissatī ayam kālo mayham paṭicchanno avibhūto na paññāyati. Tasmāti yasmā ayam kālo paṭicchanno na paññāyati, tasmā pañca kāmaguṇe abhutvāva bhikkhāmi. **Mā mām kālo upaccagāti** ettha samaṇadhammadakaraṇakālam sandhāya “kālo”ti āha. Ayañhi samaṇadhammo nāma pacchime kāle tisso vayosimā atikkantena obhaggena daṇḍaparāyanena pavedhamānenā kāsasāsābhībhūtena na sakkā kātum. Tadā hi na sakkā hoti icchiticchitam buddhava-canam vā gaṇhitum, dhutaṅgam vā paribhuñjitu, araññavāsam vā vasitum, icchiticchitakkhaṇe samāpattim vā samāpajjitu, padabhāṇa-sarabhaññadhammadaka-thā-anumodanādīni vā kātum, taruṇayobbanakāle panetam sabbam sakkā kātunti ayam samaṇadhammadakaraṇassa kālo mā mām upaccagā, yāva mām nātikamati, tāva kāme abhutvāva samaṇadhammadam karomīti āha.

Pathaviyam patiṭṭhahitvāti sā kira devatā- “ayam bhikkhu samaṇadhammadakaraṇassa kālam nāma katheti, akālam nāma katheti, sahetukam katheti sānisamsan”- ti ettāvatāva there lajjam paccupaṭṭhāpetvā mahābrahmam viya aggikkhandham viya ca nam maññamānā gāravajātā ākāsā oruyha pathaviyam atṭhāsi, tam sandhāyetam vuttam. Kiñcāpi pathaviyam ṭhitā, yena panatthena āgatā, punapi tameva gahetvā **daharo tvanti-ādimāha**. Tattha **susūti** taruṇo. **Kālakesoti** suṭṭhu kālakeso. **Bhadrenāti** bhaddakena. Ekacco hi daharopi samāno kāṇo vā hoti kuṇi-ādīnam vā aññataro, so bhadrena yobbanena samannāgato nāma na hoti. Yo pana abhirūpo hoti dassanīyo pāsādiko sabbasampattisampanno, yam yadeva alaṅkāraparihāram icchatī, tena tena alaṅkato devaputto viya carati, ayam bhadrena yobbanena samannāgato nāma hoti. Thero ca uttamarūpasampanno, tena nam evamāha.

Anikkilitāvī (1.0041) **kāmesūti** kāmesu akīlitakīlo abhuttāvī, akatakāmakīloti attho. **Mā sandiṭṭhikam hitvāti** yebhuyyena hi tā adiṭṭhasaccā avītarāgā aparacittavidūniyo devatā bhikkhū dasapi vassāni vīsatimpi ...pe... saṭṭhimpi vassāni pari-suddham akhaṇḍam brahmacariyam caramāne disvā- “ime bhikkhū mānusake pañca kāmaguṇe pahāya dibbe kāme patthayantā samaṇadhammadam karontī”ti saññam uppādenti, ayampi tattheva uppādesi. Tasmā mānusake kāme sandiṭṭhike, dibbe ca kālike katvā evamāha.

Na kho aham, āvusoti, āvuso, aham sandiṭṭhike kāme hitvā kālike kāme na anudhāvāmi na patthemi na pihemi. **Kalikañca kho aham, āvusoti** aham kho, āvuso, kālikam kāmam hitvā sandiṭṭhikam lokuttaradhammadam anudhāvāmi. Iti thero cittānantaram aladdhabbatāya dibbepi mānusakepi pañca kāmaguṇe **kālikāti** akāsi, cittānantaram laddhabbatāya lokuttaradhammadam **sandiṭṭhikanti**. Pañcakāmaguṇesu samohitesupi sampannakāmassāpi kāmino cittānantaram icchiticchitārammaṇānubhavanam na sampajjati. Cakkhudvāre itṭhārammaṇam anubhavitukāmena hi cittakārapotthakārarūpakārādayo pakkosāpetvā, “idam nāma sajjethā”ti vattabbam hoti. Etthantare anekakoṭisatasahassāni cittāni uppajjivā nirujjhanti. Atha pacchā tam ārammaṇam sampāpuṇāti. Sesadvāresupi eseva nayo. Sotāpa-

ttimaggānantaram pana sotāpattiphalameva uppajjati, antarā aññassa cittassa vāro natthi. Sesaphalesupi eseva nayoti.

So tamevattham gahetvā **kālikā hi, āvusoti-ādimāha**. Tattha **kālikāti** vuttanayena samohitasampattināpi kālantare pattabbā. **Bahudukkhāti** pañca kāmaguṇe nissāya pattabbadukkhassa bahutāya bahudukkhā. Tamvatthukasseva upāyā-sassa bahutāya **bahupāyāsā**. **Ādīnavo ettha bhiyyoti** pañca kāmaguṇe nissāya laddhabbasukhato ādīnavo bhiyyo, dukkhameva bahutaranti attho. **Sandīṭṭhiko ayam dhammoti** ayam lokuttaradhammo yena yena adhigato hoti, tena tena parasaddhāya gantabbataṁ hitvā paccavekkhaṇāñānenā sayam daṭṭhabboti (1.0042) **sandīṭṭhiko**. Attano phaladānam sandhāya nāssa kāloti akālo, akāloyeva **akāliko**. Yo ettha ariyamaggadhammo, so attano pavattisamanantarameva phalam detīti attho. “Ehi passa imam dhamman”ti evam pavattam ehipassavidhim arahatīti **ehipassiko**. Ādittam celam vā sisam vā ajjhupekkhitvāpi bhāvanāvasena attano citte upanayaṁ arahatīti **opaneyyiko**. Sabbehi ugghaṭitaññū-ādīhi viññūhi “bhāvito me maggo, adhigatam phalam, sacchikato nirodho”ti attani attani veditabboti **paccattam veditabbo viññūhīti**. Ayamettha saṅkhepo, vitthāro pana **visuddhimagge** (visuddhi. 1.146 ādayo) dhammānussativāññanāyam vutto.

Idāni sā devatā andho viya rūpavisesam therena kathitassa atthe ajānantī **kathañca bhikkhūti-ādimāha**. Tattha **kathañcātipadassa** “kathañca bhikkhu kālikā kāmā vuttā bhagavatā, kathaṁ bahudukkhā, kathaṁ bahupāyāsā”ti? Evam sabba-padehi sambandho veditabbo.

Navoti aparipuṇṇapañcavasso hi bhikkhu navo nāma hoti, pañcavassato paṭṭhāya majhimo, dasavassato paṭṭhāya thero. Aparo nayo- aparipuṇṇadasavasso navo, dasavassato paṭṭhāya majhimo, vīsativassato paṭṭhāya thero. Tesam aham navoti vadati.

Navopi ekacco sattaṭṭhavassakāle pabbajitvā dvādasaterasavassāni sāmañera-bhāveneva atikkanto cirapabbajito hoti, aham pana acirapabbajitoti vadati. **Imam dhammavinayanti** imam dhammañca vinayañca. Ubhayampetam sāsanasseva nāmam. Dhammena hettha dve piṭakāni vuttāni, vinayena vinayapiṭakam, iti tīhi piṭakehi pakāsitam paṭipattiṁ adhunā āgatomhīti vadati.

Mahesakkhāhīti mahāparivārāhi. Ekekassa hi devarañño koṭisatampi koṭisahassampi parivāro hoti, te attānam mahante ṭhāne ṭhapetvā tathāgatam passanti. Tattha amhādisānam appesakkhānam mātugāmajātikānam kuto okāsoti dasseti.

Mayampi (1.0043) **āgaccheyyāmāti** idam sā devatā “sacepi cakkavālam püretvā parisā nisinnā hoti, mahatiyā buddhavīthiyā satthu santikam gantum labhati”ti ñatvā āha. **Puccha bhikkhu, puccha bhikkhūti** thirakaraṇavasena āmeditam katham.

Akkheyasyaññinoti ettha “devo, manusso, gahaṭho, pabbajito, satto, puggalo, tisso, phusso”ti-ādinā nayena akkheyato sabbesam akkhānānam sabbāsam kathānam vatthubhūtato pañcakkhandhā “akkheyyā”ti vuccanti. “Satto naro poso puggalo itthī puriso”ti evam saññā etesam atthīti saññino, akkheyyesveva saññinoti **akkheyasyaññino**, pañcasu khandhesu sattapuggalādisaññinoti attho. **Akkhe-**

yyasmim patitthitati pañcasu khandhesu atthahākārehi patitthitā. Ratto hi rāgavasena patitthito hoti, duttho dosavasena, mūlho mohavasena, parāmattho ditthivasena, thāmagato anusayavasena, vinibaddho mānavasena, aniṭhaṅgato vicikicchāvasena, vikkhepagato uddhaccavasena patitthito hoti. **Akkheyam apariññāyāti** pañcakkhandhe tīhi pariññāhi aparijānitvā. **Yogamāyanti maccunoti** maccuno yogam payogam pakkhepam upakkhepam upakkamam abbhantaram āgacchanti, marañavasam gacchantīti attho. Evamimāya gāthāya kālikā kāmā kathitā.

Pariññāyāti nātāpariññā, tīraṇapariññā, pahānapariññāti imāhi tīhi pariññāhi parijānitvā. Tattha katamā **nātāpariññā?** Pañcakkhandhe parijānāti—“ayam rūpakkhandho, ayam vedanākkhandho, ayam saññākkhandho, ayam saṅkhārakkhandho, ayam viññāṇakkhandho, imāni tesam lakkhaṇarasapaccupaṭṭhānapadaṭṭhānānī”ti, ayam nātāpariññā. Katamā **tīraṇapariññā?** Evam nātam katvā pañcakkhandhe tīreti aniccato dukkhato rogaoti dvācattālīsāya ākārehi. Ayam tīraṇapariññā. Katamā **pahānapariññā?** Evam tīrayitvā aggamaggena pañcasu khandhesu chandarāgam pajahati. Ayaṁ pahānapariññā.

Akkhātāram na maññatīti evam tīhi pariññāhi pañcakkhandhe parijānitvā khīnāsavo bhikkhu akkhātāram puggalam na maññati. **Akkhātāranti** kammavasena kāraṇam veditabbam, akkhātabbam kathetabbam puggalam na maññati, na passatīti attho (1.0044). Kinti akkhātabbanti? “Tisso”ti vā “phusso”ti vā evam yena kenaci nāmena vā gottena vā pakāsetabbam. **Tañhi tassa na hotīti** tam tassa khīnāsavassa na hoti. **Yena nam vajjāti** yena nam “rāgena ratto”ti vā “dosena duttho”ti vā “mohena mūlho”ti vāti koci vadeyya, tam kāraṇam tassa khīnāsavassa natthi.

Sace vijānāsi vadehīti sace evarūpam khīnāsavam jānāsi, “jānāmī”ti vadehi. No ce jānāsi, atha “na jānāmī”ti vadehi. **YakkhāTi** devataṁ ālapanto āha. Iti imāya gāthāya sandiṭṭhiko navavidho lokuttaradhammo kathito. **Sādhūti** āyācanatthe nipāto.

Yo maññatīti yo attānam “ahaṁ samo”ti vā “visesī”ti vā “nihīno”ti vā maññati. Etena “seyyohamasmi”ti-ādayo tayo mānā gahitāva. Tesu gahitesu nava mānā gahitāva honti. **So vivadetha tenāti** so puggalo teneva mānena yena kenaci puggalena saddhim- “kena mam tvam pāpuṇāsi, kiṁ jātiyā pāpuṇāsi, udāhu gottena, kulapadesena, vaṇṇapokkharatāya, bāhusaccena, dhutaguṇenā”ti evam vivadeyya. Iti imāyapi upaḍḍhagāthāya kālikā kāmā kathitā.

Tisu vidhāsūti tīsu mānesu. “Ekavidhena rūpasāṅgaho”ti-ādīsu (dha. sa. 584) hi koṭṭhāso “vidho”ti vutto. “Kathaṁvidham sīlavantaṁ vadanti, kathaṁvidham paññavantaṁ vadanti”ti-ādīsu (saṁ. ni. 1.95) ākāro. “Tisso imā, bhikkhave, vidhā. Katamā tisso? Seyyohamasmi ti vidhā, sadisohamasmi ti vidhā, hīnohamasmi ti vidhā”ti-ādīsu (saṁ. ni. 5.162) māno “vidhā”ti vutto. Idhāpi mānova. Tena vuttam “tīsu vidhāsūti tīsu mānesū”ti. **Avikampamānoti** so puggalo etesu saṅkhepato tīsu, vitthārato navasu mānesu na kampati, na calati. **Samo visesīti na tassa hotīti** tassa pahīnamānassa khīnāsavassa “ahaṁ sadiso”ti vā “seyyo”ti vā “hīno”ti vā na hotīti dasseti. Pacchimapadam vuttanayameva. Iti imāyapi upaḍḍhagāthāya nav-

vidho sanditthiko lokuttaradhammo kathito.

Pahāsi (1.0045) **sañkhanti**, “paṭisañkhā yoniso āhāram āhāretī”ti-ādīsu (sam. ni. 4.120, 239) paññā “sañkhā”ti āgatā. “Atthi te koci gaṇako vā muddiko vā sañkhāyako vā, yo pahoti gaṅgāya vālukam gaṇetun”ti (sam. ni. 4.410) ettha gaṇanā. “Saññānidānā hi papañcasañkhā”ti-ādīsu (su. ni. 880) koṭṭhāso. “Yā tesam tesam dhammānam sañkhā samaññā”ti (dha. sa. 1313-1315) ettha paññatti “sañkhā”ti āgatā. Idhāpi ayameva adhippetā. **Pahāsi sañkhanti** padassa hi ayamevattho- ratto duṭṭho mūlho iti imañ paññattim khīṇāsavo pahāsi jahi pajahīti.

Na vimānamajjhagāti navabhedaṃ tividhamānam na upagato. Nivāsatthena vā mātukucchi “vimānan”ti vuccati, tam āyatim paṭisandhivasena na upagacchītipi attho. Anāgatatthe atītavacanam. **Accheccchīti** chindi. **Chinnaganthanti** cattāro ganthe chinditvā ṭhitam. **Anīghanti** niddukkham. **Nirāsanti** nittaṇham. **Pariyesamānāti** olokayamānā. **Nājjhagamunti** na adhigacchanti na vindanti na passanti. Vattamānatthe atītavacanam. **Idha vā huram vāti** idhaloke vā paraloke vā. **Sabbanivesenesūti** tayo bhavā, catasso yoniyo, pañca gatiyo, satta viññāṇaṭṭhitiyo, nava sattāvāsā, iti imesupi sabbesu sattanivesanesu evarūpaṃ khīṇāsavam kāyassa bhedā uppajjamānam vā uppannam vā na passantīti attho. Imāya gāthāya sanditthikam lokuttaradhammameva kathesi.

Imañca gātham sutvā sāpi devatā attham sallakkhesi, teneva kāraṇena **imassa khvāham**, **bhanteti-ādimāha**. Tattha **pāpam na kayirāti** gāthāya dasakusalakammopathavasenapi kathetum vatṭati atṭhaṅgikamaggavasenapi. Dasakusalakammopathavasena tāva **vacasāti** catubbidham vacisucaritam gahitam. **Manasāti** tividham manosucaritam

gahitam. **Kāyena vā kiñcana sabbaloketi** tividham kāyasucaritam gahitam. Ime tāva dasakusalakammapathadhammā honti. **Kāme pahāyāti** iminā pana kāmasukhallikānuyogo paṭikkhitto. **Satimā sampajānoti** iminā dasakusalakammapathakāraṇam satisampajaññam gahitam. **Dukkham na sevetha anatthasamhitanti** iminā attakilamathānuyogo paṭisiddho. Iti devatā “ubho ante vivajjetvā (1.0046) kāraṇehi satisampajaññehi saddhim dasakusalakammapathadhamme tumhehi kathite ājānāmi bhagavā”ti vadati.

Aṭṭhaṅgikamaggavasena pana ayaṁ nayo-tasmīm kira ṭhāne mahatī dhamma-desanā ahosi. Desanāpariyosāne devatā yathāṭhāne ṭhitāva desanānusārena ḡānam pesetvā sotāpattiphale patiṭṭhāya attanā adhigatam aṭṭhaṅgikam maggam dassentī evamāha. Tattha **vacasāti** sammāvācā gahitā, mano pana aṅgam na hotīti **manasāti** maggasampayuttakam cittam gahitam. **Kāyena vā kiñcana sabbaloketi** sammākammanto gahito, ājīvo pana vācākammantapakkhikattā gahitova hoti. **Satimāti** iminā vāyāmasatisamādhayo gahitā. **Sampajānotipadena** sammāditthisa-mmāsaṅkappā. **Kāme pahāya, dukkham na sevethātipadadvayena** antadvayava-jjanam. Iti ime dve ante anupagamma majjhimaṁ paṭipadaṁ tumhehi kathitam, ājānāmi bhagavāti vatvā tathāgatam gandhamālādīhi pūjetvā padakkhiṇam katvā pakkāmīti.

Samiddhisuttavaṇṇanā niṭṭhitā.

Nandanavaggo dutiyo.

3. Sattivaggo

1. Sattisuttavaṇṇanā

21. Sattivaggassa paṭhame **sattiyāti** desanāsīsametam. Ekatokhārādinā satthe-nāti attho. **Omaṭṭhoti** pahato. Cattāro hi pahārā omaṭṭho ummaṭṭho maṭṭho vimatṭhoti. Tattha upari ṭhatvā adhomukham dinnapahāro omaṭṭho nāma; heṭṭhā ṭhatvā uddhammukham dinno ummaṭṭho nāma; aggaṭasūci viya vinivijjhītī gato maṭṭho nāma; seso sabbopi vimatṭho nāma. Imasmīm pana ṭhāne omaṭṭho gahito. So hi sabbadāruṇo duruddharasallo duttikiccho antodoso antopubbalohitova hoti, pubbalohitam anikkhamitvā vaṇamukham pariyonandhitvā tiṭṭhati. Pubbalohitam (1.0047) niharitukāmehi mañcena saddhim bandhitvā adhosiro kātabbo hoti, marañam vā marañamattam vā dukkham pāpuṇāti. **Paribbajeti** vihareyya.

Imāya gāthāya kim katheti? Yathā sattiyā omaṭṭho puriso sallubbahana-vaṇati-kicchanānam atthāya vīriyam ārabhati, payogam karoti parakkamati. Yathā cādayhamāno matthake ādittasīso tassa nibbāpanatthāya vīriyam ārabhati, payogam

karoti parakkamati, evameva bhikkhu kāmarāgam pahānāya sato appamatto hutvā vihareyya bhagavāti kathesi.

Atha bhagavā cintesi- imāya devatāya upamā tāva daļham katvā ānītā, attham pana parittakam gahetvā ṭhitā, punappunam kathentīpi hesā kāmarāgassa vikkha-mbhanapahānameva katheyya. Yāva ca kāmarāgo maggena na samugghāṭiyati, tāva anubaddhova hoti. Iti tameva opammaṁ gahetvā paṭhamamaggavasena desanam vinivat̄etvā desento dutiyam gāthamāha. Tassattho purimānusāreneva veditabboti. Paṭhamam.

2. Phusatisuttavaṇṇanā

22. Dutiye nāphusantaṁ phusatīti kammam aphausantam vipāko na phusati, kammameva vā aphausantam kammam na phusati. Kammañhi nākaroto kariyati. **Phusantañca tato phuse**ti kammam phusantam vipāko phusati, kammameva vā phusati. Kammañhi karoto kariyati. **Tasmā phusantaṁ phusati, appaduṭṭhapadosi-nanti** yasmā na aphausantam phusati, phusantañca phusati, ayam kammavipākānam dhammatā, tasmā yo “appaduṭṭhassa narassa dussati, suddhassa posassa anaṅgaṇassā”ti evam vutto appaduṭṭhapadosī puggalo, tam puggalam kammam phusantameva kammam phusati, vipāko vā phusati. So hi parassa upaghātam kātum sakkoti vā mā vā, attā panānena catūsu apāyesu ṭhapito nāma hoti. Tenāha bhagavā- “tameva bālam pacceti pāpam, sukhumo rajo paṭivātamva khitto”ti. Dutiyam.

3. Jaṭāsuttavaṇṇanā

23. Tatiye (1.0048) **antojaṭāti** gāthāyam jaṭāti taṇhāya jāliniyā adhivacanam. Sā hi rūpādīsu ārammañesu heṭṭhupariyavasena punappunam uppajjanato samsibba-naṭhena veļugumbādīnam sākhājālasaṅkhātā jaṭā viyāti jaṭā. Sā panesā sakaparikkhāraparaparikkhāresu saka-attabhāva-para-attabhāvesu ajjhattikāyatana-bā-hirāyatanesu ca uppajjanato **antojaṭā bahijaṭāti** vuccati. Tāya evam uppajjamā-nāya **jaṭāya jaṭitā pajā**. Yathā nāma veļujaṭādīhi veļu-ādayo, evam tāya taṇhājaṭāya sabbāpi ayam sattanikāyasaṅkhātā pajā jaṭitā vinaddhā, samsibbitāti attho. Yasmā ca evam jaṭitā, **taṁ taṁ gotama pucchāmīti** tasmā tam pucchāmi. **Gota-māti** bhagavantam gottena ālapati. **Ko imam vijaṭaye jaṭanti** imam evam tedhā-tukam jaṭetvā ṭhitam jaṭam ko vijaṭeyya, vijaṭetum ko samatthoti pucchatī.

Athassa bhagavā tamattham vissajjento **sile patiṭṭhāyāti-ādimāha**. Tattha **sile patiṭṭhāyāti** catupārisuddhisile ṭhatvā. Ettha ca bhagavā jaṭāvijaṭanam pucchito sīlam ārabhanto na “aññam puṭṭho aññam kathetī”ti veditabbo. Jaṭāvijaṭakassa hi patiṭṭhādassanatthamettha sīlam kathitam.

Naroti satto. **Sapaññoti** kammajatihetukapaṭisandhipaññāya paññavā. **Cittam paññāñca bhāvayanti** samādhiñceva vipassanañca bhāvayamāno. Cittasīsena hettha aṭṭha samāpattiyo kathitā, paññānāmena vipassanā. **Ātāpīti** vīriyavā. Vīri-

yañhi kilesānam ātāpanaparitāpanaṭṭhena “ātāpo”ti vuccati, tadassa attīti ātāpi. **Nipakoti** nepakkam vuccati paññā, tāya samannāgatoti attho. Iminā padena pārihāriyapaññam dasseti. **Pārihāriyapaññā** nāma “ayam kālo uddesassa, ayam kālo paripucchāyā”ti-ādinā nayena sabbattha kārāpitā pariharitabbapaññā. Imasmiñhi pañhābyākaraṇe tikkhattum paññā āgatā. Tattha paṭhamā jātipaññā, dutiyā vipassanāpaññā, tatiyā sabbakiccapariṇāyikā pārihāriyapaññā.

So (1.0049) **imam vijaṭaye jaṭanti** so imehi sīlādīhi samannāgato bhikkhu. Yathā nāma puriso pathaviyam patiṭṭhāya sunisitam sattham ukkhipitvā mahantam veļugumbam vijaṭeyya, evamevaṁ sile patiṭṭhāya samādhisilāyam sunisitam vipassanāpaññāsattham vīriyabalapaggahitena pārihāriyapaññāhatthena ukkhipitvā sabbampi tam attano santāne patitam taṇhājaṭam vijaṭeyya sañchindeyya sampadāleyyāti.

Ettāvatā sekhabhūmim kathetvā idāni jaṭam vijaṭetvā ṭhitam mahākhīnāsavam dassento **yesanti**-ādimāha. Evam jaṭam vijaṭetvā ṭhitam khīnāsavam dassetvā puna jaṭāya vijaṭanokāsam dassento **yattha nāmañcāti**-ādimāha. Tattha **nāmantī** cattāro arūpino khandhā. **Paṭigham rūpasaññā cāti** ettha paṭighasaññāvasena kāmabhavo gahito, rūpasaññāvasena rūpabhavo. Tesu dvīsu gahitesu arūpabhavo gahitova hoti bhavasañkhepenāti. **Etthesā chijjate jaṭāti** ettha tebhūmakavatṭassa pariyādiyanatṭhāne esā jaṭā chijjati, nibbānam āgamma chijjati nirujjhātīti ayam attho dassito hoti. Tatiyam.

4. Manonivāraṇasuttavaṇṇanā

24. Catutthe **yato yatoti** pāpato vā kalyāṇato vā. Ayam kira devatā “yamkiñci kusalādibhedam lokiyaṁ vā lokuttaram vā mano, tam nivāretabbameva, na uppādetabban”ti evam laddhikā. **Sa sabbatoti** so sabbato. Atha bhagavā- “ayam devatā aniyyānikakatham katheti, mano nāma nivāretabbampi atti bhāvetabbampi, vibhajitvā namassā dassessāmī”ti cintetvā dutiyagātham āha. Tattha **na mano samyatattamāgatanti**, yam vuttam “na sabbato mano nivāraye”ti, kataram tam mano, yam tam sabbato na nivāretabbanti ce. Mano samyatattam āgataṁ, yam mano yattha samyatābhāvam āgataṁ, “dānam dassāmi, sīlam rakkhissāmī”ti-ādinā nayena uppannam, etaṁ mano na nivāretabbam, aññadatthu brūhetabbam vadhetabbam. **Yato yato ca pāpakanti** yato yato akusalam uppajjati, tato tato ca tam nivāretabbanti. Catuttham.

5. Arahantasuttavaṇṇanā

25. Pañcame (1.0050) **katāvīti** catūhi maggehi katakicco. **Aham vadāmīti** ayam devatā vanasañḍavāsinī, sā āraññakānam bhikkhūnam “ahaṁ bhuñjāmi, ahaṁ nisidāmi, mama patto, mama cīvaran”ti-ādikathāvohāram sutvā cintesi- “ahaṁ ime bhikkhū ‘khīnāsavā’ti maññāmi, khīnāsavānañca nāma evarūpā attupaladdhinnissitakathā hoti, na hoti nu kho”ti jānanattham evam pucchatī.

Sāmaññanti lokaniruttiṁ lokavohāram. **Kusaloti** khandhādīsu kusalo. **Vohāramat-**
tenāti upaladdhinissitakatham hitvā vohārabhedam akaronto “aham, mamā”ti
vadeyya. “Khandhā bhuñjanti, khandhā nisidanti, khandhānam patto, khandhānam
cīvaran”ti hi vutte vohārabhedo hoti, na koci jānāti. Tasmā evam avatvā lokavohā-
rena voharatīti.

Atha devatā- “yadi diṭṭhiyā vasena na vadati, mānavasena nu kho vadatī”ti
cintetvā puna **yo hotīti** pucchi. Tattha **mānam nu khoti** so bhikkhu mānam upa-
gantvā mānavasena vadeyya nu khoti. Atha bhagavā- “ayam devatā khīnāsavam
samānam viya karoti”ti cintetvā, “khīnāsavassa navavidhopi māno pahīno”ti
dassento paṭigātham āha. Tattha **vidhūpitāti** vidhamitā. **Mānaganthassāti** mānā ca
ganthā ca assa. **Maññatanti** maññanam. Tividhampi taṇhā-diṭṭhi-māna-maññanam
so vītivatto, atikkantoti attho. Sesam uttānatthamevāti. Pañcamam.

6. Pajjotasuttavaṇṇanā

26. Chaṭṭhe **puṭṭhunti** pucchitum. **Katham jānemūti** katham jāneyyāma. **Divāra-**
ttinti divā ca rattiñca. **Tattha tatthāti** yattha yattheva pajjalito hoti, tattha tattha. **Esā**
ābhāti esā buddhābhā. Katamā pana sāti? Ñāṇāloko vā hotu pīti-āloko vā pasādā-
loko vā dhammakathā-āloko vā, sabbopi buddhānam pātubhāvā uppanno āloko
buddhābhā nāma. Ayam anuttarā sabbasetṭhā asadisāti. Chaṭṭham.

7. Sarasuttavaṇṇanā

27. Sattame (1.0051) **kuto sarā nivattantīti** ime samsārasarā kuto nivattanti, kiṁ
āgamma nappavattantīti attho. **Na gādhātīti** na patiṭṭhāti. **Atoti** ato nibbānato.
Sesam uttānatthamevāti. Sattamam.

8. Mahaddhanasuttavaṇṇanā

28. Aṭṭhame nidhānagataṁ muttasārādi mahantaṁ dhanametesanti **maha-**
ddhanā. Suvaṇṇarajatabhājanādi mahābhogo etesanti **mahābhogā**. **Aññamaññā-**
bhigijjhantīti aññamaññam abhigijjhanti patthenti pihenti. **Analaṅkatāti** atittā apari-
yattajātā. **Ussukkajātesūti** nānākiccajātesu anuppannānam rūpādīnam uppādana-
tthāya uppannānam anubhavanatthāya ussukkesu. **Bhavasotānusārīsūti** vatṭa-
sotam anusarantesu. **Anussukāti** avāvatā. **Agāranti** mātugāmena saddhim geham.
Virājyāti virājetvā. Sesam uttānamevāti. Aṭṭhamam.

9. Catucakkasuttavaṇṇanā

29. Navame **catucakkanti** catu-iriyāpatham. Iriyāpatho hi idha cakkanti adhipeto. **Navadvāranti** navahi vaṇamukhehi navadvāram. **Puṇṇanti** asucipūram. **Lobhena saṃyutanti** taṇhāya saṃyuttam. **Katham yātrā bhavissatīti** etassa evarūpassa sarīrassa kathaṃ niggamanam bhavissati, kathaṃ mutti parimutti samatikkamo bhavissatīti pucchatī. **Naddhinti** upanāham, pubbakāle kodho, aparakāle upanāhoti evam pavattam balavakodhanti attho. **Varattanti** “chetvā naddhi varattañca, sandānam sahanukkaman”ti gāthāya (dha. pa. 398; su. ni. 627) taṇhā **varattā**, diṭṭhi **sandānam** nāma jātam. Idha pana pāliniddiṭṭhe kilese ṭhapetvā avasesā “varattā”ti veditabbā, iti kilesavarattañca chetvāti attho. **Icchā lobhanti** eko yeva dhammo icchanaṭṭhena icchā, lubbhanaṭṭhena lobhoti vutto. Paṭhamuppattikā vā dubbalā icchā, aparāparuppattiko balavā lobho. Aladdhapatthanā vā icchā, paṭiladdhavatthumhi lobho. **Samūlam taṇhanti** avijjāmūlena samūlakam taṇham. **Abbuyhāti** aggamaggena uppātetvā. Sesam uttānamevāti. Navamam.

10. Eṇijaṅghasuttavaṇṇanā

30. Dasame (1.0052) **eṇijaṅghanti** eṇimigassa viya suvatṭitajaṅgham. **Kisanti** athūlam samasarīram. Atha vā ātapena milātam mālāgandhavilepanehi anupabruhitasarīrantipi attho. **Vīranti** vīriyavantam. **Appāhāranti** bhojane mattaññutāya mitāharam, vikālabhojanapaṭikkhepavasena vā parittāharam. **Alolupanti** catūsu paccayesu loluppavirahitam. Rasataṇhāpaṭikkhepo vā esa. **Sīhamvekacaram nāganti** ekacaram sīham viya, ekacaram nāgam viya. Gaṇavāsino hi pamattā honti, eka-carā appamattā, tasmā ekacarāva gahitāti. **Paveditāti** pakāsitā kathitā. **Etthāti** etasmīm nāmarūpe. Pañcakāmaguṇavasena hi rūpam gahitam, manena nāmam, ubhayehi pana avinibhuttadhamme gahetvā pañcakkhandhādivasenapettha bhummam yojetabbanti. Dasamam.

Sattivaggo tatiyo.

4. Satullapakāyikavaggo

1. Sabbhisuttavaṇṇanā

31. Satullapakāyikavaggassa paṭhame **satullapakāyikāti** sataṃ dhammam samādānavasena ullapetvā sagge nibbattāti satullapakāyikā. Tatridam vatthusambahulā kira samuddavāṇijā nāvāya samuddam pakkhandim̄su. Tesam khittasaravegena gacchantiyā nāvāya sattame divase samuddamajjhē mahantaṃ uppātikam pātubhūtam, mahā-ūmiyo utṭhahitvā nāvam udakassa pūrenti. Nāvāya nimujjamānāya mahājano attano attano devatānam nāmāni gahetvā āyācanādīni karonto paridevi. Tesam majjhē eko puriso “atthi nu kho me evarūpe bhaye pati-

tṭhā”ti āvajjento attano parisuddhāni saraṇāni ceva sīlāni ca disvā yogī viya pallaṅkam ābhujitvā nisīdi. Tamenam itare sabhayakāraṇam pucchiṁsu. So tesam kathesi- “ambho aham nāvam abhirūhanadivase bhikkhusaṅghassa dānam datvā saraṇāni ceva sīlāni ca aggahesiṁ, tena me bhayaṁ natthi”ti. Kim pana sāmi etāni aññesampi vattantīti? Āma vattantīti tena hi amhākampi dethāti. So te manusse satam satam katvā satta koṭṭhāse akāsi, tato pañcasīlāni adāsi. Tesu paṭhamam jaṅghasatam goppakamatte udake ṭhitam aggahesi, dutiyam jānu-matte, tatiyam kaṭimatte, catuttham nābhimatte, pañcamam thanamatte, chaṭṭham galappamāne, sattamam mukhena loṇodake pavisante aggahesi. So tesam sīlāni datvā- “aññam tumhākam paṭisaraṇam natthi, sīlameva āvajjethā”ti ugghosesi. Tāni sattapi jaṅghasatāni tattha kālam katvā āsannakāle gahitasīlam nissāya tāvatiṁsabhavane nibbattiṁsu, tesam ghaṭāvaseneva vimānāni nibbattiṁsu. Sabbesam majhe ācariyassa yojanasatikam suvaṇṇavimānam nibbatti, avase-nāni tassa parivārāni hutvā sabbahetṭhimam dvādasayojanikam ahosi. Te nibba-takkhaṇeyeva kammaṁ āvajjentā ācariyam nissāya sampattilābhām ūnatvā, “gacchāma tāva, dasabalassa santike amhākam ācariyassa vaṇṇam katheyyāmā”-ti majjhimayāmasamanantare bhagavantaṁ upasaṅkamīṁsu, tā devatā ācari-yassa vaṇṇabhaṇanattham ekekam gātham abhāsimuṁ.

Tattha **sabbhirevāti** paṇḍitehi, sappurisehi eva. Ra-kāro padasandhikaro. **Samā-sethāti** saha nisīdeyya. Desanāsīsameva cetam, sabba-iriyāpathe sabbhireva saha kubbeyyāti attho. **Kubbethāti** kareyya. **Santhavanti** mittasanthavam. Taṇhā-santhavo pana na kenaci saddhim kātabbo, mittasanthavo buddha-paccekabu-dha-buddhasāvakehi saha kātabbo. Idam sandhāyetam vuttam. **Satanti** buddhā-dīnam sappurisānam. **Saddhammantī** pañcasīladasasīlacatusatipāṭṭhānādibhedam saddhammaṁ, idha pana pañcasīlam adhippetam. **Seyyo hotīti** vadḍhi hoti. **Na pāpiyo** Ti lāmakam kiñci na hoti. **Nāññatoti** vālikādīhi telādīni viya aññato andhabā-lato paññā nāma na labbhati, tilādīhi pana telādīni viya satam dhammam ūnatvā paṇḍitameva sevanto bhajanto labhatīti. **Sokamajjheta** sokavaththūnam sokānugatānam vā sattānam majjhagato na socati bandhulamallasenāpatissa (1.0054) upā-sikā viya, pañcannam corasatānam majhe dhammasenāpatissa saddhivihāriko samkiccasāmañero viya ca.

Ñātimajjhē virocatīti ñātigaṇamajjhē samkiccatherassa saddhivihāriko adhimuttakasāmañero viya sobhati. So kira therassa bhāgineyyo hoti, atha nam therō āha- “sāmañera, mahallakosi jāto, gaccha, vassāni pucchitvā ehi, upasampādes-sāmi tan”ti. So “sādhū”ti theram vanditvā pattacīvaramādāya cora-aṭaviyā orabhāge bhaginigāmaṁ gantvā piṇḍāya cari, tam bhaginī disvā vanditvā gehe nisidā-petvā bhojesi. So katahattakicco vassāni pucchi. Sā “ahaṁ na jānāmi, mātā me jānātī”ti āha. Atha so “tiṭṭhatha tumhe, ahaṁ mātusantikam gamissāmī”ti aṭavim otīṇo. Tamenam dūratova corapuriso disvā corānaṁ ārocesi. Corā “sāmañero kireko aṭavim otīṇo, gacchatha nam ānethā”ti āñāpetvā ekacce “mārema nan”ti āhaṁsu, ekacce vissajjemāti. Sāmañero cintesi- “ahaṁ sekho sakaraṇīyo, imehi saddhim mantetvā sotthimattānam karissāmī”ti corajeṭṭhakam āmantetvā,

“upamaṁ te, āvuso, karissāmī”ti imā gāthā abhāsi-

“Ahu atītamaddhānam, araññasmiṁ brahāvane;
ceto kūṭāni odḍetvā, sasakaṁ avadhī tadā.

“Sasakañca mataṁ disvā, ubbiggā migapakkhino;
ekarattīṁ apakkāmuṁ, ‘akiccaṁ vattate idha’.

“Tatheva samaṇam hantvā, adhimuttam akiñcanam;
addhikā nāgamissanti, dhanajāni bhavissatī”ti.

“Saccam kho samaṇo āha, adhimutto akiñcano;
addhikā nāgamissanti, dhanajāni bhavissati.

“Sace paṭipathe disvā, nārocessasi kassaci;
tava saccamanurakkhanto, gaccha bhante yathāsukhan”ti.

So (1.0055) tehi corehi vissajjito gacchanto ñātayopi disvā tesampi na ārocesi.
Atha te anuppatte corā gahetvā vihetayim̄su, uram paharitvā paridevamāna-
ñcassa mātarām corā etadavocum-

“Kīm te hoti adhimutto, udare vasiko asi;
puṭṭhā me amma akkhāhi, kathaṁ jānemu taṁ mayan”ti.

“Adhimuttassa aham mātā, ayañca janako pitā;
bhaginī bhātaro cāpi, sabbeva idha ñātayo.

“Akiccakārī adhimutto, yaṁ disvā na nivāraye;
etaṁ kho vattam samaṇānam, ariyānam dhammajīvinam.

“Saccavādī adhimutto, yaṁ disvā na nivāraye;
adhimuttassa suciññena, saccavādissa bhikkhuno;
sabbeva abhayam pattā, sotthim gacchantu ñātayo”ti.

Evaṁ te corehi vissajjītā gantvā adhimuttam āhaṁsu-
“Tava tāta suciññena, saccavādissa bhikkhuno;
sabbeva abhayam pattā, sotthim paccāgamamhase”ti.

Tepi pañcasatā corā pasādam āpajjītvā adhimuttassa sāmaṇerassa santike
pabbajim̄su. So te ādāya upajjhāyassa santikam gantvā paṭhamam attanā upasa-
mpanno pacchā te pañcasate attano antevāsike katvā upasampādesi. Te adhimut-
tatherassa ovāde ṭhitā sabbe aggaphalam arahattam pāpuṇim̄su. Imamattham
gahetvā devatā “sataṁ saddhammamaññāya ñātimajjhe virocatī”ti āha.

Sātatanti satataṁ sukham vā ciram tiṭṭhantīti vadati. **Sabbāsam** voti sabbāsam
tumhākam. **Pariyāyenāti** kārañena. **Sabbadukkhā pamuccatīti**, na kevalam
seyyova hoti, na ca kevalam paññam labhati, sokamajjhe na socati, ñātimajjhe
virocati, sugatiyam nibbattati, ciram sukham tiṭṭhati, sakalasmā pana vaṭṭadu-
kkhāpi muccatīti. Paṭhamam.

2. Maccharisuttavaññanā

32. Dutiye (1.0056) **maccherā ca pamādā cāti** attasampattinigūhanalakkhañena
maccherena ceva sativippavāsalakkhañena pamādena ca. Ekacco hi ‘idam me
dentassa parikkhayam gamissati, mayham vā gharamānusakānam vā na bhavi-

ssatī”ti macchariyena dānam na deti. Ekacco khippādipasutattā ‘dānam dātabban’-ti cittampi na uppādeti. **Evam dānam na dīyatīti** evametam yasadāyakam siridāyakam sampattidāyakam sukhadāyakam dānam nāma na dīyatīti-ādinā kāraṇam kathesi. **Puññaṁ ākaṇkhamānenāti** pubbacetanādibhedaṁ puññaṁ icchamānena. **Deyyam hoti vijānatāti** atthi dānassa phalanti jānantena dātabbamevāti vadati.

Tameva bālam phusatīti tamyeva bālam idhalokaparalokesu jighacchā ca pipāsā ca phusati anubandhati na vijahati. **Tasmāti** yasmā tameva phusati, tasmā. **Vineyya maccheranti** maccheramalam vinetvā. **Dajjā dānam malābhībhūti** malābhībhū hutvā tam maccheramalam abhibhavitvā dānam dadeyya.

Te matesu na mīyantīti adānasīlatāya maraṇena matesu na mīyanti. Yathā hi mato samparivāretvā ṭhapite bahumhipi annapānādimhi “idam imassa hotu, idam imassā”ti uṭṭhahitvā saṃvibhāgam na karoti, evam adānasīlopīti matakassa ca adānasīlassa ca bhogā samasamā nāma honti. Tena dānasīlā evarūpesu matesu na mīyantīti attho. **Panthānamva saha vajam, appasmiṁ ye paveccchantīti** yathā addhānam kantāramaggam saha vajantā pathikā saha vajantānam pathikānam appasmiṁ pātheyye saṃvibhāgam katvā pavecchanti dadantiyeva, evamevaṁ ye pana anamataggam saṃsārakantāram saha vajantā saha vajantānam appasmiṁ deyyadhamme saṃvibhāgam katvā dadantiyeva, te matesu na mīyanti.

Esa dhammo sanantanoti esa porāṇako dhammo,

sanantanānam vā pañditānam esa dhammoti. **Appasmeketi** appasmim deyya-dhamme eke. **PavecchantīTi** (1.0057) dadanti. **Bahuneke na dicchareti** bahunāpi bhogena samannāgatā ekacce na dadanti. **Sahassena samam mitāti** sahassena saddhim mitā, sahassa dānasadisā hoti.

Duranvayoti duranugamano, duppūroti attho. **Dhammam caretī** dasakusalaka-mmapathadhammam carati. **Yopi samuñjakañcareti** yo api khalamañdalādisodhanapalālapoñthanādivasena samuñjakañcarati. **Dārañca posanti** dārañca posanto. **Dadam appakasminti** appakasmim paññasākamattasmimpi samvibhāgam katvā dadantova so dhammam carati. **Satañ sahassānanti** sahassam sahassam katvā gañitānam purisānam satam, satasahassanti attho. **Sahassayāginanti** bhikkhusahassassa vā yāgo kahāpañasahassena vā nibbattito yāgopi sahassayāgo. So etesam atthīti sahassayāgino, tesam sahassayāginam. Etena dasannam vā bhikkhukotīnam dasannam vā kahāpañakoñnam piñdapāto dassito hoti. Ye ettakam dadanti, te kalampi nagghanti tathāvidhassāti āha. Yvāyam samuñjakam carantopi dhammam carati, dāram posentopi, appakasmim dadantopi, tathāvidhassa ete sahassayāgino kalampi nagghanti. Yam tena daliddena ekapañivisaka-mattampi salākabhattamattampi vā dinnam, tassa dānassa sabbesampi tesam dānam kalam nagghatīti. **Kalam** nāma soñasabhāgopi satabhāgopi sahassabhāgopi. Idha satabhāgo gahito. Yam tena dānam dinnam, tasmin satadhā vibhatte itaresam dasakoñisahassadānam tato ekakoñthāsampi nagghatīti āha.

Evam tathāgate dānassa aggham karonte samipe ḥhitā devatā cintesi- “evam bhagavā mahantañ dānam pādena pavañtetvā ratanasatike viya narake pakkhipanto idam evam parittakam dānam candamañdale paharanto viya ukkipati, katham nu kho etañ mahapphalataran”ti jānanattham gāthāya ajjhabhāsi. Tattha kenāti kena kārañena. **MahaggatoTi** mahattam gato, vipulassetam vevacanam. **Samena dinnassāti** samena dinnassa dānassa. Athassā bhagavā dānam vibhajitvā dassento **dadanti heketi-ādimāha**. Tattha **visame niviññhāti** visame kāyavaci-manokamme patiññhitā hutvā. **Chetvāti** pothetvā. **Vadhītvāti** māretvā. **Socayitvāti** param (1.0058) sokasamappitam katvā. **Assumukhāti** assumukhasammissā. Param rodāpetvā dinnadānañhi assumukhadānanti vuccati. **Sadañdāti** dañdena tajjetvā paharitvā dinnadakkhiñā sadañdāti vuccati. **Evanti** nāham sammāsambuddhatāya mahādānam gahetvā appaphalam nāma kātum sakkomi parittakadānam vā mahapphalam nāma. Idam pana mahādānam attano uppattiyyā aparisuddhatāya evam appaphalam nāma hoti, itaram parittadānam attano uppattiyyā parisuddhatāya evam mahapphalam nāmāti imamattham dassento **evanti-ādimāhāti**. Dutiyam.

3. Sādhusuttavaññanā

33. Tatiye **udānam udānesīti** udāhāram udāhari. Yathā hi yam telam mānam gahetuñ na sakkoti vissanditvā gacchatī, tam avasesakoti vuccati. Yañca jalāñ tañkam gahetuñ na sakkoti, ajjhottaritvā gacchatī, tam oghoti vuccati, evamevam

yaṁ pītivacanam hadayaṁ gahetuṁ na sakkoti, adhikam hutvā anto asaṇṭhahitvā bahi nikkhamati, tam udānanti vuccati. Evarūpaṁ pītimayaṁ vacanaṁ nicchāre-sīti attho. **Saddhāyapi sāhu dānanti** kammañca kammaphalañca saddahitvāpi dinnadānam sāhu laddhakam bhaddakameva. Āhūti kathenti. Katham panetaṁ ubhayaṁ samam nāma hotiti? Jīvitabhīruko hi yujhituṁ na sakkoti, khayabhīruko dātuṁ na sakkoti. “Jīvitañca rakkhissāmi yujhissāmi cā”ti hi vadanto na yujhati. Jīvite pana ālayaṁ vissajjetvā, “chejjam vā hotu maraṇam vā, gaṇhissāmetam issariyan”ti ussahantova yujhati. “Bhoge ca rakkhissāmi, dānañca dassāmī”ti vadanto na dadāti. Bhogesu pana ālayaṁ vissajjetvā mahādānam dassāmīti ussahantova deti. Evam dānañca yuddhañca samam hoti. Kiñca bhiyyo? **Appāpi santā bahuke jinanti**ti yathā ca yuddhe appakāpi vīrapurisā bahuke bhīrupurise jinanti, evam saddhādisampanno appakampi dānam dadanto bahumaccheram maddati, bahuñca dānavipākam adhigacchati. Evampi dānañca yuddhañca samānam. Tenevāha-

“Appampi ce saddahāno dadāti,
teneva so hoti sukhī paratthā”ti.

Imassa (1.0059) ca panatthassa pakāsanattham ekasāṭakabrabrahmaṇavatthu ca aṅkuravatthu ca vitthāretabbam.

Dhammadaddhassāti dhammena samena laddhassa bhogassa dhammadaddhassa ca puggalassa. Ettha puggalo laddhadhammo nāma adhigatadhammo ariyapuggalo. Iti yaṁ dhammadaddhassa bhogassa dānam dhammadaddhassa ariyapuggalassa dīyati, tampi sādhūti attho. **Yo dhammadaddhassāti** imasmimpi gāthāpade ayameva attho. **Uṭṭhānavīriyādhigatassāti** uṭṭhānena ca vīriyena ca adhigatassa bhogassa. **Vetaraṇīti** desanāsīsamattametam. Yamassa pana veta-raṇimpi sañjīvakālaśuttādayopi ekatiṁsamahānirayepi sabbasova atikkamitvāti attho.

Viceyya dānanti vicinitvā dinnadānam. Tattha dve vicinanā dakkhiṇāvicinanaṁ dakkhiṇeyyaviciñanañca. Tesu lāmakalāmake paccaye apanetvā pañītapañīte vicinitvā tesam dānam dakkhiṇāvicinanaṁ nāma. Vipannasile ito bahiddhā pañcanavutipāsaṇḍabhede vā dakkhiṇeyye pahāya sīlādiguṇasampannānam sāsane pabbajitānam dānam dakkhiṇeyyaviciñanaṁ nāma. Evam dvihākārehi viceyya dānam. **Sugatappasatthanti** sugatena vaṇṇitam. Tattha dakkhiṇeyyaviciñanaṁ dassento **ye dakkhiṇeyyāti-ādimāha**. **Bijāni vuttāni yathāti** iminā pana dakkhiṇāvicinanaṁ āha. Avipannabijasadisā hi vicinitvā gahitā pañītapañītā deyyadhammāti.

Pāñesupi sādu samyamoti pāñesu samyatabhāvopi bhaddako. Ayam devatā itarāhi kathitam dānānisamsam atikkamitvā sīlānisamsam kathetumāraddhā. **Ahetuyam caranti** avihiṁsanto caramāno. **Parūpavādāti** parassa upavādabhayena. **Bhayāti** upavādabhayā. **Dānā ca kho dhammapadaṁva seyyoti** dānato nibbānasaṅkhātam dhammapadameva seyyo. **Pubbe ca hi pubbatare ca santoti** pubbe ca kassapabuddhādikāle pubbatare ca koṇāgamanabuddhādikāle, sabbepi vā ete pubbe ca pubbatare ca santo nāmāti. Tatiyaṁ.

4. Nasantisuttavaṇṇanā

34. Catutthe (1.0060) **kamanīyānīti** rūpādīni iṭṭhārammaṇāni. **Apunāgamanam anāgantā puriso maccudheyyāti** tebhūmakavatṭasaṅkhātā maccudheyyā apunāgamanasaṅkhātaṁ nibbānaṁ anāgantā. Nibbānañhi sattā na punāgacchanti, tasmā tam apunāgamananti vuccati. Tam kāmesu baddho ca pamatto ca anāgantā nāma hoti, so tam pāpuṇitum na sakkoti, tasmā evamāha. **Chandajanti** taṇhāchandato jātam. **Aghanti** pañcakkhandhadukkhaṁ. Dutiyapadam tasseva vevacanam. **Chandavinayā aghavinayoti** taṇhāvinayena pañcakkhandhavinayo. **Aghavinayā dukkhavinayoti** pañcakkhandhavinayena vaṭṭadukkhaṁ vinītameva hoti. **Citrānī** ārammaṇacittāni. **Saṅkapparāgoti** saṅkappitarāgo. Evamettha vatthukāmam paṭikkhipitvā kilesakāmo kāmoti vutto. Ayam panattho **pasūrasuttēna** (su. ni. 830 ādayo) vibhāvetabbo. Pasūraparibbājako hi therena “saṅkapparāgo purisassa kāmo”ti vutte-

“Na te kāmā yāni citrāni loke,
saṅkapparāgañca vadesi kāmam;
saṅkappayam akusale vitakke,
bhikkhūpi te hehinti kāmabhogī”ti.-

Āha. Atha nam therō avoca-

“Te ce kāmā yāni citrāni loke,
saṅkapparāgam na vadesi kāmam;
passanto rūpāni manoramāni,
satthāpi te hehitī kāmabhogī.
Suṇanto saddāni, ghāyanto gandhāni;
sāyanto rasāni, phusanto phassāni manoramāni;
satthāpi te hehitī kāmabhogī”ti.

Ahettha dhīrāti atha etesu ārammaṇesu paṇḍitā chandarāgam vinayanti. **Samyojanam sabbanti dasavidhampi samyojanam**. **Akiñcananti** rāgakiñcanādivirahitam. **Nānupatanti dukkhāti** vaṭṭadukkhā pana tassa upari na patanti. **Iccāyasmā** (1.0061) **mogharājāti**, “pahāsi saṅkhan”ti gāthāṁ sutvā tassam parisati anusandhikusalō mogharājā nāma therō “imissā gāthāya attho na yathānusandhiṁ gato”ti cintetvā yathānusandhiṁ ghaṭento evamāha. Tattha **idha vā huram vāti** idhaloke vā para-loke vā. **Naruttamam atthacaram narānanti** kiñcāpi sabbe khīṇāsavā naruttamā ceva atthacarā ca narānam, therō pana dasabalam sandhāyevamāha. **Ye tam namassanti pasāmsiyā teti** yadi tathāvimuttam devamanussā namassanti, atha ye tam bhagavantam kāyena vā vācāya vā anupaṭipattiyyā vā namassanti, te kiṁ pasāmsiyā, udāhu apasāmsiyāti. **Bhikkhūti** Mogharājattheram ālapati. **Aññāya dhammanti** catusaccadhammaṁ jānitvā. **Saṅgātigā tepi bhavantīti** ye tam kāyena vā vācāya vā anupaṭipattiyyā vā namassanti. Te catusaccadhammaṁ aññāya vici-kiccham pahāya saṅgātigāpi honti, pasāmsiyāpi hontīti. Catuttham.

5. Ujjhānasaññisuttavaṇṇanā

35. Pañcame **ujjhānasaññikāti** ujjhānasaññī devaloko nāma pātiyekko natthi, imā pana devatā tathāgatassa catupaccayaparibhogam nissāya ujjhāyamānā āgatā. Tāsam̄ kira evam̄ ahosi- “samaṇo gotamo bhikkhūnaṁ pañṣukūlacīvara-piṇḍiyālopa-rukkhamūlasenāsanapūtimuttabhesajjehi santosasseva pariyantakāritaṁ vaṇṇeti, sayam̄ pana pattuṇṇadukūla khomādīni pañitacīvarāni dhāreti, rājāraham̄ uttamam̄ bhojanam̄ bhuñjati, devavimānakappāya gandhakuṭiyā varasayane sayati, sappinavanītādīni bhesajjāni paṭisevati, divasam̄ mahājanassa dhammam̄ deseti, vacanamassa aññato gacchati, kiriyā aññato”ti ujjhāyamānā āgamim̄su. Tena tāsam̄ dhammasaṅgāhakattherehi “ujjhānasaññikā”ti nāmam̄ gahitam̄.

Aññathā santanti aññenākārena bhūtam̄. **Nikaccāti** nikatiyā vañcanāya, vañcetvāti attho. **Kitavassevāti** kitavo vuccati sākuṇiko. So (1.0062) hi agumbova samāno sākhapaṇṇādipaṭicchādanena gumbavaṇṇam̄ dassetvā upagate morattiirādayo sakuṇe māretvā dārabharaṇam̄ karoti. Iti tassa kitavassa imāya vañcanāya evam̄ vañcetvā sakuṇamāmsabhojanam̄ viya kuhakassāpi pañṣukūlena attānam̄ paṭicchādetvā kathāchekatāya mahājanam̄ vañcetvā khādamānassa vicarato. **Bhuttam̄ theyyena tassa tanti** sabbopi tassa catupaccayaparibhogo theyyena paribhutto nāma hotīti devatā bhagavantaṁ sandhāya vadati. **Parijānanti pañḍitāti** ayam̄ kārako vā akārako vāti pañḍitā jānanti. Iti tā devatā “tathāgatāpi mayameva pañḍitā”ti maññamānā evamāhaṁsu.

Atha bhagavā **nayidanti-ādimāha**. Tattha **yāyam̄ paṭipadā daļhāti** ayam̄ dhammānudhammapaṭipadā daļhā thirā. Yāya

paṭipadāya dhīrā paṇḍitā ārammaṇūpanijjhānena lakkhaṇūpanijjhānena cāti dvīhi jhānehi jhāyino mārabandhanā pamuccanti, tam paṭipadām bhāsitamattena vā savanamattena vā okkamitum paṭipajjitum na sakkāti attho. **Na ve dhīrā pakubba-**
ntīti dhīrā paṇḍitā viditvā lokapariyāyam saṅkhāralokassa udayabbayaṁ ūnatvā catusaccadhammañca aññāya kilesanibbānena nibbutā loke visattikam tiṇṇā evam na kubbanti, mayam evarūpāni na kathemāti attho.

Pathaviyam patiṭṭhahitvā Ti “ayuttam amhehi kataṁ, akārakameva mayam kārakavādena samudācarimhā”ti lajjamānā mahābrahmani viya bhagavati gāravam paccupaṭṭhapetvā aggikkhandham viya bhagavantam durāsadaṁ katvā passamānā ākāsato otaritvā bhūmiyam ṭhatvāti attho. **Accayo** Ti aparādho. **No, bhante, accāgamāti** amhe atikkamma abhibhavitvā pavatto. **Āsādetabbanti** ghaṭṭayitabbam. Tā kira devatā bhagavantam kāyena vācāyāti dvīhipi ghaṭṭayimṣu. Tathāgataṁ avanditvā ākāse patiṭṭhamānā kāyena ghaṭṭayimṣu, kitavopamam āharitvā nānappakārakam asabbhvādaṁ vadāmānā vācāya ghaṭṭayimṣu. Tasmā āsādetabbam amaññimhāti āhamṣu. **Paṭiggaṇhātūti** khamatu. **Āyatim samvarāyāti** (1.0063) anāgate samvaraṇatthāya, puna evarūpassa aparādhassa dosassa akaraṇatthāya.

Sitam pātvākāsi Ti aggadante dassento pahaṭṭhākāram dassesi. Kasmā? Tā kira devatā na sabhāvena khamāpenti, lokiyamahājanañca sadevake loke aggapuggalam tathāgatañca ekasadisam karonti. Atha bhagavā “parato kathāya uppannāya buddhabalam dīpetvā pacchā khamissāmī”ti sitam pātvākāsi. **Bhiyyoso mattāyāti** atirekappamāṇena. **Imam gātham abhāsīti** kupito esa amhākanti maññamānā abhāsi.

Na paṭiggaṇhatīti na khamati nādhivāseti. **Kopantaroti** abbhantare uppannakopo. **Dosagarūti** dosam garuṁ katvā ādāya viharanto. **Sa veram paṭimuñcatīti** so eva rūpo gaṇṭhikam paṭimuñcanto viya tam veram attani paṭimuñcati ṭhāpeti, na paṭini-ssajjatīti attho. **Accayo ce na vijjethāti** sace accāyikakammam na bhaveyya. **No cidhāpagatam siyāti** yadi aparādho nāma na bhāveyya. **Kenidha kusalo siyāti** yadi verāni na sammeyyum, kena kāraṇena kusalo bhaveyya.

Kassaccayāti gāthāya kassa atikkamo natthi? Kassa aparādho natthi? Ko sammoham nāpajjati? Ko niccameva paṇḍito nāmāti attho? **Imam** kira gātham bhaṇāpanattham bhagavato sitapātukammam. Tasmā idāni devatānam buddhabalam dīpetvā khamissāmīti **tathāgatassa buddhassāti-ādimāha**. Tattha **tathāgatasāti** tathā āgatoti evamādīhi kāraṇehi tathāgatassa. **Buddhassāti** catunnam saccānam buddhattādīhi kāraṇehi vimokkhantikapaṇṇattivasena evam laddhanāmassa. **Accayam desayantīnanti** yam vuttam tumhehi “accayam desayantīnam ...pe... sa veram paṭimuñcatī”ti, tam sādhu vuttaṁ, aham pana tam veram nābhinnandāmi na patthayāmīti attho. **Paṭiggaṇhāmi vocayanti** tumhākam aparādhām khamāmīti. Pañcamam.

6. Saddhāsuttavaṇṇanā

36. Chaṭṭhe (1.0064) **saddhā dutiyā purisassa hotī** Ti purisassa devaloke manu-

ssaloke ceva nibbānañca gacchantassa saddhā dutiyā hoti, sahāyakiccam sādheti. **No ce assaddhiyam avatiññatīti** yadi assaddhiyam na tiññati. **Yasoti** parivāro. **Kittīti** vanñabhañanam. **Tatvassa hotīti** tato assa hoti. **Nānupatanti sañgāti** rāgasañgādayo pañca sañgā na anupatanti. **Pamādamanuyuñjantīti** ye pamādam karonti nibbattenti, te tam anuyuñjanti nāma. **Dhanam setñhamva rakkhatīti** muttā-mañisārādi-uttamadhanam viya rakkhati. **Jhāyantoti** lakkhañūpanijjhānenā ca ārammañūpanijjhānenā ca jhāyanto. Tattha **lakkhañūpanijjhānam** nāma vipassanā-maggaphalāni. Vipassanā hi tīni lakkhañāni upanijjhāyatīti lakkhañūpanijjhānam. Maggo vipassanāya āgatakiccam sādhetīti lakkhañūpanijjhānam. Phalañ tathalakkhañam nirodhasaccam upanijjhāyatīti lakkhañūpanijjhānam. Añña samāpattiyo pana kasiñārammañassa upanijjhāyanato **ārammañūpanijjhānanti** veditabbā. **Paramam** nāma arahattasukham adhippetanti. Chaññham.

7. Samayasuttavaññanā

37. Sattame saksesūTi “sakyā vata, bho kumārā”ti (dī. ni. 1.267) udānam pañcicca sakkāti laddhanāmānam rājakumārānam nivāso ekopi janapado rūlhīsaddena sakkāti vuccati. Tasmiñ saksesu janapade. **Mahāvaneti** sayamjāte aropime himavantena saddhim ekābaddhe mahati vane. **Sabbeheva arahantehīti** imañ suttañ kathitadivaseyeva patta-arahantehi.

Tatrāyam anupubbikathā- sākiyakoliyā hi kira kapilavatthunagarassa ca koliyanagarassa ca antare rohiñim nāma nadīm ekeneva āvarañena bandhāpetvā sassāni kārenti. Atha jetñhamūlamāse sassesu milāyantesu ubhayanagaravāsi-nampi kammakārā sannipatiñsu. Tattha koliyagnaravāsino āhamṣu- “idam udakam ubhayato āhariyamānam na tumhākam, na amhākam pahossati, amhākam pana sassam ekena udakeneva nippajjissati, idam udakam amhākam dethā”ti. Kapilavatthuvāsino āhamṣu- “tumhesu koñthe pūretvā ṭhitesu mayam rattasuvaññanilamañikālakahāpañe (1.0065) ca gahetvā pacchipasibbakādihatthā na sakkhissāma tumhākam gharadvāre vicaritum, amhākampi sassam ekeneva udakena nippajjissati, idam udakam amhākam dethā”ti. “Na mayam dassāmā”ti. “Mayampi na dassāmā”ti. Evam kathañ vadḍhetvā eko utṭhāya ekassa pahāram adāsi, so pi aññassāti evam aññamaññam paharitvā rājakulānam jātiñ ghaññetvā kalahañ vadḍhayiñsu.

Koliyakammakārā vadanti- “tumhe kapilavatthuvāsike gahetvā gajjatha, ye soñasiñgālādayo viya attano bhaginīhi saddhim samvasiñsu, etesam̄ hatthino ca assā ca phalakāvudhāni ca amhākam kiñ karissanti”ti? Sākiyakammakārā vadanti- “tumhe dāni kuñthino dārake gahetvā gajjatha, ye anāthā niggatikā tiracchānā viya kolarukkhe vasiñsu, etesam̄ hatthino ca assā ca phalakāvudhāni ca amhākam kiñ karissanti”ti? Te gantvā tasmiñ kamme niyutta-amaccānam kathesum, amaccā rājakulānam kathesum. Tato sākiyā- “bhaginīhi saddhim samvasitakānam thāmañca balañca dassessāmā”ti yuddhasajjā nikkhamiñsu. Koliyāpi- “kolarukkhavāsīnam thāmañca balañca dassessāmā”ti yuddhasajjā

nikkhamiṁsu.

Bhagavāpi rattiyā paccūsasamayeva mahākaruṇāsamāpattito utthāya lokam volokento ime evam yuddhasajje nikkhamante addasa. Disvā- “mayi gate ayam kalaho vūpasammissati nu kho udāhu no”ti upadhārento- “ahamettha gantvā kala-havūpasamanatthaṁ tīṇi jātakāni kathessāmi, tato kalaho vūpasammissati. Atha sāmaggidīpanatthāya dve jātakāni kathetvā **attadaṇḍasuttam** desessāmi. Desanāṁ sutvā ubhayanagaravāsinopi ad̄dhatiyāni ad̄dhatiyāni kumārasatāni dassanti, aham te pabbājessāmi, tadā mahāsamāgamo bhavissati”ti sanniṭhānam akāsi. Tasmā imesu yuddhasajjesu nikkhamantesu kassaci anārocetvā sayameva pattacīvaramādāya gantvā dvinnam senānam antare ākāse pallāṅkam ābhujitvā chabbanṇarasmiyo vissajjetvā nisīdi.

Kapilavatthuvāsino bhagavantam disvāva, “amhākam ūtisēttho satthā āgato. Dīttho nu kho tena amhākam kalahakaraṇabhāvo”ti cintetvā, “na kho pana sakkā bhagavati āgate amhehi parassa sarīre sattham (1.0066) pātetum. Koliyanagara-vāsino amhe hanantu vā bajjhantu vā”ti. Āvudhāni chaḍdetvā, bhagavantam vanditvā, nisīdimsu. Koliyanagaravāsinopi tatheva cintetvā āvudhāni chaḍdetvā, bhagavantam vanditvā, nisīdimsu.

Bhagavā jānantova, “kasmā āgataattha, mahārājā”ti pucchi? “Na, bhagavā, titthakīlāya na pabbatakīlāya, na nadīkīlāya, na giridassanatthaṁ, imasmiṁ pana ṭhāne saṅgāmaṁ paccupaṭṭhapetvā āgatamhā”ti. “Kīm nissāya vo kalaho, mahārājāti? Udakam, bhanteti. Udakam kīm agghati, mahārājāti? Appam, bhanteti. Pathavī nāma kīm agghati, mahārājāti? Anagghā, bhanteti. Khattiyaṁ kīm agghantīti? Khattiyaṁ nāma anagghā, bhanteti. Appamūlam udakam nissāya kimatham anagghe khattiye nāsetha, mahārāja, kalahe assādo nāma natthi, kalahavasena, mahārāja, aṭṭhāne veram katvā ekāya rukkhadevatāya kālaśihena saddhim baddhāghāto sakalampi imam kappaṁ anuppattoyevāti vatvā **phandanajātakam** (jā. 1.13.14 ādayo) kathesi”. Tato “parapattiyena nāma, mahārāja, na bhavitabbaṁ. Parapattiyā hutvā hi ekassa sasakassa kathāya tiyojanasahassavitthate himavante catuppadagaṇā mahāsamuddam pakkhandino ahesum. Tasmā parapattiyena na bhavitabban”ti vatvā, **pathavī-undriyajātakam** kathesi. Tato “kadāci, mahārāja, dubbalopi mahābalassa randham vivaram passati, kadāci mahābalo dubbalassa. Laṭukikāpi hi sakuṇikā hatthināgam ghātesi”ti **laṭukikajātakam** (jā. 1.5.39 ādayo) kathesi. Evam kalahavūpasamanatthāya tīṇi jātakāni kathetvā sāmaggiparidīpanatthāya dve jātakāni kathesi. Katham? “Samaggānañhi, mahārāja, koci otāram nāma passitum na sakkotīti vatvā, **rukkhadhammajātakam** (jā. 1.1.74) kathesi. Tato “samaggānaṁ, mahārāja, koci vivaram dassitum na sakkhi. Yadā pana aññamaññam vivādamakaṁsu, atha te nesādaputto jīvitā voropetvā ādāya gatoti vivāde assādo nāma natthi”ti vatvā, **vaṭṭakajātakam** (jā. 1.1.118) kathesi. Evam imāni pañca jātakāni kathetvā avasāne **attadaṇḍasuttam** (su. ni. 941 ādayo) kathesi.

Rājāno pasannā- “sace satthā nāgamissa, mayam sahatthā aññamaññam vadhitvā lohitānadīm pavattayissāma. Amhākam puttabhātaro ca gehadvāre (1.0067)

na passeyyāma, sāsanapaṭisāsanampi no āharaṇako nābhavissa. Satthāram nissāya no jīvitam laddham. Sace pana satthā āgāram ajjhāvasissa dīpasahass-dvayaparivāram catumahādīparajjamassa hatthagataṁ abhavissa, atirekasa-hassam̄ kho panassa puttā abhavissaṁsu, tato khattiyaparivāro avicarissa. Taṁ kho panesa sampattim̄ pahāya nikkhamitvā sambodhiṁ patto. Idānipi khattiyaparivāroyeva vicaratū”ti ubhayanagaravāsino aḍḍhatiyāni aḍḍhatiyāni kumārasatāni adaṁsu. Bhagavāpi te pabbājetvā mahāvanam̄ agamāsi. Tesam̄ garugāra-vena na attano ruciyā pabbajitānam̄ anabhirati uppajji. Purāṇadutiyikāyopi tesam̄ “ayyaputtā ukkaṇṭhantu, gharāvāso na saṇṭhātī”ti-ādīni vatvā sāsanam̄ pesenti. Te ca atirekataram̄ ukkaṇṭhim̄su.

Bhagavā āvajjento tesam̄ anabhiratibhāvam̄ ūnatvā- “ime bhikkhū mādisena buddhena saddhiṁ ekato vasantā ukkaṇṭhanti, handa nesam̄ kuṇāladahassa vaṇṇam̄ kathetvā tattha netvā anabhiratiṁ vinodemī”ti kuṇāladahassa vaṇṇam̄ kathesi. Te taṁ daṭṭhukāmā ahesum̄. Daṭṭhukāmattha, bhikkhave, kuṇāladahanti? Āma bhagavāti. Yadi evam̄ etha gacchāmāti. Iddhimantānam̄ bhagavā gamana-ṭṭhānam̄ mayam̄ katham̄ gamissāmāti. Tumhe gantukāmā hotha, aham̄ mamānu-bhāvena gahetvā gamissāmīti. Sādhu, bhanteti. Bhagavā pañca bhikkhusatāni gahetvā ākāse uppatitvā kuṇāladahe patiṭṭhāya te bhikkhū āha- “bhikkhave, imasmiṁ kuṇāladahe yesam̄ macchānam̄ nāmām̄ na jānātha mamaṁ pucchathā”-ti.

Te pucchim̄su. Bhagavā pucchitam̄ pucchitam̄ kathesi. Na kevalañca, macchā-naṁyeva, tasmiṁ vanasaṅde rukkhānampi pabbatapāde dvipadacatuppadasakuṇānampi nāmāni pucchāpetvā kathesi. Atha dvīhi sakunehi mukhatuṇḍakena ḍam̄sitvā gahitadaṇḍake nisinno kuṇālasakunārājā purato pacchato ubhosu ca passesu sakunāsaṅghaparivuto āgacchati. Bhikkhū taṁ disvā- “esa, bhante, imesam̄ sakunānam̄ rājā bhavissati, parivārā ete etassā”ti maññāmāti. Evametam̄, bhikkhave, ayampi mameva vāmso mama pavenīti. Idāni tāva mayam̄, bhante, ete sakunē passāma. Yam̄ pana bhagavā (1.0068) “ayampi mameva vāmso mama pavenī”ti āha, taṁ sotukāmamhāti. Sotukāmattha, bhikkhaveti? Āma bhagavāti. Tena hi suṇāthāti tīhi gāthāsatehi maṇḍetvā **kuṇālajātakam̄** (jā. 2.21.kuṇālajātaka) kathento anabhiratiṁ vinodesi. Desanāpariyosāne sabbepi sotāpattiphale patiṭṭha-him̄su, maggeneva ca nesam̄ idhipi āgatā. Bhagavā “hotu tāva ettakam̄ tesam̄ bhikkhūnan”ti

ākāse uppatitvā mahāvanameva agamāsi. Tepi bhikkhū gamanakāle dasabalassa ānubhāvena gantvā āgamanakāle attano ānubhāvena bhagavantam parivāretvā mahāvane otariṁsu.

Bhagavā paññattasane nisīditvā te bhikkhū āmantetvā- “etha, bhikkhave, nisīdatha. Uparimaggattayavajjhānam vo kilesānam kammaṭṭhānam kathessāmi”ti kammaṭṭhānam kathesi. Bhikkhū cintayiṁsu- “bhagavā amhākam anabhirata-bhāvam ūtavā kuṇḍaladahaṁ netvā anabhiratīm vinodesi, tattha sotāpattiphalam pattānam no idāni idha tiṇṇam maggānam kammaṭṭhānam adāsi, na kho pana amhehi ‘sotāpannā mayan’ti vītināmetum vaṭṭati, purisapurisehi no bhavitum vaṭṭati”ti te dasabalassa pāde vanditvā utthāya nisīdanam papphoṭetvā visum visum pabbhārarakkhamūlesu nisīdiṁsu.

Bhagavā cintesi- “ime bhikkhū pakatiyāpi avissaṭṭhakammaṭṭhānā, laddhupā-yassa pana bhikkhuno kilamanakāraṇam nāma natthi. Gacchantā gacchantā ca vipassanam vaḍḍhetvā arahattam patvā ‘attanā paṭividdhaguṇam ārocessāmā’ti mama santikam āgamissanti. Etesu āgatesu dasasahassacakavāladevatā ekakkavāle sannipatissanti, mahāsamayo bhavissati, vivitte okāse mayā nisīditum vaṭṭati”ti tato vivitte okāse buddhāsanam paññāpetvā nisīdi.

Sabbapaṭhamam kammaṭṭhānam gahetvā gatathero saha paṭisambhidāhi arahattam pāpuṇi. **Tato aparo tato aparoti** pañcasatāpi paduminiyam padumāni viya vikasiṁsu. Sabbapaṭhamam arahattam pattabhikkhu “bhagavato ārocessāmā”ti pallaṅkam vinibbhujitvā nisīdanam papphoṭetvā utthāya dasabalābhimukho ahosi. **Evaṁ aparopi aparopīti** pañcasatā bhattasālam pavisantā (1.0069) viya paṭipāṭīyāva āgamiṁsu. Paṭhamam āgato vanditvā nisīdanam paññāpetvā, ekamantaṁ nisīditvā, paṭividdhaguṇam ārocetukāmo “atthi nu kho añño koci? Natthī”ti nivattitvā āgatamaggam olokento aparampi addasa aparampi addasayevāti sabbepi te āgantvā ekamantaṁ nisīditvā, ayam imassa harāyamāno na kathesi, ayam imassa harāyamāno na kathesi. Khīṇāsavānam kira dve ākārā honti- “aho vata mayā paṭividdhaguṇam sadevako loko khippameva paṭivijjheyā”ti cittam uppajjati. Paṭividdhabhāvam pana nidhiladdhapuriso viya na aññassa ārocetukāmā honti.

Evam osaṭamatte pana tasmiṁ ariyamaṇḍale pācīnayugandharaparikkhepato abbhā mahikā dhūmo rajo rāhūti, imehi upakkilesehi vippamuttaṁ buddhuppāda-paṭimaṇḍitassa lokassa rāmaṇeyyakadassanattham pācīnadisāya ukkhittarajata-mayamahā-ādāsamaṇḍalam viya, nemivatṭiyam gahetvā, parivattiya mānarajatacakkasassirikam puṇṇacandamaṇḍalam ullaṅghitvā, anilapatham paṭipajjitha. Iti evarūpe khaṇe laye muhutte bhagavā sakkesu viharati kapilavatthusmīm mahāvane mahatā bhikkhusaṅghena saddhim pañcamattehi bhikkhusatehi sabbeheva arahantehi.

Tattha bhagavāpi mahāsammatassa vamse uppanno, tepi pañcasatā bhikkhū mahāsammatassa kule uppannā. Bhagavāpi khattiyagabbhe jāto, tepi khattiyagabbhe jātā. Bhagavāpi rājapabbajito, tepi rājapabbajitā. Bhagavāpi setacchattam pahāya hatthagataṁ cakkavattirajjam nissajjitvā pabbajito, tepi setacchattam

pahāya hatthagatāni rajjāni vissajjitvā pabbajitā. Iti bhagavā parisuddhe okāse, parisuddhe rattibhāge, sayam parisuddho parisuddhapharivāro, vītarāgo vītarāgaparivāro, vītadoso vītadosapharivāro, vītamoho vītamohapharivāro, nittaṇho nittaṇhapharivāro, nikkileso nikkilesapharivāro, santo santapharivāro, danto dantapharivāro, mutto muttapharivāro, ativiya virocatiti. Vaṇṇabhūmi nāmesā, yattakam sakkoti, tattakam vattabbam. Iti ime bhikkhū sandhāya vuttam, “pañcamattehi bhikkhusa-tehi sabbeheva arahantehi”ti.

Yebhuyyenati (1.0070) bahutarā sannipatitā, mandā na sannipatitā asaññī arū-pāvacaradevatā samāpannadevatāyo ca. Tatrāyam sannipātakkamo mahāvā-nassa kira sāmantā devatā caliṣsu, “āyāma bho! Buddhadassanaṁ nāma bahū-pakāram, dhammassavanam bahūpakāram, bhikkhusaṅghadassanaṁ bahūpa-kāram. Āyāma āyāmā”ti! Mahāsaddam kurumānā āgantvā bhagavantañca tammu-huttam arahattappattakhīṇāsave ca vanditvā ekamantam aṭṭhamasu. Eteneva upā-yena tāsam tāsam saddam sutvā saddantara-aḍḍhagāvutagāvuta-aḍḍhayojanayo-janādivasena tiyojanasahassavitthate himavante, tikkhattum tesatthiyā nagarasa-hassesu, navanavutiyā doṇamukhasatasahassesu, chanavutiyā paṭṭanakoṭisata-sahassesu, chapaṇṇāsāya ratanākaresūti sakalajambudipe, pubbavidehe, apara-goyāne, uttarakurumhi, dvīsu parittadīpasahassesūti sakalacakkavāle, tato dutiya-tatiyacakkaṇavāleti evam dasasahassacakkaṇavālesu devatā sannipatitāti veditabbā. Dasasahassacakkaṇavālañhi idha dasalokadhātuyoti adhippetam. Tena vuttam-“dasahi ca lokadhātūhi devatā yebhuyyena sannipatitā honti”ti.

Evam sannipatitāhi devatāhi sakalacakkavālagabbham yāva brahmalokā sūci-ghare nirantaram pakkhittasūcīhi viya paripuṇṇam hoti. Tattha brahmalokassa evam uccattanam veditabbam- lohapāsāde kira sattakūṭāgārasamo pāsāṇo brahmaloke ṭhatvā adho khitto catūhi māsehi pathavim pāpuṇāti. Evam mahante okāse yathā heṭṭhā ṭhatvā khittāni pupphāni vā dhūmo vā upari gantum, upari vā ṭhatvā khittasāsapā heṭṭhā otaritum antaram na labhanti, evam nirantarā devatā ahesum. Yathā kho pana cakkavattirañño nisinnaṭṭhānam asambādham hoti, āga-tāgatā mahesakkhā khattiyyā okāsam labhantiyeva, parato parato pana atisa-mbādham hoti. Evameva bhagavato nisinnaṭṭhānam asambādham, āgatāgatā mahesakkhā devā ca brahmāno ca okāsam labhantiyeva. Api sudam bhagavato āsannāsannaṭṭhāne vālagganittudanamatte padese dasapi vīsatipi devā sukhume attabhāve māpetvā aṭṭhamsu. Sabbaparato saṭṭhi saṭṭhi devatā aṭṭhamsu.

Suddhāvāsakāyikānanti (1.0071) suddhāvāsavāśinam. Suddhāvāsā nāma suddhānam anāgāmikhīṇāsavānam āvāsā pañca brahmalokā. **Etadahosīti** kasmā ahosi? Te kira brahmāno samāpattim samāpajjitvā yathā paricchedena vuṭṭhitā brahmabhanam olokentā pacchābhette bhattageham viya suññatam adda-sam̄su. Tato “kuhiṁ brahmāno gatā”ti āvajjantā mahāsamāgamaṁ ūnatvā-“ayam samāgamo mahā, mayam ohīnā, ohīnakānam pana okāso dullabho hoti, tasmā gacchantā atucchahatthā hutvā ekekam gātham abhisāṅkharitvā gacchāma. Tāya mahāsamāgame ca attano āgatabhāvam jānāpessāma, dasabalassa ca vanṇam bhāsissāmā”ti. Iti tesam samāpattito uṭṭhāya āvajjittā etadahosi.

Bhagavato purato pāturahesunti pāliyam bhagavato santike abhimukhaṭṭhāne-yeva otīṇā viya katvā vuttā, na kho panettha evam attho veditabbo. Te pana brahma-loke ṭhitāyeva gāthā abhisāṅkharitvā eko puratthimacakkavālamukhavaṭṭiyam otari, eko dakkhiṇacakkavālamukhavaṭṭiyam, eko pacchimacakkavālamukhavaṭṭiyam, eko uttaracakkavālamukhavaṭṭiyam otari. Tato puratthimacakkavālamukhavaṭṭiyam otīṇabrahmā nīlakasiṇam samāpajjitvā nīlarasmiyo vissajjetvā dasasahassacakkavāla-devatānam maṇivammam paṭimuñcanto viya attano āgata-bhāvam jānāpetvā buddhavīthi nāma kenaci uttaritum na sakkā, tasmā mahatiyā buddhavīthiyāva āgantvā bhagavantam abhivādetvā ekamantam aṭṭhāsi. Eka-mantam ṭhito kho attanā abhisāṅkhataṁ gātham abhāsi.

Dakkhiṇacakkavālamukhavaṭṭiyam otīṇabrahmā pītakasiṇam samāpajjitvā suvaṇṇapabham muñcivā dasasahassacakkavāla-devatānam suvaṇṇapaṭam pārupanto viya attano āgatabhāvam jānāpetvā tatheva akāsi. Pacchimacakkavālamukhavaṭṭiyam otīṇabrahmā lohitakasiṇam samāpajjitvā lohitakarasiyo muñcivā dasasahassacakkavāla-devatānam rattavarakambalena parikkhipanto viya attano āgatabhāvam jānāpetvā tatheva akāsi. Uttaracakkavālamukhavaṭṭiyam otīṇabrahmā odātakasiṇam samāpajjitvā (1.0072) odātarasmiyo vissajjetvā dasa-sahassacakkavāla-devatānam sumanakusumapaṭam pārupanto viya attano āgata-bhāvam jānāpetvā tatheva akāsi.

Pāliyam pana **bhagavato purato pāturahesum**. **Atha** kho tā devatā **bhagavantam abhivādetvā** **ekamantam aṭṭhamṣūti** evam ekakkhaṇe viya purato pātubhāvo ca abhivādetvā ekamantam ṭhitabhāvo ca vutto, so iminā anukkamena ahosi, ekato katvā pana dassito. Gāthābhāsanam pana pāliyampi visum visumyeva vuttam.

Tattha **mahāsamayoti** mahāsamūho. **Pavanaṁ** vuccati vanasaṇḍo. Ubhaye-napi bhagavā “imasmiṁ pana vanasaṇḍe ajja mahāsamūho sannipāto”ti āha. Tato yesam so sannipāto, te dassetum **devakāyā samāgatā** Ti āha. Tattha **devakāyāti** devaghaṭā. **Āgatamha imam dhammasamayanti** evam samāgate devakāye disvā mayampi imam dhammasamūham āgatā. Kim kāraṇā? **Dakkhitāye aparājita-saṅghanti** kenaci aparājitaṁ ajjeva tayo māre madditvā vijitasaṅgāmam imam aparājitasaṅgham dassanatthāya āgatamhāti attho. So pana, brahmā, imam gātham bhāsitvā, bhagavantam abhivādetvā, puratthimacakkavālamukhavaṭṭiyamyeva aṭṭhāsi.

Atha dutiyo vuttanayeneva āgantvā abhāsi. Tattha **tatra bhikkhavoti** tasmiṁ sannipātaṭṭhāne bhikkhū. **Samādahaṁsūti** samādhinā yojesum. **Cittamattano ujukam akamṣūti** attano citte sabbe vaṇkakuṭilajimhabhāve haritvā ujukam aka-riṁsu. **Sārathīva nettāni gahetvāti** yathā samappavattesu sindhavesu odhastapato todo sārathī sabbayottāni gahetvā acodento avārento tiṭṭhati, evam chaṭaṅgupe-kkhāya samannāgatā guttadvārā sabbepete pañcasatā bhikkhū indriyāni rakkhanti paṇḍitā, ete daṭṭhum idhāgatamhā bhagavāti, sopi gantvā yathāṭhāne-yeva aṭṭhāsi.

Atha tatiyo vuttanayeneva āgantvā abhāsi. Tattha **chetvā khilanti rāgadosamo-hakhilam chinditvā**. **Palighanti rāgadosamohapalighameva**. **Indakhilanti rāgadosa-**

moha-indakhilameva. **Ūhacca manejāti** ete taṇhā-ejāya anejā bhikkhū indakhilam ūhacca samūhanitvā catūsu disāsu appatihatacārikam (1.0073) caranti. **Suddhāti** nirupakkilesā. **Vimalāti** nimmalā. Idam tasseva vevacanam. **Cakkhumatāti** pañcahi cakkhūhi cakkhumantena. **Sudantāti** cakkhutopi dantā sotatopi ghānatopi jivhātopi kāyatopi manatopi dantā. **SusunāgāTi** taruṇanāgā. Tatrāyam vacanattho- chandādīhi na gacchantīti **nāgā**, tena tena maggena pahīne kilese na āgacchantīti nāgā, nānappakāram āgum na karontīti nāgā. Ayamettha saṅkhepo, vitthāro pana mahānidde (mahāni. 80) vuttanayeneva veditabbo.

Apica-

“Āgum na karoti kiñci loke,
sabbasamyoγa visajja bandhanāni;
sabbattha na sajjatī vimutto,
nāgo tādi pavuccate tathattā”ti.-

Eyamettha attho veditabbo. **Susunāgāti** susū nāgā, susunāgabhāvasampattim pattāti attho. Te evarūpe anuttarena yoggācariyena damite taruṇanāge dassanāya āgatamha bhagavāti. Sopi gantvā yathāṭhāneyeva aṭṭhāsi.

Atha catuttho vuttanayeneva āgantvā abhāsi. Tattha **gatāseti** nibbematikasara-ṇagamanena gatā. Sopi gantvā yathāṭhāneyeva aṭṭhāsīti. Sattamam.

8. Sakalikasuttavaṇṇanā

38. Aṭṭhame maddakucchisminti evamnāmake uyyāne. Tañhi ajātasattumhi kucchigate tassa mātarā- “ayaṁ mayhaṁ kucchigato gabbho rañño sattu bhavisati. Kīm me iminā”ti? Gabbhapātanatthām kucchi maddāpitā. Tasmā “maddakucchī”ti saṅkham gataṁ. Migānam pana abhayavāsatthāya dinnattā **migadāyoti**

vuccati.

Tena kho pana samayenāti ettha ayam anupubbikathā- devadatto hi ajātasattum nissāya dhanuggahe ca dhanapālakañca payojetvāpi tathāgatassa (1.0074) jīvitantarāyam kātum asakkonto “sahattheneva māressāmī”ti gijjhakūṭapabbataṁ abhi-ruhitvā mahantam kūṭagārappamāṇam silam ukkhipitvā, “samaṇo gotamo cuṇḍa-vicuṇṇo hotū”ti pavijjhi. Mahāthāmavā kiresa pañcannam̄ hatthinam̄ balam dhāreti. Atṭhānam̄ kho panetaṁ, yaṁ buddhānam̄ parūpakkamena jīvitantarāyo bhaveyyāti tam tathāgatassa sarirābhimukham̄ āgacchantaṁ ākāse aññā silā utṭhahitvā sampaṭicchi. Dvinnaṁ silānam̄ sampahārena mahanto pāsāṇassa sakalikā utṭhahitvā bhagavato piṭṭhipādapariyantam̄ abhihani, pādo mahāpharasunā pahato viya samuggatalohitena lākhārasamakkhito viya ahosi. Bhagavā uddham ulloketvā devadattam̄ etadavoca- “bahu tayā moghapurisa, apuññaṁ pasutam̄, yo tvam̄ padutṭhacitto vad hakacitto tathāgatassa lohitam̄ uppādesi”ti. Tato paṭṭhāya bhagavato aphāsu jātam̄. Bhikkhū cintayiṁsu- “ayam vihāro ujjaṅgalo visamo, bahūnam̄ khattiyañāñceva pabbajitānañca anokāso”ti. Te tathāgatam̄ mañcasivikāya ādāya maddakucchim̄ nayiṁsu. Tena vuttam̄- “tena kho pana samayena bhagavato pādo sakalikāya khato hoti”ti.

Bhusāti balavatiyo. **Sudanti** nipātamattam̄. **Dukkhanti** sukhapaṭikkhepo. **Tibbāti** bahalā. **Kharāti** pharusā. **KaṭukāTi** tikhiṇā. **Asātāti** amadhurā. Na tāsu mano appeti, na tā manam̄ appāyanti vadḍhentīti **amanāpā**. **Sato sampajānoti** vedanā-dhivāsanasatisampajaññena samannāgato hutvā. **Avihaññamānoti** apīliyamāno, samparivattasāyitāya vedanānam̄ vasam̄ agacchanto.

Sihaseyyanti ettha kāmabhogiseyyā, petaseyyā, sīhaseyyā, tathāgataseyyāti catasso seyyā. Tattha “yebhuyyena, bhikkhave, kāmabhogī sattā vāmena passena sentī”ti ayam kāmabhogiseyyā. Tesu hi yebhuyyena dakkhiṇapassena sayāno nāma natthi. “Yebhuyyena, bhikkhave, petā uttānā sentī”ti ayam petaseyyā. Appamāṇsalohitattā hi atṭhisāṅghāṭajaṭitā ekena passena sayitum na sakkonti, uttānāva senti. “Yebhuyyena, bhikkhave, sīho migarājā naṅguṭṭham antarasathimhi anupakkhipitvā dakkhiṇena passena setī”ti ayam sīhaseyyā. Tejussadattā (1.0075) hi sīho migarājā dve purimapāde ekasmiṁ, ‘pacchimapāde ekasmiṁ ṭhāne ṭhapetvā naṅguṭṭham antarasathimhi pakkhipitvā purimapāda-paccimapādanaṅguṭṭhānam̄ ṭhitokāsaṁ sallakkhetvā dvinnaṁ purimapādānam matthake sīsaṁ ṭhapetvā sayati, divasampi sayitvā pabujjhāmāno na utrasanto pabujjhāti, sīsaṁ pana ukkhipitvā purimapādādīnam̄ ṭhitokāsaṁ sallakkheti’. Sace kiñci ṭhānam̄ vijahitvā ṭhitam̄ hoti, “nayidam tuyham̄ jātiyā, na sūrabhāvassa anurūpan”ti anattamano hutvā tattheva sayati, na gocarāya pakkamati. Avijahitvā ṭhite pana “tuyham̄ jātiyā ca sūrabhāvassa ca anurūpamidañ”ti hatthatuṭṭho utṭhāya sīhavijambhitam̄ vijambhitvā kesarabhāram vidhunitvā tikkhattum sīhanādañ naditvā gocarāya pakkamati. Catutthajjhānaseyyā pana “tathāgataseyyā”ti vuccati. Tāsu idha sīhaseyyā āgatā. Ayañhi tejussada-iriyāpathattā uttamaseyyā nāma.

Pāde pādanti dakkhiṇapāde vāmapādaṁ. **Accādhāyāti** ati-ādhāya, īsakam̄ ati-

kkamma ṭhapetvā. Goppakena hi goppake jāṇunā vā jāṇumhi saṅghatṭiyamāne abhiñham vedanā uppajjati, cittam ekaggam na hoti, seyyā aphāsukā hoti. Yathā na saṅghatṭeti, evam atikkamma ṭhapis vedanā nuppajjati, cittam ekaggam hoti, seyyā phāsu hoti. Tasmā evam nipajji. **Sato sampajānoti** sayanapariggāhakasati-sampajaññena samannāgato. “Uṭṭhānasaññan”ti panettha na vuttam, gilānaseyyā hesā tathāgatassa.

Sattasatāti imasmim sutte sabbāpi tā devatā gilānaseyyaṭṭhānam āgatā. **Udānam udānesīti** gilānaseyyam āgatānam domanassena bhavitabbam siyā. Imāsam pana tathāgatassa vedanādhivāsanam disvā, “aho buddhānam mahānubhāvatā! Evarūpāsu nāma vedanāsu vattamānāsu vikāramattampi natthi, sirisayane alaṅkāritvā ṭhapisuvaṇṇarūpakam viya aniñjamānena kāyena nipanno, idānissa adhikataram mukhavaṇṇo virocati, ābhāsampanno puṇṇacando viya sampati vikasitam viya ca aravindam assa mukham sobhati, kāyepi vaṇṇāyatanaṁ idāni susammatthakañcanaṁ viya vippasīdati”ti udānam udapādi.

Nāgo (1.0076) **vata bhoti**, ettha **bhoti** dhammālapanam. Balavantaṭṭhena **nāgo**. **Nāgavatāti** nāgabhāvena. **Sīho vatāti-ādīsu** asantāsanaṭṭhena **sīho**. Byattaparicayaṭṭhena kāraṇākāraṇājānanena vā **ājāniyo**. Appaṭisamaṭṭhena **nisabho**. Gavastajetṭhako hi usabho, gavasahassajeṭṭhako vasabho, gavasatasahassajeṭṭhako nisabhoti vuccati. Bhagavā pana appaṭisamaṭṭhena āsabham ṭhānam paṭijānāti. Tenevatthena idha “nisabho”ti vutto. Dhuravāhaṭṭhena **dhorayho**. Nibbisevanaṭṭhena **danto**.

Passāti aniyamitāṇatti. **Samādhinti** arahattaphalasamādhim. **Suvimuttanti** phalavimuttiyā suvimuttaṁ. Rāgānugataṁ pana cittam abhinataṁ nāma hoti, dosānugataṁ apanataṁ. Tadubhayapaṭikkhepena **na cābhinataṁ na cāpana-tanti** āha. **Na ca sasaṅkhāraniggayhavāritagatanti** na sasaṅkhārena sappayogena kilese niggahetvā vāritavataṁ, kilesānam pana chinnattā vataṁ phalasamādhinā samāhitanti attho. **Atikkamitabbanti** viheṭhetabbam ghaṭṭetabbam. **Adassanāti** aññāṇā. Aññāṇī hi andhabālova evarūpe satthari aparajjhelyyāti devadattam ghaṭṭayamānā vadanti.

Pañcavedāti itihāsapāñcamānam vedānam dhārakā. **Satam samanti** vassasataṁ. **Tapassīti** tapanissitatā hutvā. **Caranti** carantā. **Na sammāvimuttanti** sacepi evarūpā brāhmaṇā vassasataṁ caranti, cittañca nesam sammā vimuttaṁ na hoti. **Hinattarūpā na pāram gamā teti** hinattasabhāvā te nibbānaṅgamā na honti. “Hinattharūpā”tipi pāṭho, hinatthajātikā parihinatthāti attho. **Taṇhādhipannāti** taṇhāya ajjhottathaṭā. **Vatasīlabaddhā** Ti ajavatakukkuravatādīhi ca vatehi tādisheva ca silehi baddhā. **Lūkham tapanti** pañcātapatāpanam kaṇṭakaseyyādikam tapam. Idāni sā devatā sāsanassa niyyānikabhāvam kathentī **na mānakāmassāti-ādimāha**. Tam vuttatthamevāti. Atṭhamam.

9. Paṭhamapajjunnadhitusuttavaṇṇanā

39. Navame **pajjunnassa dhītāti** pajjunnassa nāma vassavalāhakadevarañño

cātumahārājikassa dhītā. **Abhivandeti** bhagavā tumhākam pāde (1.0077) vandāmi. **Cakkhumatāti** pañcahi cakkhūhi cakkhumantena tathāgatena. **Dhammo anubuddhoti**, “idam mayā pubbe paresam santike kevalam sutamyeva āsi”ti vadati. **Sāham dānīti**, sā aham idāni. **Sakkhi jānāmīti**, pañivedhavasena paccakkha-meva jānāmi. **Vigarahantāti**, “hīnakkarapadabyāñjano”ti vā “aniyyāniko”ti vā evam garahantā. **Roruvanti**, dve roruvā- dhūmaroruvo ca jālaroruvo ca. Tattha dhūmaroruvo visum hoti, jālaroruvoti pana avīcimahānirayassevetam nāmaṁ. Tattha hi sattā aggimhi jalante jalante punappunam ravam ravanti, tasmā so “rorovo”ti vuccati. **Ghoranti** dāruṇam. **Khantiyā upasamena upetāti** ruccitvā khamā-petvā gahaṇakhantiyā ca rāgādi-upasamena ca upetāti. Navamam.

10. Dutiyapajjunnadhitusuttavaṇṇanā

40. Dasame **dhammañcāTi** ca saddena saṅghañca, iti tīni ratanāni namassamānā idhāgatāti vadati. **Atthavatīti**, atthavatiyo. **Bahunāpi kho tanti** yam dhammam sā abhāsi, tam dhammam bahunāpi pariyāyena aham vibhajeyyam. **Tādiso dhammoTi**, tādiso hi ayam bhagavā dhammo, tamṣaṇthito tappaṭibhāgo bahūhi pariyāyehi vibhajitabbayuttakoti dasseti. **Lapayissāmīti**, kathayissāmi. **Yāvatā me manasā paryattanti** yattakam mayā manasā paryāpuṭam, tassattham divasam avatvā madhupaṭalam pīlentī viya muhutteneva samkhittena kathessāmi. Sesam uttānamevāti. Dasamam.

Satullapakāyikavaggo catuttho.

5. Ādittavaggo

1. Ādittasuttavaṇṇanā

41. Ādittavaggassa pañhame **jarāya maraṇena cāti** desanāsīsametam, rāgādīhi pana ekādasahi aggīhi loko ādittova. **Dānenāti** dānacetanāya. **Dinnam hoti sunīhatanti** dānapuññacetanāhi dāyakasseva hoti gharasāmikassa viya nīhatabhāṇḍakam, tenetam vuttam. **Corā harantīti** (1.0078) adinne bhoge corāpi haranti rājānopi, aggipi ḍahati, ṭhapitaṭṭhānepi nassanti. **Antenāti maraṇena**. **Sarīram sapriggahanti** sarīrañceva corādinam vasena avinaṭṭhabhoge ca. **Saggamupetīti** vessantaramahārājādayo viya sagge nibbattatīti. Paṭhamam.

2. Kīmädadasuttavaṇṇanā

42. Dutiye **annadoti** yasmā atibalavāpi dve tīni bhattāni abhutvā uṭṭhātum na sakkoti, bhutvā pana dubbalopi hutvā balasampanno hoti, tasmā “annado balado”-

ti āha. **Vatthadoti** yasmā surūpopi duccoļo vā acolo vā virūpo hoti ohīlito duddasiko, vatthacchanno devaputto viya sobhati, tasmā “vatthado hoti vaṇṇado”ti āha. **Yānadoti** hatthiyānādīnam dāyako. Tesu pana-

“Na hatthiyānaṁ samaṇassa kappati,
na assayānaṁ, na rathena yātum;
idañca yānaṁ samaṇassa kappati,
upāhanā rakkhato sīlakhandhan”ti.

Tasmā chattupāhanakattarayaṭṭhimañcapīṭhānaṁ dāyako, yo ca maggam sodheti, nisseeṇīm karoti, setum karoti, nāvam paṭiyādeti, sabbopi yānadova hoti. **Sukhado hotīti** yānassa sukhāvahanato sukhado nāma hoti. **Cakkhudoti** andhakāre cakkhumantānampi rūpadassanābhāvato dīpado cakkhudo nāma hoti, anuruddhatthero viya dibbacakkhu sampadampi labhati.

Sabbadado hotīti sabbesamyeva balādīnam dāyako hoti. Dve tayo gāme piṇḍāya caritvā kiñci aladdhā āgatassāpi sītalāya pokkharanīyā nhāyitvā patissayam pavisitvā muhuttaṁ mañce nipajjītvā utṭhāya nisinnassa hi kāye balam āharitvā pakkhittam viya hoti. Bahi vicarantassa ca kāye vaṇṇāyatanaṁ vātātipehi jhāyati, patissayam pavisitvā dvāram pidhāya muhuttaṁ nipannassa ca visabhāgasantati vūpasammati, sabhāgasantati okkamati, vaṇṇāyatanaṁ āharitvā pakkhittam (1.0079) viya hoti. Bahi vicarantassa pāde kanṭako vijjhati, khānu paharati, sarīsapādiparissayo ceva corabhayañca uppajjati, patissayam pavisitvā dvāram pidhāya nipannassa sabbete parissayā na honti, dhammaṁ sajjhāyatassa dhammapītisukham, kammatṭhānaṁ manasikarontassa upasamasukham uppajjati. Tathā bahi vicarantassa ca sedā mucanti, akkhīni phandanti, senāsanam pavisanakkhaṇe kūpe otīṇo viya hoti, mañcapīṭhādīni na paññāyanti. Muhuttaṁ nisinnassa pana akkipasādo āharitvā pakkhitto viya hoti, dvārakavāṭavāṭapānamañcapīṭhādīni paññāyanti. Tena vuttam- “so ca sabbadado hoti, yo dadāti upassayan”ti.

Amataṁdado ca so hotīti pañtabhojanassa pattam pūrento viya amaraṇadānam nāma deti. **Yo dhammadamanusāsatīti** yo dhammaṁ anusāsatī, atṭhakatham katheti, pāliṁ vāceti, pucchitapañham vissajjeti, kammatṭhānaṁ ācikkhati, dhammassavanam karoti, sabbopesa dhammaṁ anusāsatī nāma. Sabbadānānañca idam dhammadānameva agganti

veditabbam. Vuttampi cetam-

“Sabbadānam dhammadānam jināti,
sabbarasam dhammaraso jināti;
sabbaratiṁ dhammarati jināti,
taṇhakkhayo sabbadukkhaṁ jināti”ti. (dha. pa. 354); dutiyam;

3. Annasuttavaṇṇanā

43. Tatiye **abhinandantīti** patthenti. **Bhajatīti** upagacchati, cittagahapatisīvalittherādike viya pacchato anubandhati. **Tasmāti** yasmā idhaloke paraloke ca annadāyakameva anugacchati, tasmā. Sesam uttānamevāti. Tatiyam.

4. Ekamūlasuttavaṇṇanā

44. Catutthe **ekamūlanti** avijjā taṇhāya mūlam, taṇhā avijjāya. Idha pana taṇhā adhippetā. Dvīhi sassatucchedadīṭṭhīhi āvaṭṭatīti **dvirāvatṭā**. Sā ca rāgādīhi tīhi malehi **timalā**. Tatrāssā moho sahajātakoṭiyā (1.0080) malaṁ hoti, rāgadosā upanissayakoṭiyā. Pañca pana kāmaguṇā assā pattharaṇaṭṭhānā, tesu sā pattharatīti **pañcapattharā**. Sā ca apūraṇīyaṭṭhena **samuddo**. Ajjhattikabāhiresu panesā dvādasāyatanesu āvaṭṭati parivaṭṭatīti **dvādasāvatṭā**. Apatīṭṭhaṭṭhena pana **pātāloti** vuccatīti. Ekamūlam ...pe... pātālam, atari isi, uttari samatikkamīti attho. Catuttham.

5. Anomasuttavaṇṇanā

45. Pañcame **anomanāmanti** sabbaguṇasamannāgatattā avekallanāmam, pari-pūranāmanti attho. **Nipuṇatthadassinti** bhagavā saṇhasukhume khandhantarādayo atthe passatīti nipuṇatthadassī. **Paññādadanti** anvayapaññādhigamāya paṭipadām kathanavasena paññāya dāyakam. **Kāmālaye asattanti** pañcakāmaguṇālaye alaggam. **Kamamānanti** bhagavā mahābodhimañḍeyeva ariyamaggena gato, na idāni gacchatīti, atītam pana upādāya idam vuttam. **Mahesinti** mahantānam sīlakkhandhādīnam esitāram pariyesitāranti. Pañcamam.

6. Accharāsuttavaṇṇanā

46. Chatthe **accharāgaṇasaṅghuṭhanti** ayaṁ kira devaputto satthusāsane pabbajitvā vattapaṭipattiṁ pūrayamāno pañcavassakāle pavāretvā dvemātikam paguṇam katvā kammākammaṁ uggahetvā cittarucitam kammaṭṭhānam ugganhitvā sallahukavuttiko araññam pavisitvā yo bhagavatā majjhimayāmo sayanassa koṭhāsoti anuññāto. Tasmimpi sampatte “pamādassa bhāyāmī”ti mañcakam ukkhipitvā rattiñca divā ca nirāhāro kammaṭṭhānameva manasākāsi.

Athassa abbhantare satthakavātā uppajjitvā jīvitam pariyādiyim̄su. So dhurasmīmyeva kālamakāsi. Yo hi koci bhikkhu caṇkame caṇkamamāno vā ālambana-

tthambham nissāya ṭhito vā cañkamakoṭiyam cīvaraṁ sīse ṭhapetvā nisinno vā nipanno vā parisamajjhe alaṅkatadhammāsane dhammaṁ desento vā kālam karoti, sabbo so dhurasmiṁ kālam (1.0081) karoti nāma. Iti ayam cañkamane kālam katvā upanissayamandatāya āsavakkhayam appatto tāvatimsabhave mahāvimānadvāre niddāyitvā pabujjhanto viya paṭisandhiṁ aggahesi. Tāvadevassa suvaṇṇatoraṇam viya tigāvuto attabhāvo nibbatti.

Antovimāne sahassamattā accharā tam disvā, “vimānasāmiko devaputto āgato, ramayissāma nan”ti tūriyāni gahetvā parivārayiṁsu. Devaputto na tāva cutabhāvam jānāti, pabbajitasaññiyeva accharā oloketvā vihāracārikam āgataṁ mātugāmam disvā lajjī. Pañsukūliko viya upari ṭhitam ghanadukūlam ekamsam karonto amsakūṭam paṭicchādetvā indriyāni okkhipitvā adhomukho aṭṭhāsi. Tassa kāyavikāreneva tā devatā “samaṇadevaputto ayan”ti ūnatvā evamāhamṣu “ayya, devaputta, devaloko nāmāyam, na samaṇadhammassa karaṇokāso, sampattim anubhavanokāso”ti. So tatheva aṭṭhāsi. Devatā “na tāvāyam sallakkheti”ti tūriyāni paggaṇhiṁsu. So tathāpi anolokentova aṭṭhāsi.

Athassa sabbakāyikam ādāsam purato ṭhapayiṁsu. So chāyam disvā cutabhāvam ūnatvā, “na mayā imam ṭhānam patthetvā samaṇadhammo kato, uttamatham arahattam patthetvā kato”ti sampattiyā vippaṭisārī ahosi, “suvaṇṇapaṭam paṭilabhissāmī”ti takkayitvā yuddhaṭṭhānam otiṇṇamallo mūlakamuṭṭhim labhitvā viya. So “ayam saggasampatti nāma sulabhā, buddhānam pātubhāvo dullabho”ti cintetvā vimānam apavisitvāva asambhinneneva sīlena accharāsaṅghaparivuto dasabalassa santikam āgamma abhivādetvā ekamantaṁ ṭhito imam gāthaṁ abhāsi.

Tattha **accharāgaṇasaṅghutṭhanti** accharāgaṇena gītavāditasaddehi saṅghositam. **Pisācagaṇasevitanti** tameva accharāgaṇam pisācagaṇam katvā vadati. **Vananti** nandanavanam sandhāya vadati. Ayañhi niyāmacittatāya attano garubhāvena devagaṇam “devagaṇo”ti vattum na rocti. “Pisācagaṇo”ti vadati. Nandanavañca “nandanān”ti avatvā “mohanān”ti vadati (1.0082). **Katham yātrā bhavissati** katham niggamanam bhavissati, katham atikkamo bhavissati, arahattassa me padaṭṭhānabhūtam vipassanam ācikkhatha bhagavāti vadati.

Atha bhagavā “atisallikhateva ayam devaputto, kiṁ nu kho idan”ti? Āvajjento attano sāsane pabbajitabhāvam ūnatvā-“ayam accāraddhavīriyatāya kālam katvā devaloke nibbatto, ajjāpissa cañkamanasmīryeva attabhāvo asambhinnena sīlena āgato”ti cintesi. Buddhā ca akatābhinivesassa ādikammikassa akataparikammassa antevāsino cittakāro bhittiparikammaṁ viya-“sīlam tāva sodhehi, samādhim bhāvehi, kammasakatapaññam ujuṁ karohī”ti paṭhamam pubbabhāgappaṭipadam ācikkhanti, kārakassa pana yuttapayuttassa arahattamaggapadaṭṭhānabhūtam saṅhasukhumam suññatāvipassanamyeva ācikkhanti, ayañca devaputto kārako abhinnasilo, eko maggo assa anāgatoti suññatāvipassanam ācikkhanto **ujuko nāmāti-ādimāha**.

Tattha **ujukoti** kāyavaṅkādīnam abhāvato aṭṭhaṅgiko maggo ujuko nāma. **Abhayā nāma sā disāti** nibbānam sandhāyāha. Tasmiṁ hi kiñci bhayaṁ natthi, tam vā

pattassa bhayam natthiti “abhaya nāma sā disā”ti vuttam. **Ratho akūjanoti** atṭhangiko maggova adhippeto. Yathā hi pākatikaratho akkhe vā anabbhañjite atirekesu vā manussesu abhiruļhesu kūjati viravati, na evam ariyamaggo. So hi eka-pahārena caturāsītiyāpi pāṇasahassesu abhiruhantesu na kūjati na viravati. Tasmā “akūjano”ti vutto. **Dhammacakkehi saṃyutoti** kāyikacetasikavīriyasāṅkhātehi dhammacakkehi saṃyutto.

Hiriti ettha hiriggahaṇena ottappampi gahitameva hoti. **Tassa apālamboti** yathā bāhirakarathassa rathe ṭhitānam yodhānam apatanatthāya dārumayaṇ apālambanam hoti, evam imassa maggarathassa ajjhattabahiddhāsamuṭṭhānam hirottappam apālambanam. **Satyassa parivāraṇanti** rathassa sīhacammādiparivāro viya imassāpi maggarathassa sampayuttā sati parivāraṇam. **Dhammanti** lokuttaramaggam (1.0083). **Sammādiṭṭhipurejavanti** vipassanāsammādiṭṭhipurejavā assa pubbayāyikāti sammādiṭṭhipurejavo, tam sammādiṭṭhipurejavam. Yathā hi paṭhamataram rājapurisehi kāṇakuṇi-ādīnamnīharañena magge sodhite pacchā rājā nikhamati, evamevam vipassanā sammādiṭṭhiyā aniccādivasena kandhādisu sodhitesu pacchā bhūmiladdhavaṭṭam parijānamānā maggasammādiṭṭhi uppajjati. Tena vuttam “dhammāham sārathim brumi, sammādiṭṭhipurejavan”ti.

Iti bhagavā desanam niṭṭhāpetvā avasāne cattāri saccāni dipesi. Desanāpariyosane devaputto sotāpattiphale patiṭṭhāsi. Yathā hi rañño bhojanakāle attano mukhappamāṇe kabale ukkhitte aṅke nisinnoutto attano mukhappamāṇeneva tato kabalam karoti, evamevam bhagavati arahattanikūṭena desanam desentepi sattā attano upanissayānurūpena sotāpattiphalādīni pāpuṇanti. Ayampi devaputto sotāpattiphalaṁ patvā bhagavantam gandhādīhi pūjetvā pakkāmīti. Chaṭṭham.

7. Vanaropasuttavaṇṇanā

47. Sattame **dhammaṭṭhā sīlasampannāti** ke dhammaṭṭhā, ke sīlasampannāti pucchatī. Bhagavā imam pañhaṁ thāvaravatthunā dīpentō **ārāmaropāti-ādimāha**. Tattha **ārāmaropāti** pupphārāmaphalārāmaropakā. **Vanaropāti** sayamjāte aropimavane sīmaṇ parikkhipitvā cetiyabodhicāṇkamanamaṇḍapakuṭileṇarattiṭṭhānādivāṭṭhānānam kārakā chāyūpage rukkhe ropetvā dadamānāpi vanaropāyeva nāma. **Setukārakāti** visame setum karonti, udake nāvam paṭiyādenti. **Papanti** pāniyadānasālam. **Udapānanti** yaṅkiñci pokkharaṇītaṭṭākādīm. **Upassayanti** vāsāgāram. “Upāsayan”tipi pāṭho.

Sadā puññaṁ pavāḍḍhatīti na akusalavitakkam vā vitakkentassa niddāyan-tassa vā pavāḍḍhati. Yadā yadā pana anussarati, tadā tadā tassa vadḍhati. Imamattham sandhāya “sadā puññaṁ pavāḍḍhatīti”ti vuttam. **Dhammaṭṭhā sīlasampannāti** tasmiṁ dhamme ṭhitattā tenapi sīlena sampannattā dhammaṭṭhā sīlasampannā. Atha vā (1.0084) evarūpāni puññāni karontānam dasa kusalā dhammā pūrenti, tesu ṭhitattā dhammaṭṭhā. Teneva ca sīlena sampannattā sīlasampannāti. Sattamam.

8. Jetavanasuttavaṇṇanā

48. Aṭṭhamē **idam hi tam jetavananti** anāthapiṇḍiko devaputto jetavanassa ceva buddhādīnañca vaṇṇabhaṇanatthaṁ āgato evamāha. **Isisaṅghanisevitanti** bhikkhusaṅghanisevitam.

Evam paṭhamagāthāya jetavanassa vaṇṇam kathetvā idāni ariyamaggassa kathento **kammam vijjāti-ādimāha**. Tattha **kammanti** maggacetanā. **Vijjāti** magga-paññā. **Dhammoti** samādhipakkhikā dhammā. **Silam jīvitamuttamanti** sile patiṭṭhitassa jīvitam uttamanti dasseti. Atha vā **vijjāti** diṭṭhisāṅkappā. **Dhammoti** vāyāma-satisamādhayo. **Silanti** vācākammantājīvā. **Jīvitamuttamanti** etasmim sile ṭhitassa jīvitam nāma uttamam. **Etena maccā sujhantīti** etena aṭṭhaṅgikamaggena sattā visujjhanti.

Tasmāti yasmā maggena sujhanti, na gottadhanehi, tasmā. **Yoniso vicine dhammadanti** upāyena samādhipakkhiyadhammam vicineyya. **Evam tattha visujjhati** evam tasmiṁ ariyamagge visujjhati. Atha vā **yoniso vicine dhammadanti** upāyena pañcakkhandhadhammam vicineyya. **Evam tattha visujjhati** evam tesu catūsu saccisu visujjhati.

Idāni sāriputtatherassa vaṇṇam kathento **sāriputtovāti-ādimāha**. Tattha **sāriputtovāti** avadhāraṇavacanam, etehi paññādīhi sāriputtova seyyoti vadati. **Upasamenāti** kilesa-upasamena. **Pāram gato** Ti nibbānam gato. Yo koci nibbānam patto bhikkhu, so **etāvaparamo siyā**, na therena uttaritaro nāma athīti vadati. Sesam uttānamevāti. Aṭṭhamam.

9. Maccharisuttavaṇṇanā

49. Navame **maccharinoti** maccherena samannāgatā. Ekacco hi attano vasanātthāne bhikkhum̄ hattham̄ pasāretvāpi na vandati, aññattha gato vihāram (1.0085) pavisitvā sakkaccam̄ vanditvā madhurapaṭisanthāram̄ karoti- “bhante, amhākam̄ vasanaṭṭhānam̄ nāgacchatha, sampanno padeso, paṭibalā mayam̄ ayyānam̄ yāgu-bhattādīhi upaṭṭhānam̄ kātun”ti. Bhikkhū “saddho ayam̄ upāsako”ti yāgubhattādīhi saṅgaṇhanti. Atheko therō tassa gāmam̄ gantvā piṇḍāya carati. So tam̄ disvā aññena vā gacchatī, gharam̄ vā pavisati. Sacepi sammukhībhāvam̄ āgacchatī, hatthena vanditvā- “ayyassa bhikkham̄ detha, aham̄ ekena kammena gacchāmī”ti pakkamati. Therō sakalagāmam̄ caritvā tucchapattova nikkhamati. Idam̄ tāva mudumacchariyam̄ nāma, yena samannāgato adāyakopi dāyako viya paññāyati. Idha pana thaddhamacchariyam̄ adhippetam̄, yena samannāgato bhikkhūsu piṇḍāya paviṭṭhesu, “therā ṭhitā”ti vutte, “kim̄ mayham̄ pādā rujjanti”ti-ādīni vatvā silāthambho viya khāṇuko viya ca thaddho hutvā tiṭṭhati, sāmīcimpi na karoti. **Kadariyāti** idam̄ maccharinoti padasseva vevacanam̄. Mudukampi hi macchariyam̄ “macchariyan”teva vuccati, thaddham̄ pana kadariyam̄ nāma. **Paribhāsakāti** bhikkhū gharadvāre ṭhite disvā, “kim̄ tumhe kasitvā āgatā, vapitvā, lāyitvā? Mayam̄ attanopi na labhāma, kuto tumhākam̄, sīgham̄ nikkhamathā”ti-ādīhi samtajjakā. **Antarāyakarāti** dāyakassa saggantarāyo, paṭiggāhakānam̄ lābhantarāyo, attano upaghātoti imesam̄ antarāyānam̄ kārakā.

Samparāyoti paraloko. **Ratīti** pañcakāmaguṇarati. **Khiḍḍāti** kāyikakhiḍḍādikā tividhā khiḍḍā. **Ditṭhe dhammesa vipākoti** tasmiṁ nibbattabhavane ditṭhe dhamme esa vipāko. **Samparāye ca duggatīti** “yamalokam̄ upapajjare”ti vutte samparāye ca duggati.

Vadaññūti bhikkhū gharadvāre ṭhitā kiñcāpi tuṇhīva honti, atthato pana-“bhikkham̄ dethā”ti vadanti nāma. Tatra ye “mayam̄ pacāma, ime pana na pacanti, pacamāne patvā alabrantā kuhiṁ labhissantī”ti? Deyyadhammam̄ samvibhajanti, te vadaññū nāma. **Pakāsantīti** vimānappabhāya jotanti. **Parasambhatesūti** parehi sampiṇḍitesu. **Samparāye ca suggatīti**, “ete saggā”ti (1.0086) evam̄ vuttasamparāye sugati. Ubhinnampi vā etesam̄ tato cavitvā puna samparāyepi duggatisugatiyeva hotīti. Navamam̄.

10. Ghaṭīkārasuttavaṇṇanā

50. Dasame **upapannāseti** nibbattivasena upagatā. **Vimuttāti** avihābrahmalo-kasmim̄ upapattisamanantarameva arahattaphalavimuttiyā vimuttā. **Mānusam̄ dehanti** idha pañcorambhāgiyasamyojanāni eva vuttāni. **Dibbayoganti** pañca uddhambhāgiyasamyojanāni. **Upaccagunti** atikkamim̄su. **Upakoti-ādīni** tesam̄ therānam̄ nāmāni. **Kusalī bhāsasī tesanti**, “kusalan”ti idam̄ vacanam̄ imassa atthīti **kusalī**, tesam̄ therānam̄ tvam̄ kusalam̄ anavajjam̄ bhāsasi, thomesi pasam̄sasi, pañditosi devaputtāti vadati. **Tam̄ te dhammam̄ idhaññāyāti** te therā tam̄ dhammam̄ idha tumhākam̄ sāsane jānitvā. **Gambhiranti** gambhirattham̄. **Brahmacārī nirāmisoti** nirāmisabrahmacārī nāma anāgāmī, anāgāmī ahosinti attho. **Ahu-**

vāti ahosi. **Sagāmeyyoti** ekagāmavāsī. Pariyosānagāthā saṅgītikārehi ṭhapitāti. Dasamam.

Ādittavaggo pañcamo.

6. Jarāvaggo

1. Jarāsuttavaṇṇanā

51. Jarāvaggassa paṭhame **sādhūti** laddhakam bhaddakam. **Sīlam** yāva jarāti iminā idam dasseti- yathā muttāmaṇirattavatthādīni ābharaṇāni taruṇakāleyeva sobhanti, jarājīṇakāle tāni dhārento “ayam ajjāpi bālabhāvam pattheti, umma-tako maññe”ti vattabbataṁ āpajjati, na evam sīlam. Sīlañhi niccakālam sobhati. Bālakālepi hi sīlam rakkhantam “kim imassa sīlenā”ti? Vattāro natthi. Majjhimakā-lepi mahallakakālepīti.

Saddhā (1.0087) **sādhu** patiṭṭhitāti hatthālavakacittagahapati-ādīnam viya maggena āgatā patiṭṭhitasaddhā nāma sādhu. **Paññā narānam ratananti** ettha cittikataṭṭhādīhi ratanam veditabbam. Vuttañhetam-

“Yadi cittikatanti ratanam, nanu bhagavā cittikato purisasīho, ye ca loke cittī-katā, tesam cittikato bhagavā. Yadi ratikaranti ratanam, nanu bhagavā ratikaro purisasīho, tassa vacanena carantā jhānaratisukhena abhiramanti. Yadi atulyanti ratanam, nanu bhagavā atulo purisasīho. Na hi sakkā tuletum guṇehi guṇapāramiṁ gato. Yadi dullabhanti ratanam, nanu bhagavā dullabho purisa-sīho. Yadi anomasattaparibhoganti ratanam, nanu bhagavā anomo sīlena samā-dhinā paññāya vimuttiyā vimuttiñāṇadassanenā”ti.

Idha pana dullabhapātubhāvatthēna paññā “ratanan”ti vuttam. **Puññanti** puñña-cetanā, sā hi arūpattā pariharitum na sakkāti. Paṭhamam.

2. Ajarasāsuttavaṇṇanā

52. Dutiyē **ajarasāti** ajīraṇena, avipattiyyāti attho. Sīlañhi avipannameva sādhu hoti, vipannasīlam ācariyupajjhāyādayopi na saṅgaṇhanti, gatagataṭṭhāne niddha-mitabbova hotīti. Dutiyam.

3. Mittasuttavaṇṇanā

53. Tatiye **satthoti** saddhimcaro, jaṅghasattho vā sakatasattho vā. **Mittanti** roge uppanne pāṭaṇkiyā vā aññena vā yānena haritvā khemantasampāpanena mittam. **Sake ghareti** attano gehe. Tathārūpe roge jāte puttabhāriyādayo jigucchanti, mātā pana asucimpi candanam viya maññati. Tasmā sā sake ghare mittam. **Sahāyo**

atthajātassāti uppannakiccassa yo tam kiccam vahati nittharati, so kiccesu saha ayanabhāvena sahāyo mittam, surāpānādisahāyā pana na mittā. **Samparāyikanti** samparāyahitam. Tatiyam.

4. Vatthusuttavaṇṇanā

54. Catutthe (1.0088) **puttā vatthūti** mahallakakāle paṭijagganaṭṭhena puttā patiṭṭhā. **Paramoti** aññesam akathetabbassapi guyhassa kathetabbayuttatāya bhariyā paramo sakha nāma. Catuttham.

5-7. Paṭhamajanasuttādivaṇṇanā

55. Pañcame **vidhāvatīti** parasamuddādigamanavasena ito cito ca vidhāvati. Pañcamam.

56. Chatṭhe **dukkhāti** vatṭadukkhato. Chatṭham.

57. Sattame **parāyaṇanti** nipphatti avassayo. Sattamam.

8. Uppathasuttavaṇṇanā

58. Aṭṭhame **rāgo uppathoti** sugatiñca nibbānañca gacchantassa amaggo. **Rattindivakkhayoti** rattidivehi, rattidivesu vā khīyati. **Itthī malanti** sesam bāhiramalam bhasmakhārādīhi dhovitvā sakkā sodhetum, mātugāmamalena duṭṭho pana na sakkā suddho nāma kātunti itthī “malan”ti vuttā. **Etthāti** ettha itthiyam pajā sajjati. **Tapoti** indriyasamvaradhutaṅgaguṇavīryadukkarakārikānam nāmam, idha pana ṭhapetvā dukkarakārikam sabbāpi kilesasantāpikā paṭipadā vaṭṭati. **Brahmacariyanti** methunavirati. Aṭṭhamam.

9. Dutiyasuttavaṇṇanā

59. Navame **kissa cābhīratoti** kismim abhirato. **Dutiyāti** sugatiñceva nibbānañca gacchantassa dutiyikā. **Paññā cenam pasāsatīti** paññā etam purisam “idam karohi, idam mākari”ti anusāsati. Navamam.

10. Kavisuttavaṇṇanā

60. Dasame **chando nidānanti** gāyatti-ādiko chando gāthānam nidānam. Pubba-paṭṭhāpanagāthā ārabhanto hi “kataracchandena hotū”ti ārabhati (1.0089). **Viyañjananti** jananaṁ. Akkharam hi padam janeti, padam gātham janeti, gāthā attham pakāsetīti. **Nāmasannissitāti** samuddādipaṇḍattinissitā. Gāthā ārabhanto hi samuddam vā pathavim vā yam kiñci nāmam nissayitvā ārabhati. **Āsayoti** patiṭṭhā. Kavito hi gāthā pavattanti. So tāsam patiṭṭhā hotīti. Dasamam.

Jarāvaggo chaṭṭho.

7. Addhavaggo

1. Nāmasuttavaṇṇanā

61. Addhavaggassa paṭhame **nāmaṁ sabbam addhabhavīti** nāmaṁ sabbam abhibhavati anupatati. Opapātikena vā hi kittimena vā nāmena mutto satto vā saṅkhāro vā natthi. Yassapi hi rukkhassa vā pāsāṇassa vā “idam nāma nāman”ti na jānanti, anāmakotveva tassa nāmaṁ hoti. Paṭhamam.

2-3. Cittasuttādivaṇṇanā

62. Dutiye **sabbeva vasamanvagūti** ye cittassa vasam gacchanti, tesameva anavasesapariyādānametam. Dutiyam.

63. Tatiyepi eseva nayo. Tatiyam.

4-5. Saṃyojanasuttādivaṇṇanā

64. Catutthe **kim su saṃyojanoti** kim saṃyojano kim bandhano? **Vicāraṇanti** vicaraṇā pādāni. Bahuvacane ekavacanam kataṁ. **Vitakkassa vicāraṇanti** vitakko tassa pādā. Catuttham.

65. Pañcamepi eseva nayo. Pañcamam.

6. Attahatasuttavaṇṇanā

66. Chaṭṭhe **kenassubbhāhatoti** kena abbhāhato. Su-kāro nipātamattam. **Icchā-dhūpāyatoti** icchāya āditto. Chaṭṭham.

7-9. Uḍḍitasuttādivaṇṇanā

67. Sattame (1.0090) **taṇhāya uḍḍitoti** taṇhāya ullaṅghito. Cakkhuñhi taṇhāra-jjunā āvunitvā rūpanāgadante uḍḍitam, sotādīni saddādīsūti taṇhāya uḍḍito loko. **Maccunā pihitoti** anantare attabhāve kataṁ kammaṁ na dūram ekacittantaram, balavatiyā pana māraṇantikavedanāya pabbatena viya otthaṭattā sattā tam na bujjhantīti “maccunā pihi loko”ti vuttaṁ. Sattamam.

68. Aṭṭhame sveva pañho devatāya heṭṭhupariyāyavasena

pucchito. Aṭṭhamam̄.

69. Navame sabbam̄ uttānameva. Navamam̄.

10. Lokasuttavaṇṇanā

70. Dasame **kismim̄ loko samuppannoti** kismim̄ uppanne loko uppannoti pucchati. **Chasūti** chasu ajjhattikesu āyatanesu uppannesu uppannoti vuccati. **Chasu kubbatīti** tesuyeva chasu santhavam̄ karoti. **Upādāyāti** tāniyeva ca upādāya āgamma paṭicca pavattati. **Vihaññatīti** tesuyeva chasu vihaññati pīliyati. Iti ajjhattikāyatana vasena ayam̄ pañho āgato, ajjhattikabāhirānam̄ pana vasena āharitum̄ vaṭṭati. Chasu hi ajjhattikāyatana esu uppannesu ayam̄ uppanno nāma hoti, chasu bāhiresu santhavam̄ karoti, channam̄ ajjhattikānam̄ upādāya chasu bāhiresu vihaññatīti. Dasamam̄.

Addhavaggo sattamo.

8. Chetvāvaggo

1. Chetvāsuttavaṇṇanā

71. Chetvāvaggassa paṭhame **chetvāti** vadhitvā. **Sukham̄ setīti** kodhaparijāhena aparidayhamānattā sukham̄ sayati. **Na socatīti** kodhavināsenā vinaṭṭhadomana-sattā na socati. **Visamūlassāti** dukkhavipākassa (1.0091). **Madhuraggassāti** kuddhassa paṭikujjhītvā, akkuṭṭhassa paccakkositvā, pahaṭassa ca paṭipaharitvā sukham̄ uppajjati, tam sandhāya madhuraggoti vutto. Imasmim̄ hi ṭhāne pariyo-sānam̄ agganti vuttam̄. **Ariyāti** buddhādayo. Paṭhamam̄.

2. Rathasuttavaṇṇanā

72. Dutiye paññāyati etenāti **paññāṇam̄**. **Dhajo rathassāti** mahantasmim̄ hi saṅgāmasise dūratova dhajaṁ disvā “asukarañño nāma ayam̄ ratho”ti ratho pākaṭo hoti. Tena vuttam̄ “dhajo rathassa paññāṇan”ti. **Aggipi** dūratova dhūmena paññāyati. Coṭaraṭṭham̄ pañḍuraṭṭhanti evam̄ **raṭṭhampi** raññā paññāyati. Cakkavattirañño dhitāpi pana **itthī** “asukassa nāma bhariyā”ti bhattāram̄ patvāva paññāyati. Tasmā **dhūmo paññāṇamagginoti**-ādi vuttam̄. Dutiyam̄.

3. Vittasuttavaṇṇanā

73. Tatiye **saddhīdha vittanti** yasmā saddho saddhāya muttamaṇi-ādīnipi vittāni labhati, tissopi kulasampadā, cha kāmasaggāni, nava brahmaloke patvā pariyo-

sāne amatamahānibbānadassanampi labhati, tasmā maṇimuttādīhi vittehi saddhā-vittameva setṭham. **Dhammoti** dasakusalakammopatho. **Sukhamāvahatīti** sabbampi sāsavānāsavam asaṃkiliṭṭhasukham āvahati. **Sādutaranti** lokasmiṃ loṇambilādīnam sabbarasānam saccameva madhurataram. Saccasmiṃ hi ṭhitā sīghavegam nadimpi nivattenti, visampi nimmaddenti, aggimpi paṭibāhanti, devampi vassāpentī, tasmā tam sabbarasānam madhurataranti vuttaṃ. **Paññājīvīm jīvitamāhu setṭhanti** yo paññājīvī gahaṭṭho samāno pañcasu silesu patiṭṭhāya salā-kabhattādīni paṭṭhapetvā paññāya jīvati, pabbajito vā pana dhammena uppanne paccaye “idamatthan”ti paccavekkhitvā paribhuñjanto kammaṭṭhānam ādāya vipassanam paṭṭhapetvā ariyaphalādhigamavasena paññāya jīvati, tam paññājīvīm puggalam setṭham jīvitam jīvatīti āhu. Tatiyam.

4. Vuṭṭhisuttavaṇṇanā

74. Catutthe (1.0092) **bijanti** uppatantānam sattavidham dhaññabijam setṭham. Tasmiñhi uggate janapado khemo hoti subhikkho. **Nipatataṇti** nipatantānam meghavuṭṭhi setṭhā. Meghavuṭṭhiyañhi sati vividhāni sassāni uppajjanti, janapadā phitā honti khemā subhikkhā. **Pavajamānānanti** jaṅgamānam padasā caramā-nānam gāvo setṭhā. Tā nissāya hi sattā pañca gorase paribhuñjamānā sukham viharanti. **Pavadatanti** rājakulamajjhādīsu vadantānam putto varo. So hi mātāpi-tūnam anathāvaham na vadati.

Vijā uppatatam setṭhāti purimapañhe kira sutvā samipe ṭhitā ekā devatā “devate, kasmā tvam etam pañham dasabalam pucchasi? Aham te kathessāmī”ti attano khantiyā laddhiyā pañham kathesi. Atha nam itarā devatā āha- “yāva padhamśī vadesi devate yāva pagabbhā mukharā, aham buddham bhagavantam pucchāmi. Tvam mayham kasmā kathesi”ti? Nivattetvā tadēva pañham dasabalam pucchi. Athassā satthā vissajjento **vijā uppatatanti-ādimāha**. Tattha **vijāti** catumaggavijjā. Sā hi uppatamānā sabbākusalaḍhamme samugghāteti. Tasmā “uppatatam setṭhā”ti vuttā. **Avijjāti** vaṭṭamūlakamahā-avijjā. Sā hi nipatantānam osida-nānam varā. **Pavajamānānanti** padasā caramānānam jaṅgamānam anomapuñña-kkhettabhūto saṅgo varo. Tañhi tattha tattha disvā pasannacittā sattā sotthim pāpuṇanti. **Buddhoti** yādiso putto vā hotu añño vā, yesam kesañci vadamānānam buddho varo. Tassa hi dhammadesanam āgamma anekasatasahassānam pāṇānam bandhanamokkho hotīti. Catuttham.

5. Bhītāsuttavaṇṇanā

75. Pañcame **kiṃsūdha bhītāti** kiṃ bhītā? **Maggo canekāyatanaappavutto** Ti atṭha-timśārammaṇavasena anekehi kāraṇehi kathito. Evaṃ sante kissa bhītā hutvā ayam janatā dvāsatṭhi diṭṭhiyo aggahesīti vadati. **Bhūripaññāti** bahupañña ussannapañña. **Paralokam na bhāyeti** imasmā lokā param lokam gacchanto na bhāyeyya. **Pañidhāyāti** ṭhāpetvā. **Bahvannapānam (1.0093)** gharamāvasantoti

anāthapiṇḍikādayo viya bahvannapāne ghare vasanto. **Saṃvibhāgīti** accharāya gahitampi nakhena phāletvā parassa datvāva bhuñjanasilo. **Vadaññūti** vuttatthameva.

Idāni gāthāya aṅgāni uddharitvā dassetabbāni- “vācan”ti hi iminā cattāri vacīsu-caritāni gahitāni, “manenā”tipadena tīṇi manosucaritāni, “kāyenā”ti padena tīṇi kāyasucaritāni. Iti ime dasa kusalakammapathā pubbasuddhi-aṅgam nāma. **Bahvannapānam** gharamāvasantoti iminā yañña-upakkharo gahito. **Saddhoti** eka-maṅgam, **mudūti** ekam, **saṃvibhāgīti** ekam, **vadaññūti** ekam. Iti imāni cattāri aṅgāni sandhāya “etesu dhammesu ṭhito catūsū”ti āha.

Aparopi pariyāyo- vācanti-ādīni tīṇi aṅgāni, bahvannapānanti iminā yañña-upakkharova gahito, saddho mudū saṃvibhāgī vadaññūti ekam aṅgam. Aparo duknayo nāma hoti. “Vācaṁ manañcā”ti idamekam aṅgam, “kāyena pāpāni akubba-māno, bahvannapānam gharamāvasanto”ti ekam, “saddho mudū”ti ekam, “saṃvibhāgī vadaññū”ti ekam. Etesu catūsu dhammesu ṭhito dhamme ṭhito nāma hoti. So ito paralokam gacchanto na bhāyati. Pañcamam.

6. Najāratisuttavaṇṇanā

76. Chaṭṭhe nāmagottam na jīratīti atītabuddhānam yāvajjadivasā nāmagottam kathiyati, tasmā na jīratīti vuccati. Porāṇā pana “addhāne gacchante na paññāyi-sati, jīraṇasabhāvo pana na hotiyevā”ti vadanti. **Ālasyanti** ālasiyam, yena ṭhitātṭhāne ṭhitova, nisinnatṭhāne nisinnova hoti, telepi uttarante ṭhitim na karoti. **Pamā-doti** niddāya vā kilesavasena vā pamādo. **Anutṭhānanti** kammasamaye kammaka-raṇavīriyābhāvo. **Asaṃyamoti** sīlasaññamābhāvo viissaṭṭhācāratā. **Niddāti** soppabahulatā. Tāya gacchantopi ṭhitopi nisinnopi niddāyati, pageva nipanno. **Tandīti** aticchātādivasena āgantukālasiyam. **Te chiddeți** tāni cha chiddāni vivarāni. **Sabbasoti** (1.0094) sabbākārena. **Tanti** nipātamattam. **Vivajjayeti** vajjeyya jaheyya. Chaṭṭham.

7. Issariyasuttavaṇṇanā

77. Sattame satthamalanti malaggahitasattham. **Kim su harantam vārentīti** kam harantam nisedhenti. **Vasoti** āṇāpavattanam. **Itthīti** avissajjanīyabhaṇḍattā “itthī bhaṇḍānamuttamam, varabhaṇḍan”ti āha. Atha vā sabbepi bodhisattā ca cakkavattino ca mātukucchiyamyeva nibbattantīti “itthī bhaṇḍānamuttaman”ti āha. **Kodho satthamalanti** kodho malaggahitasatthasadiso, paññāsatthassa vā malanti satthamalam. **Abbudanti** vināsakāraṇam, corā lokasmīm vināsakāti attho. **Harantoti** salākabhattādīni gahetvā gacchanto. Salākabhattādīni hi paṭṭhapitakāleyeva manussehi pariccattāni. Tesam tāni haranto samaṇo piyo hoti, anāharante puññahānim nissāya vippaṭisārino honti. Sattamam.

8. Kāmasuttavaṇṇanā

78. Aṭṭhame **attānam** na dadeti parassa dāsam̄ katvā attānam̄ na dadeyya ṭhapetvā sabbabodhisatteti vuttam̄. **Na pariccajeti** sīhabyagghādīnam̄ na pariccajeyya sabbabodhisatte ṭhapetvāyevāti vuttam̄. **Kalyāṇanti** sañham̄ mudukam̄. **Pāpi-kanti** pharusam̄ vācam̄. Aṭṭhamam̄.

9. Pātheyyasuttavaṇṇanā

79. Navame **saddhā bandhati pātheyyanti** saddham̄ uppādetvā dānam̄ deti, sīlam̄ rakkhati, uposathakammam̄ karoti, tenetam̄ vuttam̄. **Sirīti issariyam̄.** **Āsayoti** vasanaṭṭhānam̄. Issariye hi abhimukhībhūte thalatopi jalatopi bhogā āgacchanti-yeva. Tenetam̄ vuttam̄. **Parikassatīti** parikaḍḍhati. Navamam̄.

10. Pajjotasuttavaṇṇanā

80. Dasame **pajjototi** padīpo viya hoti. **Jāgaroti** jāgarabrāhmaṇo viya hoti. **Gāvo kamme sajīvānanti** kammena saha jīvantānam̄ (1.0095) gāvova kamme kammasa-hāyā kammadutiyakā nāma honti. Gomaṇḍalehi saddhim̄ kasikammādīni nippahājjanti. **Sītassa iriyāpathoti** sītam̄ assa sattakāyassa iriyāpatho jīvitavutti. **Sītanti** naṅgalam̄. Yassa hi naṅgalehi khettam̄ appamattakampi kaṭṭham̄ na hoti, so katham̄ jīvissatīti vadati. Dasamam̄.

11. Araṇasuttavaṇṇanā

81. Ekādasame **araṇāTi** nikkilesā. **Vusitanti** vusitavāso. **Bhojissiyanti** adāsa-bhāvo. **Samaṇāti** khīṇāsavasamaṇā. Te hi ekantena araṇā nāma. **Vusitam̄ na nassatīti** tesam̄ ariyamaggavāso na nassati. **Parijānāntīti** puthujjanakalyāṇakato paṭṭhāya sekhā lokiyalokuttarāya pariññāya pariñānanti. **Bhojissiyanti** khīṇāsavasa-māṇānamyeva niccam̄ bhujissabhāvo nāma. **Vandantīti** pabbajitadivasato paṭṭhāya vandanti. **Patiṭṭhitanti** sile patiṭṭhitam̄. **Samaṇīdhāti** samaṇam̄ idha. **Jātihī-nanti** api caṇḍālakulā pabbajitaṁ. **Khattiyāti** na kevalam̄ khattiyāva, devāpi sīlasa-mpannam̄ samaṇam̄ vandantiyevāti. Ekādasamam̄.

Chetvāvaggo aṭṭhamo.

Iti sāratthappakāsiniyā

Samyuttanikāya-aṭṭhakathāya

Devatāsamyuttavaṇṇanā niṭṭhitā.

2. Devaputtasamyuttam

1. Paṭhamavaggo

1. Paṭhamakassapasuttavaṇṇanā

82. Devaputtasamyuttassa (1.0096) paṭhame **devaputtoti** devānañhi aṅke nibbattā purisā devaputtā nāma, itthiyo devadhitaro nāma honti. Nāmavasena apākaṭāva “aññatarā devatā”ti vuccati, pākaṭo “itthannāmo devaputto”ti. Tasmā heṭṭhā “aññatarā devatā”ti vatvā idha “devaputto”ti vuttam. **Anusāsanti** anusīṭṭhim. Ayam kira devaputto bhagavatā sambodhito sattame vasse yamakapāṭihāriyam katvā tidasapure vassam upagamma abhidhammadam desentena jhānavibhaṅge-“bhikkhūti samaññāya bhikkhu, paṭiññāya bhikkhū”ti (vibha. 510). Evam bhikkhuniddesam kathiyamānam assosi. “Evam vitakketha, mā evam vitakkayittha, evam manasikarotha, mā evam manasākattha. Idam pajahatha, idam upasampajja viharathā”ti (pārā. 19). Evarūpam pana bhikkhu-ovādam bhikkhu-anusāsanam na assosi. So tam sandhāya-“bhikkhum bhagavā pakāsesi, no ca bhikkhuno anusāsan”ti āha.

Tena hīti yasmā mayā bhikkhuno anusīṭṭhi na pakāsitāti vadasi, tasmā. **Taññevettha paṭibhātūti** tuyhevesā anusīṭṭhipakāsanā upaṭṭhātūti. Yo hi pañham kathetu-kāmo hoti, na ca sakkoti sabbaññutaññāñena saddhiṁ samsanditvā kathetum. Yo vā na kathetukāmo hoti, sakkoti pana kathetum. Yo vā neva kathetukāmo hoti, kathetum na ca sakkoti. Sabbesampi tesam bhagavā pañham bhāram na karoti. Ayam pana devaputto kathetukāmo ceva, sakkoti ca kathetum. Tasmā tasseva bhāram karonto bhagavā evamāha. Sopi pañham kathesi.

Tattha **subhāsitassa sikkhethāti** subhāsitam sikkheyya, catusaccanissitam dasa-kathāvatthunissitam sattatiṁsabodhipakkhiyanissitam catubbidham vacīsucarita-meva sikkheyya. **Samañūpāsanassa cāti** samañehi upāsitabbam samañūpāsanam (1.0097) nāma atṭhatiṁsabhedam kammaṭṭhānam, tampi sikkheyya bhāveyyāti attho. Bahussutānam vā bhikkhūnam upāsanampi samañūpāsanam. Tampi ‘kim, bhante, kusalan”ti-ādinā pañhapucchānena paññāvuddhattham sikkheyya. **Cittavūpasamassa cāti** atṭhasamāpattivasena cittavūpasamam sikkheyya. Iti devaputtena tisso sikkhā kathitā honti. Purimapadena hi adhisilasikkhā kathitā, dutiyapadena adhipaññāsikkhā, cittavūpasamena adhicittasikkhāti evam imāya gāthāya sakalampi sāsanam pakāsitameva hoti. Paṭhamam.

2. Dutiyakassapasuttavaṇṇanā

83. Dutiye **jhāyīTi** dvīhi jhānehi jhāyī. **Vimuttacittoti** kammaṭṭhānavimuttiyā vimu-

ttacitto. **Hadayassānupattinti** arahattam. **Lokassāti** saṅkhāralokassa. **Anissito** Ti taṇhāditṭhīhi anissito, taṇhāditṭhiyo vā anissito. **Tadānisamsoti** arahattānisamso. Idam vuttam hoti- arahattānisamso bhikkhu arahattam pathento jhāyī bhaveyya, suvimuttacitto bhaveyya, lokassa udayabbayaṁ ūnatvā anissito bhaveyya. Tanti-dhammo pana imasmiṁ sāsane pubbabhāgoti. Dutiyam.

3-4. Māghasuttādivaṇṇanā

84. Tatiye **māgho** Ti sakkassetam nāmam. Sveva vattena aññe abhibhavitvā devissariyam pattoti **vatrabhū**, Vatranāmakam vā asuram abhibhavatīti vatrabhū. Tatiyam.

85. Catuttham vuttatthameva. Catuttham.

5. Dāmalisuttavaṇṇanā

86. Pañcame **na tenāsīsate bhavanti** tena kāraṇena yaṁ kiñci bhavam na pattheti. Āyatapaggaho nāmesa devaputto, khīṇāsavassa kiccavosānam natthi. Khīṇāsavena hi ādito arahattappattiyā vīriyam katam (1.0098), aparabhāge mayā arahattam pattanti mā tuṇhī bhavatu, tatheva vīriyam daļham karotu parakkama-tūti cintetvā evamāha.

Atha bhagavā “ayam devaputto khīṇāsavassa kiccavosānam akathento mama sāsanam aniyānikam katheti, kiccavosānamassa kathessāmī”ti cintetvā **natthi kiccaanti-ādimāha**. Tisu kira piṭakesu ayaṁ gāthā asaṃkiṇṇā. Bhagavatā hi aññattha vīriyassa doso nāma dassito natthi. Idha pana imaṁ devaputtam paṭibāhitvā “khīṇāsavena pubbabhāge āsavakkhayatthāya araññe vasantena kammatṭhānam ādāya vīriyam kataṁ, aparabhāge sace icchatī, karotu, no ce icchatī, yathāsukham viharatū”ti khīṇāsavassa kiccavosānadassanattham evamāha. Tattha **gādhanti** patiṭṭham. Pañcamam.

6. Kāmadasuttavaṇṇanā

87. Chaṭṭhe **dukkaranti** ayam kira devaputto pubbayogāvacaro bahalakilesatāya sappayogena kilese vikkhambhento samaṇadhammam katvā pubbūpanissayamandatāya ariyabhūmim appatvāva kālam katvā devaloke nibbatto. So “tathāgatassa santikam gantvā dukkarabhāvam ārocessāmī”ti āgantvā evamāha. Tattha **dukkaranti** dasapi vassāni ...pe... saṭṭhipi yadetaṁ ekantaparisuddhassa samaṇadhammassa karaṇam nāma, tam dukkaram. **Sekhāti** satta sekhā. **Silasamāhitāti** silena samāhitā samupetā. **Thitattāti** patiṭṭhitasabhāvā. Evaṁ pucchitapañham vissajjetvā idāni uparipañhasamuṭṭhāpanattham **anagāriyupetassāti-ādimāha**. Tattha **anagāriyupetassāti** anagāriyam niggehabhāvam upetassa. Sattabhūmikepi hi pāsāde vasanto bhikkhu vuḍḍhatarena āgantvā “mayham idam pāpuṇāti”ti vutte pattacīvaraṁ ādāya nikkhamateva. Tasmā “anagāriyupeto”ti vuccati.

Tuṭṭhitī catupaccayasantoso. **Bhāvanāyāti** cittavūpasamabhāvanāya.

Te **chetvā macchno jālanti** ye rattindivam indriyūpasame ratā, te dussamādaham cittam samādahanti. Ye ca samāhitacittā, te catupaccayasantosam pūrentā na kilamanti. Ye santuṭṭhā, te sīlam pūrentā na kilamanti (1.0099). Ye sīle patiṭhitā satta sekhā, te ariyā macchno jālasaṅkhātam kilesajālam chinditvā gacchanti. **Duggamoti** “saccametam, bhante, ye indriyūpasame ratā, te dussamādaham samādahanti ...pe... ye sīle patiṭhitā, te macchno jālam chinditvā gacchanti”. Kim na gacchissanti? Ayam pana duggamo bhagavā visamo maggoti āha. Tattha kiñcāpi ariyamaggo neva duggamo na visamo, pubbabhāgapatiṭpadāya panassa bahū parissayā honti. Tasmā evam vutto. **Avamsirāti** nānasirena adhosirā hutvā papantanti. Ariyamaggam ārohitum asamatthatāyeva ca te anariyamagge papantanti ca vuccanti. **Ariyānam samo maggoti** sveva maggo ariyānam samo hoti. **Visame samāti** visamepi sattakāye samāyeva. Chattham.

7. Pañcālacaṇḍasuttavaṇṇanā

88. Sattame **sambādheTi** nīvaraṇasambādhām kāmaguṇasambādhanti dve sambādhā. Tesu idha nīvaraṇasambādhām adhippetam. **Okāsanti** jhānassetam nāmaṁ. **Paṭilīnanisabhoti** paṭilīnaseṭṭho. Paṭilīno nāma pahīnamāno vuccati. Yathāha- “kathañca, bhikkhave, bhikkhu paṭilīno hoti. Idha, bhikkhave, bhikkhuno asmimāno pahīno hoti ucchinnaṁulo tālāvatthukato anabhāvamkato āyatim anuppādadhammo”ti (a. ni. 4.38; mahāni. 87). **Paccalatthamṣūti** paṭilabhiṁsu. **Sammāteti** ye nibbānapattiya sati paṭilabhiṁsu, te lokuttarasamādhināpi susamāhitāti missakajjhānam kathitam. Sattamam.

8. Tāyanasuttavaṇṇanā

89. Aṭṭhame **purāṇatitthakaroti** pubbe titthakaro. Ettha ca tittham nāma dvāsatṭhi ditṭhiyo, titthakaro nāma tāsam uppādako satthā. Seyyathidam nando, vaccho, kiso, saṅkicco. Purāṇādayo pana titthiyā nāma. Ayam pana ditṭhim uppādetvā katham sagge nibbattoti? Kammavāditāya. Esa kira uposathabhattādīni adāsi, anāthānam vattam paṭṭhapesi, patissaye akāsi, pokkharaṇiyo khanāpesi, aññampi bahum kalyānam akāsi. So tassa nissandena sagge nibbatto, sāsanassa (1.0100) pana niyyānikabhāvam jānāti. So tathāgatassa santikam gantvā sāsanā-nucchavikā vīriyappaṭisaṁyuttā gāthā vakkhāmīti āgantvā **chinda sotanti-ādimāha**.

Tattha **chindāti** aniyamita-āṇatti. **Sotanti** taṇhāsotam. Parakkammāti parakkamitvā vīriyam katvā. **Kāmeti** kilesakāmepi vatthukāmepi. Panudāti nīhara. **Ekaṭtanti** jhānam. Idam vuttaṁ hoti- kāme ajahitvā muni jhānam na upapajjati, na paṭilabhatīti attho. **Kayirā ce kayirāthenanti** yadi vīriyam kareyya, kareyyātha, tam vīriyam na osakkeyya. **Daḷhamenam parakkameti** daḷham enam kareyya. **Sithilo hi paribbājoti** sithilagahitā pabbajjā. **Bhiyyo ākirate rajanti** atirekaṁ upari kilesarajam ākirati. **Akataṁ dukkaṭam seyyoti** dukkaṭam akatameva seyyo. **Yam kiñcīti** na

kevalam dukkaṭam katvā katasāmaññameva, aññampi yaṁ kiñci sithilaṁ kataṁ evarūpameva hoti. **Saṅkiliṭṭhanti** dukkarakārikavatam. Imasmim hi sāsane pacca-yahetu samādinnadhutaṅgavatam saṅkiliṭṭhameva. **Saṅkassaranti** saṅkāya saritam, “idampi iminā kataṁ bhavissati, idampi iminā”ti evaṁ āsaṅkitaparisaṅkitam. **Ādibrahmacariyikāti** maggabrahmacariyassa ādibhūtā pubbapadhāna-bhūtā. Aṭṭhamam.

9. Candimasuttavaṇṇanā

90. Navame **candimāti** candavimānavāsī devaputto. **Sabbadhitī** sabbesu khandha-āyatanādīsu. **Lokānukampakāti** tuyhampi etassapi tādisā eva. **Santaramā-novāti** turito viya. **Pamuñcasīti** atītatthe vattamānavacanam. Navamam.

10. Sūriyasuttavaṇṇanā

91. Dasame **sūriyoti** sūriyavimānavāsī devaputto. **Andhakāreti** cakkhuviññāṇuppattinivāraṇena andhabhbāvakaraṇe. **Virocatīti verocano.** **Maṇḍalīti** maṇḍalasaṅthāno. **Mā, rāhu, gilī caramantalikkheti** antalikkhe caram sūriyam, rāhu, mā giliti vadati. Kim panesa tam gilatīti (1.0101)? Āma, gilati. Rāhussa hi attabhāvo mahā, uccattanena aṭṭhayojanasatādhikāni cattāri yojanasahassāni, bāhantaramassa dvādasayojanasatāni, bahalattena cha yojanasatāni, sīsam nava yojanasataṁ, nalāṭam tiyojanasataṁ, bhamukantaram paññāsayojanaṁ, mukham dviyojanasataṁ, ghānam tiyojanasataṁ, mukhādhānam tiyojanasatagambhīram hatthatalapādātalāni puthulato dviyojanasatāni. Aṅgulipabbāni paññāsa yojanāni. So candimasūriye virocāmāne disvā issāpakato tesam gamanavīthim otaritvā mukham vivaritvā tiṭṭhati. Candavimānam sūriyavimānam vā tiyojanasatike mahānarake pakkhittam viya hoti. Vimāne adhivatthā devatā marañabhayatajjitā ekappahāre-neva viravanti. So pana vimānam kadāci hatthena chādeti, kadāci hanukassa heṭṭhā pakkipati, kadāci jivhāya parimajjati, kadāci avagaṇḍakārakam bhuñjanto viya kapolantare ṭhapeti. Vegam pana vāretum na sakkoti. Sace vāressāmīti gaṇḍakam katvā tiṭṭheyya, matthakam tassa bhinditvā nikkhameyya, ākaḍḍhitvā vā nam onameyya. Tasmā vimānenā saheva gacchati. **Pajam mamanti** candimasūriyā kira dvepi devaputtā mahāsamayasuttakathanadivase sotāpattiphalam pattā. Tena bhagavā “pajam maman”ti āha, putto mama esoti attho. Dasamam.

Paṭhamo vaggo.

2. Anāthapiṇḍikavaggo

1. Candimasasuttavaṇṇanā

92. Dutiyavaggassa paṭhame **kacchevāti** kacche viya. **Kaccheti** pabbatakacchepi nadīkacchepi. **Ekodi nipakāti** ekaggacittā ceva paññānepakkena ca sammānāgatā. **Satāti** satimanto. Idam vuttam hoti- ye jhānāni labhitvā (1.0102) ekodī nipakā satā viharanti, te amakase pabbatakacche vā nadīkacche vā magā viya sotthim gamissantīti. **Pāranti** nibbānam. **Ambujoti** maccho. **Raṇañjahāti** kilesañjahā. Yopi jhānāni labhitvā appamattā kilese jahanti, te suttajālam bhinditvā macchā viya nibbānam gamissantīti vuttam hoti. Paṭhamam.

2. Venḍusuttavaṇṇanā

93. Dutiye **venḍūti** tassa devaputtassa nāmam. **Payirupāsiyāti** parirupāsitvā. **Anusikkhareti** sikkhanti. **Sit̄hipadeti** anusit̄hipade. **Kāle te appamajjantāti** kāle te appamādam karontā. Dutiyam.

3. Dīghalat̄thisuttavaṇṇanā

94. Tatiye **dīghalat̄hīti** devaloke sabbe samappamāṇā tigāvutikāva honti, manusaloke panassa dīghattabhāvatāya evamnāmam ahosi. So puññāni katvā devaloke nibbattopi tatheva paññāyi. Tatiyam.

4. Nandanasuttavaṇṇanā

95. Catutthe **gotamāti** bhagavantam gottena ālapati. **Anāvaṭanti** tathāgatassa hi sabbaññutaññāṇam pesentassa rukkho vā pabbato vā āvaritum samattho nāma natthi. Tenāha “anāvaṭan”ti. Iti tathāgataṁ thometvā devaloke abhisāṅkhatapañham pucchanto **kathañvidhanti-ādimāha**. Tattha **dukkhamaticca iriyatī** dukkham atikkamitvā viharati. **Silavāti** lokiyalokuttarena silena samannāgato khīṇāsavo. **Paññādayopi** missakāyeva veditabbā. **Pūjayantīti** gandhapupphādīhi pūjenti. Catuttham.

5-6. Candanasuttādivaṇṇanā

96. Pañcame **appatiṭṭhe anālambeti** heṭṭhā apatiṭṭhe upari anālambane. **Susamāhitoti** appanāyapi upacārenapi suṭṭhu samāhito (1.0103). **Pahitattoti** pesitatto. **Nandīrāgaparikkhīṇoti** parikkhīṇanandīrāgo. Nandīrāgo nāma tayo kammābhisaṅkhārā. Iti imāya gāthāya kāmasaññāgahaṇena pañcorambhāgiyasamyojanāni,

rūpasamyojanagahañena pañca uddhambhāgiyasamyojanāni, nandīrāgena tayo kammābhisañkhārā gahitā. Evam yassa dasa samyojanāni tayo ca kammābhisañkhārā pahīnā, so gambhīre mahoghe na sīdatīti. Kāmasaññāya vā kāmabhavo, rūpasamyojanena rūpabhavo gahito, tesam gahañena arūpabhavo gahitova, nandīrāgena tayo kammābhisañkhārā gahitāti evam yassa tīsu bhavesu tayo sañkhārā natthi, so gambhīre na sīdatītipi dasseti. Pañcamam.

97. Chaṭṭham vuttatthameva. Chaṭṭham.

7. Subrahmasuttavaṇṇanā

98. Sattame **subrahmāti** so kira devaputto accharāsaṅghaparivuto nandanakīlikam gantvā pāricchattakamūle paññattāsane nisidi. Tam pañcasatā devadhītaro parivāretvā nisinnā, pañcasatā rukkham abhiruḥhā. Nanu ca devatānam cittavasena yojanasatikopi rukkho onamitvā hattham āgacchat, kasmā tā abhiruḥhāti. Khiḍḍāpasutatāya. Abhiruyha pana madhurassarena gāyitvā gāyitvā pupphāni pātentī, tāni gahetvā itarā ekatovaṇṭikamālādivasena ganthenti. Atha rukkham abhiruḥhā upacchedakakammavasena ekappahāreneva kālam katvā avīcimhi nibbattā mahādukkham anubhavanti.

Atha kāle gacchante devaputto “imāsam neva saddo suyyati, na pupphāni pātentī. Kaham nu kho gatā”ti? Āvajjento niraye nibbattabhāvam disvā piyavatthukasokena ruppamāno cintesi- “etā tāva yathākamma gatā, mayham āyusañkhāro kittako”ti. So- “sattame divase mayāpi avasesāhi pañcasatāhi saddhim kālam katvā tattheva nibbattitabban”ti disvā balavatarena sokena ruppi. So- “imam mayham sokam sadevake loke aññatra tathāgatā niddhamitum samattho nāma natthi”ti cintetvā satthu santikam gantvā **niccam utrastanti** gāthamāha.

Tattha (1.0104) **idanti** attano cittam dasseti. Dutiyapadaṁ purimasseva vevacanam. **Niccati** ca padassa devaloke nibbattakālato paṭṭhāyāti attho na gahe-tabbo, sokuppattikālato pana paṭṭhāya niccanti veditabbam. **Anuppannesu kicchesūti** ito sattāhaccayena yāni dukkhāni uppajiissanti, tesu. **Atho uppatitesu cāti** yāni pañcasatānam accharānam niraye nibbattānam ditṭhāni, tesu cāti evam imesu uppānānuppannesu dukkhesu niccam mama utrastaṁ cittam, abbhantare dayhamāno viya homi bhagavāti dasseti.

Nāññatra bojjhā tapasāti bojjhaṅgabhbāvanañca tapoguṇañca aññatra muñcitvā sotthim na passāmīti attho. **Sabbanissaggāti** nibbānato. Ettha kiñcāpi bojjhaṅgabhbāvanā paṭhamam gahitā, indriyasamvaro pacchā, atthato pana indriyasamvara paṭhamam veditabbo. Indriyasamvare hi gahite catupārisuddhisilam gahitam hoti. Tasmim patiṭṭhito bhikkhu nissayamuttako dhutaṅgasañkhātam tapoguṇam samādāya araññam pavisitvā kammaṭhānam bhāvento saha vipassanāya bojjhaṅge bhāveti. Tassa ariyamaggo yam nibbānam ārammaṇam katvā uppajjati, so “sabbanissaggo”ti bhagavā catusaccavasena desanam vinivattesi. Devaputto desanāpariyosāne sotāpattiphale patiṭṭhahīti. Sattamam.

8-10. Kakudhasuttādivaṇṇanā

99. Aṭṭhame **kakudho devaputtoti** ayam kira kolanagare mahāmoggallānattherassa upatṭhākaputto daharakāleyeva therassa santike vasanto jhānam nibbattevā kālaṅkato, brahmañloke uppajji. Tatrāpi nam kakudho brahmātveva sañjānanti. **NandasīTi** tussasi. **Kim laddhāti** tuṭṭhi nāma kiñci manāpaṁ labhitvā hoti, tasmā evamāha. **Kim jīyitthāti** yassa hi kiñci manāpaṁ cīvarādivatthu jīṇam hoti, so socati, tasmā evamāha. **Aratī nābhikiratī** ukkaṇṭhitā nābhibhavati. **Aghajātasāti** dukkhajātassa, vaṭṭadukkhe ṭhitassāti attho. **Nandījātassāti** jātatañhassa. **Aghanti** evarūpassa hi vaṭṭadukkham āgatameva hoti (1.0105). “Dukkhī sukham patthayatī”ti hi vuttam. Iti aghajātassa nandī hoti, sukhavipariñāmena dukkham āgatamevāti nandījātassa agham hoti. Aṭṭhamam.

100. Navamam vuttatthameva. Navamam.

101. Dasame ānandattherassa anumānabuddhiyā ānubhāvappakāsanattham aññataroti āha. Dasamam.

Dutiyo vaggo.

3. Nānātitthiyavaggo

1-2. Sivasuttādivaṇṇanā

102. Tatiyavaggassa paṭhamam vuttatthameva. Paṭhamam.

103. Dutiye **paṭikaccevāti** paṭhamamyeva. **Akkhacchinno vajhāyatī** akkacchinno avajhāyati, balavacintanam cinteti. Dutiyagāthāya **akkhacchinno vāti** akkacchinno viya. Dutiyam.

3-4. Serīsuttādivaṇṇanā

104. Tatiye **dāyakoti** dānasilo. **Dānapatīti** yam dānam demi, tassa pati hutvā demi, na dāso na sahāyo. Yo hi attanā madhuram bhuñjati, paresam amadhuram deti, so dānasāṅkhātassa deyyadhammassa dāso hutvā deti. Yo yam attanā bhuñjati, tadeva deti, so sahāyo hutvā deti. Yo pana attanā yena tena yāpeti, paresam madhuram deti, so pati jetṭhako sāmi hutvā deti. Aham “tādiso ahosin”ti vadati.

Catūsu dvāresuti tassa kira rañño sindhavaratṭham sodhivākaraṭṭhanti dve ratṭhāni ahesum, nagaram roruvam nāma. Tassa ekekasmīm dvāre devasikam satasahassam uppajjati, antonagare vinicchayaṭṭhāne satasahassam. So bahuhiraññasuvanṇam rāsibhūtam disvā kammasakataññam uppādetvā catūsu dvāresu (1.0106) dānasālāyo kāretvā tasmiṁ tasmiṁ dvāre uṭṭhita-āyena dānam

dethāti amacce ṭhapesi. Tenāha- “catūsu dvāresu dānam dīyitthā”ti.

Samaṇabrahmaṇakapaṇaddhikavanibbakayācakānanti ettha **samaṇāti** pabbajjūpagatā. **Brāhmaṇāti** bhovādino. Samitapāpabāhitapāpe pana samaṇabrahmaṇe esa nālattha. **Kapaṇāti** duggatā daliddamanussā kāṇakuṇi-ādayo. **Addhi-kāti** pathāvino. **Vanibbakāti** ye “iṭṭham, dinnam, kantaṇ, manāpam, kālena, anavajjam dinnam, dadam cittam pasādeyya, gacchatu bhavam brahmalokan”ti-ādinā nayena dānassa vaṇṇam thomayamānā vicaranti. **Yācakāti** ye “pasamatattam detha, sarāvamattam dethā”ti-ādīni ca vatvā yācamānā vicaranti. **Itthāgārassa dānam dīyitthāti** paṭhamadvārassa laddhattā tattha uppajjanakasatasahasse aññampi dhanam pakhipitvā rañño amacce hāretvā attano amacce ṭhabetvā raññā dinnadānato rājithiyo mahantataram dānam adamsu. Tam sandhāyevamāha. **Mama dānam paṭikkamīti** yam mama dānam tattha dīyittha, tam paṭinivatti. Sesadvāresupi eseva nayo. **Kocīti** katthaci. **Dīgharattanti** asītivassasahassāni. Ettakam kira kālam tassa rañño dānam dīyittha. Tatiyam.

105. Catuttham vuttatthameva. Catuttham.

5. Jantusuttavaṇṇanā

106. Pañcame **kosalesu viharantīti** bhagavato santike kammatṭhānam gahetvā tattha gantvā viharanti. **Uddhatāti** akappiyē kappiyasaññitāya ca kappiyē akappiyasaññitāya ca anavajje sāvajjasaññitāya ca sāvajje anavajjasaññitāya ca uddhaccapakatikā hutvā. **UnnalāTi** uggatanaļā, uṭṭhitatucchamānāti vuttaṇ hoti. **Capalāti** pattacīvaraṇaṇḍanādinā cāpallena yuttā. **Mukharāti** mukhakharā, kharavacanāti vuttaṇ hoti. **Vikiṇavācāti** asamyatavacanā, divasampi niratthakavacanapalāpino. **Muṭṭhassatinoti** naṭṭhassatino sativirahitā, idha kataṇ ettha pamussanti. **Asampajānāti** nippaññā. **Asamāhitāti** appanā-upacārasamādhirahitā, caṇḍasote (1.0107 baddhanāvāsadisā. **Vibbhantacittāti** anavaṭṭhitacittā, panthāruḥhabālamigasadisā. **Pākatindriyāti** samvarābhāvena gihikāle viya vivaṭa-indriyā.

Jantūti evamnāmako devaputto. **Tadahuposatheti** tasmiṇ ahu uposathe, uposathadivaseti attho. **Pannaraseti** cātuddasikādipatīkkhepo. **Upasaṅkamīti** codanatthāya upagato. So kira cintesi- “ime bhikkhū satthu santike kammatṭhānam gahetvā nikkhantā, idāni pamattā viharanti, na kho panete pātiyekkam nisinnaṭṭhāne codiyamānā kathaṇ gaṇhissanti, samāgamanakāle codissāmi”ti uposatha-divase tesam sannipatitabhāvam ūnatvā upasaṅkami. **Gāthāhi ajjhabhāsīti** sabbesam majhe ṭhatvā gāthā abhāsi.

Tattha yasmā guṇakathāya saddhiṁ nigguṇassa aguṇo pākaṭo hoti, tasmā guṇam tāva kathento **sukhajīvino pure āsunti**-ādimāha. Tattha **sukhajīvino pure āsunti** pubbe bhikkhū supposā subharā ahesum, uccanīcakulesu sapadānam caritvā laddhena missakapiṇḍena yāpesunti adhippāyena evamāha. **Anicchāti** nittānā hutvā.

Evam porāṇakabhikkhūnam vaṇṇam kathetvā idāni tesam avaṇṇam kathento **duposanti**-ādimāha. Tattha **gāme gāmaṇikā viyāti** yathā gāme gāmakuṭā nānappakārena janam pīletvā khīradadhitaṇḍulādīni āharāpetvā bhuñjanti, evam tumhepi anesanāya ṭhitā tumhākam jīvikam kappethāti adhippāyena vadati. **Nipajjantī** uddesaparipucchāmanasikārehi anatthikā hutvā sayanamhi hatthapāde vissajjetvā nipajjanti. **Parāgāresūti** paragehesu, kulasuṇhādīsūti attho. **Mucchitāti** kilesamucchāya mucchitā.

Ekaceti vattabbayuttakeyeva. **Apaviddhāti** chaḍḍitakā. **Anāthāti** apatiṭṭhā. **Petāti** susāne chaḍḍitā kālaṅkatamanussā. Yathā hi susāne chaḍḍitā nānāsakuṇādīhi khajjanti, nātakāpi nesam nāthakiccam na (1.0108) karonti, na rakkanti, na gopayanti, evamevaṁ evarūpāpi ācariyupajjhāyādīnam santikā ovādānusāsanim na labhantīti apaviddhā anāthā, yathā petā, tatheva honti. Pañcamam.

6. Rohitassasuttavaṇṇanā

107. Chatthe yatthāti cakkavālalokassa ekokāse bhummaṁ. **Na cavati na upapajjatīti** idam aparāparam cutipaṭisandhivasena gahitaṁ. **Gamanenāti** padagamanena. **Nāham tam lokassa antanti** satthā saṅkhāralokassa antam sandhāya vadati. **Nāteyyanti**-ādīsu nātabbam, datṭhabbam, pattabbanti attho.

Iti devaputtena cakkavālalokassa anto pucchito, satthārā saṅkhāralokassa kathito. So pana attano pañhena saddhiṁ satthu byākaraṇam sametīti saññāya pasāmsanto **acchariyanti**-ādimāha.

Daḷhadhammoti daḷhadhanu, uttamappamāṇena dhanunā samannāgato. **Dhanugghahoti** dhanu-ācariyo. **Susikkhitoti** dasa dvādasa vassāni dhanusippam sikkhito. **Katahatthoti** usabhattapamāṇepi vālaggam vijjhitudum samatthabhāvena katahattho. **Katūpāsanoti** katasarakkhepo dassitasippo. **Asanenāti** kaṇḍena. **Atipāteyyāti** atikkameyya. Yāvatā so tālacchāyam atikkameyya, tāvatā kālena ekacakkavālam atikkamāmīti attano javasampattiṁ dasseti.

Puratthimā samuddā pacchimoti yathā puratthimasamuddā pacchimasamuddo dure, evam me dure padavīthāro ahosīti vadati. So kira pācīnacakkaṇavālamukhavatṭiyam ṭhito pādam pasāretvā pacchimacakkaṇavālamukhavatṭiyam akkamati, puna dutiyam pādam pasāretvā paracakkaṇavālamukhavatṭiyam akkamati. **Icchāgatanti** icchā eva. **Aññatrevāti** nippapañcataṁ dasseti. Bhikkhācārakāle kiresa nāgalatā-dantakaṭṭham khāditvā anotatte mukham dhovitvā kāle sampatte uttarakurumhi piṇḍāya caritvā cakkavālamukhavatṭiyam nisinno bhattakiccam karoti, tattha muhuttaṁ vissamitvā puna javati. **Vassasatāyukoti** tadā dīghāyukakālo hoti, ayam pana vassasatāvasiṭhe (1.0109) āyumhi gamanam ārabhi. **Vassasatajīvīti** tam

vassasataṁ anantarāyena jīvanto. **Antarāva kālaṅkatoti** cakkavālalokassa antam appatvā antarāva mato. So pana tattha kālam katvāpi āgantvā imasmimyeva cakkavāle nibbatti. **Appatvāti** saṅkhāralokassa antam appatvā. **Dukkhassāti** vatṭadukkhassa. **Antakiriyanti** paryantakaraṇam. **Kaļevareti** attabhāve. **Sasaññimhi samanaketi** sasaññe sacitte. **Lokanti** dukkhasaccam. **Lokasamudayanti** samudasayasaccam. **Lokanirodhanti** nirodhasaccam. **Paṭipadanti** maggasaccam. Iti- “nāham, āvuso, imāni cattāri saccāni tiṇakaṭṭhādīsu paññapemi, imasmim pana cātumahābhūtike kāyasmim yeva paññapemī”ti dasseti. **Samitāvīti** samitapāpo. **Nāsīsatīti** na pattheti. Chaṭṭhami.

108-109. Sattamaṭṭhamāni vuttathāneva. Sattamam, atṭhamam.

9. Susimasuttavaṇṇanā

110. Navame **tuyhampi no, ānanda, sāriputto ruccatīti** satthā therassa vaṇṇam kathetukāmo, vaṇṇo ca nāmesa visabhāgapuggalassa santike kathetum na vaṭṭati. Tassa santike kathito hi matthakam na pāpuṇāti. So hi “asuko nāma bhikkhu sīlavā”ti vutte. “Kīm tassa sīlam? Gorūpasilo so. Kīm tayā añño sīlavā na diṭṭhapubbo”ti vā? “Paññavā”ti vutte, “kīm pañño so? Kīm tayā añño paññavā na diṭṭhapubbo”ti? Vā, ādīni vatvā vaṇṇakathāya antarāyam karoti. Ānandatthero pana sāriputtatherassa sabhāgo, paṇītāni labhitvā therassa deti, attano upaṭṭhākādārake pabbājetvā therassa santike upajjhām gaṇhāpeti, upasampādeti. Sāriputtatheropi ānandattherassa tatheva karoti. Kīm kāraṇā? Aññamaññassa guṇesu pasīditvā. Ānandatthero hi- “amhākam jeṭṭhabhātiko ekaṭ asaṅkhyeyyam satasa-hassañca kappe pāramiyo pūretvā soḷasavidham paññam paṭivijjhītvā dhammad-nāpatiṭṭhāne ṭhito”ti therassa guṇesu pasīditvāva theram mamāyati. Sāriputtatheropi- “sammāsambuddhassa mayā kattabbam mukhodakadānādikiccam sabbam ānando karoti. Ānandaṁ nissāya ahaṁ icchiticchitam samāpattim samāpajjituṁ labhāmī”ti āyasmato ānandassa guṇesu (1.0110) pasīditvāva tam mamāyati. Tasmā bhagavā sāriputtatherassa vaṇṇam kathetukāmo ānandattherassa santike kathetum āraddho.

Tattha **tuyhampi** sampiṇḍanattho pi-kāro. Idam vuttam hoti- “ānanda, sāriputtassa ācāro gocaro vihāro abhikkamo paṭikkamo ālokitavilokitaṁ samiñjitapasāraṇam mayham ruccati, asītimahātherānam ruccati, sadevakassa lokassa ruccati. Tuyhampi ruccatī”ti?

Tato thero sāṭakantare laddhokāso balavamallo viya tuṭṭhamāna so hutvā- “satthā mayham piyasahāyassa vaṇṇam kathāpetukāmo. Labhissāmi no ajja, dīpa-dhajabhūtam mahājambum vidhunanto viya valāhakantarato candam nīharitvā dassento viya sāriputtatherassa vaṇṇam kathetun”ti cintetvā paṭhamataram tāva catūhi padehi puggalapalāpe haranto **kassa hi nāma, bhante, abālassāti-ādimāha**. Bālo hi bālatāya, dutṭho dosatāya, mūliho mohena, vipallatthacitto ummattako cittavipallāsenā vaṇṇam “vaṇṇo”ti vā avanṇam “avanṇe”ti vā, “ayaṁ buddho, ayaṁ sāvako”ti vā na jānāti. Abālādayo pana jānanti, tasmā **abālassāti-ādimāha**. Na

rucceyyāti bālādīnāmyeva hi so na rucceyya, na aññassa kassaci na rucceyya.

Evaṁ puggalapalāpe haritvā idāni soļasahi padehi yathābhūtam vaṇṇam kathento **pañđito**, **bhante**-ādimāha. Tattha **pañđitoti** pañđiccena samannāgato, catūsu kosallesu ṭhitassetam nāmaṁ. Vuttañhetam- “yato kho, ānanda, bhikkhu dhātukusalo ca hoti āyatanakusalo ca paṭiccasamuppādakusalo ca ṭhānāṭṭhānakusalo ca, ettāvatā kho, ānanda, ‘pañđito bhikkhū’ti alam vacanāyā”ti (ma. ni. 3.124). **Mahāpaññoti**-ādīsu mahāpaññādīhi samannāgatoti attho. Tatridam mahāpaññādīnam nānattam (paṭi. ma. 3.4)- katamā **mahāpaññā**? Mahante sīlakkhandhe pariggaṇhātīti mahāpaññā, mahante samādhikkhandhe, paññākkhandhe, vimuttikhandhe, vimuttiñāṇadassanakkhandhe pariggaṇhātīti mahāpaññā. Mahantāni ṭhānāṭṭhānāni, mahāvihārasamāpattiyo, mahantāni ariyasaccāni, mahante satipatṭhāne, sammappadhāne, iddhipāde, mahantāni indriyāni, balāni, bojjhaṅgāni, mahante (1.0111) ariyamagge, mahantāni sāmaññaphalāni, mahā-abhiññāyo, mahantaṁ paramattham nibbānaṁ pariggaṇhātīti mahāpaññā.

Sā pana therassa devorohanaṁ katvā saṅkassanagaradvāre ṭhitena satthārā puthujjanapañcake pañhe pucchite tam vissajjentassa pākaṭā jātā.

Katamā **puthupaññā**? Puthu nānākhandhesu, (ñāṇam pavattatīti puthupaññā.) Puthu nānādhātūsu, puthu nānā-āyatanesu, puthu nānāpaṭiccasamuppādesu, puthu nānāsuññatamanupalabbhesu, puthu nānā-atthesu, dhammesu niruttisū paṭibhānesu, puthu nānāsīlakkhandhesu, puthu nānāsamādhi-paññāvimutti-vimuttiñāṇadassanakkhandhesu, puthu nānāṭhānāṭṭhānesu, puthu nānāvihārasamāpatti, puthu nānā-ariyasaccesu, puthu nānāsatipatṭhānesu, sammappadhānesu, iddhipādesu, indriyesu, balesu, bojjhaṅgesu, puthu nānā-ariyamaggesu, sāmaññaphalesu, abhiññāsu, puthu nānājanasādhāraṇe dhamme samatikkamma paramatthe nibbāne ñāṇam pavattatīti puthupaññā.

Katamā **hāsapaññā**? Idhekacco hāsabahulo vedabahulo tuṭṭhibahulo pāmojjabahulo sīlam paripūreti, indriyasamvaraṁ paripūreti, bhojane mattaññutaṁ, jāgariyā-nuyogam, sīlakkhandham, samādhikkhandham, paññākkhandham, vimuttikhandham, vimuttiñāṇadassanakkhandham paripūretīti, hāsapaññā. Hāsabahulo pāmojjabahulo ṭhānāṭṭhānam paṭivijjhātīti hāsapaññā. Hāsabahulo vihārasamāpattiyo paripūretīti hāsapaññā. Hāsabahulo ariyasaccāni paṭivijjhāti. Satipatṭhāne, sammappadhāne, iddhipāde, indriyāni, balāni, bojjhaṅgāni, ariyamaggam bhāvetīti hāsapaññā. Hāsabahulo sāmaññaphalāni sacchikaroti, abhiññāyo paṭivijjhātīti hāsapaññā, hāsabahulo vedatuṭṭhipāmojjabahulo paramattham nibbānaṁ sacchikarotīti hāsapaññā.

Thero ca sarado nāma tāpaso hutvā anomadassissa bhagavato pādamūle aggasāvakapatthanam paṭṭhapesi. Tamkālato paṭṭhāya hāsabahulo sīlaparipūraṇādīni akāsīti hāsapañño.

Katamā (1.0112) **javanapaññā**? Yamkiñci rūpam atītānāgata paccuppannam ... pe... yam dūre santike vā, sabbam rūpam aniccato khippam javatīti javanapaññā. Dukkhato khippam, anattato khippam javatīti javanapaññā. Yā kāci vedanā ... pe... yā kāci saññā... ye keci saṅkhārā... yamkiñci viññāṇam atītānāgata paccu-

ppannaṁ ...pe... sabbam viññāṇam aniccato, dukkhato, anattato khippam javatīti javanapaññā. Cakkhu ...pe... jarāmaraṇam atītānāgatapaccuppannam aniccato, dukkhato, anattato khippam javatīti javanapaññā. Rūpaṁ atītānāgatapaccuppannam aniccaṁ khayaṭṭhena, dukkham bhayaṭṭhena, anattā asārakaṭṭhenāti tulayitvā tīrayitvā vibhāvayitvā vibhūtam katvā rūpanirodhe nibbāne khippam javatīti javanapaññā. Vedanā... saññā... saṅkhārā... viññāṇam... cakkhu ...pe... jarāmaraṇam atītānāgatapaccuppannam aniccaṁ khayaṭṭhena ...pe... vibhūtam katvā jarāmaraṇanirodhe nibbāne khippam javatīti javanapaññā. Rūpaṁ atītānāgatapaccuppannam ...pe... viññāṇam. Cakkhu ...pe... jarāmaraṇam aniccaṁ saṅkhataṁ paṭiccasamuppannam khayadhammadam vayadhammadam virāgadhammadam nirodhadhammadanti tulayitvā tīrayitvā vibhāvayitvā vibhūtam katvā jarāmaraṇanirodhe nibbāne khippam javatīti javanapaññā.

Katamā **tikkhapaññā?** Khippam kilese chindatīti tikkhapaññā. Uppannaṁ kāma-vitakkam nādhivāseti, uppannaṁ byāpādavitakkam... uppannaṁ vihiṁsāvitakkaṁ... uppannuppanne pāpake akusale dhamme... uppannaṁ rāgam... dosam... moham... kodham... upanāham... makkham... paṭasam... issam... macchariyam... māyam... sāṭheyym... thambham... sārambham... mānam... atimānam... madam... pamādam... sabbe kilese... sabbe duccarite... sabbe abhisāṅkhāre... sabbe bhavagāmikamme nādhivāseti pajahati vinodeti, byantīkaroti, anabhāvam gametīti tikkhapaññā. Ekasmīm āsane cattāro ca ariyamaggā, cattāri ca sāmaññaphalāni, catasso ca paṭisambhidāyo, cha ca abhiññāyo adhigatā honti sacchikatā phassitā paññāyāti tikkhapaññā.

Thero ca bhāgineyyassa dīghanakharibbājakassa vedanāpariggahasutte desiyamāne ṭhitakova sabbakilese chinditvā sāvakapāramiññam paṭividhhakālato paṭṭhāya tikkhapañño nāma jāto. Tenāha- “tikkhapañño, bhante, āyasmā sāriputto”ti.

hulo hoti uttāsabahulo ukkañthanabahulo aratibahulo anabhiratibahulo bahi-

Katamā (1.0113) **nibbedhikapaññā?** Idhekacco sabbasañkhāresu ubbegaba-hulo hoti uttāsabahulo ukkañthanabahulo aratibahulo anabhiratibahulo bahi-mukho na ramati sabbasañkhāresu, anibbiddhapubbaṁ appadālitapubbaṁ lobha-kkhandhaṁ nibbijjhati padāletīti nibbedhikapaññā. Anibbiddhapubbaṁ appadālita-pubbaṁ dosakkhandhaṁ... mohakkhandhaṁ... kodham... upanāham ...pe... sabbe bhavagāmikamme nibbijjhati padāletīti nibbedhikapaññā.

Appicchoti santaguṇaniguhanatā, paccayapaṭiggahaṇe ca mattaññutā, etam appicchalakkhaṇanti iminā lakkhaṇena samannāgato. **Santutṭhoti** catūsu paccayesu yathālābhasantoso yathābalasantoso yathāsāruppasantosoti, imehi tīhi santosehi samannāgato. **Pavivittoti** kāyaviveko ca vivekaṭṭhakāyānam nekkha-mmābhīratānam, cittaviveko ca parisuddhacittānam paramavodānappattānam, upadhiviveko ca nirupadhīnam puggalānam visañkhāragatānanti, imesam tiṇṇam vivekānam lābhī. **Asaṁsaṭṭhoti** dassanasamsaggo savanasamsaggo samullapanasamsaggo paribhogasamsaggo kāyasamsaggoti, imehi pañcahi samsaggehi virahito. Ayañca pañcavidho samsaggo rājūhi rājamahāmattehi titthiyehi titthiyasāvakehi upāsakehi upasikāhi bhikkhūhi bhikkhunīhīti atṭhahi puggalehi saddhim jāyati, so sabbopi therassa natthīti asaṁsaṭṭho.

Āraddhavīriyoti paggahitavīriyo paripuṇṇavīriyo. Tattha āraddhavīriyo bhikkhu gamane uppannakilesassa ṭhānam pāpuṇitum na deti, ṭhāne uppannassa nisajjam, nisajjāya uppannassa seyyam pāpuṇitum na deti, tasmiṁ tasmiṁ iriyāpathe uppannaṁ tattha tattheva niggaṇhāti. Thero pana catucattālīsa vassāni mañce piṭṭhim na pasāreti. Tam sandhāya “āraddhavīriyo”ti āha. **Vattāti** odhunanavattā. Bhikkhūnam ajjhācāram disvā “ajja kathessāmi, sve kathessāmī”ti kathāvava-thānam na karoti, tasmiṁ tasmiṁ yeva ṭhāne ovadati anusāsatīti attho.

Vacanakkhamoti vacanam khamati. Eko hi parassa ovādam deti, sayam pana aññena ovadiyamāno kujjhati. Thero pana parassapi ovādam deti, sayam (1.0114) ovadiyamānopi sirasā sampaṭicchat. Ekadivasam kira sāriputtattheram sattavassiko sāmañero- “bhante, sāriputta, tumhākam nivāsanakaṇo olambati”ti āha. Thero kiñci avatvāva ekamantam gantvā parimaṇḍalam nivāsetvā āgamma “ettakam vatṭati ācariyā”ti añjaliṁ paggayha atṭhāsi.

“Tadahu pabbajito santo, jātiyā sattavassiko;
sopi mam anusāseyya, sampaṭicchāmi matthake”ti. (mi. pa. 6.4.8)-
Āha.

Codakoti vatthusmim otiṇṇe vā anotīṇe vā vītikkamam disvā- “āvuso, bhikkhunā nāma evam nivāsetabbam, evam pārupitabbam, evam gantabbam, evam ṭhātabbam, evam nisiditabbam, evam khāditabbam, evam bhuñjitabban”ti tantivasena anusīṭṭhim deti.

Pāpagarahīti pāpapuggale na passe, na tesam vacanam suṇe, tehi saddhim ekacakavālepi na vaseyyam.

“Mā me kadāci pāpiccho, kusīto hīnavīriyo;

appassuto anādaro, sameto ahu katthaci”ti.-

Evam pāpapuggalepi garahati, “samañena nāma rāgavasikena dosamohavasi-kena na hotabbam, uppanno rāgo doso moho pahātabbo”ti evam pāpadhammepi garahatīti dvīhi kāraṇehi “pāpagarrahī, bhante, āyasmā sāriputto”ti vadati.

Evam āyasmatā ānandena solasahi padehi therassa yathābhūtavaṇṇappakā-sane kate- “kim ānando attano piyasahāyassa vaṇṇam kathetum na labhati, kathetu kim pana tena kathitam tatheva hoti, kim so sabbaññū”ti? Koci pāpapu-ggalō vattum mā labhatūti satthā tam vaṇṇabhaṇanam akuppam sabbaññubhā-sitam karonto jinamuddikāya lañchanto **evametanti**-ādimāha.

Evam (1.0115) tathāgatena ca ānandatherena ca mahātherassa vaṇṇe kathiya-māne bhumaṭṭhakā devatā utṭhahitvā eteheva solasahi padehi vaṇṇam katha-yimsu. Tato ākāsaṭṭhakadevatā sītavalāhakā uṇhavalāhakā cātumahārājikāti yāva akaniṭṭhabrahmalokā devatā utṭhahitvā eteheva solasahi padehi vaṇṇam katha-yimsu. Etenupāyena ekacakkavālam ādim katvā dasasu cakkavālasahassesu devatā utṭhahitvā kathayimsu. Athāyasmato sāriputtassa saddhivihāriko susīmo devaputto cintesi- “imā devatā attano attano nakkhattakilam pahāya tattha tattha gantvā mayham upajjhāyasseva vaṇṇam kathenti, gacchāmi tathāgatassa santikam, gantvā etadeva vaṇṇabhaṇanam devatābhāsitam karomī”ti, so tathā akāsi. Tam dassetum **atha kho susīmoti**-ādi vuttam.

Uccāvacāti aññesu ṭhānesu pañītamuccām vuccati, hīnam avacām. Idha pana uccāvacāti nānāvidhā vaṇṇanibhā. Tassā kira devaparisāya nīlaṭṭhānam atinīlam, pītakatṭhānam atipītakam, lohitatṭhānam atilohitam, odātaṭṭhānam accodātanti, catubbidhā vaṇṇanibhā pātubhavi. Teneva **seyyathāpi nāmāti** catasso upamā āgatā. Tattha **subhoti** sundaro. **Jātimāti** jātisampanno. **Suparikammakatoti** dhova-nādiparikamma suṭṭhu parikammakato. **Pañḍukambale nikkhittoti** rattakambale ṭhapito. **Evamevanti** rattakambale nikkhittamaṇi viya sabbā ekappahāreneva viro-citum āraddhā. **Nikkhanti** atirekapañcasuvaṇṇena katapiṭlandhanam. Tañhi ghaṭṭa-namajjanakkhamam hoti. **Jambonadanti** mahājambusākhāya pavattanadiyam nibbattam, mahājambuphalarase vā pathaviyam paviṭṭhe suvaṇṇaṅkurā utṭha-hanti, tena suvaṇṇena katapiṭlandhanantipi attho. **Dakkhakammāraputta-ukkāmu-khasukusalasampahaṭṭhanti** sukusalena kammāraputtena ukkāmukhe pacitvā sampahaṭṭham. Dhātuvibhānge (ma. ni. 3.357 ādayo) akatabhaṇḍam gahitam, idha pana katabhaṇḍam.

Viddheti dūrībhūte. **Deveti** ākāse. **Nabham abbhussakkamānoti** ākāsam abhila-ṅghanto. Iminā taruṇasūriyabhāvo dassito. **Soratoti** (1.0116) soraccena samannā-gato. **Dantoti** nibbisevano. **Satthuvaṇṇābhatoti** satthārā ābhatavaṇṇo. Satthā hi atṭhāparisamajjhe nisiditvā “sevatha, bhikkhave, sāriputtamoggallāne”ti-ādinā (ma. ni. 3.371) nayena therassa vaṇṇam āharīti therō ābhatavaṇṇo nāma hoti. **Kālam kaṅkhatī**ti parinibbānakālam pattheti. Khīṇāsavo hi neva maraṇam abhinandati, na jīvitam pattheti, divasasaṅkhepaṁ vetanam gahetvā ṭhitapuriso viya kālam pana pattheti, olokento tiṭṭhatīti attho. **Tenevāha-**

“Nābhinandāmi maraṇam, nābhinandāmi jīvitam;

kālañca pañikañkhāmi, nibbisam bhatako yathā”ti. (theragā. 1001-1002); navamam;

10. Nānātitthiyasāvakasuttavaññanā

111. Dasame nānātitthiyasāvakāti te kira kammavādino ahesum, tasmā dānā-dīni puññāni katvā sagge nibbattā, te “attano attano satthari pasādena nibbatta-mhā”ti saññino hutvā “gacchāma dasabalassa santike ṭhatvā amhākam satthā-rānam vaññam kathessāmā”ti āgantvā paccekagāthāhi kathayim̄su. Tattha chinditamāriteti chindite ca mārite ca. **Hatajānisūti** pothane ca dhanajānisu ca. **Puññam vā panāti** attano puññampi na samanupassati, sañkhepato puññāpuññānam vipāko natthīti vadati. **Sa ve vissāsamācikkhīti** so—“evam katapāpānampi katapuññānampi vipāko natthī”ti vadanto sattānam vissāsam avassayam patiṭṭham ācikkhati, tasmā mānanam vandanam pūjanam arahatīti vadati.

Tapojigucchāyāti kāyakilamathatapena pāpajigucchchanena. **Susamvutattoti** samannāgato pihito vā. **Jegucchīti** tapena pāpajigucchako. **Nipakoti** pañđito. **Cātuyāmasusamvutoti** cātuyāmena susamvuto. Cātuyāmo nāma sabbavārivārito ca hoti sabbavāriyutto ca sabbavāridhuto ca sabbavāriphuṭo cāti ime cattāro koṭhāsā. Tattha **sabbavārivāritoti** vāritasabba-udako, pañikkhittasabbasitodakoti attho. So kira sitodake sattasaññi hoti (1.0117), tasmā tam na valañjeti. **Sabbavāri-yuttoti** sabbena pāpavārañena yuto. **Sabbavāridhutoti** sabbena pāpavārañena dhutapāpo. **Sabbavāriphuṭoti** sabbena pāpavārañena phuṭṭho. **Ditṭham sutāñca ācikkhanti** ditṭham “ditṭham me”ti sutam “sutam me”ti ācikkhanto, na niguhanto. **Na hi nūna kibbisi** Ti evarūpo satthā kibbisakārako nāma na hoti.

Nānātitthiyeti so kira nānātitthiyānamyeva upaṭṭhāko, tasmā te ārabbha vadati. **Pakudhako kātiyānoti** pakudho kaccāyano. **Nigañthhoti** nāṭaputto. **Makkhalipūrañaseti** makkhali ca pūraño ca. **Sāmaññappattāti** samañadhamme koṭippattā. **Na hi nūna teti** sappurisehi na dūre, teyeva loke sappurisāti vadati. **Paccabhāsīti** “ayam ākoṭako imesam nagganissirikānam dasabalassa santike ṭhatvā vaññam kathetīti tesam avaññam kathessāmī”ti pati-abhāsīti.

Tattha **sahācaritenāTi** saha caritamattena. **Chavo sigāloti** lāmako kālasigālo. **Kotthukoti** tasseeva vevacanam. **Saṅkassarācāroti** āsaṅkitasamācāro. **Na satam sarikkhoti** pañđitānam sappurisānam sadiso na hoti, kim tvam kālasigālasadise titthiye sīhe karosīti?

Anvāvisitvāti “ayam evarūpānam satthārānam avaññam katheti, teneva nam mukhena vaññam kathāpessāmī”ti cintetvā tassa sarīre anu-āvisi adhimucci, evam anvāvisitvā. **ĀyuttāTi** tapojigucchane yuttapayuttā. **Pālayam pavivekiyanti** pavi-vekam pālayantā. Te kira “nhāpitapavivekam pālessāmā”ti sayam kese luñcanti. “Cīvarapavivekam pātessāmā”ti naggā vicaranti. “Piñḍapātapatavivekam pālessāmā”ti sunakhā viya bhūmiyam vā bhuñjanti hatthesu vā. “Senāsanapavivekam pālessāmā”ti kañṭakaseyyādīni kappenti. **Rūpe niviṭṭhāti** tañhādiṭṭhīhi rūpe patiṭṭhitā. **Devalokābhinandinoti** devalokapatthanakāmā. **Mātiyāti** maccā, te ve maccā

paralokatthāya sammā anusāsantīti vadati.

Iti (1.0118) **viditvā** Ti “ayam paṭhamam etesam avaṇṇam kathetvā idāni vanṇam katheti, ko nu kho eso”ti āvajjento jānitvāva. **Ye cantalikkhasmīm pabhāsavāṇṇāti** ye antalikkhe candobhāsasūriyobhāsasañjhārāga-indadhanutārakarūpānam pabhāsavāṇṇā. **Sabbeva te teti** sabbeva te tayā. **Namucīti** māram ālapati. **Āmisamva macchānam vadhāya khittāti** yathā macchānam vadhatthāya baṭsalaggam āmisam khipati, evam tayā pasamsamānena ete rūpā sattānam vadhāya khittāti vadati.

Māṇavagāmiyoti ayaṁ kira devaputto buddhupaṭṭhāko. **Rājagahīyānanti** rājaga-hapabbatānam. **Setoti** kelāso. **Aghagāminanti** ākāsagāmīnam. **Udadhinanti** udakanidhānānam. Idam vuttaṁ hoti- yathā rājagahīyānam pabbatānam vipulo setṭho, himavantapabbatānam kelāso, ākāsagāmīnam ādicco, udakanidhānānam samuddo, nakkhattānam cando, evam sadevakassa lokassa buddho setṭhoti. Dasamam.

Nānātitthiyavaggo tatiyo.

Iti sāratthappakāsiniyā

Samyuttanikāya-aṭṭhakathāya

Devaputtasamayuttavaṇṇanā niṭṭhitā.

3. Kosalasamayuttam

1. Paṭhamavaggo

1. Daharasuttavaṇṇanā

112. Kosalasamayuttassa (1.0119) paṭhame **bhagavatā saddhim sammodīti** yathā khamanīyādīni pucchanto bhagavā tena, evam̄ sopi bhagavatā saddhim samappavattamodo ahosi. Sītodakam̄ viya uṇhodakena sammoditam̄ ekībhāvam̄ agamāsi. Yāya ca- “kacci, bho gotama, khamanīyam̄, kacci yāpanīyam̄, kacci bphoto ca gotamassa sāvakānañca appābādhām̄ appātañkam̄ lahuṭṭhānam̄ balam̄ phāsuvihāro”ti-ādikāya kathāya sammodi, tam̄ pītipāmojjasaṅkhātasammodajana-nato sammoditum̄ yuttabhāvato ca **sammodanīyam̄**, atthabyañjanamadhuratāya cirampi kālam̄ sāretum̄ nirantaram̄ pavattetum̄ araharūpato saritabbabhāvato ca **sāraṇīyam̄**. Suyyamānasukhato ca sammodanīyam̄, anussariyamānasukhato sāraṇīyam̄. Tathā byañjanaparisuddhatāya sammodanīyam̄, atthaparisuddhatāya sāraṇīyanti evam̄ anekehi pariyāyehi sammodanīyam̄ katham̄ sāraṇīyam̄ vītisāretvā pariyosāpetvā niṭṭhapetvā ito pubbe tathāgatassa adiṭṭhattā gunāguṇavasena gambhīrabhāvam̄ vā uttānabhāvam̄ vā ajānanto ekamantam̄ nisīdi, ekamantam̄ nisinno kho yam̄ ovaṭṭikasāram̄ katvā āgato lokanissaraṇabhavokkantipañhaṁ satthu sammāsambuddhatam̄ pucchitum̄ **bhavampi noti-ādimāha**.

Tattha **bhavampīti** pi-kāro sampiṇḍanatthe nipāto, tena ca cha satthāre sampiṇḍeti. Yathā pūraṇādayo “sammāsambuddhamhā”ti paṭijānanti, evam̄ bhavampi nu paṭijānātīti attho. Idam̄ pana rājā na attano laddhiyā, loke mahājanena gahitapaṭiññāvasena pucchati. Atha bhagavā buddhasīhanādam̄ nadanto **yam̄ hi tam̄ mahārājāti-ādimāha**. Tattha **aham̄ hi mahārājāti** anuttaram̄ sabbasetṭham̄ sabbaññuta-ññāṇasaṅkhātam̄ sammāsambodhim̄ aham̄ abhisambuddhoti attho. **Samanabrā-hmaṇāti** pabbajjūpagamanena (1.0120) samanā, jātivasena brāhmaṇā. **Saṅghino**-ti-ādīsu pabbajitasamūhasaṅkhāto saṅgho etesam̄ atthīti **saṅghino**. Sveva gaṇo etesam̄ atthīti **gaṇino**. Ācārasikkhāpanavasena tassa gaṇassa ācariyāti **gaṇācariyā**. **Nātāti** paññātā pākaṭā. “Appicchā santuṭṭhā appicchatāya vatthampi na nivāsentī”-ti evam̄ samuggato yaso etesam̄ atthīti **yasassino**. TitthakarāTi laddhikarā. **Sādhusammatā** Ti “santo sappurisā”ti evam̄ sammatā. **Bahujanassāti** assutavato andhabālaputhujjanassa. **Pūraṇoti-ādīni** tesam̄ nāmagottāni. **Pūraṇoti** hi nāmameva. Tathā, **makkhalīti**. So pana gosālāya jātattā gosāloti vutto. **Nāṭaputtoti** nāṭassa putto. **Belaṭṭhaputtoti** belaṭṭhassautto. **Kaccāyanoti** pakudhassa gottaṁ. Kesaka-

mbalassa dhāraṇato **ajito kesakambalo** Ti vutto.

Tepi mayāti kappakolāhalam buddhakolāhalam cakkavattikolāhalanti tīni kolāhalāni. Tattha “vassasatasahassamatthake kappuṭṭhānam bhavissati”ti kappakolāhalam nāma hoti- “ito vassasatasahassamatthake loko vinassissati, mettam mārisā, bhāvetha, karuṇam muditam upekkhan”ti manussappathe devatā ghose-ntiyo vicaranti. “Vassasahassamatthake pana buddho uppajjissati”ti buddhakolāhalam nāma hoti- “ito vassasahassamatthake buddho uppajjivā dhammānudha-mmapaṭipadām paṭipannena saṅgharatanena parivārito dhammām desento vica-rissati”ti devatā ugghosenti. “Vassasamatthake pana cakkavattī uppajjissati”ti cakkavattikolāhalam nāma hoti- “ito vassasamatthake sattaratanasampanno catuddīpissaro sahassa puttaparivāro vehāsaṅgamo cakkavattirājā uppajjissati”ti devatā ugghosenti.

Imesu tīsu kolāhalesu ime cha satthāro buddhakolāhalam sutvā ācariye payirupāsitvā cintāmāṇivijjādīni uggaṇhitvā- “mayam buddhamhā”ti paṭiññam katvā mahājanaparivutā janapadām vicarantā anupubbena sāvatthiyam pattā. Tesam upaṭṭhākā rājānam upasaṅkamitvā, “mahārāja, pūraṇo kassapo …pe… ajito kesakambalo buddho kira sabbaññū kirā”ti ārocesum. Rājā “tumheva ne nimantetvā ānethā”ti āha (1.0121). Te gantvā tehi, “rājā vo nimanteti. Rañño gehe bhikkham gaṇhathā”ti vuttā gantum na ussahanti, punappunam vuccamānā upaṭṭhākānam cittānurakkhaṇatthāya adhivāsetvā sabbe ekatova agamaṁsu. Rājā āsanāni paññāpetvā “nisīdantū”ti āha. Nigguṇānam attabhāve rājusmā nāma pharati, te mahārahesu āsanesu nisīditum asakkontā phalakesu ceva bhūmiyam ca nisīdimsu.

Rājā “ettakeneva natthi tesam anto sukkadhammo”ti vatvā āhāram adatvāva tālato patitam muggarena pothento viya “tumhe buddhā, na buddhā”ti pañham pucchi. Te cintayiṁsu- “sace ‘buddhamhā’ti vakkhāma, rājā buddhavisaye pañham pucchitvā kathetum asakkonte ‘tumhe mayam buddhāti mahājanam vañcetvā āhiṇḍathā’ti jivhampi chindāpeyya, aññampi anattham kareyyā”ti sakapaṭiññāya eva ‘na mayam buddhā’ti vadimsu. Atha ne rājā gehato nikadḍhāpesi. Te rājagharato nikkhante upaṭṭhākā pucchim̄su- “kim ācariyā rājā tumhe pañham pucchitvā sakkārasammānam akāsi”ti? Rājā “buddhā tumhe”ti pucchi, tato mayam-“sace ayam rājā buddhavisaye pañham kathiyamānam ajānanto amhesu manam padosessati, bahum apuññam pasavissati”ti rañño anukampāya ‘na mayam buddhā’ti vadimhā, mayam pana buddhā eva, amhākam buddhabhāvo, udakena dhovitvāpi haritum na sakkāti. Iti bahiddhā ‘buddhamhā’ti āhamṣu- rañño santike ‘na mayam buddhā’ti vadim̄sūti, idam gahetvā rājā evamāha. Tattha **kim pana bhavam gotamo daharo ceva jātiyā, navo ca pabbajjāyāti** idam attano paṭiññam gahetvā vadati. Tattha **kinti** paṭikkhepavacanam. Ete jātimahallakā ca cirapabba-jitā ca “buddhamhā”ti na paṭijānanti, bhavam gotamo jātiyā ca daharo pabbajjāya ca navo kim paṭijānāti? Mā paṭijānāhīti attho.

Na uññātabbāti na avajānitabbā. Na paribhotabbāti na paribhavitabbā. Katame cattāroti kathetukamyatāpucchā. Khattiyo rājakumāro. Uragoti āsīviso. Aggiti

aggiyeva. **Bhikkhūti** imasmiṁ pana pade desanākusalatāya attānam abbhantaram katvā sīlavantam pabbajitam dasseti. Ettha (1.0122) ca daharam rājakumāram disvā, ukkamitvā maggam adento, pārupanam anapanento, nisinnāsanato anuṭṭha-hanto, hatthipiṭṭhādīhi anotaranto, heṭṭhā katvā maññanavasena aññampi eva-rūpam anācāram karonto khattiyam avajānāti nāma. “Bhaddako vatāyam rājakumāro, mahākaṇḍo mahodaro- kiṁ nāma yamkiñci corūpaddavam vūpasametum yattha katthaci ṭhāne rajjam anusāsitum sakkhissati”ti-ādīni vadanto paribhoti nāma. Añjanisalākamattampi āsīvisapotakam kaṇṇādīsu piṭṭandhanto aṅgulimpi jivhampi ḍamṣāpento uragam avajānāti nāma. “Bhaddako vatāyam āsīviso udaka-dedḍubho viya kiṁ nāma kiñcideva ḍamṣitum kassacideva kāye visam pharitum sakkhissati”ti-ādīni vadanto paribhoti nāma. Khajjopanakamattampi aggim gahetvā hatthena kīlanto bhaṇḍukkhalikāya khipanto cūlāya vā sayanapiṭṭhasāṭa-kapasibbakādīsu vā ṭhapento aggim avajānāti nāma. “Bhaddako vatāyam aggi kataram nu kho yāgubhuttam pacissati, kataram macchamāṃsaṃ, kassa sītam vinodessati”ti-ādīni vadanto paribhoti nāma. Daharasāmaṇerampi pana disvā ukkamitvā maggam adentoti rājakumāre vuttam anācāram karonto bhikkhum avajānāti nāma. “Bhaddako vatāyam sāmaṇero mahākaṇṭho mahodaro yamkiñci buddhavacanam uggahetu yamkiñci araññam ajjhogāhetvā vasitum sakkhissati, saṅghattherakāle manāpo bhavissati”ti-ādīni vadanto paribhoti nāma. Tam sabbampi na kātabbanti dassento **na uññātabbo na paribhotabboti** āha.

Etadavocāti etam gāthābandham avoca. Gāthā ca nāmetā tadaṭṭhadīpanāpi honti visesatthadīpanāpi, tatrīmā tadaṭṭhampi visesatthampi dīpentiyeva. Tattha **khattiyanti** khettānam adhipatiṁ. Vuttañhetam “khettānam adhipatīti kho, vāsetṭha, ‘khattiyo khattiyo’tveva dutiyam akkharam upanibbattan”ti (dī. ni. 3.131). **Jātisampa-nanti** tāyeva khattiyajātiyā jātisampannam. **Abhijātanti** tīṇi kulāni atikkamitvā jātam.

Thānam hīti kāraṇam vijjati. **Manujindoti** manussajeṭṭhako. **Rājadaṇḍenāti** rañño uddhaṭṭadanḍena, so appako nāma na hoti, dasasahassavīsatisahassappamāṇo hotiyeva. **Tasmīm pakkamate bhusanti** (1.0123) tasmīm puggale balava-upakkamam upakkamati. **Rakkham jīvitamattanoti** attano jīvitam rakkhamāno tam khattiyam parivajjeyya na ghaṭṭeyya.

Uccāvacehīti nānāvidhehi. **Vaṇṇehīti** saṇṭhānehi. Yena yena hi vanṇena caranto gocaram labhati, yadi sappavaṇṇena, yadi dedḍubhavaṇṇena, yadi dhamanivaṇṇena, antamaso kalandakavaṇṇenapi caratiyeva. **Āsajjāti** patvā. **Bālanti** yena bālena ghaṭṭito, tam bālam naram vā nārim vā ḍamseyya.

Pahūtabhakkhanti bahubhakkham. Aggissa hi abhakkham nāma natthi. **Jālinanti** jālavantam. **Pāvakanti** aggim. Pāvagantipi pāṭho. **Kaṇṭhavattaninti** vattanīti maggo, agginā gatamaggo kaṇṭho hoti kālako, tasmā “kaṇṭhavattanī”ti vuccati.

Mahā hutvānāti mahanto hutvā. Aggi hi ekadā yāvabrahmalokappamāṇopi hoti. **Jāyanti tattha pārohāti** tattha agginā daḍḍhavane pārohā jāyanti. **Pārohāti** tiṇaru-kkhādayo vuccanti. Te hi agginā daḍḍhaṭṭhāne mūlamattepi avasiṭṭhe pādato rohanti jāyanti vadḍhanti, tasmā “pārohā”ti vuccanti. Puna rohanatthena vā **pārohā**.

Ahorattānamaccayeti rattindivānam atikkame. Nidāghepi deve vuṭṭhamatte jāyanti.

Bhikkhu ḍahati tejasāti ettha akkosantaṁ paccakkosanto bhaṇḍantaṁ paṭibhaṇḍanto paharantam paṭipaharanto bhikkhu nāma kiñci bhikkhutejasā ḍahitum na sakkoti. Yo pana akkosantaṁ na paccakkosati, bhaṇḍantaṁ na paṭibhaṇḍati. Paharantam na paṭipaharati, tasmīm vippaṭipanno tassa sīlatejena ḍayhati. Tenevetam vuttam. **Na tassa puttā pasavoti** tassa puttadhītaropi gomahiṁsakukkuṭasūkarādayo pasavopi na bhavanti, vinassantīti attho. **Dāyādā vindare dhananti** tassa dāyādāpi dhanam na vindanti. **Tālāvatthū bhavanti** teti te bhikkhutejasā daḍḍhā vatthumattāvasiṭṭho matthakacchinnatālo viya bhavanti, puttadhītādivasena na vadḍhantīti attho.

Tasmāti (1.0124) yasmā samaṇatejena daḍḍhā matthakacchinnatālo viya aviruṭhidhammā bhavanti, tasmā. **Sammadeva samācāreti** sammā samācāreyya. Sammā samācarantena pana kiṁ kātabbanti? Khattiyam tāva nissāya laddhabbam gāmanigamayānavāhanādi-ānisamsam, uragam nissāya tassa kīlāpanena laddhabbam vatthahiraññasuvanuṇṇādi-ānisamsam aggim nissāya tassānu-bhāvena pattabbam yāgubhattapacanasitavinodanādi-ānisamsam, bhikkhum nissāya tassa vasena pattabbam asutasavanasutapariyodapanā-saggamaggādhi-gamādi-ānisamsam sampassamānena “ete nissāya pubbe vuttappakāro ādīnavo atthi. Kiṁ imehī”ti? Na sabbaso pahātabbā. Issariyatthikena pana vuttappakāram avajānanañca paribhavanañca akatvā pubbuṭṭhāyipacchānipātitādīhi upāyehi khattiyakumāro tosetabbo, evam tato issariyam adhigamissati. Ahitunḍikena urage vissāsam akatvā nāgavijjam parivattetvā ajapadena daṇḍena gīvāya gahetvā visaharena mūlena dāṭhā dhovitvā peṭāyam pakkhipitvā kīlāpentena caritabbam. Evam tam nissāya ghāsacchādanādīni labhissati. Yāgupacanādīni kattukāmena aggim vissāsenā bhaṇḍukkhalikādīsu apakkhipitvā hatthehi anāmasanena gomayacuṇṇādīhi jāletvā yāgupacanādīni kattabbāni, evam tam nissāya ānisamsam labhissati. Asutasavanādīni patthayantenapi bhikkhum ativissāsenā vejjakammanavakammādīsu ayojetvā catūhi paccayehi sakkaccam upaṭṭhātabbo, evam tam nissāya asutapubbam buddhavacanam asutapubbam pañhāvini-cchayaṁ diṭṭhadhammikasamparāyikam attham tisso kulasampattiyo cha kāmasaggāni nava ca brahma-loke patvā amatamahānibbānadassanampi labhissatīti imamattham sandhāya

sammadeva samācareti āha.

Etadavocāti dhammadesanam sutvā pasanno pasādaṁ āvikaronto etam “abhi-kkantan”ti-ādivacanam avoca. Tattha **abhikkantanti** abhikantam ati-iṭṭham atimā-nāpam, atisundaranti attho. Ettha ekena abhikkantasaddena desanam thometi “abhikkantam, bhante, yadidam bhagavato dhammadesanā”ti. Ekena attano (1.0125 pasādaṁ “abhikkantam, bhante, yadidam bhagavato dhammadesanam āgamma mama pasādo”ti.

Tato param catūhi upamāhi desanāmyeva thometi. Tattha **nikkujjanti** adhomukhaṭhapitam, heṭṭhamukhajātam vā. **Ukkujjeyyāti** uparimukham kareyya. **Paṭicchannanti** tiṇapaññādichāditam. **Vivareyyāti** ugghāṭeyya. **Mūlhassāti** disāmūlhassa. **Maggam ācikkheyyāti** hatthe gahetvā “esa maggo”ti vadeyya. **Andhakāreti** kālappa-kkhacātuddasī addharattaghanavanasañda meghapaṭalehi caturaṅge tame. Idam vuttam hoti- yathā koci nikkujjitam ukkujjeyya, evam saddhammavimukham asaddhamme patitam mām asaddhammā vuṭṭhāpentena, yathā paṭicchannam vivareyya, evam kassapassa bhagavato sāsanantaradhānā pabhuti micchādiṭṭhigaha-napaṭicchannam sāsanam vivarantena, yathā mūlhassa maggam ācikkheyya, evam kummagamicchāmaggapaṭipannassa me saggamokkhamaggam āvikarontena, yathā andhakāre telapajjotam dhāreyya, evam mohandhakāre nimuggassa me buddhādiratanarūpāni apassato tappaṭicchādakamohandhakāraviddham-saka-desanāpajjotaṁ dhārentena mayham bhagavatā etehi pariyāyehi pakāsitattā anekapariyāyena dhammo pakāsitoti.

Evam desanam thometvā imāya desanāya ratanattaye pasannacitto pasannā-kāram karonto **esāhanti-ādimāha**. Tattha **esāhanti** eso aham. **Bhagavantaṁ saraṇam gacchāmi dhammañca bhikkhusaṅghañcāti** bhagavantañca dhammañca bhikkhusaṅghañcāti imam ratanattayam saraṇam gacchāmi. **Upāsakam mām, bhante, bhagavā dhāretūti** mām bhagavā ‘upāsako ayan’ti evam dhāretu, jānātūti attho. **Ajjataggeti** ajjataṁ ādim katvā. Ajjadaggeti vā pāṭho, kāro padasandhikaro, ajja aggam katvāti attho. **Pāṇupetanti** pāṇehi upetam yāva me jīvitam pavattati, tāva upetam anaññasatthukam tīhi saraṇagamanehi saraṇam gataṁ upāsakam kappiyakārakam mām bhagavā dhāretūti ayamettha saṅkhepo, vitthāro pana sumaṅgalavilāsiniyā dīghanikāyaṭṭhakathāya sāmaññaphalasutte sabbākārena vuttoti. Paṭhamam.

2. Purisasuttavaṇṇanā

113. Dutiye (1.0126) **abhivādetvāti** purimasutte saraṇagatattā idha abhvādesi. **Ajjhattanti** niyakajjhattam, attano santāne uppajjantīti attho. **Lobhādīsu** lubbhanalakkhaṇo lobho, dussanalakkhaṇo doso, muyhanalakkhaṇo mohoti. **Hiṁsantīti** vihetenti nāsentī vināsentī. **Attasambhūtāti** attani sambhūtā. **Tacasāramva samphalianti** yathā tacasāram veṭum vā naṭam vā attano phalam hiṁsati vināseti, evam hiṁsanti vināsentīti. Dutiyam.

3. Jarāmaraṇasuttavaṇṇanā

114. Tatiye **aññatra jarāmaraṇāti** jarāmaraṇato mutto nāma atthīti vuccati. **Khattiyamahāsālāti** khattiyamahāsālā nāma mahāsārappattā khattiyā. Yesam hi khattiyanām heṭhimantena koṭisataṁ nidhānagatam hoti, tayo kahāpaṇakumbhā valañjanatthāya gehamajjhe rāsim katvā ṭhapitā honti, te **khattiyamahāsālā** nāma. Yesam brāhmaṇānam asītikoṭidhanam nihitam hoti, diyadḍho kahāpaṇakumbho valañjanatthāya gehamajjhe rāsim katvā ṭhapito hoti, te **brāhmaṇamahāsālā** nāma. Yesam gahapatinām cattālisakoṭidhanam nihitam hoti, kahāpaṇakumbho valañjanatthāya gehamajjhe rāsim katvā ṭhapito hoti, te **gahapatimahāsālā** nāma.

Aḍḍhāti issarā. Nidhānagatadhanassa mahantatāya **mahaddhanā**. Suvaṇṇarajatabhājanādīnam upabhogabhaṇḍānam mahantatāya **mahābhogā**. Anidhānagatassa jātarūparajatassa pahūtatāya, **pahūtajātarūparajatā**. Vittūpakaraṇassa tuṭṭhikaraṇassa pahūtatāya **pahūtavittūpakaraṇā**. Godhanādīnañca sattavidhadhaññānañca pahūtatāya **pahūtadhanadhaññā**. Tesampi jātānam natthi aññatra jarāmaraṇā, jātattāyeva jarāmaraṇato mokkho nāma natthi, antojarāmaraṇeyeva hoti.

Arahantoti-ādīsu (1.0127) ārakā kilesehīti arahanto. Khīṇā etesam cattāro āsavāti **khīṇāsavā**. Brahmacariyavāsam vuṭṭhā pariniṭhitavāsāti **vusitavanto**. Catūhi maggehi karaṇiyam etesam katanti **katakaraṇiyā**. Khandhabhāro kilesabhāro abhisāṅkhārabhāro kāmaguṇabhāroti, ime ohitā bhārā etesanti **ohitabhārā**. Anuppatto arahattasaṅkhāto sako attho etesanti **anuppattasadatthā**. Dasavidhampi parikkhīṇam bhavasamyojanam etesanti **parikkhīṇabhavasamyojanā**. Sammā kāraṇehi jānitvā vimuttāti **sammadaññāvimuttā**. Maggapaññāya catusaccadhammam ñatvā phalavimuttiyā vimuttāti attho. **Bhedanadhammoti** bhijjanasabbhāvo. **Nikkhepanadhammoti** nikkipitabbasabbhāvo. Khīṇāsavassa hi ajīraṇadhammopi atthi, ārammaṇato paṭividdham nibbānam, tam hi na jīrati. Idha panassa jīraṇadhammam dassento evamāha. Atthuppattiko kirassa suttassa nikhepo. Sivikasālāya nisīditvā kathitanti vadanti. Tattha bhagavā citrāni rathayānādīni disvā diṭṭhameva upamaṇam katvā, “jīranti ve rājarathā”ti gāthamāha.

Tattha **jīrantīti** jaram pāpuṇanti. **Rājarathāti** rañño abhirūhanarathā. **Sucittāti** suvaṇṇarajatādīhi sutṭhu cittitā. **Atho sarīrampi jaram upetīti** evarūpesu anupādiṇṇakesu sāradārumayesu rathesu jīrantesu imasmiṁ ajjhattike upādiṇṇake māṃsalohitādimaye sarīre kiṃ vattabbam? Sarīrampi jaram upetiyevāti attho. **Santo have sabbhi pavedayantīti** santo sabbhīhi saddhiṁ satam dhammo na jaram upetīti evam pavedayanti. “Satam dhammo nāma nibbānam, tam na jīrati, ajaram amatanti evam kathenti”ti attho. Yasmā vā nibbānam āgamma sīdanasabhāvā kilesā bhijjanti, tasmā tam sabbhīti vuccati. Iti purimapadassa kāraṇam dassento “santo have sabbhi pavedayantīti”ti āha. Idam hi vuttam hoti- satam dhammo na jaram upeti, tasmā santo sabbhi pavedayanti. Ajaram nibbānam satam dhammoti ācikkhantīti attho. Sundarādhivacanam vā etam sabbhīti. Yam sabbhidhamma-bhūtam nibbānam santo pavedayanti kathayanti, so satam dhammo na jaram upeti-

tītipi attho. Tatiyam.

4. Piyasuttavaṇṇanā

115. Catutthe (1.0128) **rahogatassāti** rahasi gatassa. **Paṭisallīnassāti** nilinassa ekibhūtassa. **Eva metam**, **mahārājāti** idha bhagavā imam suttam sabbaññubhāsitam karonto āha. **Antakenādhipannassāti** maraṇena ajjhottaṭassa. Catuttham.

5. Attarakkhitasuttavaṇṇanā

116. Pañcame **hatthikāyoti** hatthighaṭā. Sesesupi eseva nayo. **Saṃvaroti** pidhanam. **Sādhu sabbattha saṃvaroti** iminā kammapathabhedaṁ apattassa kammassa saṃvaraṁ dasseti. **Lajjīti** hirimā. Lajjīgahaṇena cettha ottappampi gahitameva hoti. Pañcamam.

6. Appakasuttavaṇṇanā

117. Chatthe **uṭāre uṭāreti** pañte ca bahuke ca. **Majjantīti** mānamajjanena majjanti. **Atisāranti** atikkamaṁ. **Kūṭanti** pāsam. **Pacchāsanti** pacchā tesam. Chaṭṭham.

7. Aḍḍakaraṇasuttavaṇṇanā

118. Sattame **kāmahetūti** kāmamūlakaṁ. **Kāmanidānanti** kāmapaccayā. **Kāmādhikaraṇanti** kāmakāraṇā. Sabbāni hetāni aññamaññavevacanāneva. **Bhadramukhoti** sundaramukho. Ekadivasam kira rājā aḍḍakaraṇe nisīdi. Tattha paṭhamataram lañjam gahetvā nisinnā amaccā assāmikepi sāmike kariṣsu. Rājā tam ñatvā- “mayham tāva pathavissarassa sammukhāpete evam karonti, parammukhā kim nāma na karissanti? Paññāyissati dāni viṭaṭubho senāpati sakena rajjena, kim mayham evarūpehi lañjakhādakehi musāvādīhi saddhim ekaṭṭhāne nisajjāyā”ti cintesi. Tasmā evamāha. **Khippamva oḍditanti** kuminam viya oḍditam. Yathā macchā oḍditam kuminam pavasantā na jānanti, evam sattā kilesakāmena vatthukāmaṁ vītikkamantā na jānanti ti attho. Sattamam.

8. Mallikāsuttavaṇṇanā

119. Atthame (1.0129) **atti nu kho te malliketi** kasmā pucchat? Ayam kira mallikā duggatamālākārassa dhītā, ekadivasam āpaṇato pūvam gahetvā “mālārāmam gantvāva khādissāmī”ti gacchantī paṭipathe bhikkhusaṅghaparivāram bhagavantam bhikkhācāram pavasantam disvā pasannacittā tam bhagavato adāsi. Satthā nisīdanākāram dassesi. Ānandatthero cīvaraṁ paññāpetvā adāsi. Bhagavā tattha nisīditvā tam pūvam paribhuñjitvā mukham vikkhāletvā sitam

pātvākāsi. Thero “imissā, bhante, ko vipāko bhavissatī”ti pucchi. Ānanda, ajjesā tathāgatassa paṭhamabhojanam adāsi, ajjeva kosalarañño aggamahesi bhavissa-tīti. Taṁdivasameva ca rājā kāsigāme bhāgineyyena yuddhena parājito palāyitvā nagaram āgacchanto mālārāmaṁ pavisitvā balakāyassa āgamanaṁ āgamesi. Tassa sā vattam akāsi. So tāya vatte pasiditvā tam antepūram atihārāpetvā tam aggamahesiṭṭhāne ṭhapesi.

Athekadivasam cintesi- “mayā imissā duggatakulassa dhītuyā mahantam issariyam dinnam, yaṁnūnāhaṁ imam puccheyyam ‘ko te piyo’ti? Sā ‘tvam me, mahārāja, piyo’ti vatvā puna maṁ pucchissati. Athassāhaṁ ‘mayhampi tvamyeva piyā’ti vakkhāmī”ti. Iti so aññamaññam viśāsajananattham sammodaniyam katham kathento pucchati. Sā pana devī paṇḍitā buddhupaṭṭhāyikā dhammupaṭṭhāyikā saṅghupaṭṭhāyikā mahāpaññā, tasmā evam cintesi- “nāyaṁ pañho rañño mukham oloketvā kathetabbo”ti. Sā saraseneva kathetvā rājānam pucchi. Rājā tāya sarasena kathitattā nivattitum alabhanto sayampi saraseneva kathetvā “sakāraṇam idam, tathāgatassa nam ārocessāmī”ti gantvā bhagavato ārocesi. **Nevajjhāgāti** nādhigacchati. **Evam piyo puthu attā paresanti** yathā ekassa attā piyo, evam paresam puthusattānampi attā piyoti attho. Aṭṭhamam.

9. Yaññasuttavaṇṇanā

120. Navame (1.0130) thūṇūpanītānīti thūṇam upanītāni, thūṇaya baddhāni honti. **Parikammāni karontīti** ettāvatā tehi bhikkhūhi rañño āraddhayañño tathāgatassa ārocito. Kasmā pana raññā ayaṁ yañño āraddho? Dussupinapaṭīghātāya. Ekadivasam kira rājā sabbālaṅkārappaṭīmaṇḍito hatthikkhandhavaragato nagaram anusañcaranto vātapānam vivaritvā olokayamānam ekam itthim disvā tassā paṭibaddhacitto tatova paṭinivattitvā antepuram pavisitvā ekassa purisassa tamattham ārocetvā “gaccha tassā sassāmikabhāvam vā assāmikabhāvam vā jānāhī”ti pesesi. So gantvā pucchi. Sā “eso me sāmiko āpaṇe nisinno”ti dassesi. Rājapuriso rañño tamattham ācikkhi. Rājā tam purisam pakkosāpetvā “maṁ upaṭṭhāhā”ti āha. “Nāhaṁ, deva, upaṭṭhahitum jānāmī”ti ca vutte “upaṭṭhānam nāma na ācariyassa santike uggahetabban”ti balakkārena āvudhaphalakam gāhāpetvā upaṭṭhākam akāsi. Upaṭṭhahitvā geham gatamattameva ca nam puna pakkosāpetvā “upaṭṭhākena nāma rañño vacanam kattabbam, gaccha ito yojanamatte amhākam sisadhovanapokkharaṇī atthi, tato aruṇamattikañca lohituppalamālañca gaṇhitvā ehi. Sace

ajjeva nāgacchasi, rājadaṇḍam karissāmī”ti vatvā pesesi. So rājabhayena nikhamitvā gato.

Rājāpi tasmiṁ gate dovārikam pakkosāpetvā, “ajja sāyanheyeva dvāram pidahitvā ‘aham rājadūto’ti vā ‘uparājadūto’ti vā bhaṇtānampi mā vivari”ti āha. So puriso mattikañca uppalāni ca gahetvā dvāre pihitamatte āgantvā bahum vadanātopi dvāram alabhitvā parissayabhayena jetavanam gato. Rājāpi rāgaparijāhena abhibhūto kāle nisīdati, kāle tiṭṭhati, kāle nipajjati, sanniṭṭhānam alabhanto yattha katthaci nisinnakova makkaṭaniddāya niddāyati.

Pubbe (1.0131) ca tasmiṁyeva nagare cattāro seṭṭhiputtā paradārikakammam katvā nandopanandāya nāma lohakumbhiyā nibbattiṁsu. Te phenuddehakam paccamānā tiṁsavassasahassāni heṭṭhā gacchantā kumbhiyā talaṁ pāpuṇanti, tiṁsavassasahassāni upari gacchantā matthakam pāpuṇanti. Te tam divasam ālokam oloketvā attano dukkaṭabhayena ekekam gātham vattukāmā vattum asakkontā ekekam akkharameva āhaṁsu. Eko sa-kāram, eko so-kāram, eko kāram, eko du-kāram āha. Rājā tesam nerayikasattānam saddam sutakālato paṭṭhāya sukham avindamānova tamrattāvasesam vītināmesi.

Aruṇe utṭhitē purohito āgantvā tam sukhaseyyam pucchi. So “kuto me, ācariya, sukan”ti? Vatvā, “supine evarūpe sadde assosin”ti ācikkhi. Brāhmaṇo-“imassa rañño iminā supinena vuḍḍhi vā hāni vā natthi, apica kho pana yaṁ imassa gehe atthi, tam samaṇassa gotamassa hoti, gotamasāvakānam hoti, brāhmaṇā kiñci na labhanti, brāhmaṇānam bhikkham uppādessaṁ”ti, “bhāriyo ayam, mahārāja, supino tīsu jānīsu ekā paññāyati, rajjantarāyo vā bhavissati jīvitantarāyo vā, devo vā na vassissati”ti āha. Katham sotthi bhaveyya ācariyāti? “Mantetvā ñātuṁ sakkā, mahārājāti. Gacchatha ācariyehi saddhim mantetvā amhākam sotthim karo thā”ti.

So sivikasālāyam brāhmaṇe sannipātetvā tamattham ārocetvā, “visum visum gantvā evam vadathā”ti tayo vagge akāsi. Brāhmaṇā pavisitvā rājānam sukhaseyyam pucchiṁsu. Rājā purohitassa kathitaniyāmeneva kathetvā “katham sotthi bhaveyyā”ti pucchi. Mahābrāhmaṇā-“sabbapañcasataṁ yaññam yajitvā etassa kammaṁ sotthi bhaveyya, evam, mahārāja, ācariyā kathenti”ti āhaṁsu. Rājā tesam sutvā anabhinanditvā appaṭikkositvā tuṇhī ahosi. Atha dutiyavaggabrahmaṇāpi āgantvā tattheva kathesum. Tathā tatiyavaggabrahmaṇāpi. Atha rājā “yaññam karontū”ti āñāpesi. Tato paṭṭhāya brāhmaṇā usabhādayo pāne āharāpesum. Nagare mahāsaddo udapādi (1.0132). Tam pavattim ñātvā mallikā rājānam tathāgatassa santikam pesesi. So gantvā bhagavantam vanditvā ekaṁtam nisidi. Atha nam bhagavā-“handā kuto nu tvam, mahārāja, āgacchasi divādivassā”ti āha. Rājā-“ajja me, bhante, supinake cattāro saddā sutā, soham brāhmaṇe pucchim. Brāhmaṇā ‘bhāriyo, mahārāja, supino, sabbapañcasataṁ yaññam yajitvā paṭikammaṁ karomāti āraddhā”ti āha. Kinti te, mahārāja, saddā sutāti. So yathāsutam ārocesi. Atha nam bhagavā āha- pubbe, mahārāja, imasmim yeva nagare cattāro seṭṭhiputtā paradārikā hutvā nandopanandāya lohakumbhiyā nibbattā satthivassasahassamatthake uggacchiṁsu.

Tattha eko-

“Satthivassasahassāni, paripuṇṇāni sabbaso;

niraye paccamānānaṁ, kadā anto bhavissati”ti.(pe. va. 802; jā. 1.4.54)-

Imam̄ gātham̄ vatthukāmo ahosi. Dutiyo-

“Soham̄ nūna ito gantvā, yoniṁ laddhāna mānusim̄;

vadaññū silasampanno, kāhāmi kusalam̄ bahun”ti. (pe. va. 805; jā. 1.4.56)-

Imam̄ gātham̄ vatthukāmo ahosi. Tatiyo-

“Natthi anto kuto anto, na anto paṭidissati;

tadā hi pakataṁ pāpam̄, mama tuyhañca mārisā”ti. (pe. va. 803; jā. 1.4.55)-

Imam̄ gātham̄ vatthukāmo ahosi. Catuttho-

“Dujjīvitamajīvihā, ye sante na dadamhase;

vijjamānesu bhogesu, dīpaṁ nākamha attano”ti. (pe. va. 804; jā. 1.4.53)-

Imam̄. Te imā gāthā vattum̄ asakkontā ekekam̄ akkharam̄ vatvā tattheva nimuggā. Iti, mahārāja, te nerayikasattā yathākamma viravim̄su. Tassa saddassa sutapaccayā tuyham̄ hāni vā vuḍḍhi vā natthi. Ettakānam̄ pana pasūnam̄ ghātana-kammam̄ nāma bhāriyanti nirayabhayena tajjetvā dhammakatham̄ (1.0133) kathesi. Rājā dasabale pasīditvā, “muñcāmi, nesaṁ jīvitam̄ dadāmi, haritāni ceva tiñāni khādantu, sītalāni ca pānīyāni pivantu, sīto ca nesaṁ vāto upavāyatū”ti vatvā, “gacchatha hārethā”ti manusse āñāpesi. Te gantvā brāhmaṇe palāpetvā tam pāñasañgham̄ bandhanato mocetvā nagare dhammabherim̄ carāpesum̄.

Atha rājā dasabalassa santike nisinno āha- “bhante, ekaratti nāma tiyāmā hoti, mayham̄ pana aija dve rattiyo ekato ghaṭitā viya ahesun”ti. Sopi puriso tattheva nisinno āha- “bhante, yojanam̄ nāma catugāvutam̄ hoti, mayham̄ pana aija dve yojanāni ekato katāni viya ahesun”ti. Atha bhagavā- “jāgarassa tāva rattiyā dīghabhbāvo pākaṭo, santassa yojanassa dīghabhbāvo pākaṭo, vaṭṭapatiṭṭassa pana bālā-puthujjanassa anamataggasam̄sāravaṭṭam̄ ekantadīghamevā”ti rājānañca tañca purisam̄ nerayikasatte ca ārabba dhammapade imam̄ gātham̄ abhāsi-

“Dīghā jāgarato ratti, dīgham̄ santassa yojanam̄;

dīgho bālānam̄ samsāro, saddhammam̄ avijānatan”ti. (dha. pa. 60);

Gāthāpariyosāne so itthisāmiko puriso sotāpattiphale patiṭṭhahi. **Etamattham̄ viditvāti etam̄ kāraṇam̄ jānitvā.**

Assamedhanti-ādīsu- porāṇarājakāle kira sassamedham̄ purisamedham̄ sammāpāsaṁ vācāpeyyanti cattāri saṅgahavatthūni ahesum̄, yehi rājāno lokam̄ saṅgañhiṁsu. Tattha nippannahassato dasamabhāgaggahaṇam̄ **sassamedham̄** nāma, sassasampādane medhāvitāti attho. Mahāyodhānam̄ chamāsikam̄ bhavetanānuppadānam̄ **purisamedham̄** nāma, purisasaṅgañhane medhāvitāti attho. Daliddamanussānam̄ hatthato lekham̄ gahetvā tīṇi vassāni vināva vadḍhiyā saha-sadvishassamattadhanānuppadānam̄ **sammāpāsaṁ** nāma. Tañhi sammā manusse pāseti, hadaye bandhitvā viya ṭhapeti, tasmā sammāpāsanti vuccati. “Tāta mātulā”ti-ādinā nayena sañhavācābhaṇam̄ vācāpeyyam̄ nāma, piyavācāti attho. Evam̄ catūhi saṅgahavatthūhi saṅgahitaṁ raṭṭham̄ iddhañceva (1.0134) hoti phītañca pahūta-annapānam̄ khemam̄ nirabbudam̄. Manussā mudā moda-

mānā ure putte nacentā apārutagharadvārā viharanti. Idam gharadvāresu agga-lānam abhāvato **niraggalanti** vuccati. Ayam porānikā paveṇī.

Aparabhāge pana okkākarājakāle brāhmaṇā imāni cattāri saṅgahavatthūni imañca raṭhasampattim parivattetvā uddhammūlakam katvā assamedham purisamedhanti ādike pañca yaññe nāma akāmsu. Tesu assamettha medhanti vadhanantīti **assamedho**. Dvīhi pariyaññehi yajitabbassa ekavīsatiyūpassa ekasmiṁ majjhimadivaseyeva sattanavutipañcapasusataghātabhiṁsanassa ṭhapetvā bhūmiñca purise ca avasesasabbavibhavadakkhiṇassa yaññassetam adhivacanam. Purisamettha medhantīti **purisamedho**. Catūhi pariyaññehi yajitabbassa saddhim bhūmiyā assamedhe vuttavibhavadakkhiṇassa yaññassetam adhivacanam. Sammamettha pāsentīti **sammāpāso**. Divase divase sammam khipitvā tassa patitokāse vedim katvā samhārimehi yūpādīhi sarassatinadiyā nimuggokā-sato pabhuti paṭilomam gacchantena yajitabbassa satrayāgassetam adhivacanam. Vājamettha pivantīti **vājapeyyo**. Ekena pariyaññena sattarasahi pasūhi yajitabbassa beluvayūpassa sattarasakadakkhiṇassa yaññassetam adhivacanam. Natthi ettha aggalāti **niraggaļo**. Navahi pariyaññehi yajitabbassa saddhim bhūmiyā ca purisehi ca assamedhe vuttavibhavadakkhiṇassa sabbamedhapariyā-yanāmassa assamedhavikappassevetam adhivacanam. **Mahārambhāti** mahā-kiccā mahākaraṇīyā. **Sammaggatāti** sammā paṭipannā buddhādayo. **Nirāra-mbhāti** appatthā appakiccā. **Yajanti anukulanti** anukulesu yajanti, yam niccabha-ttādi pubbapurisehi paṭṭhapitam, tam aparāparam anupacchinnattā manussā dada-nīti attho. Navamam.

10. Bandhanasuttavaṇṇanā

121. Dasame **idha, bhante, raññāti** idam te bhikkhū tesu manussesu ānanda-ttherassa sukatakāraṇam ārocentā ārocesum. Rañño kira sakkena kusarājassa dinno aṭṭhavaṇko maṇi paveṇiyā āgato. Rājā alaṅkaraṇakāle tam maṇim āhara-thāti āha. Manussā “ṭhapitatṭhāne (1.0135) na passāmā”ti ārocesum. Rājā anto-gharacārino “maṇim pariyesitvā dethā”ti bandhāpesi. Ānandatthero te disvā maṇi-paṭisāmakānam ekam upāyam ācikkhi. Te rañño ārocesum. Rājā “paṇḍito thero, therassa vacanam karothā”ti. Paṭisāmakamanussā rājaṅgaṇe udakacāṭim ṭhapetvā sāṇiyā parikkhipāpetvā te manusse āhamsu- “sāṭakam pārupitvā ettha gantvā hatham otārethā”ti. Maṇicoro cintesi- “rājabhaṇḍam vissajjetum vā vala-ñjetum vā na sakkā”ti. So geham gantvā maṇim upakacchake ṭhapetvā sāṭakam pārupitvā āgamma udakacāṭiyam pakkipitvā pakkāmi. Mahājane paṭikkante rāja-manussā cāṭiyam hatham otāretvā maṇim disvā āharitvā rañño adamṣu. “Ānanda-ttherena kira dassitanayena maṇi diṭṭho”ti mahājano kolāhalam akāsi. Te bhikkhū tam kāraṇam tathāgatassa ārocentā imam pavattim ārocesum. Satthā- “anaccha-riyam, bhikkhave, yam ānando manussānam hathāruḥhamāṇim āharāpeyya, yattha pubbe paṇḍitā attano ñāne ṭhatvā ahetukapaṭisandhiyam nibbattānam tira-cchānagatānampi hathāruḥham bhaṇḍam āharāpetvā rañño adamṣu”ti vatvā-

“Ukkatthe sūramicchanti, mantīsu akutūhalam;
piyañca annapānamhi, atthe jāte ca pañđitan”ti. (jā. 1.1.92)-

Mahāsārajātakam kathesi.

Na tam dañhanti tam bandhanam thiranti na kathenti. **Yadāyasanti** yam āyasā katham. **Sārattarattāti** sutthu rattarattā, sārattena vā rattā sārattarattā, sāram idanti maññanāya rattāti attho. **ApekkhāTi** ālayo nikanti. **Āhūti** kathenti. **Ohārinanti** catūsu apāyesu ākaddhanakam. **Sithilanti** na āyasādibandhanam viya iriyāpatham nivāretvā ṭhitam. Tena hi bandhanena baddhā paradesampi gacchantiyeva. **Duppamuñcanti** aññatra lokuttaraññena muñcitum asakkuneyyanti. Dasamam.

Pañhamo vaggo.

2. Dutiyavaggo

1. Sattajañilasuttavaññanā

122. Dutiyavaggassa (1.0136) pañhame

pubbārāme migāramātupāsāde Ti pubbārāmasaṅkhāte vihāre migāramātuyā pāsāde. Tatrāyam anupubbikathā- atīte satasahassakappamatthake ekā upāsikā padumuttaram bhagavantam nimantetvā buddhappamukhassa bhikkhusaṅghassa satasahassadānam datvā bhagavato pādamūle nipajjitvā- “anāgate tumhādisassa buddhassa aggupatīhāyikā homi”ti patthanam akāsi. Sā kappasata-sahassam̄ devesu ca manussesu ca samsaritvā amhākaṁ bhagavato kāle bhaddiyanagare meñdakaputtassa dhanañcayasetṭhino gehe sumanadeviyā kucchismim pañisandhim gañhi. Jātakāle cassā visākhāti nāmañ akāmsu. Sā yadā bhagavā bhaddiyanagaram agamāsi, tadā pañcahi dārikāsatehi saddhim bhagavato paccuggamanam̄ gatā pañhamadassanamhiyeva sotāpannā ahosi. Aparabhāge sāvatthiyam̄ migārasetṭhiputtassa puṇṇavaddhanakumārassa geham̄ gatā. Tattha nam̄ migārasetṭhi mātiñthāne ṭhapesi, tasmā migāramātāti vuccati. Tāya kārite pāsāde.

Bahi dvārakoṭṭhaketi pāsādadadvārakoṭṭhakassa bahi, na vihāradvārakoṭṭhakassa. So kira pāsādo lohapāsādo viya samantā catudvārakoṭṭhakayuttena pākārena parikkhitto. Tesu pācīnadadvārakoṭṭhakassa bahi pāsādacchāyāyam̄ pācīnalokadhātum̄ olokento paññatte varabuddhāsane nisinno hoti.

Parūḷhakacchanakhalomāti parūḷhakacchā parūḷhanakhā parūḷhalomā, kacchā-dīsu dīghalomā dīghanakhā cāti attho. **Khārivividhanti** vividhakhārim̄ nānappakā-rakam̄ pabbajitaparikkhārabhañdakaṁ. **Avidūre atikkamantīti** avidūramaggena nagaram pavisanti. **Rājāham̄, bhanteti** aham̄, bhante, rājā pasenadi kosalo, mayham̄ nāmañ tumhe jānāthāti. Kasmā pana rājā loke aggapuggalassa santike nisinno evarūpānam̄ naggabhogganissirikānam̄ añjaliṁ paggañhātīti. Saṅgañhā-natthāya. Evam̄ hissa ahosi- “sacāhaṁ ettakampi etesam̄ na karissāmi (1.0137), ‘mayam̄ puttadāram pahāya etassatthāya dubbhojanadukkhaseyyādīni anubhoma, ayam̄ amhākaṁ añjalimattampi na karoti’ti attanā dīṭṭham̄ sutam̄ paṭicchādetvā na katheyyum̄. Evam̄ kate pana anigūhitvā kathessantī”ti. Tasmā evamakāsi. Apica satthu ajjhāsayajānanattham̄ evamakāsi.

Kāsikacandananti sañhacandanam̄. **Mālāgandhavilepananti** vaṇṇagandha-tthāya mālam̄, sugandhabhāvatthāya gandham̄, vaṇṇagandhatthāya vilepanañca dhārentena.

Saṃvāsenāti sahavāsenā. **Sīlam̄ veditabbanti** ayam̄ susilo vā dussilo vāti saṃvasantena upasaṅkamantena jānitabbo. **Tañca kho dīghena addhunā na ittaranti** tañca sīlam̄ dīghena kālena veditabbam̄, na ittarena. Dvīhatīhañhi saṃyatā-kāro ca saṃvutindriyākāro ca na sakkā dassetum̄. **Manasikarotāti** sīlamassa pari-ggahessāmīti manasikarontena paccavekkhanteneva sakkā jānitum̄, na itarena. **Paññavatāti** tampi sappaññeneva pañditena. Bālo hi manasikarontopi jānitum̄ na sakkoti.

Samvohārenāti kathanena.

“Yo hi koci manussesu, vohāram̄ upajīvati;

evam̄ vāseṭṭha jānāhi, vāṇijo so na brāhmaṇo”ti. (ma. ni. 2.457)-

Ettha hi byavahāro vohāro nāma. “Cattāro ariyavohārā cattāro anariyavohārā”ti

(dī. ni. 3.313) ettha cetanā. “Saṅkhā samaññā paññatti vohāro”ti (dha. 1313-1315) ettha paññatti. “Vohāramattena so vohareyyā”ti (sam. ni. 1.25) ettha kathā vohāro. Idhāpi esova adhippeto. Ekaccassa hi sammukhā kathā parammu-khāya kathāya na sameti, parammukhā kathā ca sammukhāya kathāya, tathā purimakathā ca pacchimakathāya, pacchimakathā ca purimakathāya. So kathente-neva sakkā jānitum “asuci eso puggalo”ti. Sucisilassa pana purimam pacchimena, pacchimañca purimena sameti, sammukhākathitam parammukhākathitena, parammukhākathitañca sammukhākathitena, tasmā kathentena sakkā sucibhāvo jāni-tunti pakāsento evamāha.

Thāmoti (1.0138) ñāṇathāmo. Yassa hi ñāṇathāmo natthi, so uppannesu up-davesu gahetabbaggahaṇam katabbakiccam apassanto advāragharam paviṭṭho viya carati. Tenāha **āpadāsu kho, mahārāja, thāmo veditabboti**. **Sākacchāyāti** saṃkathāya. Dappaññassa hi kathā udake genḍu viya uppavatati, paññavato kathentassa paṭibhānam anantaram hoti. Udakavipphanditeneva hi maccho khuddako vā mahanto vāti ñāyati. **OcarakāTi** heṭṭhācarakā. **Carā** hi pabbatama-tthakena carantāpi heṭṭhā- carakāva honti. **Ocaritvāti** avacaritvā vīmaṇsitvā, tam tam pavattim ñatvāti attho. **Rajojallanti** rajañca jallañca. **Vaṇṇarūpenāti** vanṇasa-ṇṭhānena. **Ittaradassanenāti** lahudassanena. **Viyañjanenāti** parikkhārabhanḍa-kena. **Patirūpako mattikākuṇḍalovāti** suvaṇṇakuṇḍalapatirūpako mattikākuṇḍa-lova. **Lohaḍḍhamāsoti** lohaḍḍhamāsako. Paṭhamam.

2. Pañcarājasuttavaṇṇanā

123. Dutiyे **rūpāti** nīlapitādibhedam rūpārammaṇam. **Kāmānaṃ agganti** etam kāmānaṃ uttamam setṭhanti rūpagaruko āha. Sesesupi eseva nayo. **Yatoti yadā.** **Manāpapariyantanti** manāpanipphattikam manāpakoṭikam. Tatha dve manāpāni puggalamanāpam sammutimanāpañca. Puggalamanāpam nāma yam ekassa puggalassa itṭham kantam hoti, tadeva aññassa aniṭṭham akantam. Paccantavāsi-nañhi gaṇḍuppādāpi itṭhā honti kantā manāpā, majhimadesavāsīnam atijegucchā. Tesañca moramāmsādīni itṭhāni honti, itaresam tāni atijegucchāni. Idam puggala-manāpam. Itaram sammutimanāpam.

Itṭhāniṭṭhārammaṇam nāma loke paṭivibhuttaṃ natthi, vibhajitvā pana dasse-ttabam. Vibhajantena ca na ati-issarānaṃ mahāsammata mahāsudassanadha-mmāsokādīnaṃ vasena vibhajitabbam. Tesañhi dippakappampi ārammaṇam amanāpam upaṭṭhāti. Atiduggatānaṃ dullabhannapānānaṃ vasenapi na vibhajitabbam. Tesañhi kaṇājakabhattasitthānipi pūtimāmsassa rasopi atimadhuro amatasadiso hoti. Majjhimānaṃ pana gaṇakamahāmattasetṭhi kuṭumbikavāṇijādīnaṃ kālena (1.0139) itṭham kālena aniṭṭham labhamānānaṃ vasena vibhajitabbam. Tañca panetaṃ ārammaṇam javanam paricchinditum na sakkoti. Javanañhi itṭhepi rajjati aniṭṭhepi, itṭhepi dussati aniṭṭhepi. Ekantato pana vipākacittam itṭhā-niṭṭham paricchindati. Kiñcāpi hi micchādiṭṭhikā buddham vā saṅgham vā mahāce-tiyādīni vā uṭārāni ārammaṇāni disvā akkhīni pidahanti domanassam āpajjanti,

dhammasaddam sutvā kaṇe thakenti, cakkhuviññāṇasotaviññāṇāni pana tesam kusalavipākāneva honti. Kiñcāpi gūthasūkarādayo gūthagandham ghāyitvā khāditum labhissāmāti somanassajātā honti, gūthadassane pana nesaṁ cakkhuviññāṇam, tassa gandhaghāyane ghānaviññāṇam, rasasāyane jivhāviññāṇañca akusalavipākameva hoti. Bhagavā pana puggalamanāpataṁ sandhāya **te ca, mahārāja, rūpāti-ādimāha.**

Candanaṅgalikoti idam tassa upāsakassa nāmaṁ. **Paṭibhāti mām bhagavāti** bhagavā mayham ekam kāraṇam upaṭṭhāti paññāyati. Tassa te pañca rājāno āmūttamaṇikuṇḍale sajjitāya āpānabhūmiyā nisinnavaseneva mahatā rājānubhāvena paramena issariyavibhavena āgantvāpi dasabalassa santike ṛhitakālato paṭṭhāya divā padīpe viya udakābhisisse aṅgāre viya sūriyutthāne khajjopanake viya ca hattappabhe hatasobhe tam tathāgatañca tehi sataguṇena sahassaguṇena virocamānam disvā, “mahantā vata bho buddhā nāmā”ti paṭibhānam udapādi. Tasmā evamāha.

Kokanadanti padumassevetam vevacanam. **Pātoti kālassesa.** **Siyāti** bhaveyya. **Avītagandhanti** avigatagandham. **Aṅgīrasanti** sammāsambuddham. Bhagavato hi aṅgato rasmiyo nikhamanti, tasmā aṅgīrasoti vuccati. Yathā kokanadasaṅkhātam padumam pātova phullam avītagandham siyā, evameva bhagavantam aṅgīrasam tapantam ādiccamiva antalikkhe virocāmānam passāti ayamettha saṅkhepattho. **Bhagavantam acchādesīti** bhagavato adāsīti attho. Lokavohārato panetha īdisam vacanam hoti. So kira upāsako- “ete tathāgatassa gunesu pasīditvā mayham pañca uttarāsaṅge (1.0140) denti, ahampi te bhagavatova dassāmī”ti cintetvā adāsi. Dutiyam.

3. Doṇapākasuttavaṇṇanā

124. Tatiye **doṇapākakuranti** doṇapākam kuram, doṇassa taṇḍulānam pakka-bhattam tadūpiyañca sūpabyañjanam bhuñjatiti attho. **Bhuttāvīti** pubbe bhattasammadam vinodetvā muhuttam vissamitvā buddhupaṭṭhānam gacchati, tamdivasam pana bhuñjantova dasabalaṁ saritvā hatthe dhovitvā agamāsi. **Mahassā-sīti** tassa gacchato balavā bhattapariñāho udapādi, tasmā mahantehi assāsehi assasati, gattatopissa sedabindūni mucanti, tamenam ubhosu passesu ṣhatvā yamakatālavāṇṭehi bijanti, buddhagāravena pana nipajjituṁ na ussahatiti idam sandhāya “mahassāsī”ti vuttam. **Imam gātham abhāsīti**, rājā bhojane amattaññutāya kilamati, phāsu vihāram dānissa karissāmīti cintetvā abhāsi. **Manujassāti** sattassa. **Kahāpaṇasatanti** pātarāse paṇṇāsam sāyamāse paṇṇāsanti evam kahāpaṇasatam. **Pariyāpuṇītvāti** raññā saddhiṁ thokam gantvā “imam maṅgala-asim kassa dammi, mahārājā”ti? Asukassa nāma dehīti so tam asim datvā dasabalassa santikam āgamma vanditvā ṣhitakova “gātham vadatha, bho gotamā”ti vatvā bhagavatā vuttam pariyāpuṇītvāti attho.

Bhuttābhīhāre sudam bhāsatīti katham bhāsatī? Bhagavatā anusītthiniyāmena. Bhagavā hi nam evam anusāsi- “māṇava, imam gātham naṭo viya pattapatta-

tṭhāne mā avaca, rañño bhuñjanatṭhāne ṭhatvā paṭhamapiṇḍādīsupi avatvā vosā-napinde gahite vadeyyāsi, rājā sutvāva bhattapiṇḍam chaddessati. Atha rañño hatthesu dhotesu pātim apanetvā sitthāni gaṇetvā tadupiyam byañjanam ūtvā punadivase tāvatake taṇḍule hāreyyāsi, pātarāse ca vatvā sāyamāse mā vadeyyā-sī”ti. So sādhūti paṭissuṇitvā taṇḍivasam̄ rañño pātarāsam̄ bhutvā gatattā sāyamāse bhagavato anusitthiniyāmena gātham abhāsi (1.0141). Rājā dasabalassa vacanam̄ saritvā bhattapiṇḍam pātiyamyeva chaddesi. Rañño hatthesu dhotesu pātim apanetvā sitthāni gaṇetvā tadupiyam byañjanam ūtvā punadivase tattake taṇḍule harim̄su.

Nālikodanaparamatāya saṇṭhāsīti so kira māṇavo divase divase tathāgatassa santikam̄ gacchatī, dasabalassa vissāsiko ahosi. Atha nam̄ ekadivasam̄ pucchi “rājā kittakam̄ bhuñjati”ti? So “nālikodanan”ti āha. Vaṭṭissati ettāvatā purisabhāgo esa, ito paṭṭhāya gātham̄ mā vadīti. Iti rājā tattheva saṇṭhāsi. **Ditṭhadhammikena ceva atthena samparāyikena cāti** ettha sallikhitasarīratā ditṭhadhammikattho nāma, sīlam̄ samparāyikattho. Bhojane mattaññutā hi sīlaṅgam̄ nāma hotīti. Tatiyam̄.

4. Paṭhamasaṅgāmasuttavaṇṇanā

125. Catutthe **vedehiputtoti vedehīti** paṇḍitādhivacanametam̄, paṇḍititthiyā puttoti attho. **Caturaṅgininti** hatthi-assarathapattisaṅkhātehi catūhi aṅgehi sammānāgataṁ. **Sannayhitvāti** cammapaṭīmuñcanādīhi sannāham̄ kāretvā. **Saṅgāme-sunti** yujjhim̄su. Kena kāraṇena? Mahākosalaraññā kira bimbisārassa dhītaraṁ dentena dvinnam̄ rajjānam̄ antare satasahassutṭhāno kāsigāmo nāma dhītu dinno. Ajātasattunā ca pitari mārite mātāpissa rañño viyogasokena nacirasseva matā. Tato rājā pasenadi kosalo- “ajātasattunā mātāpitaro māritā, mayham̄ pitu santako gāmo”ti tassatthāya addam̄ karoti. Ajātasattupi “mayham̄ mātu santako”ti tassa gāmassatthāya dvepi mātulabhāgineyyā yujjhim̄su.

Pāpā devadattādayo mittā assāti **pāpamitto**. Teyevassa sahāyāti **pāpasahāyo**. Teshevassa cittam̄ ninnam̄ sampavaṇkanti **pāpasampavaṇko**. Pasenadissa sāri-puttattherādīnam̄ vasena

kalyāṇamittāditā veditabbā. **Dukkham** setīti jitāni hathi-ādīni anusocanto dukkham sayissati. Idam bhagavā puna tassa jayakāraṇam disvā āha. **Jayam veram pasavatīti** jinanto veram pasavati, veripuggalaṁ labhati. Catutthaṁ.

5. Dutiyasaṅgāmasuttavaṇṇanā

126. Pañcame (1.0142) **abbhuyyāsīti** parājaye garahappatto “ārāmaṁ gantvā bhikkhūnam kathāsallāpaṁ suṇāthā”ti rattibhāge buddharakkhitena nāma vuḍḍhapabbajitena dhammarakkhitassa vuḍḍhapabbajitassa “sace rājā imañca upāyaṁ katvā gaccheyya, puna jineyyā”ti vuttajayakāraṇam sutvā abhi-uyyāsi.

Yāvassa upakappatīti yāva tassa upakappati sayhaṁ hoti. **Yadā caññeti** yadā aññe. **Vilumpantīti** tam vilumpitvā ṭhitapuggalaṁ vilumpanti. **Vilumpatīti** vilumpiyati. **Thānam hi maññatīti** “kāraṇan”ti hi maññati. **Yadāti yasmim kāle**. **Jetāram labhate jayanti** jayanto puggalo pacchā jetārampi labhati. **Rosetāranti** ghaṭṭetāram. Rosakoti ghaṭṭako. **Kammavivatṭenāti** kamma pariṇāmena, tassa vilumpanaka-mmassa vipākadānena. **So vilutto viluppatīti** so vilumpako vilumpiyati. Pañcamam.

6. Mallikāsuttavaṇṇanā

127. Chatṭhe **upasaṅkamīti** mallikāya deviyā gabbhavuṭṭhānakāle sūtigharam paṭijaggāpetvā ārakkham datvā upasaṅkami. **Anattamano ahosīti**, “duggataku-lassa me dhītu mahantaṁ issariyaṁ dinnam, sace puttamaṁ alabhissa, mahantaṁ sakkāram adhigamissa, tato dāni parihīnā”ti anattamano ahosi. **Seyyāti** dandhapāññasmā elamūgaputtato ekaccā itthīyeva seyyā. **Posāti** posehi. **Janādhipāti** janādhibhum rājānam ālapati. **Sassudevāti** sassusasuradevatā. **Disampatīti** disāje-ṭṭhakā. **Tādisā subhagiyāti** tādisāya subhariyāya. Chatṭham.

7. Appamādasuttavaṇṇanā

128. Sattame **samadhiggayhāti** samadhiggaṇhitvā, ādiyitvāti attho. **Appamādoti** kārāpaka-appamādo. **Samodhānanti** samavadhānaṁ upakkhepam. **Evameva khoti** hatthipadam viya hi kārāpaka-appamādo, sesapadajātāni viya avasesā catubhūmakā kusaladhammā. Te hatthipade sesapadāni viya (1.0143) appamāde samodhānaṁ gacchanti, appamādassa anto parivattanti. Yathā ca hatthipadam sesapadānaṁ aggam setṭham, evam appamādo sesadhammānanti dasseti. Mahaggatalokuttaradhammānampi hesa paṭilābhakaṭṭhena lokiyopi samāno aggova hoti.

Appamādaṁ pasāmsantīti “etāni āyu-ādīni patthayantena appamādova kātabbo”-ti appamādameva pasāmsanti. Yasmā vā puññakiriyāsu pañḍitā appamādaṁ pasāmsanti, tasmā āyu-ādīni patthayantena appamādova kātabboti attho. **Atthābhisamayāti** atthapaṭilābhā. Sattamam.

8. Kalyāṇamittasuttavaṇṇanā

129. Aṭṭhame so ca kho kalyāṇamittassāti so cāyam dhammo kalyāṇamittasseva svākkhāto nāma hoti, na pāpamittassāti. Kiñcāpi hi dhammo sabbesampi svākkhātova, kalyāṇamittassa pana sussūsantassa saddahantassa atthaṁ pūreti bhesajjaṁ viya vaļañjantassa na itarassāti. Tenetam vuttaṁ. **Dhammoti** cettha desanādhammo veditabbo.

Upadḍhamidanti therō kira rahogato cintesi- “ayam samaṇadhammo nāma ovādake anusāsake kalyāṇamitte sati paccattapurisakāre ṭhitassa sampajjati, upadḍham kalyāṇamittato hoti, upadḍham paccattapurisakārato”ti. Athassa etadahosi- “aham padesañāne ṭhito nippadesam cintetum na sakkomi, satthāram pucchitvā nikkaṇkho bhavissāmī”ti. Tasmā satthāram upasaṅkamitvā evamāha. **Brahmacariyassāti** ariyamaggassa. **Yadidam kalyāṇamittatāti** yā esā kalyāṇamittatā nāma, sā upadḍham, tato upadḍham āgacchatīti attho. Iti therena “upadḍhu-paḍḍhā sammādiṭṭhi-ādayo kalyāṇamittato āgacchanti, upadḍhupadḍhā paccattapurisakārato”ti vuttaṁ. Kiñcāpi therassa ayaṁ manoratho, yathā pana bahūhi silā-thambhe ussāpite, “ettakam ṭhānam asukena ussāpitam, ettakam asukenā”ti vini-bbhogo natthi, yathā ca mātāpitaro nissāya uppannesu puttesu “ettakam mātito nibbattam, ettakam pitito”ti vinibbhogo natthi, evam idhāpi avinibbhogadhammo hesa, “ettakam sammādiṭṭhi-ādīnam (1.0144) kalyāṇamittato nibbattam, ettakam paccattapurisakārato”ti na sakkā laddhum, kalyāṇamittatāya pana upadḍhaguṇo labhatīti therassa ajjhāsayena **upadḍham** nāma jātam, sakalaguṇo paṭilabbhatīti bhagavato ajjhāsayena **sakalam** nāma jātam. **Kalyāṇamittatāti** cetaṁ pubbabhāga-paṭilābhaṅgam nāmāti gahitam. Atthato kalyāṇamittam nissāya laddhā sīlasamā-dhivipassanāvasena cattāro khandhā. Saṅkhārakkhandhotipi vadantiyeva.

Mā hevam, ānandāti, ānanda, mā evam abhaṇi, bahussuto tvam sekhapatiṣambhidappatto aṭṭha vare gahetvā mam upaṭṭhahasi, catūhi acchariyabbhutadhammehi samannāgato, tādisassa evam kathetum na vaṭṭati. **Sakalameva hidam, ānanda, brahmacariyam, yadidam kalyāṇamittatāti** idam bhagavā- “cattāro maggā cattāri phalāni tisso vijjā cha abhiññā sabbam kalyāṇamittamūlakameva hoti”ti sandhāyāha. Idāni vacībhedenēva kāraṇam dassento **kalyāṇamittasset-nti-ādimāha**. Tattha **pāṭikaṅkhanti** pāṭikaṅkhitabbam icchitabbam, avassambhā-vīti attho.

Idhāti imasmim sāsane. **Sammādiṭṭhim bhāvetīti-ādīsu** aṭṭhannaṁ ādipadānam-yeva tāva ayam saṅkhepavaṇṇanā- sammā dassanalakkhaṇā sammādiṭṭhi. Sammā abhiniropanalakkhaṇo sammāsaṅkappo. Sammā pariggahaṇalakkhaṇā sammāvācā. Sammā samuṭṭhāpanalakkhaṇo sammākammanto. Sammā vodāpanalakkhaṇā sammā-ājīvo. Sammā paggahalakkhaṇo sammāvāyāmo. Sammā upaṭṭhānalakkhaṇā sammāsati. Sammā samādhānalakkhaṇo sammāsamādhi.

Tesu ekekassa tīṇi kiccāni honti. Seyyāthidam- sammādiṭṭhi tāva aññehipi attano paccanīkakilesehi saddhim micchādiṭṭhim pajahati, nirodham ārammaṇam karoti, sampayuttadhamme ca passati tappaṭicchādakamohavidhamanavasena

asammohato. Sammāsaṅkappādayopi tathēva micchāsaṅkappādīni ca pajahanti, nirodhañca ārammaṇam karonti. Visesato panettha sammādiṭṭhi sahajātadhamme sammā dasseti. Sammāsaṅkappo sahajātadhamme abhiniropeti, sammāvācā sammā pariggaṇhāti, sammākammanto sammā (1.0145) samuṭṭhāpeti, sammā-ājīvo sammā vodāpeti, sammāvāyāmo sammā paggaṇhāti, sammā-sati sammā upaṭṭhāpeti, sammāsamādhi sammā dahati.

Apicesā sammādiṭṭhi nāma pubbabhāge nānākhaṇā nānārammaṇā hoti, maggakāle ekakkhaṇā ekārammaṇā. Kiccato pana sammādiṭṭhi dukkhe nāṇanti-ādīni cattāri nāmāni labhati. Sammāsaṅkappādayopi pubbabhāge nānākhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccato nekkhammasaṅkappoti-ādīni tīṇi nāmāni labhati. Sammāvācādayo tayo viratiyopi honti cetanāyopi, maggakkhaṇe pana viratiyova. Sammāvāyāmo sammāsatīti idampi dvayam kiccato sammappadhānasatipaṭṭhānavasena cattāri nāmāni labhati. Sammāsamādhi pana pubbabhāgepi maggakkhaṇepi sammāsamādhiyeva.

Evam tāva “sammādiṭṭhin”ti-ādinā nayena vuttānam aṭṭhannam ādipadānam-yeva atthavaṇṇanam ūnatvā idāni **bhāveti vivekanissitanti**-ādīsu evam ūatabbo. **Bhāvetīti** vadḍheti, attano cittasantāne punappunam janeti, abhinibbattetīti attho. **Vivekanissitanti** vivekam nissitam, viveke vā nissitanti vivekanissitam. **Vivekoti** vivittatā. Vivittatā cāyam tadaṅgaviveko, vikkhambhana-samuccheda-paṭippassaddhi-nissaraṇavivekoti pañcavidho. Evametasmim pañcavidhe viveke. **Vivekanissitanti** tadaṅgavivekanissitam samucchedadivekanissitam nissaraṇavivekanissitañca sammādiṭṭhim bhāvetīti ayamattho veditabbo. Tathā hi ayam ariyamaggabhāvanānuyutto yogī vipassanākkhaṇe kiccato tadaṅgavivekanissitam, ajjhāsayato nissaraṇavivekanissitam, maggakāle pana kiccato samucchedadivekanissitam, ārammaṇato nissaraṇavivekanissitam sammādiṭṭhim bhāveti. Esa nayo **virāganissitā**dīsu. Vivekatthā eva hi virāgādayo.

Kevalañcettha vossaggo duvidho pariccaṅgavossaggo ca pakkhandanavossaggo cāti. Tattha **pariccaṅgavossaggoti** vipassanākkhaṇe ca tadaṅgavasena, maggakkhaṇe ca samucchedadavasena kilesappahānam. **Pakkhandanavossaggoti** vipassanākkhaṇe tanninnabhāvena, maggakkhaṇe pana ārammaṇakaraṇena nibbānapakkhandanam, tadubhayampi imasmim lokiyalokuttaramissake atthavaṇṇanānaye (1.0146) vaṭṭati. Tathā hi ayam sammādiṭṭhi yathāvuttena pakārena kilese ca pariccajati, nibbānañca pakkhandati.

Vossaggapariṇāmīti iminā pana sakalena vacanena vossaggattham pariṇāmantam pariṇatañca, paripaccantam paripakkañcāti idam vuttaṇ hoti. Ayañhi ariyamaggabhāvanānuyutto bhikkhu yathā sammādiṭṭhi kilesapariccaṅgavossaggattham nibbānapakkhandanavossaggatthañca paripaccati, yathā ca paripakkā hoti, tathā naṁ bhāvetīti. Esa nayo sesamaggāngesu.

Āgammāti ārabbha sandhāya paṭicca. **Jātidhammāti** jātisabhāvā jātipakatikā. **Tasmāti** yasmā sakalo ariyamaggopi kalyāṇamittam nissāya labbhati, tasmā. **Handāti** vavassaggatthe nipāto. **Appamādaṇ pasāmsantīti** appamādaṇ vanṇa-

yanti, tasmā appamādo kātabbo. **Atthābhisamayāti** atthapaṭilābhā. Aṭṭhamam.

9. Paṭhama-aputtakasuttavaṇṇanā

130. Navame **divā** divassāti divasassa divā, majjhānhikasamayeti attho. **Sāpateyyanti** dhanam. Ko pana vādo rūpiyassāti suvaṇṇarajatatambalohakālalohaphāla-kacchapakādibhedassa ghanakatassa ceva paribhogabhājanādibhedassa ca rūpiyabhaṇḍassa pana ko vādo? “Ettakam nāmā”ti kā paricchedakathāti attho. **Kaṇājakanti** sakuṇḍakabhattam. **Bilaṅgadutiyanti** kañjikadutiyam. **Sāṇanti** sāṇavākamayam. **Tipakkhavasananti** tīṇi khaṇḍāni dvīsu thānesu sibbitvā katanivāsanam.

Asappurisoti lāmakapuriso. **Uddhaggikanti**-ādīsu uparūparibhūmīsu phaladānavasena uddham aggamassāti **uddhaggikā**. Saggassa hitā tatrūpapattijananatoti **sovaggikā**. Nibbattaṭṭhānesu sukho vipāko assāti **sukhavipākā**. Suṭṭhu aggānam dibbavaṇṇādīnam visesānam nibbattanato **saggasamvattanikā**. Evarūpam dakkhiṇadānam na patiṭṭhāpetīti.

Sātodakāti madhurodakā. **Settodakāti** vīcīnam bhinnaṭṭhāne udakassa setatāya setodakā. **Supatitthāti** sundaratitthā. **Tam janoti** (1.0147) yena udakena sātodakā, tam udakam jano bhājanāni pūretvā neva hareyya. **Na yathāpaccayam vā kareyyāti**, yam yam udakena udakakiccam kātabbam, tam tam na kareyya. **Tadapeyyamānanti** tam apeyyamānam. **Kiccakaro ca hotīti** attanā kattabbakiccakaro ceva kusalakiccakaro ca, bhuñjati ca, kammante ca payojeti, dānañca detīti attho. Navamam.

10. Dutiya-aputtakasuttavaṇṇanā

131. Dasame piṇḍapātena paṭipādesīti

piṇḍapātēna saddhiṁ samyojesi, piṇḍapātām adāsīti attho. **Pakkāmīti** kenacideva rājupatṭhānādinā kiccena gato. **Pacchā vippatisārī ahosīti** so kira aññesupi divasesu tam paccekasambuddham passati, dātum panassa cittam na uppajjati. Tasmim pana divase ayaṁ padumavatideviyā tatiyaputto taggarasikhī pacceka-buddho gandhamādanapabbate phalasamāpattisukhena vītināmetvā pubbañhasa-maye vuṭṭhāya anotattadahe mukham dhovitvā manosilātale nivāsetvā kāyabandhanam bandhitvā pattacīvaramādāya abhiññāpādakam catutthajjhānam samā-pajjivā iddhiyā vehāsam abbhuggantvā nagaradvāre oruyha cīvaraṁ pārupitvā pattamādāya nagaravāsīnam gharadvāresu sahassabhaṇḍikam ṭhapento viya pāsādikehi abhikkantādīhi anupubbena setṭhino gharadvāram sampatto. Tamdiva-sañca setṭhi pātova uṭṭhāya pañītabhojanam bhuñjitvā, gharadvārakoṭṭhake āsanam paññāpetvā, dantantarāni sodhento nisinno hoti. So paccekabuddham disvā, tamdivasam pāto bhutvā nisinnattā dānacittam uppādetvā, bhariyam pakko-sāpetvā, “imassa samanassa piṇḍapātam dehi”ti vatvā pakkāmi.

Setṭhibhariyā cintesi- “mayā ettakena kālena imassa ‘dethā’ti vacanam na sutapubbam, dāpentopi ca ajja na yassa vā tassa vā dāpeti, vītarāgadosamohassa vantakilesassa ohitabhārassa paccekabuddhassa dāpeti, yaṁ vā tam vā adatvā pañītam piṇḍapātam dassāmī”ti, gharā nikhamma paccekabuddham pañcapati-ṭṭhitena vanditvā pattam ādāya antonivesane paññattāsane nisidāpetvā suparisuddhehi sālitaṇḍulehi bhattam sampādetvā tadanurūpam khādaniyam byañjanam supeyyañca sallakkhetvā pattam pūretvā bahi gandhehi samalañkaritvā pacceka-buddhassa hatthesu (1.0148) patiṭṭhapetvā vandi. Paccekabuddho- “aññesampi paccekabuddhānam saṅgaham karissāmī”ti aparibhuñjitvā anumodanam katvā pakkāmi. Sopi kho setṭhi bāhirato āgacchanto paccekabuddham disvā mayam “tumhākam piṇḍapātam dethā”ti vatvā pakkantā, api vo laddhoti? Āma, setṭhi laddhoti. “Passāmī”ti gīvam ukkhipitvā olokesi. Athassa piṇḍapātagandho uṭṭha-hitvā nāsāpuṭam pahari. So cittam samyametum asakkonto pacchā vippatisārī āhosīti.

Varametanti-ādi vippatisārassa uppannākāradassanam. Bhātu ca pana ekaputtakam sāpateyyassa kāraṇā jīvitā voropesīti tadā kirassa avibhatteyeva kuṭumbe mātāpitaro ca jetṭhabhātā ca kālamakaṁsu. So bhātujāyāya saddhimyeva samvāsam kappesi. Bhātu panassa ekoutto hoti, tam vīthiyā kīlantam manussā vadanti- “ayaṁ dāso ayaṁ dāsī idam yānam idam dhanam tava santakan”ti. So tesam katham gahetvā- “ayaṁ dāso mayham santakan”ti-ādīni katheti.

Athassa cūlapitā cintesi- “ayaṁ dārako idāneva evam kathesi, mahallakkakāle kuṭumbaṁ majhe bhindāpeyya, idānevassa kattabbam karissāmī”ti ekadivasam vāsim ādāya- “ehiputta, araññam gacchāmā”ti tam araññam netvā viravantam viravantam māretvā āvāṭe pakkhipitvā pañsunā paṭicchādesi. Idam sandhāyetam vuttam. **Sattakkhattunti** sattavāre. Pubbapacchimacetanāvasena cettha attho veditabbo. Ekapiṇḍapātadānasmiñhi ekāva cetanā dve paṭisandhiyo na deti, pubbapacchimacetanāhi panesa sattakkhattum sagge, sattakkhattum setṭhikule nibbatto. **Purāṇanti** paccekasambuddhassa dinnapiṇḍapātacetanākammam.

Pariggahanti pariggahitavatthu. **Anujīvinoti** ekam mahākulam nissāya paññā-sampi saññhipi kulāni jīvanti, te manusse sandhāyetam vuttam. **Sabbam nādāya gantabbanti** sabbametam na ādiyitvā gantabbaṁ. **Sabbam nikhippagāminanti** sabbametam nikhippasabhāvam, pariccajtabbasabhāvamevāti attho. Dasamam.

Dutiyo vaggo.

3. Tatiyavaggo

1. Puggalasuttavaññanā

132. Tatiyavaggassa (1.0149) paṭhame “nīce kule paccājāto”ti-ādikena tamena yuttoti **tamo**. Kāyaduccaritādīhi puna nirayatamūpagamanato **tamaparāyaṇo**. Iti ubhayenapi khandhatamova kathito hoti. “Ucce kule paccājāto”ti-ādikena jotiñā yuttato **joti**, ālokībhūtoti vuttam hoti. Kāyasucaritādīhi puna saggūpapattijotibhāvū-pagamanato **jotiparāyaṇo**. Iminā nayena itarepi dve veditabbā.

Venakuleti vilivakārakule. **Nesādakuleti** migaluddakādīnaṁ kule. **Rathakārakuleti** cammakārakule. **Pukkusakuleti** pupphachaḍḍakakule. **Kasiravuttiketi** dukkhavuttike. **Dubbaññoti** paññupisācako viya jhāmakhānuvañño. **Duddasikoti** vijātamātuyāpi amanāpadassano. **Okoṭimakoti** lakuṇḍako. **Kāññoti** ekakkhikāṇo vā ubhaya-kkhikāṇo vā. **Kuṇñiti** ekahatthakuṇī vā ubhayahatthakuṇī vā. **Khaññoti** ekapāda-khañjo vā ubhayapādakhañjo vā. **Pakkhahatoti** hatapakkho pīṭhasappī. **Padīpeyyassāti** telakapallakādino padīpa-upakaraṇassa. **Evam kho, mahārājāti** ettha eko puggalo bahiddhā ālokaṁ adisvā mātukucchismiṁyeva kālam katvā apāyesu nibbattanto sakalam kappampi saṁsarati, so pi tamotamaparāyaṇova. So pana kuhakapuggalo bhaveyya. Kuhakassa hi evarūpā nibbatti hotīti vuttam.

Ettha ca “nīce kule paccājāto hoti cañḍālakule vā”ti-ādīhi āgamanavipatti ceva pubbuppannapaccayavipatti ca dassitā. **Daliddeti**-ādīhi pavattapaccayavipatti. **Kasiravuttiketi**-ādīhi ājīvupāyavipatti. **Dubbaññoti**-ādīhi (1.0150) attabhāvavipatti. **Bavhābādhōti**-ādīhi dukkhakāraṇasamāyogo. **Na lābhīti**-ādīhi sukhakāraṇavipatti ceva upabhogavipatti ca. **Kāyena duccaritanti**-ādīhi tamaparāyaṇabhāvassa kāraṇasamāyogo. **Kāyassa bhedāti**-ādīhi samparāyikatamūpagamo. Sukkapakkho vuttapaṭipakkhanayena veditabbo.

Akkosatīti dasahi akkosavatthūhi akkosati. **Paribhāsatīti**, “kasmā tiṭṭhatha? Kim tumhehi amhākam kasikammādīni katānī”ti-ādīhi? Paribhavavacanehi paribhāsati. **Rosakoti** ghaṭṭako. **Abyaggamanasoti** ekaggacitto. Paṭhamam.

2. Ayyikāsuttavaññanā

133. Dutiyē **jīññāti** jarājīññā. **Vuḍḍhāti** vayovuḍḍhā. **Mahallikāti** jātimahallikā.

Addhagatāti addham̄ cirakālam̄ atikkantā. **Vayo-anuppattāti** pacchimavayam̄ sampattā. **Piyā manāpāti** rañño kira mātari matāya ayyikā mātuṭṭhāne ṭhatvā paṭijaggi, tenassa ayyikāya balavapemam̄ uppajji. Tasmā evamāha. **Hathiratanenāti** satasahassagghanako hathī satasahassagghanakena alaṅkārena alaṅkato hathiratanam̄ nāma. **Assaratanepi** eseva nayo. **Gāmavaropi** satasahassuṭṭhānakāmova. **Sabbāni tāni bhedanadhammānīti** tesu hi kiñci kariyamānameva bhijjati, kiñci katapariyositam̄ cakkato anapanitameva, kiñci apanetvā bhūmiyam̄ ṭhapitamattam̄, kiñci tato param̄, evameva sattesupi koci paṭisandhiṃ gahetvā marati, koci mūltagabbhāya mātari mātukucchito anikkhantova, koci nikkhanta-matto, koci tato paranti. Tasmā evamāha. Dutiyam̄.

134. Tatiye sabbam̄ uttānameva. Tatiyam̄.

4. Issattasuttavaṇṇanā

135. Catutthassa aṭṭhuppattiko nikkhepo. Bhagavato kira paṭhamabodhiyam̄ mahālābhasakkāro udapādi bhikkhusaṅghassa ca. Titthiyā hatalābhasakkārā hutvā kulesu evam̄ kanthentā vicaranti- “samaṇo gotamo (1.0151) evamāha, ‘mayhameva dānam̄ dātabbam̄, na aññesam̄ dānam̄ dātabbam̄. Mayhameva sāvakānam̄ dānam̄ dātabbam̄, na aññesam̄ sāvakānam̄ dānam̄ dātabbam̄. Mayhameva dinnam̄ mahapphalam̄, na aññesam̄ dinnam̄ mahapphalam̄. Mayhameva sāvakānam̄ dinnam̄ mahapphalam̄, na aññesam̄ sāvakānam̄ dinnam̄ mahapphalan̄ti. Yuttam̄ nu kho sayampi bhikkhācāranissitena paresam̄ bhikkhācāranissitānam̄ catunnam̄ paccayānam̄ antarāyam̄ kātum, ayuttam̄ karoti ananucchavikan”-ti. Sā kathā pattharamānā rājakulam̄ sampattā. Rājā sutvā cintesi- “aṭṭhānametam̄ yaṃ tathāgato paresam̄ lābhantarāyam̄ kareyya. Ete tathāgatassa alābhāya aya-sāya parisakkanti. Sacāham̄ idheva ṭhatvā ‘mā evam̄ avocutta, na satthā evam̄ kathetī’ti vadeyyam̄, evam̄ sā kathā nijjhattim̄ na gaccheyya, imassa mahājanassa sannipatitakāleyeva nam̄ nijjhāpessāmī”ti ekam̄ chaṇadivasam̄ āgamento tuṇhī ahosi.

Aparena samayena mahāchaṇe sampatte “ayaṃ imassa kālo”ti nagare bherim̄ carāpesi- “saddhā vā assaddhā vā sammāditṭhikā vā micchāditṭhikā vā geharakkhake dārake vā mātugāme vā ṭhāpetvā avasesā ye vihāram̄ nāgacchanti, paññāsam̄ daṇḍo”ti. Sayampi pātova nhatvā katapātarāso sabbābharaṇapatiṇḍito mahatā balakāyena saddhiṃ vihāram̄ agamāsi. Gacchanto ca cintesi- “bhagavā tumhe kira evam̄ vadatha ‘mayhameva dānam̄ dātabbam̄ ...pe... na aññesam̄ sāvakānam̄ dinnam̄ mahapphalan̄ti evam̄ pucchitum̄ ayuttam̄, pañhameva pucchissāmi, pañham̄ kathento ca me bhagavā avasāne titthiyānam̄ vādam̄ bhañjissatī”ti. So pañham̄ pucchanto **kattha nu kho, bhante, dānam̄ dātabbanti** āha. **Yatthāti** yasmiṃ puggale cittam̄ pasidati, tasmiṃ dātabbam̄, tassa vā dātabbanti attho.

Evam̄ vutte rājā yehi manussehi titthiyānam̄ vacanam̄ ārocitaṃ, te olokesi. Te raññā olokita-mattāva maṇkubhūtā adhomukhā pādaṅguṭṭhakena bhūmim̄ lekha-

mānā atṭhamṣu. Rājā- “ekapadeneva, bhante, hatā titthiyā”ti mahājanam sāvento mahāsaddena abhāsi. Evañca pana bhāsitvā- “bhagavā cittam nāma niganṭhāce-lakaparibbājakādīsu yattha katthaci pasīdati (1.0152), kattha pana, bhante, dinnam mahapphalan”ti pucchi. **Aññam kho etanti**, “mahārāja, aññam tayā paṭhamam pucchitam, aññam pacchā, sallakkhehi etam, pañhākathanaṁ pana mayham bhāro”ti vatvā **sīlavato khoti-ādimāha**. Tattha idha tyassāti idha te assa. **Samupabyūḥoti** rāsibhūto. **Asikkhitoti** dhanusippe asikkhito. **Akatahatthoti** muṭṭhibandhā-divasena asampāditahattho. **Akatayoggoti** tiṇapuñjamattikāpuñjādīsu akatapari-cayo. **Akatūpāsanoti** rājarājamahāmattānam adassitasarakkhepo. **ChambhīTi** pavedhitakāyo.

Kāmacchando pahīnoti-ādīsu arahattamaggena kāmacchando pahīno hoti, anā-gāmimaggena byāpādo, arahattamaggeneva thinamiddham, tathā uddhaccam, tatiyeneva kukuccam, paṭhamamaggena vicikicchā pahīnā hoti. **Asekkhena sīlakkhandhenāti** asekkhassa sīlakkhandho asekkho sīlakkhandho nāma. Esa nayo sabbattha. Ettha ca purimehi catūhi padehi lokiyalokuttarasīlasamādhipaññāvimi-ttiyo kathitā. Vimuttiñāṇadassanaṁ paccavekkhaṇañāṇam hoti, tam lokiya meva.

Issattanti ususippam. **Balavīriyanti** ettha balam nāma vāyodhātu, **vīriyam** kāyika-cetasikavīriyameva. **Bhareti bhareyya.** **Nāsūram jātipaccayāti**, “ayam jātisampa-nno”ti evam jātikāraṇā asūram na bhareyya.

Khantisoraccanti ettha **khantīti** adhivāsanakhanti, **soraccanti** arahattam. **Dhammāti** ete dve dhammā. **Assameti** āvasathe. **Vivaneti** araññaṭṭhāne, nirudake araññe caturassapokkharāṇi-ādīni kārayeti attho. **Duggeti** visamaṭṭhāne. **Saṅkama-nānīTi** paññāsahatthasaṭṭhihatthāni samokiṇṇaparisuddhavālikāni saṅkamanāni kareyya.

Idāni etesu araññasenāsanesu vasantānam bhikkhūnam bhikkhācāravattam ācikkhanto **annam pānanti-ādimāha**. Tattha **senāsanānīti** mañcapīṭhādīni. **Vippa-nnenāti** khīṇāsavassa dentopi sakaṅkhena kilesamalinena cittena adatvā vippa-nneneneva cittena dadeyya. **Thanayanti** gajjanto. **Satakkakūti** satasikharo, anekakū-toti attho. **Abhisāṅkhaccāti** abhisāṅkharitvā samodhānetvā rāsim katvā.

Āmodamānoti (1.0153) tuṭṭhamānaso hutvā. **Pakireti** Ti dānagge vicirati, pakiranto viya vā dānam deti. **Puññadhārāti** anekadānacetanāmayā puññadhārā. **Dātāram abhivassatīti** yathā ākāse samuṭṭhitameghato nikkhantā udakadhārā pathavim sinehayantī tementī kiledayantī abhivassati, evameva ayampi dāyakassa abbhantare uppannā puññadhārā tameva dātāram anto sineheti pūreti abhisandeti. Tena vuttam “dātāram abhivassatī”ti. Catuttham.

5. Pabbatūpamasuttavaṇṇanā

136. Pañcame **muddhāvasittānanti** khattiyābhisekena muddhani avasittānam katābhisekānam. **Kāmagedhapariyuṭṭhitānanti** kāmesu gedhena pariyuṭṭhitānam abhibhūtānam. **Janapadatthāvariyyappattānanti** janapade thirabhāvappattānam. **Rājakaraṇīyānīti** rājakammāni rājūhi kattabbakiccāni. **Tesu khvāhanti** tesu aham. **Usukkamāpannoti** byāpāram āpanno. Esa kira rājā divasassa tikkhattum bhagavato upaṭṭhānam gacchati, antarāgamanāni bahūnipi honti. Tassa nibaddham gacchato balakāyo mahāpi hoti appopi. Athekadivasam pañcasatā corā cintayimsu- “ayaṁ rājā avelāya appena balena samaṇassa gotamassa upaṭṭhānam gacchati, antarāmagge nam gaheṭvā rajjam gaṇhissāmā”ti. Te andhavane niliyimsu. Rājāno ca nāma mahāpuññā honti. Atha tesamyeva abbhantarato eko puriso nikkhamitvā rañño ārocesi. Rājā mahantaṁ balakāyam ādāya andhavanam parivāretvā te sabbe gaheṭvā andhavanato yāva nagaradvārā maggassa ubhosu passesu yathā aññamaññaṁ cakkhunā cakkhum upanibandhitvā olokenti, evam āsannāni sūlāni ropāpetvā sūlesu uttāsesi. Idam sandhāya evamāha.

Atha satthā cintesi- “sacāhaṁ vakkhāmi, ‘mahārāja, mādise nāma sammāsammbuddhe dhuravihāre vasante tayā evarūpaṁ dāruṇam kammaṁ kataṁ, ayuttam te katan’ti, athāyaṁ rājā mañku hutvā santhambhitum na sakkuṇeyya, pariyāyena dhammaṁ kathentasseva me sallakkhessati”ti dhammadesanam ārabhanto (1.0154) **tam kiṁ maññasīti-ādimāha.** Tattha **saddhāyikoti** saddhātabbo, yassa tvam vacanam saddahasīti attho. **Paccayikoti** tasseva vevacanam, yassa vacanam pattiyāyasīti attho. **Abbhāsamanti** ākāsasamam. **Nippothento** āgacchatīti pathavitalato yāva akaniṭṭhabrahmalokā sabbe satte sañhakaraṇīyam tiṇacuṇṇam viya karonto pisanto āgacchati.

Aññatra dhammacariyāyāti ṭhapetvā dhammacariyam aññam kātabbam natthi, dasakusalakammapathasaṅkhātā dhammacariyāva kattabbā, bhanteti- **samacariyādīni** tasseva vevacanāni. **Ārocemīti** ācikkhāmi. **Paṭivedayāmīti** jānāpemi. **Adhivattatīti** ajjhōttharati. **Hathiyuddhānīti** nālāgirisadise hemakappane nāge abhiruyha yujjhitabbayuddhāni. **Gatīti** nipphatti. **Visayoti** okāso, samathabhbāvo vā. Na hi sakkā tehi jarāmaraṇam paṭibāhitum. **Mantino** mahāmattāti mantasampannā mahosadhadvidhurapaṇḍitādisadisā mahā-amaccā. **Bhūmigatanti** mahālohaku-mbhiyo pūretvā bhūmiyam ṭhāpitam. **Vehāsatṭhanti** cammapasibbake pūretvā tulā-saṅghāṭādisu laggetvā ceva niyyuhādīsu ca pūretvā ṭhāpitam. **Upalāpetunti** aññamaññaṁ bhinditum. Yathā dve janā ekena maggena na gacchanti evam kātum.

Nabham āhaccāti ākāsam pūretvā. **Evaṁ jarā ca maccu cāti** idha dveyeva pabbatā gahitā, rājovāde pana “jarā āgacchati sabbayobbanam vilumpamānā”ti evam jarā maraṇam byādhi vipattīti cattāropete āgatāva. **Tasmāti** yasmā hatthiyuddhādīhi jarāmaraṇam jinitum na sakkā, tasmā. **Saddham nivesayeti** saddham niveseyya, patiṭṭhāpeyyāti. Pañcamam.

Tatiyo vaggo.

Iti sāratthappakāsiniyā

Samyuttanikāya-aṭṭhakathāya

Kosalasamyuttavaṇṇanā niṭhitā.

4. Mārasamyuttam

1. Paṭhamavaggo

1. Tapokammmasuttavaṇṇanā

137. Mārasamyuttassa (1.0155) paṭhame **uruvelāyaṁ viharatīti** paṭividdhasabba-ñutaññāṇo uruvelagāmaṁ upanissāya viharati. **Paṭhamābhisambuddhoti** abhisambuddho hutvā paṭhamam antosattāhasmiṃyeva. **Dukkarakārikāyāti** chabbassāni katāya dukkarakārikāya. **Māro pāpimāti** attano visayaṁ atikkamitum paṭipanne satte māretīti **māro**. Pāpe niyojeti, sayam vā pāpe niyuttoti **pāpimā**. Aññānipissa kaṇho, adhipati, vasavattī, antako, namuci, pamattabandhūti-ādīni bahūni nāmāni, idha pana nāmadvayameva gahitam. **UpasāṅkamīTi-** “ayaṁ samaṇo gotamo ‘muttosmī’ti maññati, amuttabhāvamassa kathessāmī”ti cintetvā upasāṅkami.

Tapokammā apakkammāti tapokammato apakkamitvā. **Aparaddhoti** “dūre tvam suddhimaggā”ti vadati. **Amaram tapanti** amaratapam amarabhāvatthāya kataṁ lūkhataepam, attakilamathānuyogo. **Sabbānatthāvaham hotīti**, “sabbam tapam mayham atthāvaham na bhavatī”ti ñatvā. **Phiyārittamva dhammanīti** araññe thale phiyārittam viya. Idam vuttam hoti- yathā araññe thale nāvam ṭhapetvā bhaṇḍassa pūretvā mahājanā abhirūhitvā phiyārittam gahetvā samkaḍḍheyyum ceva uppīleyyum ca, so mahājanassa vāyāmo ekaṅguladvaṅgulamattampi nāvaya gamanaṁ asādhento niraththako bhaveyya na anathāvaho, evameva aham ‘sabbam amaram tapam anathāvaham hotīti ñatvā vissajjesinti.

Idāni (1.0156) tam amaram tapam pahaya yena maggena buddho jāto, tam dassento sīlanti-ādimāha. Tattha sīlanti vacanena sammāvācākammantājīvā gahitā, samādhinā sammāvāyāmasatisamādhayo, paññāya sammādiṭṭhisāṅkappā. Maggam bodhāya bhāvayanti imaṁ atṭhaṅgikameva ariyamaggam bodhatthāya bhāvayanto. Ettha ca bodhāyāti maggatthāya. Yathā hi yāgutthāya yāgumeva pacanti, pūvatthāya pūvameva pacanti, na aññam kiñci karonti, evam maggameva maggatthāya bhāveti. Tenāha “maggam bodhāya bhāvayan”ti. Paramam suddhīti arahattam. Nihatoti tvam mayā nihato parājito. Paṭhamam.

2. Hatthirājavāṇṇasuttavaṇṇanā

138. Dutiye rattandhakāratimisāyanti rattiṁ andhabhāvakārake mahātame catu-raṅge tamasi. Abbhokāse nisinno hotīti gandhakuṭito nikhamitvā caṅkamanakoṭiyam pāsāṇaphalake mahācīvaraṁ sīse ṭhapetvā padhānam pariggaṇhamāno nisinno hoti.

Nanu ca tathāgatassa abhāvito vā maggo, appahīnā vā kilesā, appaṭividdham vā akuppam, asacchikato vā nirodho natthi, kasmā evamakāsīti? Anāgate kulaputtānam aṅkusattham. “Anāgate hi kulaputtā mayā gatamaggam āvajjivā abbhokāsavāsam vasitabbaṁ maññamānā padhānakammam karissanti”ti sampassamāno satthā evamakāsi. Mahāti mahanto. Ariṭṭhakoti kālako. Maṇīti pāsāṇo. Evamassa sīsam hotīti evarūpam tassa kālavaṇṇam kūṭagārappamāṇam mahāpāsāṇasādisam sīsam hoti.

Subhāsubhanti dīghamaddhānam saṁsaranto sundarāsundaram vaṇṇam katvā āgatosīti vadati. Atha vā saṁsaranti saṁsaranto āgacchanto. Dīghamaddhānantī vasavattiṭṭhānato yāva uruvelāya dīghamaggam, pure bodhāya vā chabbassāni dukkarakārikasamayasaṅkhātam dīghakālam. Vaṇṇam katvā subhāsubhanti sundarañca asundarañca nānappakāram vaṇṇam katvā anekavāram mama santikam āgatosīti attho. So kira vaṇṇo nāma natthi, yena (1.0157) vaṇṇena māro vibhīṣakatthāya bhagavato santikam na āgatapubbo. Tena tam bhagavā evamāha. Alām te tenāti alām tuyham etena māravibhīṣākāradassana-byāpārena. Dutiyam.

3. Subhasuttavaṇṇanā

139. Tatiye susaṁvutāti supihitā. Na te māravasānugāti, māra, te tuyham vasānugā na honti. Na te mārassa baddhagūti te tuyham mārassa baddhacarā sissā antevāsikā na honti. Tatiyam.

4. Paṭhamamārapāsasuttavaṇṇanā

140. Catutthe yoniso manasikārāti upāyamanasikārena. Yoniso sammappadhānāti upāyavīriyena kāraṇavīriyena. Vimuttīti arahattaphalavimutti. Ajjhabhāsīti

“ayam attanā vīriyam katvā arahattam patvāpi na tussati, idāni aññesampi ‘pāpu-nāthā’ti ussāham karoti, paṭibāhessāmi nan”ti cintetvā abhāsi.

Mārapāsenāti kilesapāsena. **Ye dibbā ye ca mānusāti** ye dibbā kāmaguṇasaṅkhātā mānusā kāmaguṇasaṅkhātā ca mārapāsā nāma atthi, sabbehi tehi tvām baddhoti vadati. **Mārabandhanabaddhoti** mārabandhanena baddho, mārabandhane vā baddho. **Na me samaṇa mokkhasīti** samaṇa tvām mama visayato na muccissasi. Catuttham.

5. Dutiyamārapāsasuttavaṇṇanā

141. Pañcame **muttāhanti** mutto aham. Purimam suttam antovasse vuttaṁ, idam pana pavāretvā vuṭṭhavassakāle. **Cārikanti** anupubbagamanacārikam. (pavāretvā) divase divase yojanaparamam gacchantā carathāti vadati. **Mā ekena dveti** ekamaggena dve janā mā agamittha. Evañhi gatesu ekasmim dhammam desente, ekena tuṇhībhūtena thātabbam hoti. Tasmā evamāha.

Ādikalyāṇanti ādimhi kalyāṇam sundaram bhaddakam. Tathā majjhapariyosānesu. Ādimajjhapariyosānañca nāmetam sāsanassa ca desanāya ca (1.0158) vasena duvidham. Tattha sāsanassa sīlam ādi, samathavipassanāmaggā majjham, phalanibbānāni pariyośānam. Sīlasamādhayo vā ādi, vipassanāmaggā majjham, phalanibbānāni pariyośānam. Sīlasamādhivipassanā vā ādi, maggo majjham, phalanibbānāni pariyośānam. Desanāya pana catuppadikāya gāthāya tāva paṭhamapādo ādi, dutiyatatiyā majjham, catuttho pariyośānam. Pañcapadachappadānam paṭhamapādo ādi, avasānapādo pariyośānam, avasesā majjham. Ekānusandhikasuttassa nidānam ādi, “idamavocā”ti pariyośānam, sesam majjham. Anekānusandhikassa majhe bahūpi anusandhi majhameva, nidānam ādi, “idamavocā”ti pariyośānam.

Sātthanti sātthakam katvā desetha. **Sabyañjananti** byañjanehi ceva padehi ca paripūram katvā desetha. **Kevalaparipuṇṇanti** sakalaparipuṇṇam. **Parisuddhanti** nirupakkilesam. **Brahmacariyanti** sikkhattayasaṅgaham sāsanabrahmacariyam. **Pakāsethāti** āvikarotha.

Apparajakkhajātikāti paññācakkhumhi appakilesarajasabhāvā, dukūlasāṇiyā paṭicchannā viya catuppadikagāthāpariyosāne arahattam pattum samatthā santīti attho. **Assavanatāti** assavanatāya. **Parihāyantīti** alābhaparihāniyā dhammato pari-hāyanti. **Senānigamoti** paṭhamakappikānam senāya niviṭṭhokāse patiṭṭhitagāmo, sujātāya vā pitu senānī nāma nigamo. **Tenupasaṅkamissāmīti** nāham tumhe

uyyojetvā pariveṇādīni kāretvā upaṭṭhākādīhi paricariyamāno viharissāmi, tiṇṇam pana jatilānam addhuḍḍhāni pāṭihāriyasahassāni dassetvā dhammadmeva desetum upasaṅkamissāmīti. **Tenupasaṅkamīti**, “ayaṁ samaṇo gotamo mahāyuddhaṁ vicārento viya, ‘mā ekena dve agamittha, dhammaṁ desethā’ti saṭṭhi jane uyyojeti, imasmim pana ekasmimpi dhammaṁ desente mayhaṁ cittassādaṁ natthi, evam bahūsu desentesu kuto bhavissati, paṭibāhāmi nan”ti cintetvā upasaṅkami. Pañcamam.

6. Sappasuttavaṇṇanā

142. Chaṭṭhe **sonḍikākilañjanti** surākārakānam piṭṭhapattharaṇakilañjam. Kosalikā **kaṁsapātīti** kosalarañño rathacakkappamāṇā paribhogapāti (1.0159). **Gaṭagālāyanteti** gajjante. **Kammāragaggariyāti** kammāruddhanapaṇāliyā. **Dhamamānāyāti** bhastavātena pūriyamānāya. **Iti viditvāti** – “samaṇo gotamo padhānamanuyutto sukhena nisinno, ghaṭṭayissāmi nan”ti vuttappakāram attabhāvam māpetvā niyāmabhūmiyam ito cito ca sañcarantam vijjulatālokena disvā, “ko nu kho eso satto”ti? Āvajjento, “māro ayan”ti evam viditvā.

Suññagehānīti suññāgārāni. **Seyyāti** seyyatthāya. Thassāmi caṅkamissāmi nisidissāmi nipajjissāmīti etadatthāya yo suññāgārāni sevatīti attho. **So muni attasaññatoti** so buddhamuni hatthapādakukkuccābhāvena samyatattabhāvo. **Vossajja careyya tattha soti** so tasmiṁ attabhāve ālayam nikantiṁ vossajjivtā pahāya careyya. **Patirūpaṁ hi tathāvidhassa tanti** tādisassa tamṣaṇṭhitassa buddhamunino tam attabhāve nikantiṁ vossajjivtā caraṇam nāma patirūpaṁ yuttam anucchavikam.

Carakāti sīhabyagghādikā sañcaraṇasattā. **Bheravāti** saviññāṇaka-aviññāṇaka-bheravā. Tattha saviññāṇakā sīhabyagghādayo, aviññāṇakā rattibhāge khānuvammikādayo. Tepi hi tasmiṁ kāle yakkhā viya upaṭṭhahanti, rajuvaliyādīni sabbāni sappā viya upaṭṭhahanti. **Tatthāti** tesu bheravesu suññāgāragato buddhamuni lomacalanamattakampi na karoti.

Idāni atṭhānaparikappam dassento **nabham phaleyyāti-ādimāha**. Tattha **phaleyyāti** kākapadam viya hīrahīraso phaleyya. **Caleyyāti** pokkharapatte vātāhato udakindu viya caleyya. **Sallampi ce urasi pakappayeyyunti** tikhiṇasattisallam cepi urasmiṁ cāreyeyyum. **Upadhīsūti** khandhūpadhīsu. **Tāṇam na karontīti** tikhiṇe salle urasmiṁ cāriyamāne bhayena gumbantarakandarādīni pavisantā tāṇam karonti nāma. Buddhā pana samucchinnasabbabayā evarūpaṁ tāṇam nāma na karonti. Chaṭṭham.

7. Supatisuttavaṇṇanā

143. Sattame (1.0160) **pāde pakkhāletvāti** utugāhāpanattham dhovitvā. Buddhānam pana sarīre rajojallam na upalimpati, udakampi pokkharapatte pakkhittam viya vivatṭitvā gacchati. Apica kho dhotapādake gehe pāde dhovitvā

pavisanam pabbajitānam vattam. Tattha buddhānam vattabhedo nāma natthi, vattasīse pana ṭhatvā dhovanti. Sace hi tathāgato neva nhāyeyya, na pāde dhoveyya, “nāyam manusso”ti vadeyyum. Tasmā manussakiriyaṁ amūñcanto dhovati. **Sato sampajānoti** soppapariggāhakena satisampajaññena samannāgato. **Upasaṅkamīti** samaṇo gotamo sabbarattim abbhokāse caṅkamitvā gandhakuṭim pavisitvā niddāyati, ativiya sukhasayito bhavissati, ghaṭṭayissāmi nanti cintetvā upasaṅkami.

Kiṁ soppasīti kiṁ supasi, kiṁ soppam nāmidam tavāti vadati. **Kiṁ nu soppasīti** kasmā nu supasi? **Dubbhago viyāti** mato viya, visaññī viya ca. **Suññamagāranti** suññam me gharam laddhanti soppasīti vadati. **Sūriye uggeteti** sūriyamhi uṭṭhite. Idāni hi aññe bhikkhū sammajjanti, pānīyam upaṭṭhapenti, bhikkhācāragamana-sajjā bhavanti, tvam kasmā soppasiyeva.

Jālinīti tayo bhave ajjhottaritvā ṭhitena “ajjhattikassupādāya aṭṭhārasatañhāvicaritāni”ti-ādinā (vibha. 842) tena tena attano koṭṭhāsabhūtena jālena jālinī. **Visattikāti** rūpādīsu tattha tattha visattatāya visamūlatāya visaparibhogatāya ca visattikā. **Kuhiñci netaveti** katthaci netum. **Sabbūpadhi parikkhayāti** sabbesam khandhakilesābhisaṅkhārakāmaguṇabhedānam upadhīnam parikkhayā. **Kiṁ tavettha, mārāti,** māra, tuyham kiṁ ettha? Kasmā tvam uṇhayāguyam niliyitum asakkontī khuddakamakhikā viya antanteneva ujjhāyanto āhiṇḍasīti. Sattamam.

8. Nandatisuttavaṇṇanā

144. Aṭṭhamam devatāsaṁyutte vuttatthameva. Aṭṭhamam.

9. Paṭhama-āyusuttavaṇṇanā

145. Navame (1.0161) appam vā bhiyyoti bhiyyo jīvanto aparam vassasataṁ jīvitum na sakkoti, paññāsam vā saṭṭhi vā vassāni jīvati. **Ajhabhāsi** Ti samaṇo gotamo “manussānam appamāyū”ti katheti, dīghabhāvamassa kathessāmīti paccanikasātatāya abhibhavitvā abhāsi.

Na nam hile Ti tam āyum “appakamidan”ti na hileyya. **Khīramatto vāti** yathā daharo kumāro uttānaseyyako khīram pivitvā dukūlacumbaṭake nipanno asaññī viya niddāyati, kassaci āyum appam vā dīgham vāti na cinteti, evam sappuriso. **Careyyādittasīso vāti** āyum parittanti īnatvā pajjalitasīso viya careyya. Navamam.

10. Dutiya-āyusuttavaṇṇanā

146. Dasame nemīva rathakubbaranti yathā divasam gacchantassa rathassa cakkanemi kubbaram anupariyāyati na vijahati, evam āyu anupariyāyatīti. Dasamam.

Paṭhamo vaggo.

2. Dutiyavaggo

1. Pāsāṇasuttavaṇṇanā

147. Dutiyavaggassa paṭhame **nisinnoti** pubbe vuttanayeneva padhānam pari-gaṇhanto nisinno. Māropissa sukanisinnabhāvam ītvā ghaṭṭayissāmīti upasaṅkamanto. **Padālesīti** pabbatapiṭṭhe ṭhatvā pavijjhi. Pāsāṇā nirantarā aññamaññam abhihanantā patanti. **Kevalanti** sakalam. **Sabbanti** tasseva vevacanam. Paṭhamam.

2. Kinnusīhasuttavaṇṇanā

148. Dutiye **vicakkhukammāyāti** parisāya paññācakkhum vināsetukamyatāya. Buddhānam panesa paññācakkhum vināsetum na sakkoti, parisāya bheravāra-mmaṇam (1.0162) sāvento vā dassento vā sakkoti. **Vijitāvī nu maññasīti** kiṁ nu tvam “vijitavijayo ahan”ti maññasi? Mā evam maññi, natthi te jayo. **Parisāsūti**, atṭhasu parisāsu. **Balappattāti** dasabalappattā. Dutiyam.

3. Sakalikasuttavaṇṇanā

149. Tatiye **mandiyā nūti** mandabhāvena momūhabhāvena. **Udāhu kāveyyamattoti** udāhu yathā kavi kabbam cintento tena kabbakaraṇena matto sayati, evam sayasi. **Sampacurāti** bahavo. **Kimidam soppase vāti** kasmā idam soppam soppasiyeva? **Attham sameccāti** attham samāgantvā pāpuṇitvā. Mayham hi asaṅgaho nāma saṅgahavipanno vā attho natthi. **Sallanti tikhīṇam** sattisallam. **Jaggam na saṅketi** yathā ekacco sīhapathādīsu jagganto saṅkati, tathā aham jaggantopi na saṅkāmi. **Napi bhemi sottunti** yathā ekacco sīhapathādīsuyeva supitum bhāyati, evam aham supitumpi na bhāyāmi. **Nānutapanti māmanti** yathā ācariyassa vā antevāsikassa vā aphāsuke jāte uddesaparipucchāya ṭhitattā antevāsim rattindivā atikkamantā anutapanti, evam mām nānutapanti. Na hi mayham kiñci apariniṭṭhitakammam nāma atthi. Tenevāha **hāṇīm na passāmi kuhiñci loketi**. Tatiyam.

4. Patirūpasuttavaṇṇanā

150. Catutthe **anurodhavirodhesūti** rāgapatiṭghesu. **Mā sajjittho tadācaranti** evam dhammadkatham ācaranto mā laggi. Dhammadkatham kathentassa hi ekacce sādhukāram dadanti, tesu rāgo uppajjati. Ekacce asakkaccam suṇanti, tesu paṭigho uppajjati. Iti dhammadkathiko anurodhavirodhesu sajjati nāma. Tvam evam mā sajjitthoti vadati. **Yadaññamanusāsatīti** yam aññam anusāsatī, tam. Sambuddho hitānukampī hitena anupakampati. Yasmā ca hitānukampī (1.0163),

tasmā anurodhavirodhehi vippamutto tathāgatoti. Catuttham.

5. Mānasasuttavaṇṇanā

151. Pañcame ākāse carantepi bandhatīti **antalikkhacaro**. Pāsoti rāgapāso. **Mānasoti** manasampayutto. Pañcamam.

6. Pattasuttavaṇṇanā

152. Chatthe pañcannam upādānakkhandhānam upādāyāti pañca upādānakkhandhe ādiyitvā, sabhāvasāmaññalakkhaṇavasena nānappakārato vibhajitvā dassento. **Sandassetīti** khandhānam sabhāvalakkhaṇādīni dasseti. **Samādapetīti** gaṇhāpeti. **Samuttejetīti** samādānamhi ussāham janeti. **Sampahamsetīti** paṭividdhaguṇena vodāpeti jotāpeti. **Aṭṭhim katvāti** atthikam katvā, “ayam no adhigantabbo attho”ti evam sallakkhetvā tāya desanāya atthikā hutvā. **Manasi katvāti** citte ṭhapetvā. **Sabbacetaso samannāharitvāti** sabbena tena kammakārakacittena samannāharitvā. **Ohitasotāti** ṭhapatīsotā. **Abbhokāse nikkhittāti** otāpanathāya ṭhapatā.

Rūpam vedayitam saññānti, ete rūpādayo tayo khandhā. **Yañca saṅkhatanti** iminā saṅkhārakkhandho gahito. **Evam tattha virajjatīti** “eso aham na homi, etam mayham na hoti”ti passanto evam tesu kandhesu virajjati. **Khemattanti** khemibhūtam attabhāvam. Iminā phalakkhaṇam dasseti. **Anvesanti** bhavayonigatiṭhitisattvāsasaṅkhātesu sabbaṭṭhānesu pariyesamānā. **Nājjhagāti** na passīti. Chatṭham.

7. Chaphassāyatana-suttavaṇṇanā

153. Sattame phassāyatānānti sañjātisamosaraṇaṭhena chadvārikassa phassassa āyatanānam. **Bhayabheravam saddanti** meghadundubhi-asanipātasa-ddasadisam bhajanakam saddam. **Pathavī maññe undriyatīTi** ayam mahāpathavī paṭapaṭasaddam (1.0164) kurumānā viya ahosi. **Ettha loko vimuccitoti** etesu chasu ārammaṇesu loko adhimucchito. **Māradheyanti** mārassa ṭhānabhūtam tebhūmakavaṭṭam. Sattamam.

8. Piṇḍasuttavaṇṇanā

154. Aṭṭhame pāhunakāni bhavantīti tathārūpe

nakhatte tattha tattha pesetabbāni pāhunakāni bhavanti, āgantukapaṇṇākāradā-nāni vā. Sayamcaraṇadivase samavayajātigottā kumārakā tato tato sannipatanti. Kumārikāyopi attano attano vibhavānurūpena alaṅkatā tahaṁ tahaṁ vicaranti. Tatra kumārikāyopi yathārucikānam kumārakānam paṇṇākāram pesenti, kumārakāpi kumārikānam aññasmim asati antamaso mālāguṇenapi parikkhipanti. **Anvāvitthāti** anu āvitthā. Tamdivasaṁ kira pañcasatā kumārikāyo uyyānakīlam gacchantiyo paṭipatthe satthāram disvā chaṇapūvam dadeyyum. Satthā tāsam dānānumodanatthām pakiṇṇakadhammadesaṇam deseyya, desanāpariyosāne sabbāpi sotā-pattiphale patiṭṭhaheyyum. Māro tāsam sampattiyaṁ antarāyaṁ karissāmīti anvāvisi. Pāliyam pana **mā samaṇo gotamo piṇḍamalatthāti** ettakameye vuttanti.

Kim pana satthā mārāvaṭṭanam ajānitvā paviṭṭhoti? Āma ajānitvā. Kasmā? Anāvajjanatāya. Buddhānañhi- “asukaṭṭhāne bhattam labhissāma, na labhissāmā”ti āvajjanam na ananucchavikam. Paviṭṭho pana manussānam upacārabhedam disvā, “kim idan”ti? Āvajjento ṇatvā, “āmisatthām mārāvaṭṭanam bhinditum ananucchavikan”ti abhinditvā nikkhanto.

Upasaṅkamīti amittavijayena viya tuṭṭho sakalagāme kaṭacchumattampi bhattam alabhitvā gāmato nikhamantaṁ bhagavantam gāmiyamanussavesena upasaṅkami. **Tathāham** karissāmīti idam so musā bhāsatī. Evam kirassa ahosi- “mayā evam vutte puna pavisissati, atha nam gāmadārakā ‘sakalagāme caritvā kaṭacchu-bhikkhampi alabhitvā gāmato nikhamma puna paviṭṭhosīti-ādīni (1.0165) vatvā uppandessantīti. Bhagavā pana- “sacāyaṁ mām evam viheṭhessati muddhamasseva sattadhā phalissati”ti tasmiṁ anukampāya apavisitvā gāthādvayamāha.

Tattha **pasavīti** janesi nipphādesi. **Āsajjāti** āsādetvā ghaṭṭetvā. **Na me pāpam vipaccatīti** mama pāpam na paccati. **Nipphalam** etanti kim nu tvam evam maññasi? Mā evam maññi, atthi tayā katassa pāpassa phalanti dīpeti. **Kiñcananti** madditum samatthām rāgakiñcanādi kilesajātam. **Ābhassarā yathāti** yathā ābhassarā devā sappītikajjhānena yāpentā pītibhakkhā nāma honti, evam bhavissāmāti. Aṭṭhamam.

9. Kassakasuttavaṇṇanā

155. Navame nibbānapaṭisamyuttāyāti nibbānam apadisitvā pavattāya. **Haṭhaṭa-kesoti** purimakese pacchato, pacchimakese purato vāmapassakese dakkhiṇato, dakkhiṇapassakese vāmato pharitvā pharitvā vippakiṇṇakeso. **Mama cakkhusa-mphassaviññāṇāyatanaṇanti** cakkhuviññāṇena sampayutto cakkhusamphassopi viññāṇāyatanaṇampi mamevāti. Ettha ca cakkhusamphassena viññāṇasampayuttakā dhammā gahitā, viññāṇāyatanaṇena sabbānipi cakkhudvāre uppannāni āvajjanādiviññāṇāni. Sotadvārādīsupi eseva nayo. Manodvāre pana **manoti** sāvajjanakam bhavaṅgacittam. **Dhammāti** ārammaṇadhammā. **Manosamphassoti** sāvajjanena bhavaṅgena sampayuttaphasso. **Viññāṇāyatanaṇanti** javanacittam tadārammaṇampi vaṭṭati.

Taveva pāpima, cakkhūti yaṁ loke timirakācādīhi upaddutam anekarogāya-

tanaṁ upakkavipakkam antamaso kāṇacakkhupi, sabbam tam taveva bhavatu. Rūpādīsupi eseva nayo.

Yam vadantīti yaṁ bhaṇḍakam “mama idan”ti vadanti. **Ye vadanti mamanti cāti** ye ca puggalā “maman”ti vadanti. **Ettha ce te mano atthīti** etesu ca ṭhānesu yadi cittam atthi. **Na me samaṇa mokkhasīti** samaṇa mayhaṁ visayato na muccissasi. **Yam vadantīti** yaṁ bhaṇḍakam vadanti, na tam mayhaṁ. **Ye vadantīti** yepi puggalā evam vadanti, na te aham. **Na me maggampi dakkhasīti** bhavayonigati-ādīsu mayhaṁ gatamaggampi na passasi. Navamam.

10. Rajasuttavaṇṇanā

156. Dasame (1.0166) **ahanaṁ aghātayanti** ahanantena aghātayantena. **Ajinaṁ ajāpayanti** parassa dhanajānim akarontena akārāpentena. **Asocam asocāpayanti** asocantena asocāpayantena. Iti bhagavā adhammikarājūnam rajje vijite daṇḍakarapīlīte manusse disvā kāruññavasena evam cintesi. **Upasaṅkamīti** “samaṇo gotamo ‘sakkā nu kho rajjaṁ kāretun’ti cintesi, rajjaṁ kāretukāmo bhavissati, rajjañca nāmetam pamādaṭṭhānam, rajjaṁ kārente sakkā otāram labhitum, gacchāmi ussāhamassa janessāmī”ti cintetvā upasaṅkami. **Iddhipādāti** ijhanaka-kotthāsā. **Bhāvitāti** vaḍḍhitā. **Bahulikatāti** punappunaṁ katā. **Yānīkatāti** yutta-yānam viya katā. **Vatthukatāti** patiṭṭhaṭṭhenavatthukatā. **Anuṭṭhitāti** avijahitā niccā-nubaddhā. **Paricitāti** sātaccakiriyāya suparicitā katā issāsassa avirādhitavedhi-hattho viya. **Susamāraddhāti** sūṭhu samāraddhā paripuṇṇabhāvanā. **Adhimucceyyāti** cinteyya.

Pabbatassāti pabbato bhaveyya. **Dvittāvāti** tiṭṭhatu eko pabbato, dvikkhattumpi tāva mahanto suvaṇṇapabbato ekassa nālam, na pariyattoti attho. **Iti vidvā samañcareti** evam jānanto samam careyya. **Yatonidānanti** dukkham nāma pañcakāmaguṇanidānam, tam yatonidānam hoti, evam yo adakkhi. **Katham nameyyāti** so jantu tesu dukkhassa nidānabhūtesu kāmesu kena kāraṇena nameyya. **Upadhim viditvāti** kāmaguṇa-upadhim “saṅgo eso, lagganametan”ti evam viditvā. **Tasseva** jantu **vinayāya sikkheti** tasseeva upadhissa vinayāya sikkheyya. Dasamam.

Dutiyo vago.

3. Tatiyavaggo

1. Sambahulasuttavaṇṇanā

157. Tatiyavaggassa paṭhame **jaṭaṇḍuvenāti** jaṭācumbaṭakena. **Ajinakkhipanivatthoti** sakhuram ajinacammam ekam nivattho ekam pāruto. **Udumbaradaṇḍanti** (1.01 appicchabhāvappakāsanattham īsakam vaṇkam udumbaradaṇḍam gahetvā. **Etada-**

vocāti loke brāhmaṇassa vacanam nāma sussūsanti, brāhmaṇesupi pabbajitassa, pabbajitesupi mahallakassāti mahallakabrāhmaṇassa pabbajitavesam gahetvā padhānabhūmiyam kammam karonte te bhikkhū upasaṅkamitvā hatthaṁ ukkhipitvā etam “daharā bhavanto”ti-ādivacanam avoca. **Okampetvāti** hanukena uram paharanto adhonataṁ katvā. **Jivhaṁ nillāletvāti** kabaramahājivhaṁ nīharitvā uddhamadho ubhayapassesu ca lāletvā. **Tivisākhanti** tisākhaṁ. **Nalāṭikanti** bhakuṭim, nalāṭe uṭṭhitam valittayanti attho. **PakkāmīTi** tumhe jānantānam vacanam akatvā attanova tele paccissathāti vatvā ekaṁ maggam gahetvā gato. Paṭhamam.

2. Samiddhisuttavaṇṇanā

158. Dutiye **lābhā vata me, suladdhaṁ vata meti** evarūpassa satthu ceva dhammassa ca sabrahmacārīnañca laddhattā mayhaṁ lābhā mayhaṁ suladdhanti. So kirāyasmā pacchā mūlakammaṭṭhānam sammasitvā “arahattam gahe-ssāmī”ti pāsādikam tāva kammaṭṭhānam gahetvā buddhadhammasaṅghaguṇe āvajjetvā cittakallataṁ uppādetvā cittam hāsetvā tosetvā nisinno. Tenassa evamahosi. **Upasaṅkamīti** “ayam samiddhi bhikkhu pāsādikam kammaṭṭhānam gahetvā nisinnasadiso, yāva mūlakammaṭṭhānam gahetvā arahattam na gaṇhāti, tāvassa antarāyaṁ karissāmī”ti upasaṅkami. **Gaccha tvanti** satthā sakalajambudipam olkento “tasmīmyeva ṭhāne tassa kammaṭṭhānam sappāyam bhavissatī”ti addasa, tasmā evamāha. **Satipaññā ca me buddhāti** mayā sati ca paññā ca ñātā. **Karassu rūpānīti** bahūnipi vibhimsakārahāni rūpāni karassu. **Neva maṁ byādhayissasīti** maṁ neva vedhayissasi na kampassesi. Dutiyam.

3. Godhikasuttavaṇṇanā

159. Tatiye (1.0168) **isigilipasseti** isigilissa nāma pabbatassa passe. **Kālaṇīyanti** kālavaṇṇāya silāyam. **Sāmayikam cetovimuttinti** appitappitakkhaṇe paccanī-kadhammehi vimuccati, ārammaṇe ca adhimuccatīti lokiyasamāpatti sāmayikā cetovimutti nāma. **Phusīti** paṭilabhi. **Parihāyīti** kasmā yāva chatṭham parihāyi? Sābādhattā. Therassa kira vātapittasemhavasena anusāyiko ābādho atthi, tena samādhissa sappāye upakārakadhamme pūretum na sakkoti, appitappitāya samā-pattiyā parihāyati.

Yamnūnāhaṁ sattham āhareyyanti so kira cintesi, yasmā parihiṇajjhānassa kālaṇkaroto anibaddhā gati hoti, aparihiṇajjhānassa nibaddhā gati hoti, brahma-loke nibbattati, tasmā sattham āharitukāmo ahosi. **Upasaṅkamīti-** “ayam samaṇo sattham āharitukāmo, satthāharanāñca nāmetam kāye ca jīvite ca anapekkhassa hoti. Yo evam kāye ca jīvite ca anapekkho hoti, so mūlakammaṭṭhānam sammasitvā arahattampi gahetum samattho hoti, mayā pana paṭibāhitopi esa na oramissati, satthārā paṭibāhito oramissatī”ti therassa athakāmo viya hutvā yena bhagavā tenupasaṅkami.

Jalāti jalamañā. **Pāde vandāmi cakkhumāti** pañcahi cakkhūhi cakkhumā tava pāde vandāmi. **Jutindharāti** ānubhāvadharā. **Appattamānasoti** appatta-arahatto. **Sekhoti** sīlādīni sikkhamāno sakarañyo. **Jane sutāti** jane vissutā. **Sattham āharitam hotīti** therō kira “kim̄ mayhañ iminā jīvitenā”ti? Uttāno nipajjītvā satthena galanālīm chindi, dukkhā vedanā uppajjīmsu. Therō vedanām vikkhambhetvā tamyeva vedanām pariggahetvā satim upaṭṭhapetvā mūlakammaṭṭhānam sammasanto arahattam patvā samasīsi hutvā parinibbāyi. **Samasīsi** nāma tividho hoti iriyāpathasamāsīsi, rogasamasīsi, jīvitamasīsti.

Tattha (1.0169) yo ṭhānādīsu iriyāpathesu aññatarām adhiṭṭhāya- “imam̄ akope- tvāva arahattam pāpuñissāmī”ti vipassanām paṭṭhapeti, athassa arahattappatti ca iriyāpathakopanañca ekappahāreneva hoti. Ayam **iriyāpathasamāsīsi** nāma. Yo pana cakkhurogādīsu aññatarasmiñ sati- “ito anuṭṭhitova arahattam pāpuñissāmī”- ti vipassanām paṭṭhapeti, athassa arahattappatti ca rogato vuṭṭhānañca ekappahāreneva hoti. Ayam **rogasamāsīsi** nāma. Keci pana tasmiñyeva iriyāpathetasmiñca roge parinibbānavasenettha samasīsitam paññāpenti. Yassa pana āsavakkhayo ca jīvitakkhayo ca ekappahāreneva hoti. Ayam **jīvitamasīsi** nāma. Vuttampi cetam- “yassa puggalassa apubbañ acarimam̄ āsavapariyādānañca hoti jīvitapariyādānañca, ayam vuccati puggalo samasīsi”ti (pu. pa. 16).

Ettha ca pavattisīsam kilesasīsanti dve sīsāni. Tattha **pavattisīsam** nāma jīvitindriyam, **kilesasīsam** nāma avijjā. Tesu jīvitindriyam cuticittam khepeti, avijjā maggacittam. Dvinnam cittānam ekato uppādo natthi. Maggānantaram pana phalam, phalānantaram bhavañgam, bhavañgato vuṭṭhāya paccavekkhaṇam, tam paripuññam vā hoti aparipuññam vā. Tikhiñena asinā sīse chijjanteri hi eko vā dve vā paccavekkhaṇavārā avassam uppajjantiyeva, cittānam pana lahuparivattitāya āsavakkhayo ca jīvitapariyādānañca ekakkhaṇe viya paññāyati.

Samūlam tañhamabbuyhāti avijjāmūlena samūlakam tañham arahattamaggena uppātētvā. **Parinibbutoti** anupādisesanibbānena parinibbuto.

hoti. Thero pana kiñcāpi uttānako sayito, tathāpissa dakkhiṇena passena paricita-
Vivattakkhandhanti parivattakkhandham. **Semānanti** uttānam hutvā sayitam
hoti. Thero pana kiñcāpi uttānako sayito, tathāpissa dakkhiṇena passena paricita-
sayanattā sīsam dakkhiṇatova parivattitvā thitam. **Dhūmāyitattanti** dhūmāyita-
bhāvam. Tasmiṁ hi khaṇe dhūmavalāhakā viya timiravalāhakā viya ca uṭṭha-
hiṁsu. **Viññāṇam samanvesatīti** paṭisandhicittam pariyesati. **Appatiṭṭhitenāti** paṭi-
sandhiviññāṇena appatiṭṭhitena, appatiṭṭhitakāraṇāti attho. **Beluvapanḍuvīṇanti**
beluvapakkam viya paṇḍuvanṇam suvaṇṇamahāvīṇam. **Ādāyāti** kacche ṭhapetvā.
Upasaṅkamīti “godhikattherassa nibbattaṭṭhānam na (1.0170) jānāmi, samaṇam
gotamam pucchitvā nikkaṇkho bhavissāmī”ti khuddakadārakavaṇṇī hutvā upasa-
ṅkami. **Nādhigacchāmīti** na passāmi. **Sokaparetassāti** sokena phuṭṭhassa. **Abha-
ssathāti** pādapiṭṭhiyam patitā. Tatiyam.

4. Sattavassānubandhasuttavaṇṇanā

160. Catutthe **satta vassānīti** pure bodhiyā chabbassāni, bodhito pacchā ekam
vassam. **Otārāpekkhoti** “sace samaṇassa gotamassa kāyadvārādīsu kiñcideva
ananucchavikam passāmi, codessāmi nan”ti evam vivaram apekkhamāno. **Alabha-
mānoti** rathareṇumattampi avakkhalitam apassanto. Tenāha-

“Satta vassāni bhagavantam, anubandhim padāpadam;

otāram nādhigacchissam, sambuddhassa satimato”ti. (su. ni. 448);

Upasaṅkamīti “ajja samaṇam gotamam atigahetvā gamissāmī”ti upasaṅkami.

Jhāyasīti jhāyanto avajjhāyanto nisinnosīti vadati. **Vittam nu jīnoti** sataṁ vā
sahassam vā jitosi nu. **Āgum nu gāmasmīti**, kiṁ nu antogāme pamāṇātikkantam
pāpakammaṁ akāsi, yena aññesam mukham oloketum avisahanto araññe vica-
rasī? **Sakkhinti** mittabhāvam.

Palikhāyāti khaṇitvā. **Bhavalobhajappanti** bhavalobhasaṅkhātam taṇham. **Anā-
savō jhāyāmīti** nittaṇho hutvā dvīhi jhānehi jhāyāmi. **Pamattabandhūti** māram āla-
pati. So hi yekeci loke pamattā, tesam bandhu.

Sace maggam anubuddhanti yadi tayā maggo anubuddho. **Apehīti** apayāhi. **Ama-
ccudheyyanti** maccuno anokāsabhūtam nibbānam. **Pāragāminoti** yepi pāram gatā,
tepi pāragāmino. Yepi pāram gacchissant, yepi pāram gantukāmā, tepi pāragā-
mino.

Visūkayikānīti (1.0171) māravisūkāni. **VisevitānīTi** viruddhasevitāni, “appamāyu
manussānam, accayanti ahorattā”ti vutte. “Dīghamāyu manussānam, nāccayanti
ahorattā”ti-ādīni paṭilomakāraṇāni. **Vipphanditānīti**, tamhi tamhi kāle hatthirājava-
ṇṇasappavaṇṇādīdassanāni. **Nibbejanīyāti** ukkaṇṭhanīyā.

Anupariyagāti-ādīsu kiñcāpi atītavacanaṁ kataṁ, attho pana vikappavasena
veditabbo. Idam vuttam hoti- yathā medavaṇṇam pāsāṇam vāyaso disvā- “api
nāmettha mudum vindeyyāma, api assādo siyā”ti anuparigaccheyya, atha so
tattha assādaṁ alabhitvā vāyaso etto apakkameyya, tato pāsāṇā apaga-

ccheyya, evam̄ mayampi so kāko viya selam̄ gotamam̄ āsajja assādam̄ vā santhavam̄ vā alabhartā gotamā nibbinditvā apagacchāma. Catuttham̄.

5. Māradhītusuttavaṇṇanā

161. Pañcame abhāsitvāti ettha a-kāro nipātamattaṁ, bhāsitvāti attho. Abhāsa-yitvātipi pāṭho. **Upasaṅkamim̄sūti** “gopālakadārakaṁ viya daṇḍakena bhūmim̄ lekhaṁ datvā ativiya dummano hutvā nisinno. ‘Kinnu kho kāraṇan’ti? Pucchitvā, jānissāmā”ti upasaṅkamim̄su.

Socasīti cintesi. **Āraññamiva kuñjaranti** yathā araññato pesitagaṇikārahaththiniyo āraññakam̄ kuñjaram̄ itthikuttadassanena palobhetvā bandhitvā ānayanti, evam̄ ānayissāma. **Māradheyyanti** tebhūmakavaṭṭam̄.

Upasaṅkamim̄sūti- “tumhe thokam̄ adhivāsetha, mayam̄ tam̄ ānessāmā”ti pitaram̄ samassāsetvā upasaṅkamim̄su. **Uccāvacāti** nānāvidhā. **Ekasataṁ ekasataṁ** ekekam̄ sataṁ sataṁ katvā. **Kumārivaṇṇasatanti** iminā nayena kumāri-attabhāvānaṁ sataṁ.

Atthassa (1.0172) **pattiṁ hadayassa santinti**, dvīhipi padehi arahattameva kathesi. **Senanti** kilesasenam̄. Sā hi piyarūpasātarūpā nāma. **Ekāham̄ jhāyanti** eko ahaṁ jhāyanto. **Sukhamanubodhīnti** arahattasukham̄ anubujjhīm̄. Idam̄ vuttaṁ hoti- piyarūpaṁ sātarūpaṁ senam̄ jinitvā ahaṁ eko jhāyanto “atthassa pattiṁ hadayassa santin”ti saṅkham̄ gataṁ arahattasukham̄ anubujjhīm̄. Tasmā janena mittasanthavaṁ na karomi, teneva ca me kāraṇena kenaci saddhim̄ sakkhī na sampajjatīti.

Kathaṁvihāribahuloti katamena vihārena bahulaṁ viharanto. **Aladdhāti** alabhitvā. **YoTi** nipātamattam̄. Idam̄ vuttaṁ hoti- katamena jhānena bahulaṁ jhāyantam̄ tam̄ puggalam̄ kāmasaññā alabhitvāva paribāhirā hontīti.

Passaddhakāyoti catutthajjhānena assāsapassāsakāyassa passaddhattā passaddhakāyo. **Suvimuttacittoti** arahattaphalavimuttiyā suṭṭhu vimuttacitto. **Asaṅkharānoti** tayo kammābhisaṅkhāre anabhisaṅkharonto. **Anokoti** anālayo. **Aññāya dhammanti** catusaccadhammaṁ jānitvā. **Avitakkajhāyīti** avitakkena catutthajjhānena jhāyanto. **Na kuppatīti-ādīsu** dosena na kuppati, rāgena na sarati, mohena na thīno. Imesu tīsu mūlakilesesu gahitesu diyadḍhakilesasahassam̄ gahitameva hoti. Paṭhamapadena vā byāpādanīvaraṇam̄ gahitaṁ, dutiyena kāmacchandanīvaraṇam̄, tatiyena thinaṁ ādiṁ katvā sesanīvaraṇāni. Iti iminā nīvaraṇappahānena khīṇāsavam̄ dasseti.

Pañcoghatiṇṇoti pañcadvārikaṁ kilesogham̄ tiṇṇo. **Chatṭhanti** manodvārikampi chatṭham̄ kilesogham̄ atari. Pañcoghaggahaṇena vā pañcorambhāgiyāni samyojanānāni, chatṭhaggahaṇena pañcuddhambhāgiyāni veditabbāni. **Gaṇasaṅghacārīti** gaṇe ca saṅghe ca caratīti satthā gaṇasaṅghacārī nāma. **Addhā carissantīti** aññepi saddhā bahujanā ekamseṇa carissanti. **Ayanti** ayam̄ satthā. **Anokoti** anālayo.

Acchejja (1.0173) **nessatīTi** acchinditvā nayissati, maccurājassa hatthato acchi-

nditvā nibbānapāram nayissatīti vuttam hoti. **Nayamānānanti** nayamānesu. **Selamva sirasūhacca, pātāle gādhamesathāti** mahantam kūṭāgārappamāṇam silam sīse ṭhapetvā pātāle patiṭṭhagavesanam viya. **Khāṇumva urasāsajjāti** urasi khāṇum paharitvā viya. **Apethāti** apagacchatha. Imasmim ṭhāne saṅgītikārā “ida-mavocā”ti desanaṁ niṭṭhapetvā **daddallamānāti** gātham āhaṁsu. Tattha **daddalla-mānāti** ativiya jalāmānā sobhamānā. **Āgañchunti** āgatā. **Panudīti** nīhari. **Tūlam bhaṭṭhamva māluto**ti yathā phalato bhaṭṭham simbalitūlam vā poṭakitūlam vā vāto panudati nīharati, evam panudīti. Pañcamam.

Tatiyo vago.

Iti sāratthappakāsiniyā

Samyuttanikāya-aṭṭhakathāya

Mārasamyuttavaṇṇanā niṭṭhitā.

5. Bhikkhunīsamyuttam

1. Ālavikāsuttavaṇṇanā

162. Bhikkhunīsamyuttassa (1.0174) paṭhame **ālavikā** Ti ālaviyam jātā ālavinagaratoyeva ca nikhamma pabbajitā. **Andhavananti** kassapasammāsambuddhassa cetiye navakammathāya dhanam samādapetvā āgacchantassa yasodharassa nāma dhammabhāṇakassa ariyapuggalassa akkhīni uppāṭetvā tattheva akkhibhedappattehi pañcahi corasatehi nivutthattā tato paṭṭhāya “andhavanā”ti saṅkhām gataṁ vanam. Tam kira sāvatthito dakkhiṇapasse gāvutamatte hoti rājārakkhāya guttam. Tattha pavivekakāmā bhikkhū ca bhikkhuniyo ca gacchanti. Tasmā ayampi kāyavivekatthīni yena tam vanam, tenupasaṅkami. **Nissaraṇanti** nibbānam. **Paññāyāti** paccavekkhaṇaññena. **Na tvam jānāsi tam padanti** tvam etam nibbānapadam vā nibbānagāmimaggapadam vā na jānāsi. **Sattisūlūpamāti** vinivijjhātthena sattisūlasadisā. **Khandhāsam adhikuṭṭanāti** khandhā tesam adhikuṭṭanabhaṇḍikā. Paṭhamam.

2. Somāsuttavaṇṇanā

163. Dutiye ṭhānanti arahattam. **Durabhisambhavanti** duppasaham. **Dvaṅgulapa-ññāyāti** parittapaññāya. Yasmā vā dvīhi aṅgulehi kappāsavaṭṭim gahetvā suttam kantanti, tasmā itthī “dvaṅgulapaññā”ti vuccati. **Ñāṇamhi vattamānamhīti** phalasa-

māpattiñāne pavattamāne. **Dhammaṃ vipassatoti** catusaccadhammaṃ vipassantassa, pubbabhāge vā vipassanāya ārammaṇabhūtam khandhapañcakameva. **Kiñci vā pana aññasmiñti** aññaṃ vā kiñci “ahaṃ asmi”ti taṇhāmānadiṭṭhivasena yassa siyā. Dutiyam.

3. Kisāgotamīsuttavaṇṇanā

164. Tatiye **kisāgotamīti** appamaṇsalohitatāya kisā, gotamīti panassā nāmaṃ. Pubbe kira sāvatthiyam ekasmiṃ kule asītikoṭidhanam sabbam aṅgārāva jātaṃ. Kuṭumbiko aṅgārajātāni anīharitvā (1.0175)- “avassam koci puññavā bhavissati, tassa puññena puna pākatikam bhavissati”ti suvaṇṇahiraññassa cātiyo pūretvā āpaṇe ṭhapetvā samipe nisīdi. Athekā duggatakulassa dhītā- “adḍhamāsakam gahetvā dārusākam āharissāmi”ti vīthim gatā tam disvā kuṭumbikam āha- “āpaṇe tāva dhanam ettakam, gehe kittakam bhavissati”ti. Kiṃ disvā amma evam kathesi? Imam hiraññasuvaṇṇanti. So “puññavatī esā bhavissati”ti tassā vasanatīthānam pucchitvā āpaṇe bhaṇḍam paṭisāmetvā tassā mātāpitaro upasaṅkamitvā evamāha- “amhākam gehe vayappatto dārako atthi, tassetam dārikam dethā”ti. Kiṃ sāmi duggatehi saddhim keļim karosīti? Mittasanthavo nāma duggatehi pi saddhim hoti, detha nam, kuṭumbasāminī bhavissatīti nam gahetvā gharam ānesi. Sā samvāsamanvāya puttam vijātā. Putto padasā āhiṇḍanakāle kālamakāsi. Sā duggatakule uppajjītvā mahākulam gantvāpi “puttavināsam pattāmhī”ti uppannabalavasokā puttassa sarirakiccam vāretvā tam matakalevaraṃ ādāya nagare vippalapantī carati.

Ekadivasam mahatiyā buddhavīthiyā dasabalassa santikam gantvā- “puttassa me arogabhāvatthāya bhesajjam detha bhagavā”ti āha. Gaccha sāvatthim āhiṇḍitvā yasmiṃ gehe matapubbo natthi, tato siddhatthakam āhara, puttassa te bhesajjam bhavissatīti. Sā nagaram pavisitvā dhuragehato paṭṭhāya bhagavatā vuttanayena gantvā siddhatthakam yācantī ghare ghare, “kuto tvam evarūpam

gharam passissasi”ti vuttā katipayāni gehāni āhiṇḍitvā- “sabbesampi kirāyam dhammatā, na mayham puttassevā”ti sālāyam chavam chaddetvā pabbajjam yāci. Satthā “imam pabbājetū”ti bhikkhuni-upassayaṁ pesesi. Sā khuraggeyeva arahattam pāpuṇi. Imam therim sandhāya “atha kho kisāgotamī”ti vuttam.

Ekamāsīti ekā āsi. **Rudammukhīti** rudamānamukhī viya. **Accantam mataputtā-mhīti** ettha antam atītam accantam, bhāvanapum̄sakametam. Idam vuttam hotiyathā puttamaranam antam atītam hoti, evam mataputtā aham, idāni mama puna puttamaranam nāma natthi. **Purisā etadantikāTi** purisāpi me etadantikāva (1.0176). Yo me puttamaranassa anto, purisānampi me esevanto, abhabbā aham idāni purisam gavesitunti. **Sabbattha vihatā nandīti** sabbesu khandhāyatanaadhātubhavayonigatihitinivāsesu mama taṇhānandī vihatā. **Tamokkhandhoti** avijjākkhandho. **Padālitoti** ñāṇena bhinno. Tatiyam.

4. Vijayāsuttavaṇṇanā

165. Catutthe **pañcaṅgikenāti** ātataṁ vitataṁ ātatavitataṁ ghanam susiranti evam pañcaṅgasamannāgatena. **Niyyātayāmi tuyhevāti** sabbe tuyhamyeva demi. **Nāham tenatthikāti** nāham tena athikā. **Pūtikāyenāti** suvaṇṇavanṇopī kāyo niccam uggaritapaggharitaṭṭhena pūtikāyova, tasmā evamāha. **Bhindanenāti** bhijjanasa-bhāvena. **Pabhaṇgunāti** cuṇṇavicuṇṇam āpajjanadhammena. **Aṭṭiyāmīti** aṭṭā pīlitā homi. **Harāyāmīti** lajjāmi. **Santā samāpattīti** aṭṭhavidhā lokiyasamāpatti ārammaṇa-santatāya aṅgasantatāya ca santāti vuttā. **Sabbatthāti** sabbesu rūpārūpabhavesu, tesam dvinnam bhavānam gahitattā gahite kāmabhave aṭṭhasu ca samāpattisūti etesu sabbesu ṭhānesu mayham avijjātamo vihatoti vadati. Catuttham.

5. Uppalavaṇṇāsuttavaṇṇanā

166. Pañcame **supupphitagganti** aggato paṭṭhāya suṭṭhu pupphitam sāla-rukkham. **Na catthi te dutiyā vaṇṇadhātūti** tava vaṇṇadhātusadisā dutiyā vaṇṇa-dhātu natthi, tayā sadisā aññā bhikkhunī natthīti vadati. **Idhāgatā tādisikā bhaveyyunti** yathā tvam idhāgatā kiñci santhavaṁ vā sineham vā na labhasi, evamevam tepi tayāva sadisā bhaveyyum. **Pakhumantarikāyanti** dvinnam akkhīnam majhe nāsavamsepi tiṭṭhantim mām na passasi. **Vasībhūtamhīti** vasībhūtā asmi. Pañcamam.

6. Cālāsuttavaṇṇanā

167. Chaṭṭhe **ko nu tam idamādapayīti** ko nu mandabuddhi bālo tam evam gāhā-pesi? **Pariklesanti** aññampi nānappakāram upaddavaṁ. Idāni yam māro āha (1.0177) “ko nu tam idamādapayī”ti, tam maddanti- “na mām andhabālo ādapesi, loke pana aggapuggalo satthā dhammaṁ desesi”ti dassetuṁ, **buddhoti-ādimāha**. Tattha **sacce nivesayīti** paramatthasacce nibbāne nivesesi. **Nirodham appajāna-**

ntāti nirodhasaccam ajānantā. Chatṭham.

7. Upacālāsuttavaṇṇanā

168. Sattame enti māravasam punāti punappunaṁ maraṇamārakilesamārade-vaputtamārānaṁ vasam āgacchanti. Padhūpitoti santāpito. Agati yattha mārassāti yattha tuyham mārassa agati. Tatthāti tasmīm nibbāne. Sattamaṁ.

8. Sīsupacālāsuttavaṇṇanā

169. Aṭṭhame samanī viya dissasīti samaṇisadisā dissasi. Kimiva carasi momūhāti kiṁ kāraṇā momūhā viya carasi? Ito bahiddhāti imamhā sāsanā bahi. Pāsaṁ dentīti pāsaṇḍā, sattānam cittesu dīṭhipāsam khipantīti attho. Sāsanam pana pāse moceti, tasmā pāsaṇḍoti na vuccati, ito bahiddhāyeva pāsaṇḍā honti. Pasīda-ntīti saṃsīdanti lagganti.

Idāni “kam nu uddissa muṇḍāsi”ti pañhaṁ kathentī atthi sakyakule jātoti-ādi-māha. Tattha sabbābhībhūti sabbāni khandhāyatanaṁ adhātubhavayonigati-ādīni abhibhavitvā ṭhito. Maraṇamārādayo nudi nīharīti māranudo. Sabbatthamaparājītoti sabbesu rāgādīsu vā mārayuddhe vā ajito. Sabbattha muttoti sabbesu khandhādīsu mutto. Asitoti taṇhādiṭṭhinissayena anissito. Sabbakammakkhayam pattoti sabbakammakkhayasaṅkhātam arahattam patto. Upadhisāṅkhayeti upadhisāṅkhayasaṅkhāte nibbāne ārammaṇato vimutto. Aṭṭhamam.

9. Selāsuttavaṇṇanā

170. Navame kenidam pakatanti kena idam kataṁ. Bimbanti attabhāvam sandhāya vadati. Aghanti dukkhatiṭṭhānattā attabhāvameva vadati. Hetubhaṅgāti hetunirodhena paccayavekallena. Navamam.

10. Vajirāsuttavaṇṇanā

171. Dasame (1.0178) nayidha sattupalabbhatīti imasmiṁ suddhasāṅkhārapuñje paramatthato satto nāma na upalabbhati. Khandhesu santesūti pañcasu khandhesu vijjamānesu tena tenākārena vavatthitesu. Sammutīti sattoti samaññāmattameva hoti. Dukkhanti pañcakkhandhadukkham. Nāññatra dukkhāti ṭhapetvā dukkham añño neva sambhoti na nirujjhatīti. Dasamam.

Iti sāratthappakāsiniyā

Samyuttanikāya-aṭṭhakathāya

Bhikkhunīsamyuttavaṇṇanā niṭṭhitā.

6. Brahmasamyuttam

1. Paṭhamavaggo

1. Brahmāyācanasuttavaṇṇanā

172. Brahmasamyuttassa (1.0179) paṭhame **parivitakko udapādīti** sabbabuddhānam āciṇṇasamācīṇo ayam cetaso vitakko udapādi. Kadā udapādīti? Buddhahabutassa atthame sattāhe rājāyatanaṁule sakkena devānamindena ābhataṁ dantakaṭṭhañca osadhaharitakañca khāditvā mukham dhovitvā catūhi lokapālehi upanīte paccagge selamayapatte tapussabhallikānam piṇḍapātaṁ paribhuñjtvā puna paccāgantvā ajapālanigrodhe nisinnamattassa.

Adhigatoti paṭividdho. **Dhammoti** catusaccadhammo. **Gambhīroti** uttānapaṭikkhepavacanametam. **Duddasoti** gambhīrattāva duddaso dukkhena datthabbo, na sakkā sukhena datthum. Duddasattāva **duranubodho** Dukkhena avabujjhitabbo, na sakkā sukhena avabujjhitum. **Santoti** nibbuto. **Paṇītoti** atappako. Idam dvayam lokuttarameva sandhāya vuttaṁ. **Atakkāvacaroti** takkena avacaritabbo ogāhitabbo na hoti, nāneneva avacaritabbo. **Nipuṇoti** sañho. **Paṇḍitavedanīyoti** sammāpaṭipadam paṭipannehi paṇḍitehi veditabbo. **Ālayarāmāti** sattā pañcasu kāmaguṇesu alliyanti, tasmā te **ālayāti** vuccanti. Aṭṭhasatatañhāvicaritāni vā alliyanti, tasmāpi ālayāti vuccanti. Tehi ālayehi ramantīti **ālayarāmā**. Ālayesu ratāti **ālayaratā**. **Ālayesu sutṭhu muditāti ālayasammuditā**. Yatheva hi susajjitaṁ pupphaphalabharitarukkhādisampannam uyyānam paviṭṭho rājā tāya tāya sampattiya ramati, sammuditō āmoditapamodito hoti, na ukkaṇṭhati, sāyampi nikhamitum na icchatī, evamimehipi kāmālayatañhālayehi sattā ramanti, saṃsāravatṭe sammuditā anukkaṇṭhitā vasanti. Tena tesam bhagavā duvidham ālayam uyyānabhūmim viya dassento “ālayarāmā”ti-ādimāha.

Tattha **yadidanti** nipāto, tassa ṭhānam sandhāya “yam idan”ti, paṭiccasamuppādaṁ sandhāya “yo ayan”ti evamattho datthabbo. **Idappaccayatāpaṭiccasamuppādoti** imesaṁ (1.0180) paccayā idappaccayā, idappaccayā eva idappaccayatā, idappaccayatā ca sā paṭiccasamuppādo cāti **idappaccayatāpaṭiccasamuppādo**. Saṅkhārādipaccayānam etam adhivacanam. **Sabbasaṅkhārasamathoti-ādi** sabbam nibbānameva. Yasmā hi tam āgamma sabbasaṅkhāravipphanditāni samanti, vūpasammanti, tasmā **sabbasaṅkhārasamathoti** vuccati. Yasmā ca tam āgamma sabbe upadhayo paṭinissaṭṭhā honti, sabbā taṇhā khīyanti, sabbe kilesarāgā virajjanti, sabbam dukkham nirujjhati, tasmā **sabbūpadhipaṭinissaggo taṇhākkhayo virāgo nirodho** Ti vuccati. Yā panesā taṇhā bhavena bhavam, phalena vā saddhim kammam vinati saṃsibbatīti katvā **vānanti** vuccati, tato nikkhantam vāna-

toti **nibbānaṁ**. So **mamassa kilamathoti** yā ajānantānam desanā nāma, so mama kilamatho assa, sā mama vihesā assāti attho. Kāyakilamatho ceva kāyavihesā ca assāti vuttam hoti. Citte pana ubhayampetam buddhānam natthi. **Apissūti** anubrūhanatthe nipāto. So “na kevalam ayam parivitakko udapādi, imāpi gāthā paṭibham-sū”ti dīpeti. **Anacchariyāti** anu-acchariyā. **Paṭibhaṁsūti** paṭibhānasaṅkhātassa nāṇassa gocarā ahesum, parivitakkayitabbatam pāpuṇim̄su.

Kicchenāti dukkhena, na dukkhāya paṭipadāya. Buddhānam hi cattāropi maggā sukhapaṭipadāva honti. Pāramīpūraṇakāle pana sarāgasadosasamohasseva sato āgatāgatānam yācakānam alaṅkatapaṭiyattam sīsaṁ kantitvā galalohitam nīharitvā su-añjitāni akkhīni uppāṭetvā kulavamsappadīpam puttam manāpacārinim bhariyanti evamādīni dentassa aññāni ca khantivādisadesu attabhāvesu chejjabhejjādīni pāpuṇantassa āgamaniyapaṭipadam sandhāyetam vuttam. **Halanti** ettha **ha-kāro** nipātamatto, alanti attho. **Pakāsitunti** desitum, evam kicchena adhigatassa alam desitum paryattam desitum. Ko attho desitenāti vuttam hoti? **Rāgadosaparetehīti** rāgadosaphuṭṭhehi rāgadosānugatehi vā.

Paṭisotagāmīnti niccādīnam paṭisotam, “aniccam dukkhamanattā asubhan”ti evam gataṁ catusaccadhammaṁ. **Rāgarattāti** kāmarāgena bhavarāgena diṭṭhirāgena ca rattā. **Na dakkhantīti** aniccam dukkhamanattā asubhanti iminā sabhāvena na passissanti (1.0181), te apassante ko sakkhissati evam gāhāpetum. **Tamokhāndhena āvuṭāti** avijjārāsinā ajjhottaṭā.

Appossukkatāyāti nirussukkabhāvena, adesetukāmatāyāti attho. Kasmā panassa evam cittam nami? Nanu esa mutto mocessāmi, tiṇo tāressāmi-

“Kim me aññātavesena, dhammaṁ sacchikatenidha;

sabbaññutam pāpuṇitvā, tārayissam sadevakan”ti. (bu. vam. 2.56)-

Patthanam katvā pāramiyo pūretvā sabbaññutam pattoti? Saccametam, tadevam paccavekkhaṇānubhāvena panassa evam cittam nami. Tassa hi sabbaññutam patvā sattānam kilesagahanataṁ, dhammassa ca gambhīratam paccavekkhāntassa sattānam kilesagahanatā ca dhammagambhīratā ca sabbākārena pākaṭā jātā. Athassa- “ime sattā kañjiyapanuṇṇā lābu viya, takkabharitā cāti viya, vasātelapītāpilotikā viya, añjanamakkhitahattho viya ca kilesabharitā atisaṁkiliṭṭhā rāgarattā dosaduṭṭhā mohamūlhā, te kim nāma paṭivijjhissanti”ti? Cintayato kilesagaha-napaccavekkhaṇānubhāvenāpi evam cittam nami.

“Ayañca dhammo pathavīsandhāraka-udakakkhandho viya gambhīro, pabbatena paṭicchādetvā ṭhapito sāsapo viya duddaso, satadhā bhinnassa vālassa koṭiyā koṭipaṭipādanam viya duranubodho. Nanu mayā hi imam dhammam paṭivijjhitud vāyamantena adinnaṁ dānam nāma natthi, arakkhitam sīlam nāma natthi, aparipūritā kāci pāramī nāma natthi, tassa me nirussāham viya mārabalaṁ vidhamantassāpi pathavī na kampittha, paṭhamayāme pubbenivāsaṁ anussaranta-sāpi na kampittha, majhimayāme dibbacakkhum visodhentassāpi na kampittha, pacchimayāme pana paṭiccasamuppādaṁ paṭivijjhantasseva me dasasahassilokadhātu kampittha. Iti mādisenāpi tikkhaññena kicchenevāyam dhammo paṭividdho. Tam lokiyanmahājanā katham paṭivijjhissanti”ti? Dhammagambhīrapaccavekkhaṇā-nubhāvenāpi evam cittam namīti veditabbam.

Apica brahmunā yācīte desetukāmatāyapissa evam cittam nami. Jānāti hi bhagavā- “mama appossukkatāya citte namamāne mam mahābrahmā dhamma-desanam (1.0182) yācissati, ime ca sattā brahmagarukā. Te ‘satthā kira dhammam na desetukāmo ahosi. Atha nam mahābrahmā yācītvā desāpesi. Santo vata bho dhammo, pañto vata bho dhammo’ti maññamānā sussūsissantī”ti. Idampissa kāraṇam paṭicca appossukkatāya cittam nami, no dhammadesanāyāti veditabbam.

Sahampatissāti so kira kassapassa bhagavato sāsane sahako nāma thero paṭhamajjhānam nibbattetvā paṭhamajjhānabhūmiyam kappāyukabrahmā hutvā nibbatto. Tatra nam “sahampatibrahmā”ti paṭisañjānanti. Tam sandhāyāha “brahmuno sahampatissā”ti. **Nassati vata bhoti** so kira imam saddam tathā nicchāresi, yathā dasasahassilokadhātubrahmāno sutvā sabbe sannipatīmsu. **Yatra hi nāmāti** yasmiñ nāma loke. **Purato pāturahosīti** tehi dasahi brahma-sahassehi saddhim pāturahosī. **Apparajakkhajātikāti** paññāmaye akkhimhi appam parittam rāgadosamoharajam etesam evam-sabhāvāti **apparajakkhajātikā**. **Assavanatāti** assavanatāya. **Bhavissantīti** purimabuddhesu dasapuññakiriyavasena katādhikārā paripākagatā padumāni viya sūriyaramisamphassam, dhammadesanam yeva ākañkhamānā catuppadikagāthāvasāne ariyabhūmim okkamanārahā na eko, na dve, anekasatasahassā dhammassa aññātāro bhavissantīti dasseti.

Pāturahosīti pātubhavi. **Samalehi cintitoti** samalehi chahi satthārehi cintito. Te hi puretaram uppajjītvā sakalajambudipe kaṇṭake pattharamānā viya, visam siñcamānā viya ca samalam micchādītthidhammam desayīmsu. **Apāpurentanti** vivaram etam. **Amatassa dvāranti** amatassa nibbānassa dvārabhūtam ariyamaggam. **Suṇantu dhammam vimalenānubuddhanti** ime sattā rāgādimalānam abhāvato vimalena sammāsambuddhena anubuddham catusaccadhammam suṇantu tāva bhagavāti yācati.

Sele yathā pabbatamuddhanītthitoti selamaye ekagghane pabbatamuddhani yathāt hitova. Na hi tassa ṭhitassa dassanattham gīvukkipanapasāraṇādikiccam atthi. **Tathūpamanti** tappaṭibhāgam selapabbatūpamaṁ. Ayam paneththa saṅkhepattho- yathā selapabbatamuddhani ṭhitova cakkhumā puriso samantato janatam passeyya (1.0183), tathā tvampi sumedha sundarapañña sabbaññutaññena samantacakkhu bhagavā dhammamayam pāsādamāruyha sayam apetasoko

sokāvatiṇam jātijarābhībhūtam janatam avekkhassu upadhāraya upaparikkha. Ayam panettha adhippāyo- yathā hi pabbatapāde samantā mahantam khettam katvā, tattha kedārapālīsu kuṭikāyo katvā rattim aggim jāleyyum, caturaṅgasamannāgatañca andhakāram assa, atha tassa pabbatassa matthake ṭhatvā cakkhumato purisassa bhūmim olokayato neva khettam na kedārapāliyo na kuṭiyo na tattha sayitamanussā paññāyeyyum. Kuṭikāsu pana aggijalāmattakameva paññāyeyya, evam dhammapāsādam āruyha sattanikāyam olokayato tathāgatassa ye te akatakalyāñā sattā, te ekavihāre dakkhiṇajāñupasse nisinnāpi buddhacakkhussa āpātham nāgacchanti, rattim khittā sarā viya honti. Ye pana katakalyāñā veneyya-puggalā, te evassa dūrepi ṭhitā āpātham āgacchanti so aggi viya himavantapabbato viya ca. Vuttampi cetam-

“Dūre santo pakāsentī, himavantova pabbato;
asantettha na dissanti, rattim khittā yathā sarā”ti. (dha. pa. 304);

Ajjhesananti yācanam. **Buddhacakkhunāti** indriyaparopariyattañāñena ca āsayā-nusayañāñena ca. Imesam hi dvinnam ñāñānam “buddhacakkhū”ti nāmam, sabbaññutaññāñassa “samantacakkhū”ti, tiññam maggañāñānam “dhammacakkhū”ti. **Apparajakkheti-ādīsu** yesam vuttanayeneva paññācakkhumhi rāgādirajam appam, te **apparajakkhā**. Yesam tam mahantam, te **mahārajakkhā**. Yesam saddhādīni indriyāni tikkhāni, te **tikkhindriyā**. Yesam tāni mudūni, te **mudindriyā**. Yesam teyeva saddhādayo ākārā sundarā, te **svākārā**. Ye kathitakārañam sallakkhenti, sukhena sakkā honti viññāpetum, te **suviññāpayā**. Ye paralokañceva vajjañca bhayato passanti, te **paralokavajjabhayadassāvino** nāma.

Ayam panettha pāli- “saddho puggalo apparajakkho, assaddho puggalo mahārajakkho. Āraddhavīriyo, kusīto. Upaṭṭhitassati, muṭṭhassati. Samāhito (1.0184), asamāhito. Paññavā, duppañño puggalo mahārajakkho. Tathā saddho puggalo tikkhindriyo ...pe... paññavā puggalo paralokavajjabhayadassāvī, duppañño puggalo na paralokavajjabhayadassāvī. Lokoti khandhaloko, āyatanaloko, dhātuloko, sampattibhavaloko, sampattisambhavaloko, vipattibhavaloko, vipattisambhava-loko. Eko loko sabbe sattā āhāratṭhitikā. Dve lokā nāmañca rūpañca. Tayo lokā tisso vedanā. Cattāro lokā cattāro āhārā. Pañca lokā pañcupādānakkhandhā. Cha lokā cha aijhattikāni āyatanāni. Satta lokā satta viññāñatṭhitayo. Aṭṭha lokā aṭṭha lokadhammā. Nava lokā nava sattāvāsā. Dasa lokā dasāyatanāni. Dvādasa lokā dvādasāyatanāni. Aṭṭhārasa lokā aṭṭhārasa dhātuyo. Vajjanti sabbe kilesā vajjā, sabbe duccaritā vajjā, sabbe abhisankhārā vajjā, sabbe bhavagāmikammā vajjā, iti imasmiñca loke imasmiñca vajje tibbā bhayasaññā paccupatṭhitā hoti, seyyathāpi ukkhittāsike vadake. Imehi paññāsāya ākārehi imāni pañcindriyāni jānāti passati aññāsi paṭivijjhī. Idam tathāgatassa indriyaparopariyatte ñāñan”ti (paṭi. ma. 1.112).

Uppaliniyanti uppavane. Itaresupi esevo nayo. **Antonimuggaposinīti** yāni antonimuggāneva posiyanti. **Udakam accuggamma** ṭhitānī ti udakam atikkamitvā ṭhitānī. Tattha yāni accuggamma ṭhitānī, tāni sūriyarasmisamphassam āgamayamānāni ṭhitānī ajja pupphanakāni. Yāni pana samodakam ṭhitānī, tāni sve puppha-

nakāni. Yāni udakānuggatāni antonimuggaposīni, tāni tatiyadivase pupphanakāni. Udakā pana anuggatāni aññānipi saroga-uppalādīni nāma atthi, yāni neva pupphisanti, macchakacchapabhakkhāneva bhavissanti, tāni pālīm nāruḥhāni. Āharitvā pana dīpetabbānīti dīpitāni. Yatheva hi tāni catubbidhāni pupphāni, evamevaṁ ugghaṭitaññū vipañcitaññū neyyo padaparamoti cattāro puggalā.

Tattha “yassa puggalassa saha udāhaṭavelāya dhammābhisaṁayo hoti, ayam vuccati puggalo **ugghaṭitaññū**. Yassa puggalassa samkhittena bhāsitassa (1.0185) vitthārena atthe vibhajiyamāne dhammābhisaṁayo hoti, ayam vuccati puggalo **vipañcitaññū**. Yassa puggalassa uddesato paripucchato yoniso manasikaroto kalyāṇa-mitte sevato bhajato payirupāsato anupubbena dhammābhisaṁayo hoti, ayam vuccati puggalo **neyyo**. Yassa puggalassa bahumpi suṇato bahumpi bhaṇato bahumpi dhārayato bahumpi vācayato na tāya jātiyā dhammābhisaṁayo hoti, ayam vuccati puggalo **padaparamo** (pu. pa. 148-151). Tattha bhagavā uppalava-nādisadisam dasasahassilokadhātum olokento- “ajja pupphanakāni viya ugghaṭitaññū, sve pupphanakāni viya vipañcitaññū, tatiyadivase pupphanakāni viya neyyo, macchakacchapabhakkhāni pupphāni viya padaparamo”ti addassa. Passanto ca “ettakā apparajakkhā, ettakā mahārajakkhā, tatrāpi ettakā ugghaṭitaññū”ti evam sabbākāratova addasa.

Tattha tiṇṇam puggalānam imasmīmyeva attabhāve bhagavato dhammadesaṁ atthām sādheti. Padaparamānam anāgatatthāya vāsanā hoti. Atha bhagavā imesam catunnam puggalānam atthāvahaṁ dhammadesaṁ viditvā desetukā-myataṁ uppādetvā puna sabbepi tīsu bhavesu satte bhabbābhabbavasena dve koṭṭhāse akāsi. Ye sandhāya vuttam- “katame sattā abhabbā? Ye te sattā kammā-varaṇena samannāgatā kilesāvaraṇena samannāgatā vipākāvaraṇena samannāgatā assaddhā acchandikā duppaññā abhabbā niyāmaṁ okkamitum kusalesu dhammesu sammattam, ime te sattā abhabbā. Katame sattā bhabbā? Ye te sattā na kammāvaraṇena ...pe... ime te sattā bhabbā”ti (vibha. 827; paṭi. ma. 1.115). Tattha sabbepi abhabbapuggale pahāya bhabbapuggaleyeva ḡāṇena parigghetvā, “ettakā rāgacaritā ettakā dosa-mohacaritā vitakka-saddhā-buddhicaritā”ti cha koṭṭhāse akāsi. Evam katvā dhammaṁ desessāmīti cintesi.

Paccabhbāsīti pati-abhbāsi. **Apārutāti** vivaṭā. **Amatassa dvārāti** ariyamaggo. So hi amatasāṅkhātassa nibbānassa dvāram, so mayā vivaritvā ṭhapitoti dasseti. **Pamuñcantu saddhānti** sabbe attano saddhaṁ pamuñcantu (1.0186) vissajjentu. Pacchimapadadvaye ayamattho- ahañhi attano paguṇam suppavattitampi imaṁ pañītam uttamam dhammaṁ kāyavācākilamathasaññī hutvā na bhāsim. Idāni pana sabbo janō saddhābhājanam upanetu, pūressāmi tesam saṅkappanti.

Antaradhbāyīti satthāram gandhamālādīhi pūjetvā antarahito, sakatṭhānameva gatoti attho. Gate ca pana tasmiṁ bhagavā “kassa nu kho aham paṭhamam dhammaṁ deseyyan”ti? Ālārudakānam kālaṅkatabhāvam, pañcavaggyānañca bahūpakārabhāvam ḡātvā tesam dhammaṁ desetukāmo bārāṇasiyam isipatanam gantvā dhammacakkam pavattesīti. Paṭhamam.

2. Gāravasuttavaṇṇanā

173. Dutiye **udapādīti** ayaṁ vitakko pañcame sattāhe udapādi. **Agāravo**Ti aññasmiṁ gāravarahito, kañci garuṭṭhāne aṭṭhapetvāti attho. **Appatissoti** patissaya-rahito, kañci jetṭhakaṭṭhāne aṭṭhapetvāti attho.

Sadevaketi-ādīsu saddhiṁ devehi **sadevake**. Devaggahañena cettha mārabrahmesu gahitesupi māro nāma vasavattī sabbesam upari vasam vatteti, brahmā nāma mahānubhāvo ekaṅguliyā ekasmiṁ cakkavālāsaḥasse ālokam pharati. Dvīhi dvīsu ...pe... dasahi aṅgulīhi dasasupi cakkavālāsaḥassesu ālokam pharati, so iminā sīlasampannataroti vattum mā labhatūti **samārake sabrahmaki** visum vuttam. Tathā samañā nāma ekanikāyādivasena bahussutā sīlavanto paṇḍitā, brāhmaṇāpi vatthuvijjādivasena bahussutā paṇḍitā, te iminā sīlasampannatarāti vattum mā labhantūti **sassamaṇabrahmaṇiyā pajāyāti** vuttam. **Sadevamanussāyāti** idam pana nippadesato dassanattham gahitameva gahetvā vuttam. Apicettha purimāni tīṇi padāni lokavasena vuttāni, pacchimāni dve pajāvasena. **Sīlasampaṇnataranti** sīlena sampannataram, adhikataranti attho. Sesesupi eseva nayo. Ettha ca sīlādayo cattāro dhammā lokiyalokuttarā kathitā, vimuttiñāṇadassanam lokiyameva. Paccavekkhaṇāṇam hetam.

Pāturaḥosīti (1.0187)- “ayaṁ satthā avīcito yāva bhavaggā sīlādīhi attanā adhikataram apassanto ‘mayā paṭividdham navalokuttaradhammadmameva sakkaṭvā garum katvā upanissāya viharissāmī’ti cinteti, kāraṇam bhagavā cinteti, attham vuḍḍhivisesam cinteti, gacchāmissa ussāham janessāmī’ti cintetvā purato pākaṭo ahosi, abhimukhe aṭṭhāsīti attho.

Viharanti cāti ettha yo vadeyya “viharantīti vacanato paccuppannepi bahū buddhā”ti, so “bhagavāpi, bhante, etarahi

araham sammāsambuddho”ti iminā vacanena paṭibāhitabbo.

“Na me ācariyo atthi, sadiso me na vijjati;

sadevakasmiṁ lokasmiṁ, natthi me paṭipuggalo”ti. (mahāva. 11; ma. ni. 1.285)-

Ādīhi cassa suttehi aññesam buddhānam abhāvo dīpetabbo. **Tasmāti** yasmā sabbepi buddhā saddhammagaruno, tasmā. **Mahattamabhikaṅkhatāti** mahanta-bhāvam patthayamānena. **Saram buddhāna-sāsananti** buddhānam sāsanam sara-ntena. Dutiyam.

3. Brahmadevasuttavaṇṇanā

174. Tatiye **eko** Ti ṭhānādīsu iriyāpathesu ekako, ekavihārīti attho. **Vūpakaṭṭhoti** kāyena vūpakaṭṭho nissaṭo. **Appamattoti** satiyā avippavāse ṭhito. **Ātāpīti** vīriyātā pena samannāgato. **Pahitattoti** pesitatto. **KulaputtāTi** ācārakulaputtā. **Sammade-vāti** na iṇaṭṭā na bhayaṭṭā na jīvitapakatā hutvā, yathā vā tathā vā pabbajitāpi ye anulomapaṭipadām pūrenti, te sammadeva agārasmā anagāriyam pabbajanti nāma. **Brahmacariyapariyosānanti** maggabrahmacariyassa pariyosānabhūtam ariyaphalam. **Ditṭheva dhammeti** imasmimyeva attabhāve. **Sayam abhiññā sacchikatvāti** sāmam jānitvā paccakkham katvā. **Upasampajjāti** paṭilabhitvā sampādetvā vihāsi. Evam viharanto ca **khīṇā jāti ...pe... abbhaññāsīti**. Etenassa paccavekkhaṇabhūmi dassitā.

Katamā (1.0188) panassa jāti khīṇā, kathañca nam abbhaññāsīti? Vuccate, na tāvassa atītā jāti khīṇā pubbeva khīṇattā, na anāgatā tattha vāyāmābhāvato, na paccuppannā vijjamānattā. Maggassa pana abhāvitattā yā uppajjeyya ekacatupañcavokārabhavesu ekacatupañcakkhandhappabhedā jāti. Sā maggassa bhāvitattā anuppādadhammataṁ āpajjanena khīṇā. Tam so maggabhāvanāya pahīnakilese paccavekkhitvā- “kilesābhāve vijjamānampi kammaṁ āyatim appaṭisandhikam hoti”ti jānanto jānāti.

Vusitanti vuttham parivuttham, katam caritam niṭṭhāpitanti attho. **Brahmacariyanti** maggabrahmacariyam. **Katam karaṇiyanti** catūsu saccesu catūhi maggehi pariññāpahānasacchikiriyabhāvanāvasena soḷasavidhampi kiccam niṭṭhāpitanti attho. **Nāparam itthattāyāti** idāni puna itthabhāvāya, evam soḷasakiccabhbāvāya, kilesakkhayāya vā katamaggabhbāvanā natthīti. Atha vā **itthattāyāti** itthattabhāvato, imasmā evampakārā idāni vattamānakkhandhasantānā aparam khandhasantānam natthi, ime pana pañcakkhandhā pariññātā tiṭṭhanti chinnamūlako rukkho viyāti abbhaññāsi. **Aññataroti** eko. **Arahantanti** arahantānam, bhagavato sāvakānam arahataṁ abbhantaro ahosi.

Sapadānanti sapadānacāram, sampattagharam anukamma paṭipātiyā caranto. **Upasaṅkamīti** upasaṅkamanto. Mātā panassa puttām disvāva gharā nikhamma pattām gahetvā antonivesanam pavesetvā paññattāsane nisidāpesi.

Āhutim niccaṁ paggaṇhātīti niccakāle āhutipiṇḍam paggaṇhāti. Tam divasam pana tasmim ghare bhūtabalikammam hoti. Sabbageham haritupalittam vippaki-

ṇηalājaṁ vanamālaparikkhittam ussitaddhajapaṭākam tattha tattha puṇḍaghare ṭhapetvā daṇḍadīpikā jāletvā gandhacuṇḍamālādīhi alaṅkataṁ, samantato sañchādiyamānā dhūmakaṭacchu ahosi. Sāpi brāhmaṇī kālasseva vuṭṭhāya soḷasahi gandhodakaghaṭehi nhāyitvā sabbālaṅkārena attabhāvam alaṅkari. Sā tasmiṁ samaye mahākhīṇāsavam nisīdāpetvā, yāgu-uṇḍukamattampi adatvā, “mahābrahmaṁ bhojessāmī”ti suvaṇṇapātiyam pāyāsam (1.0189) pūretvā sappimadhusakkharādīhi yojetvā nivesanassa pacchābhāge haritupalittabhāvādīhi alaṅkatā bhūtapiṭhikā atthi. Sā tam pātiṁ ādāya, tattha gantvā, catūsu koṇesu majhe ca ekekam pāyāsapinḍam ṭhapetvā, ekam piṇḍam hatthena gahetvā, yāva kapparā sappinā paggharantena pathaviyam jāṇumāṇḍalam patiṭṭhāpetvā “bhuñjatu bhavam mahābrahmā, sāyatū bhavam mahābrahmā, tappetu bhavam mahābrahmā”ti vadamānā brahmānam bhojeti.

Etadahosīti mahākhīṇāsavassa sīlagandham chadevaloke ajjhottaritvā brahma-lokaṁ upagataṁ ghāyamānassa etam ahosi. **Saṃvejeyyanti** codeyyam, sammā-paṭipattiyaṁ yojeyyam. ‘Ayam hi evarūpaṁ aggadakkhiṇeyyaṁ mahākhīṇāsavam nisīdāpetvā yāgu-uṇḍukamattampi adatvā, “mahābrahmaṁ bhojessāmī”ti tulam pahāya hatthena tulayantī viya, bherim pahāya kucchiṁ vādentī viya, aggiṁ pahāya khajjopanakam dhamamānā viya bhūtabalim kurumānā āhiṇḍati. Gacchā-missā micchādassanam bhinditvā apāyamaggato uddharitvā yathā asītikoṭi-dhanam buddhasāsane vippakiritvā saggamaggam ārohati, tathā karomīti vuttam hoti.

Dūre itoti imamhā ṭhānā dūre brahmaloko. Tato hi kūṭāgāramattā silā pātitā ekena ahorattena aṭṭhacattālīsayojanasahassāni khepayamānā catūhi māsehi pathaviyam patiṭṭhaheyya, sabbaheṭṭhimopi brahmaloko evam dūre. **Yassāhutinti** yassa brahmuno āhutim paggaṇhāsi, tassa brahmaloko dūreti attho. **Brahmapa-thanti** ettha brahmapatho nāma cattāri kusalajjhānāni, vipākajjhānāni pana nesam jīvitapatho nāma, tam brahmapatham ajānantī tvam kiṁ jappasi vippalapasi? Brahmāno hi sappītikajjhānena yāpenti, na etam tiṇabījāni pakkhipitvā randham goyūsam khādanti, mā akāraṇā kilamasīti.

Evam vatvā puna so mahābrahmā añjaliṁ paggayha avakujjo hutvā theram upadisanto **eso hi te brāhmaṇi brahmadevoti-ādimāha**. Tattha **nirūpadhikoti** kilesābhi-saṅkhārakāmaguṇopadhīhi virahito. **Atidevapattoti** devānam atidevabhāvam brahmānam atibrahmabhāvam patto. **Anaññaposīti** (1.0190) ṭhapetvā imam attabhāvam aññassa attabhāvassa vā puttadārassa vā aposanatāya anaññaposī.

Āhuneyyoti āhunapiṇḍam paṭiggahetuṁ yutto. **Vedagūti** catumaggasaṅkhātehi vedehi dukkhassantam gato. **Bhāvitattoti** attānam bhāvetvā vadḍhetvā ṭhito. **Anūpa-littoti** taṇhādīhi lepehi ālitto. **Ghāsesanam iriyatīti** āhārapariyesanam carati.

Na tassa pacchā na puratthamatthīti pacchā vuccati atītam, purattham vuccati anāgataṁ, atītānāgatesu khandhesu chandarāgavirahitassa pacchā vā purattham vā natthīti vadati. **Santoti-ādīsu rāgādisantatāya** santo. Kodhadhūmavigamā **vidhūmo**, dukkhābhāvā **anīgho**, kattaradaṇḍādīni gahetvā vicarantopi vad hakace-tanāya abhāvā **nikkhittadaṇḍo**. **Tasathāvaresūti** ettha pana puthujjanā tasā nāma,

khīṇasavā thāvarā nāma. Satta pana sekhā tasāti vattum na sakkā, thāvarā na honti, bhajamānā pana thāvarapakkhameva bhajanti. **So tyāhutinti** so te āhutim.

Visenibhūtoti kilesasenāya viseno jāto. **Anejoti** nittaṇho. **Susīloti** khīṇasavasīlena susīlo. **Suvimuttacittoti** phalavimuttiyā suṭṭhu vimuttacitto. **Oghatiṇṇanti** cattāro oghe tiṇṇam. Ettakena kathāmaggena brahmā therassa vaṇṇam kathento āyatane brāhmaṇīm niyojesi. Avasānagāthā pana saṅgītikārehi ṭhapitā. **Patiṭṭhapesi dakkhiṇanti** catupaccayadakkhiṇam patiṭṭhapesi. **Sukhamāyatikanti** sukhāyatikam āyatim sukhavipākam, sukhāvahanti attho. Tatiyam.

4. Bakabrahmasuttavaṇṇanā

175. Catutthe **pāpakam diṭṭhigatanti** lāmikā sassatadiṭṭhi. **Idam niccanti** idam saha kāyena brahmaṭṭhānam aniccam “niccan”ti vadati. Dhuvādīni tasseva vevacanāni. Tattha **dhuvanti** thiram. **Sassatanti** sadā vijjamānam. **Kevalanti** akhaṇḍam sakalam. **Acavanadhammadanti** acavanasabhāvam. **Idam hi na jāyatīti-ādīsu** imasmim ṭhāne koci jāyanako vā jīyanako vā mīyanako vā cavanako (1.0191) vā upapajjanako vā natthi, tam sandhāya vadati. **Ito ca panaññanti** ito sahakāyā brahmaṭṭhānā uttari añnam nissaraṇam nāma natthīti. Evamassa thāmagatā sassatadiṭṭhi uppannā hoti. Evamvādī ca pana so upari tisso jhānabhūmiyo cattāro magge cattāri phalāni nibbānanti sabbaṁ paṭibāhati. Kadā panassa sā diṭṭhi uppannāti? Paṭhamajjhānabhūmiyam nibbattakāle. Dutiyajjhānabhūmiyanti eke.

Tatrāyam anupubbikathā- heṭṭhupapattiko kiresa brahmā anuppanne buddhupāde isipabbajjam pabbajitvā kasiṇaparikammaṁ katvā samāpattiyo nibbattetvā aparihīnajjhāno kālam katvā catutthajjhānabhūmiyam vehapphalabrahmaloke pañcakappasatikam āyum gahetvā nibbatti. Tattha yāvatāyukam ṭhatvā heṭṭhupattikam katvā tatiyajjhānam paṇītam bhāvetvā subhakiṇhabrahmaloke catusatthikappam āyum gahetvā nibbatti. Tattha dutiyajjhānam bhāvetvā ābhassare atṭha kappe āyum gahetvā nibbatti. Tattha paṭhamajjhānam bhāvetvā, paṭhamajjhānabhūmiyam kappāyuko hutvā nibbatti. So paṭhamakāle attanā katakammañca nibbattatṭhānañca aññāsi, kāle pana gacchante gacchante ubhayam pamussitvā sassatadiṭṭhim uppādesi.

Avijjāgatoti avijjāya gato samannāgato aññāṇī andhībhūto. **Yatra hi nāmāti** yo nāma. **Vakkhatīti** bhaṇati. “Yatrā”ti nipātayogena pana anāgatavacanam kataṁ.

Evam vutte so brahmā yathā nāma maggacoro dve tayo pahāre adhivāsento sahāye anācikkhitvāpi uttarim pahāram pahariyamāno “asuko ca asuko ca mayham sahāyo”ti ācikkhati, evameva bhagavatā santajjiyamāno satim labhitvā, “bhagavā mayham padānupadām pekkhanto maṁ nippīlitukāmo”ti bhīto attano sahāye ācikkhanto **dvāsattatīti-ādimāha**. Tassatto- bho gotama, mayam dvāsattati janā **puññakammā** tena puññakamma idha nibbattā. **Vasavattino** sayam aññesaṁ vase avattitvā pare attano vase vattema, jātiñca jarañca atītā, ayam no vedehi gatattā “vedagū”ti saṅkham gatā bhagavā antimā brahmupapatti. **Asmābhi-**

jappanti janā anekāti anekajanā amhe (1.0192) abhijappanti. “Ayaṁ kho bhavam brahmā, mahābrahmā, abhibhū, anabhibhūto, aññadatthudasō, vasavattī, issaro, kattā, nimmātā, setṭho, sajītā, vasi, pitā bhūtabhabyānan”ti evam patthenti piheti.

Atha nam bhagavā **appam hi etanti-ādimāha**. Tattha **etanti** yam tvam idha tava āyum “dīghan”ti maññasi, etam appam parittakam. **Sataṁ sahassānam nirabbudānantī** nirabbudaganāya satasahassanirabbudānam. Āyum **pajānāmīti**, “idāni tava avasiṭṭham ettakam āyū”ti aham jānāmi. **Anantadassī bhagavā hamasmīti**, bhagavā, tumhe “aham anantadassī jāti-ādīni upātivatto”ti vadatha. **Kim me purāṇanti**, yadi tvam anantadassī, evam sante idam me ācikkha, kim mayham purāṇam? **Vatasīlavattanti** sīlameva vuccati. **Yamaham vijaññāti** yam aham tayā kathitam jāneyyam, tam me ācikkhāti vadati.

Idānissa ācikkhanto bhagavā **yam tvam apāyesīti-ādimāha**. Tatrāyam adhippāyo- pubbe kiresa kulaghare nibbattitvā kāmesu ādīnavam disvā- “jātijarāmaraṇassa antam karissāmī”ti nikhamma isipabbajjaṁ pabbajitvā samāpattiyo nibbattitvā abhiññāpādakajjhānassa lābhī hutvā gaṅgātire paññasālam kāretvā jhānaratiyā vītināmeti. Tadā ca kālenakālam satthavāhā pañcahi sakaṭasatehi marukantāram paṭipajjanti. Marukantāre pana divā na sakkā gantum, rattim gamanam hoti. Atha purimasakaṭassa aggayuge yuttabalibaddā gacchantā gacchantā nivattitvā āgatamaggābhimukhā ahesum, sabbasakaṭāni tatheva nivattitvā aruṇe uggate nivattitabhāvam jāniṁsu. Tesañca tadā kantāram atikkamanadivaso ahosi. Sabbam dārudakam parikkhīṇam- tasmā “natthi dāni amhākaṁ jīvitā”ti cintetvā, goṇe cakkesu bandhitvā, manussā sakaṭacchāyam pavisitvā nipajjiṁsu.

olokayamāno addasa gaṅgam mahatā udakoghena pūriyamānam pavattitamaṇi-kkhandham viya āgacchantaṁ, disvā cintesi- “atthi nu kho imasmim loke evarū-passa madhurodakassa alābhena kilissamānā sattā”ti? So evam āvajjento marukantare tam satthaṁ disvā ‘ime sattā mā nassantū’ti “ito cito ca mahā-udaka-kkhandho chijjivā marukantare (1.0193) satthābhīmukho gacchatū”ti abhiññācittena adhiṭṭhāsi. Saha cittuppādena mātikāruṇham viya udakam tattha agamāsi. Manussā udakasaddena vuṭṭhāya udakam disvā haṭṭhatuṭṭhā nhāyitvā pivitvā goṇepi pāyetvā sotthinā icchitaṭṭhānam agamāmsu. Satthā tam brahmuno pubbakammam dassento paṭhamam gāthamāha. Tattha **apāyesīti** pāyesi. A-kāro nipātamattam. **Gammanīti** gimhe. **Sampareteti** gimhātapena phuṭhe anugate.

Aparasmimpi samaye tāpaso gaṅgātire paṇṇasālam māpetvā araññagāmakam nissāya vasati. Tena ca samayena corā tam gāmaṁ paharitvā hatthasāram gahetvā gāviyo ca karamare ca gahetvā gacchanti. Gāvopi sunakhāpi manussāpi mahāviravam viravanti. Tāpaso tam saddam sutvā “kinnu kho etan”ti? Āvajjento “manussānam bhayaṁ uppannan”ti ñatvā “mayi passante ime sattā mā nassantū”-ti abhiññāpādakajjhānam samāpajjivā vuṭṭhāya abhiññācittena corānam paṭipathe caturaṅginim senam māpesi. Kammasajjā āgacchanta corā disvā, “rājā maññe āgato”ti vilopam chadḍetvā pakkamīmsu. Tāpaso “yam yassa santakam, tam tasseva hotū”ti adhiṭṭhāsi, tam tatheva ahosi. Mahājano sotthibhāvam pāpuṇi. Satthā idampi tassa pubbakammam dassento dutiyam gāthamāha. Tattha **eṇikūla-sminti** gaṅgātire. **Gayhakam nīyamānanti** gahetvā nīyamānam, karamaram nīyamānanti attho.

Puna ekasmim samaye uparigaṅgāvāsikam ekam kulam heṭṭhāgaṅgāvāsikena kulena saddhim mittasanthavam katvā, nāvāsaṅghāṭam bandhitvā, bahum khādanīyañceva bhojanīyañca gandhamālādīni ca āropetvā gaṅgāsotena āgacchati. Manussā khādamānā bhuñjamānā naccantā gāyantā devavimānena gacchanta viya balavasomanassā ahesum. Gaṅgeyyako nāgo disvā kupito “ime mayi saññampi na karonti. Idāni ne samuddameva pāpessāmī”ti mahantaṁ attabhāvam māpetvā udakam dvidhā bhinditvā uṭṭhāya phaṇam katvā, susukāram karonto atṭhāsi. Mahājano disvā bhīto vissaramakāsi. Tāpaso paṇṇasālāyam nisinno sutvā, “ime gāyantā naccantā somanassajātā āgacchanti. Idāni pana bhayaravam ravīmsu, kinnu kho”ti? Āvajjento (1.0194) nāgarājam disvā, “mayi passante sattā mā nassantū”ti abhiññāpādakajjhānam samāpajjivā attabhāvam pajahitvā supaṇṇavaṇṇam māpetvā nāgarājassa dassesi. Nāgarājā bhīto phaṇam samharitvā udakam paviṭṭho, mahājano sotthibhāvam pāpuṇi. Satthā idampi tassa pubbakammam dassento tatiyam gāthamāha. Tattha **Iuddenāti** dāruṇena. **Manussaka-myāti** manussakāmatāya, manusse vihetukāmatāyāti attho.

Aparasmimpi samaye esa isipabbajjam pabbajitvā kesavo nāma tāpaso ahosi. Tena samayena amhākam bodhisatto kappo nāma māṇavo kesavassa baddha-caro antevāsiko hutvā ācariyassa kiṃkārapaṭissāvī manāpacārī buddhisampanno atthacaro ahosi. Kesavo tena vinā vasitum na sakkoti, tam nissāyeva jīvikam

kappesi. Satthā idampi tassa pubbakammam dassento catuttham gāthamāha.

Tattha **baddhacaroti** antevāsiko, so pana jetthantevāsiko ahosi. **Sambuddhimantam vatinam amanīti**, "sammā buddhimā vatasampanno ayan"ti evam mañnamāno kappo tava antevāsiko ahosim aham so tena samayenāti dasseti. **Aññepi jānāsīti** na kevalam mayham āyumeva, aññepi tvam jānāsiyeva. **Tathā hi buddhoti** tathā hi tvam buddho, yasmā buddho, tasmā jānāsīti attho. **Tathā hi tyāyam jalitānubhāvoti** yasmā ca tvam buddho, tasmā te ayam jalito ānubhāvo. **Obhāsayam tiṭṭhatīti** sabbam brahmalokam obhāsayanto tiṭṭhati. Catuttham.

5. Aññatarabrahmasuttavaṇṇanā

176. Pañcame tejodhātum samāpajjītvāti tejokasiṇaparikammaṁ katvā pādakkhānato vuṭṭhāya, "**sarīrato jālā nikkhamantū**"ti adhitthahanto adhitthānacittānu-bhāvena sakalasarīrato jālā nikkhamanti, evam tejodhātum samāpanno nāma hoti, tathā samāpajjītvā. **Tasmim brahmaloketi** kasmā therō tattha agamāsi? Therassa kira tejodhātum samāpajjītvā tassa brahmuno upari nisinnam tathāgataṁ disvā "atthivedhī (1.0195) ayam puggalo, mayāpettha gantabban"ti ahosi, tasmā agamāsi. Sesānam gamanepi eseva nayo. So hi brahmā tathāgatassa ceva tathāgatasāvakānañca ānubhāvam adisvā abhabbo vinayaṁ upagantuṁ, tena so sannipāto ahosi. Tattha tathāgatassa sarīrato uggatajālā sakalabrahmalokam atikkamitvā ajaṭākāse pakkhandā, tā ca pana chabbanñā ahesum, tathāgatassa sāvakānam ābhā pakativanñāva.

Passasi vītvattantanti imasmiṁ brahmaloke aññabrahmasarīravimānālaṅkārā-dīnam pabhā atikkamamānam buddhassa bhagavato pabhassaram pabham passasīti pucchatī. **Na me, mārisa, sā ditthīti** yā mesā, "idhāgantuṁ samattho añño samaṇo vā brāhmaṇo vā natthī"ti pure ditthi, natthi me sā. **Katham vajjanti** kena kāraṇena vadeyyam. **Niccomhi sassatoti** imassa kira brahmuno laddhiditthi sassatadiṭṭhi cāti dve ditthiyō. Tatrāssa tathāgatañceva tathāgatasāvake ca passato laddhiditthi pahīnā. Bhagavā panettha mahantaṁ dhammadesanam desesi. Brahmā desanāpariyosāne sotāpattiphale patiṭṭhahi. Itissa maggena sassatadiṭṭhi pahīnā, tasmā evamāha.

Brahmapārisajjanti brahmapāricārikam. Therānañhi bhaṇḍagāhakadaharā viya brahmānampi pārisajjā brahmāno nāma honti. **Tenupasaṅkamāti** kasmā thera-sseva santikam pesesi? There kirassa tattakenēva kathāsallāpena vissāso udapādi, tasmā tasseva santikam pesesi **aññepīti** yathā tumhe cattāro janā, kinnu kho evarūpā aññepi atthi, udāhu tumhe cattāro eva mahiddhikāti? **Tevijjāti** pubbenivā-sadibbacakkhu-āsavakkhayasaṅkhātāhi tīhi vijjāhi samannāgatā. **Iddhipattāti** iddhividhaññam pattā. **Cetopariyāyakovidāti** paresam cittācāre kusalā. Eva-mettha pañca abhiññāpi sarūpena vuttā. Dibbasotam pana tāsam vasena āgata-mevo hoti. **BahūTi** evarūpā chaṭabhiññā buddhasāvakā bahū gaṇanapatham atikkantā, sakalam jambudīpam kāsāvapajjotam katvā vicarantīti. Pañcamam.

6. Brahmalokasuttavaṇṇanā

177. Chatṭhe (1.0196) paccekam dvārabāhanti ekeko ekekam dvārabāham nissāya dvārapālā viya atṭhamsu. Iddhoti jhānasukhena samiddho. Phītoti abhiññāpuppheli supupphito. Anadhibhāsentoti asahanto. Etadavocāti etesam nimmitabrahmānam majhe nisino etam “passasi me”ti-ādivacanam avoca.

Tayo supaṇṇāti gāthāya pañcasatāti satapadaṁ rūpavasena vā pantivasena vā yojetabbam. Rūpavasena tāva tayo supaṇṇāti tīṇi supaṇṇarūpasatāni. Catturo ca haṃsāti cattārihaṃsarūpasatāni. Bugghinisā pañcasatāti byagghasadisā ekacce migā byagghinisā nāma, tesam byagghinisārūpakānam pañcasatāni, pantivasena tayo supaṇṇāti tīṇi supaṇṇapantisatāni, catturo haṃsāti cattāri haṃsapantisatāni. Byagghinisā pañcasatāti pañca byagghinisā pantisatāni. Jhāyinoti jhāyissa mayham vimāne ayam vibhūtīti dasseti. Obhāsayanti obhāsayamānam. Uttarassam disāyanti tam kira kanakavimānam tesam mahābrahmānam ṭhitaṭṭhānato uttaradisāyam hoti. Tasmā evamāha. Ayam panassa adhippāyo- evarūpe kanakavimāne vasanto aham kassa aññassa upaṭṭhānam gamissāmīti. Rūpe raṇam disvāti rūpamhi jātijarābhāngasaṅkhātam dosam disvā. Sadā pavedhitanti sītādīhi caniccam pavedhitam calitam ghatṭitam rūpam disvā. Tasmā na rūpe ramati sumedhoti yasmā rūpe raṇam passati, sadā pavedhitañca rūpam passati, tasmā sumedho sundarapañño so satthā rūpe na ramatīti. Chatṭham.

7. Kokālikasuttavaṇṇanā

178. Sattame appameyyam paminantoti appameyyam khīṇāsavapuggalam “ettakam sīlam, ettako samādhi, ettakā paññā”ti evam minanto. Kodhavidvā vikappayeti ko idha vidvā medhāvī vikappeyya, khīṇāsavova khīṇāsavam minanto kappeyyāti dīpeti. Nivutam tam maññeti yo pana puthujjano tam pametum ārabhati, tam nivutam avakujjapaññam maññāmīti. Sattamam.

8. Katamodakatissasuttavaṇṇanā

179. Atṭhame (1.0197) akissavanti kissavā vuccati paññā, nippaññoti attho. Atṭhamam.

9. Turūbrahmasuttavaṇṇanā

180. Navame ābādhikoTi “sāsapamattīhi pīlakāhi”ti-ādinā nayena anantara-sutte āgatena ābādhena ābādhiko. BālhagilānoTi adhimattagilāno. Turūti kokālikassa upajjhāyo turutthero nāma anāgāmiphalaṁ patvā brahmaloke nibbatto. So bhūmaṭṭhakadevatā ādīm katvā, “ayuttam kokālikena kataṁ aggasāvake antimavatthunā abbhācikkhantenā”ti paramparāya brahmalokasampattam kokālikassa pāpakkammaṁ sutvā- “mā mayham passantasseva varāko nassi, ovadissāmi nam

theresu cittapasādatthāyā”ti āgantvā tassa purato atṭhāsi. Tam sandhāya vuttam “turū paccekabrahmā”ti. **Pesalāti** piyasilā. **Kosi tvam**, āvusoti nipannakova kabarakkhīni ummīletvā evamāha. **Passa yāvañca** teti passa yattakam tayā aparaddham, attano nalāte mahāgaṇḍam apassanto sāsapamattāya pīlakāya maṁ codetabbam maññasiti āha.

Atha naṁ “aditthippatto ayam varāko, gilaviso viya kassaci vacanam na karissati”ti ñatvā **purisassa hīti-ādimāha**. Tattha **kūṭhārīti** kūṭhārisadisā pharusā vācā. **Chindatīti** kusalamūlasaṅkhāte mūleyeva nikantati. **Nindiyanti** ninditabbam dussila-puggalam. **Pasamsatīti** uttamathē sambhāvetvā khīṇāsavoti vadati. **Tam vā nindati yo pasamsiyoti**, yo vā pasamsitabbo khīṇāsavo, tam antimavatthunā codento “dussilo ayan”ti vadati. **Vacināti mukhena so kalinti**, so tam aparādhām mukhena vicināti nāma. **Kalinā tenāti** tena aparādhena sukham na vindati. Nindiyapasaṁsāya hi pasamsiyanindāya ca samakova vipāko.

Sabbassāpi sahāpi attanāti sabbena sakenapi attanāpi saddhim yo akkhesu dhanaparājayo nāma, ayam appamattako aparādho. **Yo** (1.0198) **sugatesūTi** yo pana sammaggatesu puggalesu cittam padusseyya, ayam cittapadosova tato kalito mahantataro kali.

Idāni tassa mahantatarabhāvam dassento **sataṁ sahassānanti-ādimāha**. Tattha **sataṁ sahassānanti** nirabbudagaṇanāya satasahassam. **Chattiṁsatīti** aparāni chattiṁsati nirabbudāni. **Pañca cāti** abbudagaṇanāya pañca abbudāni. **Yamariyagarahīti** yam ariye garahanto nirayam upapajjati, tattha ettakam āyuppamāṇanti. Navamam.

10. Kokālikasuttavaṇṇanā

181. Dasame kokāliko bhikkhu yena bhagavā tenupasaṅkamīti, ko ayam kokāliko, kasmā ca upasaṅkami? Ayam kira kokālikaraṭṭhe kokālikanagare kokālikaseṭṭhissa putto pabbajitvā pitarā kārāpīte vihāre paṭivasati cūlakokālikoti nāmena, na devadattassa sisso. So hi brāhmaṇaputto mahākokāliko nāma. Bhagavati pana sāvatthiyaṁ viharante dve aggasāvakā pañcamattehi bhikkhusatehi saddhim jana-padacārikam caramānā upakaṭṭhāya

vassūpanāyikāya vivekāvāsam̄ vasitukāmā te bhikkhū uyyojetvā attano pattacīvaramādāya tasmim̄ janapade tam̄ nagaram patvā tam̄ vihāram agamamsu. Tattha nesam̄ kokāliko vattam̄ dassesi. Te tena saddhim̄ sammoditvā, “āvuso, mayam idha temāsam̄ vasissāma, mā kassaci ārocehi”ti paṭiññam̄ gahetvā vasiṁsu. Vasitvā pavāraṇādivase pavāretvā, “gacchāma mayam, āvuso”ti kokālikam̄ āpucchiṁsu. Kokāliko “ajjekadivasam̄, āvuso, vasitvā sve gamissathā”ti vatvā dutiyadivase nagaram pavisitvā manusse āmantesi- “āvuso, tumhe aggasāvake idhāgantvā vasamānepi na jānātha, na ne koci paccayenāpi nimanteti”ti. Nagaravāsino, “kaham̄, bhante, therā, kasmā no na ārocayitthā”ti? Kim̄ āvuso ārocitena, kim̄ na passatha dve bhikkhū therāsane nisidante, ete aggasāvakāti. Te khippam sannipatitvā sappiphāṇitādīni ceva cīvaradussāni ca saṁhariṁsu.

Kokāliko (1.0199) cintesi- “paramappicchā aggasāvakā payuttavācāya uppānam̄ lābhām̄ na sādiyissanti, asādiyantā ‘āvāsikassa dethā’ti vakkhanti”ti. Tam̄ tam̄ lābhām̄ gāhāpetvā therānam̄ santikam̄ agamāsi. Therā disvāva “ime paccayā neva amhākam̄, na kokālikassa kappantī”ti paṭikkhipitvā pakkamīṁsu. Kokāliko “katham̄ hi nāma attanā agaṇhantā mayhampi adāpetvā pakkamissanti”ti? Āghātam̄ uppādesi. Tepi bhagavato santikam̄ gantvā bhagavantaṁ vanditvā puna attano parisam̄ ādāya janapadacārikam̄ carantā anupubbena tasmiṁ ratṭhe tameva nagaram paccāgamiṁsu. Nāgarā there sañjānitvā saha parikkhārehi dānam̄ sajjitvā nagaramajjhē maṇḍapam̄ katvā dānam̄ adam̄su, therānañca pari-kkhāre upanāmesum̄. Therā bhikkhusaṅghassa niyyādayiṁsu. Tam̄ disvā kokāliko cintesi- “ime pubbe appicchā ahesum̄, idāni pāpicchā jātā, pubbepi appiccha-santuṭṭhapavivittasadisā maññe”ti there upasaṅkamitvā, “āvuso, tumhe pubbe appicchā viya, idāni pana pāpabhikkhū jātā”ti vatvā “mūlaṭṭhāneyeva nesam̄ patiṭṭham̄ bhindissāmī”ti taramānarūpo nikkhomitvā sāvatthim̄ gantvā yena bhagavā tenupasaṅkami. Ayameva kokāliko iminā ca kāraṇena upasaṅkamīti veditabbo.

Bhagavā tam̄ turitaturitam̄ āgacchantaṁ disvāva āvajjento aññāsi- “ayaṁ aggasāvake akkositukāmo āgato”ti. “Sakkā nu kho paṭisedhetun”ti ca āvajjento, “na sakkā paṭisedhetum̄, theresu aparajjhitvā kālaṅkato ekaṁsenā padumaniraye nibbattissati”ti disvā, “sāriputtamoggallānepi nāma garahantaṁ sutvā na nisedheti”ti vādamocanattham̄ ariyūpavādassa ca mahāsāvajjabhāvadassanattham̄ mā hevanti tikkhattum̄ paṭisedhesi. Tattha mā hevanti mā evam̄ abhaṇi. **Saddhāyikoti** saddhāya ākaro pasādāvaho saddhātabbavacano vā. **Paccayikoti** pattiyāyitabba-vacano.

Pakkāmīti kammānubhāvena codiyamāno pakkāmi. Okāsakataṁ hi kammaṁ na sakkā paṭibāhitum̄, tam̄ tassa tattha ṭhātum̄ na adāsi. **Acirapakkantassāti** pakkantassa sato na cireneva. **Sabbo kāyo phuṭo** (1.0200) **ahosīti** kesaggamattampi okāsam̄ āvajjetvā sakalasarīram̄ atṭhīni bhinditvā uggatāhi pīlakāhi ajjhottthaṭam̄ ahosi. Yasmā pana buddhānubhāvena tathārūpaṁ kammaṁ buddhānam̄ sammukhībhāve vipākam̄ na deti, dassanūpacāre vijahitamatte deti, tasmā tassa acirapakkantassa pīlakā utṭhahiṁsu. **Kalāyamattiyo** caṇakamattiyo. **Beluvasalāṭukamatti-**

yoti taruṇabeluvamattiyo. (**billamattiyoti** mahābeluvamattiyo.) **Pabhijimsūti** bhijimsu. Tāsu bhinnāsu sakalasarīram panasapakkam viya ahosi. So pakkena gattena jetavanadvārakoṭṭhake visagilito maccho viya kadalipattesu sayi. Atha dhammasavanattham āgatāgatā manussā- “dhi kokālika, dhi kokālika, ayuttama-kāsi, attanoyeva mukham nissāya anayabyasanam patto”ti āhamṣu. Tesam sutvā ārakkhadevatā dhi-kāram akaṁsu. Ārakkhakadevatānam ākāsadevatāti iminā upāyena yāva akaniṭṭhabhavanā ekadhikāro udapādi. Athassa upajjhāyo āgantvā ovādam agaṇhantaṁ ūtavā garahitvā pakkāmi.

Kālamakāsīti upajjhāye pakkante kālamakāsi. **Padumam** nirayanti pātiyekko padumanirayo nāma natthi, avīcimahānirayamhiyeva pana padumagananāya paccitabbe ekasmiṁ ṭhāne nibbatti.

Vīsatikhārikoti māgadhakena patthena cattāro patthā kosalaraṭṭhe ekapattho hoti, tena patthena cattāro patthā āl hakam, cattāri āl hakāni doṇam, catudoṇā mānikā, catumānikā khārī, tāya khāriyā vīsatikhāriko. **Tilavāhoti** māgadhakānam sukhumatilānam tilasakaṭam. **Abbudo** nirayoti abbudo nāma pātiyekko nirayo natthi. Avīcimhiyeva pana abbudagananāya paccitabbaṭṭhānassetam nāmam. **Nirabbudādīsupi** eseva nayo.

Vassagaṇanāpi panettha evam veditabbā- yatheva hi satam satasahassāni koṭi hoti, evam satam satasahassakoṭiyo pakoṭi nāma hoti, satam satasahassapo-koṭiyo koṭipakoṭi nāma, satam satasahassakoṭipakoṭiyo (1.0201) nahutam, satam satasahassanahutāni ninnahutam, satam satasahassaninnahutāni ekam abbudam, tato vīsatiguṇam nirabbudam. Eseva nayo sabbatthāti. Dasamam.

Paṭhamo vaggo.

2. Dutiyavaggo

1. Sanaṅkumārasuttavaṇṇanā

182. Dutiyaggassa paṭhame **sappinītireti** sappinīnāmikāya nadiyā tīre. **Sanaṅkumāroti** so kira pañcasikhakumārakakāle jhānam bhāvetvā brahma-loke nibbatto kumārakavaṇṇeneva vicarati. Tena nam “kumāro”ti sañjānanti, porāṇakattā pana “sanaṅkumāro”ti vuccati. **Janetasmiṁti** janetasmiṁ, pajāyāti attho. **Ye gottapaṭisārinoti** ye janetasmiṁ gottam paṭisaranti tesu loke gottapaṭisārisu khattiyo setṭho. **Vijjācaraṇasampannoti** bhayabheravasuttapariyāyena (ma. ni. 1.34 ādayo) pubbenivāsādīhi vā tīhi, ambaṭṭhasuttapariyāyena (dī. ni. 1.278 ādayo) vipassanāñānam manomayiddhi cha abhiññāyoti imāhi vā aṭṭhahi vijjāhi, silesu paripūrakāritā indriyesu guttadvāratā bhojane mattaññutā jāgariyānuyogo satta saddhammā cattāri rūpāvacarajjhānānīti evam pannarasadhammabhedenā caranena ca samannāgato. **So setṭho devamānuseṭi** so khīṇāsavabrāhmaṇo devesu

ca manussesu ca seṭṭho uttamoti. Paṭhamam.

2. Devadattasuttavaṇṇanā

183. Dutiye acirapakkanteti saṅgham bhinditvā nacirasseva veļuvanato gayā-sīsam gate. Assatarinti gadrabhassa vaṭavāya jātam. Dutiyam.

3. Andhakavindasuttavaṇṇanā

184. Tatiye (1.0202) andhakavindanti evamnāmakam gāmam. **Upasaṅkamīti** “satthā idānipi vīriyam karoti padhānamanuyuñjati, gacchāmissa santike ṭhatvā sāsanānuccchavikam vīriyapaṭisaṁyuttam gātham vakkhāmī”ti upasaṅkami.

Pantānīti janatam atikkamitvā manussānam anupacāre ṭhitāni. **Samyojanavippamokkhāti** tāni ca senāsanāni sevamāno na cīvarādīnam atthāya seveyya, atha kho dasasamyojanavippamokkhatthāya careyya. **Saṅhe vase**ti tesu senāsaneshu ratim alabhanto upaṭṭhākādīnam cittānurakkhaṇattham gadrabhapiṭhe rajam viya uppantato araññe acaritvā saṅghamajjh vaseyya. **Rakkhitatto satīmāti** tattha ca vasanto sagavacaṇḍo goṇo viya sabrahmacārino avijjhanto aghaṭento rakkhitatto satipaṭṭhānaparāyaṇo hutvā vaseyya.

Idāni saṅhe vasamānassa bhikkhuno bhikkhācāravattam ācikkhanto **kulākulanti-ādimāha**. Tattha **piṇḍikāya carantoti** piṇḍatthāya caramāno. **Sevetha pantāni senāsanānīti** saṅghamajjhām otaritvā vasamānopi dhuraparivenē tālanālikera-ādīni ropetvā upaṭṭhākādisaṁsaṭṭho na vaseyya, cittakallataṁ pana janetvā cittam hāsetvā tosetvā puna pantasenāsane vaseyyāti araññasseva vaṇṇam katheti. **Bhayāti** vaṭṭabhyato. **Abhayeti** nibbāne. **Vimuttoti** adhimutto hutvā vaseyya.

Yattha bheravāti yasmim ṭhāne bhayajanakā saviññānakā sīhabyagghādayo, aviññānakā rattibhāge khāṇuvalli-ādayo bahū atthi. **Sarisapāti** dīghajātikādisarīsapā. **Nisidi tattha bhikkhūti** tādise ṭhāne bhikkhu nisinno. Iminā idam dīpetibhagavā yathā tumhe etarahi tatraṭṭhakabheravārammaṇāni ceva sarīsape ca vijjunicchāraṇādīni ca amanasikatvā nisinnā, evamevaṁ padhānamanuyuttā bhikkhū nisidantīti.

Jātu me diṭṭhanti ekamseṇa mayā diṭṭham. **Na yidaṁ itihītihanti** idam itiha itihāti na takkahetu vā nayahetu vā piṭakasampadānena vā (1.0203) ahaṁ vadāmi. **Ekasmiṁ brahmacariyasminti** ekāya dhammadesanāya. Dhammadesanā hi idha brahmacariyanti adhippetā. **Maccuhāyinanti** marañapariccāginaṁ khīṇāsavānam.

Dasā ca dasadhā dasāti ettha dasāti daseva, **dasadhā dasāti** sataṁ, aññe ca dasuttaram sekhasatam passāmīti vadati. **Sotasamāpannāti** maggasotam samāpannā. **Atiracchānagāminoti** desanāmattametam, avinipātadhammāti attho. **Saṅkhātum nopi sakkomīti** musāvādabhayena ettakā nāma puññabhāgino sattāti gaṇetum na sakkomīti bahum brahmādhammadesanam sandhāya evamāha. Tatiyam.

4. Aruṇavatīsuttavaṇṇanā

185. Catutthe **abhibhūsambhavanti** abhibhū ca sambhavo ca. Tesu abhibhūthero sāriputtathero viya paññāya aggo, sambhavatthero mahāmoggallāno viya samādhinā aggo. **Ujjhāyantīti** avajjhāyanti, lāmakato vā cintenti. **Khiyyantīti**, kinnāmetam kinnāmetanti? Aññamaññaṁ kathenti. **Vipācentīti** vitthārayantā punappanaṁ kathenti. **Hetṭhimena upadḍhakāyenāti** nābhito paṭṭhāya hetṭhimakāyena. Pāliyam ettakameva āgataṁ. Thero pana “pakativanṇam vijahitvā nāgavaṇṇam gahetvā dasseti, supaṇṇavaṇṇam gahetvā vā dasseti”ti-ādinā (paṭi. ma. 3.13) nayena āgataṁ anekappakāram iddhivikubbanam dasesi. **Imā gāthāyo abhāsīti** thero kira cintesi- “kathaṁ desitā nu kho dhammadesanā sabbesam piyā assa manāpā”ti. Tato āvajjento- “sabbepi pāsaṇḍā sabbe devamanussā attano attano samaye purisakāram vaṇṇayanti, viriyassa avaṇṇavādī nāma natthi, viriyapaṭisam-yuttam katvā desessāmi, evam ayam dhammadesanā sabbesam piyā bhavissati manāpā”ti ñatvā tisu piṭakesu vicinitvā imā gāthā abhāsi.

Tattha **ārambhathāti** ārambhavīriyam krotha. **Nikkamathāti** nikamavīriyam krotha. **Yuñjathāti** payogam krotha parakkamatha. **Maccuno senanti** maccuno senā nāma kilesasenā, tam dhunātha. **Jātisamsāranti** jātiñca (1.0204) samsārañca, jātisaṅkhātam vā samsāram. **Dukkhassantam karissatīti** vaṭṭadukkhassa paricchedam karissati. Kim pana katvā thero sahassilokadhātum viññāpesīti? Nila-kasiṇam tāva samāpajjitvā sabbattha ālokaṭṭhāne andhakāram phari, odātaka-siṇam samāpajjitvā andhakāraṭṭhāne obhāsam. Tato “kimidam andhakāran”ti? Sattānam ābhoge upanne ālokam dasesi. Ālokaṭṭhāne ālokakiccam natthi, “kim āloko ayan”ti? Vicinātānam attānam dasesi. Atha tesam theroti vadantānam imā gāthāyo abhāsi, sabbe osaṭāya parisāya majhe nisīditvā dhammam desentassa viya saddam sunīmsu. Atthopi nesam pākaṭo ahosi. Catuttham.

5. Parinibbānasuttavaṇṇanā

186. Pañcame upavattane mallānaṁ sālavaneti yatheva hi kadambanadītīrato rājamātuvihāradvārena thūpārāmaṁ gantabbam hoti, evam hiraññavatikāya nāma nadiyā pārimatīrato sālavanaṁ uyyānaṁ. Yathā anurādhapurassa thūpārāmo, evam tam kusinārāya hoti. Yathā thūpārāmato dakkhiṇadvārena nagaram pavisana maggo pācīnamukho gantvā uttarena nivattati, evam uyyānato sālapanti pācīnamukhā gantvā uttarena nivattā. Tasmā tam “upavattanan”ti vuccati. Tasmiṁ upavattane mallānaṁ sālavane. **Antarena yamakasālānanti** mūlakkhandhaviṭapapattehi aññamaññaṁ samsibbitvā ṭhitasālānaṁ antarikāya. **Appamādena sampāde-thāti** sati-avippavāsenā kattabbakiccāni sampādayatha. Iti bhagavā yathā nāma maraṇamañce nipanno mahaddhano kuṭumbiko puttānaṁ dhanasāram āci-kkheyya, evamevaṁ parinibbānamañce nipanno pañcacattālisa vassāni dinnam ovādaṁ sabbaṁ ekasmiṁ appamādapadeyeva pakkhipitvā abhāsi. **Ayam tathāgatassa pacchimā vācāti idam pana saṅgītikārānaṁ vacanam.**

Ito param yam parinibbānaparikammaṁ katvā bhagavā parinibbuto, tam dassetuṁ, **atha kho bhagavā paṭhamam jhānanti-ādi** vuttam. Tattha saññāvedayitanirodhaṁ samāpanne bhagavati assāsapassāsānaṁ appavattim disvā, “parinibbuto satthā”ti saññāya devamanussā ekappahārena viraviṁsu, ānandattheropi “parinibbuto nu kho, bhante, anuruddha bhagavā”ti theram (1.0205) pucchi. Thero “na kho, āvuso ānanda, tathāgato parinibbuto, apica saññāvedayitanirodhaṁ samāpanno”ti āha. Katham pana so aññāsi? Thero kira satthārā saddhimyeva tam tam samāpattim samāpajjanto yāva nevasaññānāsaññāyatana vuṭṭhānam, tāva gantvā, “idāni bhagavā nirodhaṁ samāpanno, antonirodhe ca kālamkiriya nāma natthī”ti aññāsi.

Atha kho bhagavā saññāvedayitanirodhasamāpattito vuṭṭhahitvā nevasaññānāsaññāyatanaṁ samāpajji ...pe... tatiyajjhānā vuṭṭhahitvā catuttham jhānaṁ samāpajjīti ettha pana bhagavā catuvīsatiyā ṭhānesu paṭhamam jhānaṁ samāpajji, terasasu ṭhānesu dutiyam jhānaṁ... tathā tatiyam... pannarasasu ṭhānesu catuttham jhānaṁ samāpajji. Katham? Dasasu asubhesu dvattimśākāre aṭṭhasu kasiṇesu mettākarunāmuditesu ānāpāne paricchedākāseti imesu tāva catuvīsatiyā ṭhānesu paṭhamam jhānaṁ samāpajji. Ṭhapetvā pana dvattimśākārañca dasa ca asubhāni sesesu terasasu dutiyam jhānaṁ... tesuyeva tatiyam jhānaṁ samāpajji. Aṭṭhasu pana kasiṇesu upekkhābrahmavihāre ānāpāne paricchedākāse catūsu arūpesūti imesu pannarasasu ṭhānesu catuttham jhānaṁ samāpajji. Ayampi ca saṅkhepakathāva. Nibbānapuram pavisanto pana bhagavā dhammassāmi sabbāpi catuvīsatikoṭisatasahassasaṅkhā samāpattiyo pavisitvā videsam gacchanto ḡātijanam āliṅgetvā viya sabbasamāpattisukham anubhavitvā paviṭṭho.

Catutthajjhānā vuṭṭhahitvā samanantarā bhagavā parinibbāyīti ettha ca jhānasamanantaram paccavekkhaṇasamanantaranti, dve samanantarāni. Catutthajjhānā vuṭṭhāya bhavaṅgam otīṇassa tattheva parinibbānaṁ **jhānasamanantaram** nāma,

catutthajjhānā vuṭṭhahitvā puna jhānaṅgāni paccavekkhitvā bhavaṅgam otiṇṇassa tattheva parinibbānam paccavekkhaṇasamanantaram nāma. Imāni dvepi samanantarāneva. Bhagavā pana jhānam samāpajjivā jhānā vuṭṭhāya jhānaṅgāni paccavekkhitvā bhavaṅgacittena abyākatena dukkhasaccena parinibbāyi. Ye hi keci buddhā vā pacceka-buddhā vā ariyasāvakā vā antamaso kunthaki-pillikam upādāya sabbe bhavaṅgacitteneva abyākatena dukkhasaccena kālam karonti.

Bhūtāti (1.0206) sattā. **Appatipuggaloti** paṭibhāgapuggalavirahito. **Balappattoti** dasavidham nānabalam patto. **Uppādavayadhamminoti** uppādavaya-sabhāvā. **Tesam vūpasamoti** tesam saṅkhārānam vūpasamo. **Sukhoti** asaṅkhataṁ nibbāna-meva sukhanti attho. **Tadāsīti** “saha parinibbānā mahābhūmicālo ahosi”ti evam mahāparinibbāne (dī. ni. 2.220) vuttaṁ bhūmicālaṁ sandhāyāha. So hi lomaham-sanako ca bhiṁsanako ca āsi. **Sabbākāravarūpeteti** sabbākāravaraguṇūpete. **Nāhu assāsapassāsoti** na jāto assāsapassāso. **Anejoti** taṇhāsaṅkhātāya ejāya abhāvena anejo. **Santimārabbhāti** anupādisesam nibbānam ārabba paṭicca sandhāya. **Cakkhumāti** pañcahi cakkhūhi cakkhumā. **Parinibbutoti** khandha-parini-bbānena parinibbuto. **Asallīnenāti** anallīnena asaṅkuṭitena suvikasiteneva cittena. **Vedanam ajjhavāsayīti** vedanam adhivāsesi, na vedanānuvattī hutvā ito cito samparivatti. **Vimokkhoti** kenaci dhammena anāvaraṇavimokkho sabbaso apañña-tibhāvūpagamo pajjotanibbānasadiso jātoti. Pañcamam.

Dutiyo vaggo.

Iti sāratthappakāsiniyā

Samyuttanikāya-aṭṭhakathāya

Brahmasamyuttavaṇṇanā niṭṭhitā.

7. Brāhmaṇasamyuttam

1. Arahantavaggo

1. Dhanañjānisuttavaṇṇanā

187. Brāhmaṇasamyuttassa (1.0207) paṭhame **dhanañjānīti** dhanañjānigottā. Ukkatṭhagottā kiresā. Sesabrahmaṇā kira brahmuno mukhato jātā, dhanañjāni-gottā matthakam bhinditvā nikkhantāti tesam laddhi. **Udānam udānesīti** kasmā udānesi? So kira brāhmaṇo micchādiṭṭhiko “buddho dhammo saṅgho”ti vutte

kaṇṭe pidahati, thaddho khadirakhāṇusadiso. Brāhmaṇī pana sotāpannā ariyasā-vikā. Brāhmaṇo dānam dento pañcasatānam brāhmaṇānam appodakam pāyāsam deti, brāhmaṇī buddhappamukhassa saṅghassa nānārasabhojanam. Brāhmaṇassa dānadinase brāhmaṇī tassa vasavattitāya pahīnamaccheratāya ca sahatthā parivisati. Brāhmaṇiyā pana dānadinase brāhmaṇo pātova gharā nikhamitvā palāyati. Athekadivasam brāhmaṇo brāhmaṇiyā saddhim asammantetvā pañcasate brāhmaṇe nimantetvā brāhmaṇim āha- “sve bhoti amhākam ghare pañcasatā brāhmaṇā bhuñjissantī”ti. Mayā kiṁ kātabbam brāhmaṇāti? Tayā aññam kiñci kātabbam natthi, sabbam pacanaparivesanam aññe karissanti. Yam pana tvam ṭhitāpi nisinnāpi khipitvāpi ukkāsitvāpi “namo buddhassā”ti tassa muṇḍakassa samaṇakassa namakkāram karosi, tam sve ekadivasamattam mā akāsi. Tam hi sutvā brāhmaṇā anattamanā honti, mā mam brāhmaṇehi bhindasīti. Tvam brāhmaṇehi vā bhijja devehi vā, aham pana satthāram anussaritvā na sakkomi anamassamānā sañthātunti. Bhoti kulasatike gāme gāmadvārampi tāva pidahitum vāyamanti, tvam dvīhangulehi pidahitabbam mukham brāhmaṇānam bhojanakālamattam pidahitum na sakkosīti. Evam punappunam kathetvāpi so nivāretum asakkonto ussīsake ṭhapitam maṇḍalaggakhaggam gahetvā- “bhoti sace sve brāhmaṇesu nisinessu tam (1.0208) muṇḍasamaṇakam namassasi, iminā tam khaggena pādatalato paṭṭhāya yāva kesamatthakā kalīram viya kotṭetvā rāsim karissāmī”ti imam gātham abhāsi-

“Iminā maṇḍalaggena, pādato yāva matthakā;

kalīramiva chejjāmi, yadi micchaṁ na kāhasi.

“Sace buddhoti bhaṇasi, sace dhammoti bhāsasi;

sace saṅghoti kittesi, jīvantī me nivesane”ti.

Ariyasāvikā pana pathavī viya duppakampā, sineru viya dupparivattiyā. Sā tena nam evamāha-

“Sace me aṅgamaṅgāni, kāmaṁ chejjasi brāhmaṇa;
nevāhaṁ viramissāmi, buddhaseṭṭhassa sāsanā.

“Nāhaṁ okkā varadharā, sakkā rodhayitum jinā;
dhītāhaṁ buddhaseṭṭhassa, chinda vā mam vadhusu vā”ti.

Evam dhanañjānigajjitaṁ nāma gajjantī pañca gāthāsatāni abhāsi. Brāhmaṇo brāhmaṇim parāmasitum vā paharitum vā asakkonto “bhoti yaṁ te ruccati, tam karohī”ti vatvā khaggam sayane khipi. Punadivase geham haritupalittam kārāpetvā lājāpuṇṇaghaṭamālāgandhādīhi tattha tattha alaṅkārāpetvā pañcannam brāhmaṇasatānam navasappisakkharamadhyuttam appodakapāyāsam paṭiyādāpetvā kālam ārocāpesi.

Brāhmaṇīpi pātova gandhadakena sayam nhāyitvā sahassagghanakam ahatavattham nivāsetvā pañcasatagghanakam ekamsam katvā sabbalaṅkārapaṭimāṇḍitā suvaṇṇakaṭacchum gahetvā bhattachge brāhmaṇe parivisamānā tehi saddhim ekapantiyam nisinnassa tassa brāhmaṇassa bhattam upasamharantī dunnikkhitte dārubhaṇde pakkhali. Pakkhalanaghaṭanāya dukkhā vedanā uppajji. Tasmiṁ samaye dasabalam sari. Satisampannatāya pana pāyāsapātim achaḍḍetvā

sañikam otāretvā bhūmiyam sañthapetvā pañcannam brāhmaṇasatānam majhe sirasi añjaliṁ ṭhapetvā yena veļuvanam, tenañjaliṁ pañāmetvā imam udānam udānesi.

Tasmiñca (1.0209) samaye tesu brāhmaṇesu keci bhuttā honti, keci bhuñjamānā, keci hatthe otāritamattā, kesañci bhojanam purato ṭhapatamattam hoti. Te tam saddam sutvāva sinerumattena muggarena sise pahaṭā viya kaññesu sūlena viddhā viya dukkhadomanassam paṭisamvediyamānā “imina aññaladdhikena mayam gharam pavesitā”ti kujjhītvā hatthe piñḍam chaḍdetvā mukhena gahitam niṭṭhubhitvā dhanum disvā kākā viya brāhmaṇam akkosamānā disāvidisā pakamīmsu. Brāhmaṇo evam bhijjītvā gacchante brāhmaṇe disvā brāhmaṇim sisato paṭṭhāya oloketvā, “idameva bhayaṁ sampassamānā mayam hiyyo paṭṭhāya bhotim yācantā na labhimhā”ti nānappakārehi brāhmaṇim akkositvā, etam “evamevam panā”ti-ādivacanam avoca.

Upasaṅkamīti “samaṇo gotamo gāmanigamaraṭṭhapūjito, na sakkā gantvā yaṁ vā tam vā vatvā santajjetum, ekameva naṁ pañham pucchissāmī”ti gacchantova “**kiṁsu chetvā**”ti gātham abhisāṅkharityā- “sace ‘asukassa nāma vadham roceṁi’-ti vakkhati, atha naṁ ‘ye tuyham na ruccanti, te māretukāmosi, lokavadhāya uppanno, kiṁ tuyham samaṇabhāvenā’ti? Niggahessāmī. Sace ‘na kassaci vadham roceṁi’ti vakkhati, atha naṁ ‘tvam rāgādīnampi vadham na icchasi. Kasmā samaṇo hutvā āhiṇḍasī’ti? Niggahessāmī. Iti imam ubhatokoṭikam pañham samaṇo gotamo neva gilitum na uggilitum sakkhissati”ti cintetvā upasaṅkami. **Sammodīti** attano pañḍitatāya kuddhabhbāvam adassetvā madhurakatham kathento sammodi. Pañho devatāsaṁyutte kathito. Sesampi heṭṭhā vitthāritamevāti. Paṭhamam.

2. Akkosasuttavaṇṇanā

188. Dutiye **akkosakabhāradvājoti** bhāradvājova so, pañcamattehi pana gāthā satehi tathāgatam akkosanto āgatoti. “Akkosakabhāradvājo”ti tassa saṅgītikārehi nāmam gahitam. **Kupito anattamanoti** “samaṇena gotamena mayham jeṭṭhakabhātaram pabbājentena (1.0210) jāni katā, pakkho bhinno”ti kodhena kupito domansena ca anattamano hutvāti attho. **Akkosatīti** “corosi, bālosi, mūlhosi, thenosi, oṭṭhosi, meṇdosi, goṇosi, gadrabhosi, tiracchānagatosi, nerayikosi”ti dasahi akkosavatthūhi akkosati. **Paribhāsatīti** “hotu muṇḍakasamaṇaka, ‘adaṇḍo ahan’ti karosi, idāni te rājakulam gantvā daṇḍam āropessāmī”ti-ādīni vadanto paribhāsati nāma.

Sambhuñjatīti ekato bhuñjati. **Vīthiharatīti** katassa paṭikāram karoti. **Bhagavantam kho, gotamanti kasmā**

evamāha? “Tavevetam, brāhmaṇa, tavevetam, brāhmaṇā”ti kirassa sutvā. “Isayo nāma kūpitā sapanam denti kisavacchādayo viyā”ti anussavavasena “sapati mām maññe samaṇo gotamo”ti bhayaṁ uppajji. Tasmā evamāha.

Dantassāti nibbisevanassa. Tādinoti tādilakkhaṇam pattassa. Tasseva tena pāpiyoti tasseeva puggalassa tena kodhena pāpam hoti. **Sato upasammati** Ti satiyā samannāgato hutvā adhivāseti. **Ubhinnam tikichantānanti** ubhinnam tikichantam. Ayameva vā pāṭho. Yo puggalo sato upasammati, ubhinnamattham carati tikichanti sādheti, tam puggalam janā bāloti maññanti. Kīdisā janā? **Ye dhammassa akovidā. Dhammassāti** pañcakkhandhadhammassa vā catusaccadhammassa vā. **Akovidāti** tasmiṁ dhamme akusalā andhabālaputhujanā. Dutiyam.

3. Asurindakasuttavaṇṇanā

189. Tatiye **asurindakabhāradvājoti** akkosakabhāradvājassa kaniṭṭho. **Kupitoti** teneva kāraṇena kuddho. **Jayañcevassa tam hotīti** asseva tam jayaṁ hoti, so jayo hotīti attho. Katamassāti? Yā titikkhā vijānato adhivāsanāya guṇam vijānantassa titikkhā adhivāsanā, ayaṁ tassa vijānatova jayo. Bālo (1.0211) pana pharusam bhaṇanto “mayham jayo”ti kevalam jayaṁ maññati. Tatiyam.

4. Bilaṅgikasuttavaṇṇanā

190. Catutthe **bilaṅgikabhāradvājoti** bhāradvājova so, nānappakāram pana suddhañca sambhārayuttañca kañjikam kāretvā vikkīñāpento bahudhanam saṅkharīti “bilaṅgikabhāradvājo”ti tassa saṅgītikārehi nāmam gahitam. **Tuṇhībhūtoti** “tayo me jeṭṭhakabhātaro iminā pabbājītā”ti ativiya kuddho kiñci vattum asakkonto tuṇhībhūto aṭṭhāsi. Gāthā pana devatāsaṃyutte kathitāva. Catuttham.

5. Ahimsakasuttavaṇṇanā

191. Pañcame **ahimsakabhāradvājoti** bhāradvājovesa, ahimsakapañham pana pucchi, tenassetam saṅgītikārehi nāmam gahitam. Nāmena vā esa ahimsako, gottena bhāradvājo. **Ahimsakāhanti** ahimsako aham, iti me bhavam gotamo jānātūti āha. **Tathā cassāti** tathā ce assa, bhaveyyāsīti attho. **Na himsatīti** na viheṭheti na dukkhāpeti. Pañcamam.

6. Jaṭāsuttavaṇṇanā

192. Chatthe **jaṭābhāradvājoti** bhāradvājovesa, jaṭāpañhassa pana pucchitattā saṅgītikārehi evam vutto. Sesam devatāsaṃyutte kathitameva. Chattham.

7. Suddhikasuttavaṇṇanā

193. Sattame **suddhikabhbāradvājoti** ayampi bhāradvājova, suddhikapañhassa pana pucchitattā saṅgītikārehi evam vutto. **Sīlavāpi tapokaranti** sīlasampannopi tapokammañ karonto. **Vijjācaraṇasampannoti** ettha vijjāti tayo vedā. **Caraṇanti** gottacaraṇañ. **So sujjhati na aññā itarā pajāti** so tevijjo brāhmaṇo sujjhati, ayam pana aññā nāmikā (1.0212) pajā na sujjhatīti vadati. **Bahumpi palapam jappanti** bahumpi palapam jappanto, “brāhmaṇova sujjhati”ti evam vacanasahassampi bhañantoti attho. **Antokasambūti** anto kilesapūtisabhāvena pūtiko. **Samkilitthoti** kilitthēhi kāyakammādīhi samannāgato. Sattamam.

8. Aggikasuttavaṇṇanā

194. Aṭṭhame **aggikabhbāradvājoti** ayampi bhāradvājova, aggi paricaraṇavasena panassa saṅgītikārehi etam nāmam gahitañ. **Sannihito hotīti** samyojito hoti. **Aṭṭhā-sīti** kasmā tattha aṭṭhāsi? Bhagavā kira paccūsasamaye lokam olokento imam brāhmaṇam disvā cintesi- “ayam brāhmaṇo evarūpam aggapāyāsañ gahetvā ‘mahābrahmānam bhojemīti aggimhi jhāpento aphalam karoti apāyamaggam okkamati, imam laddhim avissajjanto apāyapūrakova bhavissati, gacchāmissa dhammadesanāya, micchādiṭṭhim bhinditvā pabbājetvā cattāro magge ceva cattāri ca phalāni demī”ti, tasmā pubbañhasamaye rājagaham pavisitvā tattha aṭṭhāsi.

Tīhi vijjāhīti tīhi vedehy. **Jātimāti** yāva sattamā pitāmahayugā parisuddhāya jātiyā samannāgato. **Sutavā bahūti** buhu nānappakāre ganthe sutavā. **Somam bhuñjeyyāti** so tevijjo brāhmaṇo imam pāyāsañ bhuñjitum yutto, tumhākam panesa pāyāso ayuttoti vadati.

Vedīti pubbenivāsaññena jāni paṭivijjhī. **Saggāpāyanti** dibbena cakkhunā saggampi apāyampi passati. **Jātikkhayanti** arahattam. **Abhiññāvositoti** jānitvā vositavosāno. **Brāhmaṇo bhavanti** avīcito yāva bhavaggā bhotā gotamena sadiso jātisampanno khīñāsavabrāhmaṇo natthi, bhavamyeva brāhmaṇoti.

Evañca pana vatvā suvanṇapātiñ pūretvā dasabalassa pāyāsañ upanāmesi. Satthā uppattiñ dīpetvā bhojanam paṭikkhipanto **gāthābhigītam meti-ādimāha**. Tattha **gāthābhigītanti** gāthāhi abhigītam. **Abhojaneyyanti** abhuñjitabbam (1.0213). Idam vuttam hoti- tvam, brāhmaṇa, mayham ettakam kālam bhikkhācāravattena ṭhitassa kaṭacchumattampi dātum nāsakkhi, idāni pana mayā tuyham kilañjamhi tile vitthārentena viya sabbe buddhaguṇā pakāsitā, iti gāyanena gāyitvā laddham viya idam bhojanam hoti, tasmā idam gāthābhigītam me abhojaneyyanti. **Sampassatañ, brāhmaṇa, nesa dhammoti**, brāhmaṇa, atthañca dhammañca sampassantānam “evarūpam bhojanam bhuñjitabban”ti esa dhammo na hoti. Sudhābhojanampi **gāthābhigītam panudanti buddhā**, gāthāhi gāyitvā laddham buddhā nīharantiyeva. **Dhamme sati, brāhmaṇa, vuttiresāti**, brāhmaṇa, dhamme sati dhammañ apekkhitvā dhamme patiññāya jīvitam kappentānam esā vutti ayam ājīvo- evañpam nīharitvā dhammaladdhameva bhuñjitabbanti.

Atha brāhmaṇa cintesi- aham pubbe samanassa gotamassa guṇe vā aguṇe vā

na jānāmi. Idāni panassāham guṇe īnatvā mama gehe asītikotimattam dhanam sāsane vippakiritukāmo jāto, ayañca “mayā dinnapaccayā akappiyā”ti vadati. Appatīggayho ahaṁ samañena gotamenāti. Atha bhagavā sabbaññutaññānam pesetvā tassa cittācāram vīmañsanto, “ayaṁ sabbepi attanā dinnapaccaye ‘akappiyā’ti sallakkheti. Yaṁ hi bhojanam ārabbha kathā uppannā, etadeva na vaṭṭati, sesā niddosā”ti brāhmaṇassa catunnam paccayānam dānadvāram dassento **aññena cāti-ādimāha**. Tattha **kukkuccavūpasantanti** hatthakukkuccādīnam vasena vūpasantakukkuccam. **Annena pānenāti** desanāmattametam. Ayaṁ panattho- aññehi tayā “pariccajissāmī”ti sallakkhitehi cīvarādīhi paccayehi upaṭṭha-hassu. **Khettam hi tam puññapekkhassa hotīti** etam tathāgatasāsanam nāma puññapekkhassa puññatthikassa tuyham appepi bije bahusassaphaladāyakam sukhettam viya paṭiyattam hoti. Aṭṭhamam.

9. Sundarikasuttavaṇṇanā

195. Navame sundarikabhāradvājoti sundarikāya nadiyā tīre aggijuhaṇena evam-laddhanāmo. **Sundarikāyāti** evamnāmikāya nadiyā. **Aggiṁ (1.0214) juhatīti** āhutim pakkipanena jāleti. **Aggihuttam paricaratīti** agyāyatanaṁ sammajanupalepana-balikammādinā payirupāsat. **Ko nu kho imam habyasesam bhuñjeyyāti** so kira brāhmaṇo aggimhi hutāvasesam pāyāsam disvā cintesi- “aggimhi tāva pakkhattapāyāso mahābrahmunā bhutto, ayaṁ pana avaseso atthi, tam yadi brahmuno mukhato jātassa brāhmaṇassa dadeyyam, evam me pitarā saha puttopi santappto bhaveyya, suvisodhito cassa brahmalokagāmimaggo”ti. So brāhmaṇassa dassanattham uṭṭhāyāsanā catuddisā anuvilokesi, “ko nu kho imam habyasesam bhuñjeyyā”ti?

Rukkhamūleti tasmīm vanasañde jetṭhakarukkhassa mūle. **Sasīsam pārutam nisinnanti** saha sīseṇa pārutakāyam nisinnam. Kasmā pana bhagavā tattha nisīdi? Bhagavā kira paccūsasamaye lokam olokento imam brāhmaṇam disvā cintesi-ayam brāhmaṇo evarūpam aggapāyāsam gahetvā “mahābrahmānam bhojemī”ti aggimhi jhāpento aphalam karoti ...pe... cattāro magge ceva cattāri ca phalāni demīti. Tasmā kālasseva vuṭṭhāya sarīrapaṭijagganam katvā pattacīvaraṁ ādāya gantvā vuttanayena tasmīm rukkhamūle nisīdi. Atha kasmā sasīsam pārupīti? Himapātassa ca sītavātassa ca paṭibāhaṇattham, paṭibalova etam tathāgato adhivāsetum. Sace pana apārupitvā nisīdeyya, brāhmaṇo dūratova sañjānitvā nivatteyya, evam sati kathā nappavatteyya. Iti bhagavā- “brāhmaṇe āgate sīsam vivarissāmi, atha maṁ so disvā katham pavattessati, tassāham kathānusārena dhammam desessāmī”ti kathāpavattanattham evamakāsi.

Upasaṅkamīti brāhmaṇo- “ayaṁ sasīsam pārupitvā sabbarattim padhānamanuyutto. Imassa dakkhiṇodakam datvā imam habyasesam dassāmī”ti, brāhmaṇa-saññī hutvā upasaṅkami. **Muṇḍo ayaṁ bhavam, muṇḍako ayaṁ bhavanti** sīse vivaritamatte nīcakesantaṁ disvā “muṇḍo”ti āha. Tato suṭṭhutaram olokento pava-ttamattampi sikhām adisvā hīlento “muṇḍako”ti āha. **Tatovāti** yattha ṭhito addasa,

tamhāva padesā. **Muṇḍāpi hīti** kenaci kāraṇena muṇḍitasīsāpi honti.

Mā (1.0215) **jātim pucchāti** yadi dānassa mahapphalatām paccāsīsasi, jātim mā puccha. Akāraṇam hi dakkhiṇeyyabhāvassa jāti. **Caraṇañca pucchāti** apica kho sīlādiguṇabhedam caraṇam puccha. Etam hi dakkhiṇeyyabhāvassa kāraṇam. Idā-nissa tamatthaṁ vibhāvento **kaṭṭhā have jāyati jātavedoti-ādimāha**. Tatrāyaṁ adhippāyo- idha kaṭṭhā aggi jāyati, na ca so sālādikakaṭṭhā jātova aggikkiccaṁ karoti, sāpāna-doṇi-ādikaṭṭhā jāto na karoti, attano pana acciyādiguṇasampattiyā yato vā tato vā jāto karotiyeva. Evam na brāhmaṇakulādīsu jātova dakkhiṇeyyo hoti, caṇḍālakulādīsu jāto na hoti, apica kho nīcakulinopi uccakulinopi khīṇāsava-muni dhitimā hirinisedho ājānīyo hoti. Imāya dhitihiripamokkhāya guṇasampattiyā jātimā uttamadakkhiṇeyyo hoti. So hi dhitiyā guṇe dhāreti, hiriyyā dose nisedhetīti. Apicettha **munīti** monadhammena samannāgato. **Dhitimāti** vīriyavā. **Ājānīyoti** kāraṇākāraṇajānanako. **Hirinisedhoti** hiriyyā pāpāni nisedhetvā ṭhito.

Saccena dantoti paramatthasaccena danto. **Damasā upetoti** indriyadamena upeto. **Vedantagūti** catunnam maggavedānam antam, catūhi vā maggavedehi kile-sānam antam gato. **Vusitabrahmacariyoti** maggabrahmacariyavāsam vuttho. **Yaññopanītoti** upanītayañño paṭiyāditayañño ca. **Tamupavhayethāti** yena yañño paṭiyādito, so tam paramatthabrāhmaṇam avhayeyya. “Indamavhayāma, somamavhayāma, varuṇamavhayāma, īśānamavhayāma, yāmamavhayāmā”ti idam pana avhānam niratthakam. **Kālenāti** avhayanto ca “kālo, bhante, niṭṭhitam bhattan”ti antomajjhānhikakāleyeva tam upavhayeyya. **So juhati dakkhiṇeyyeti** yo evam kāle khīṇāsavam āmantetvā tattha catupaccayadakkhiṇam patiṭṭhapeti, so dakkhiṇeyye juhati nāma, na acetane aggimhi pakkipanto.

Iti brāhmaṇo bhagavato katham suṇanto pasīditvā idāni attano pasādam āvika-ronto **addhā suyiṭṭhanti-ādimāha**. Tassatto- addhā mama yidam idāni suyiṭṭhañca suhutañca bhavissati, pubbe pana

aggimhi jhāpitam niratthakam ahosīti. **Añño janoti** “aham brāhmaṇo, aham brāhmaṇo”ti vadanto (1.0216) andhabālaputhujano. **Habyasesanti** hutasesam. **Bhuñjatu bhavanti-ādi** purimasutte vuttanayeneva veditabbam.

Na khvāhanti na kho aham. Kasmā panevamāhāti? Tasmīm kira bhojane upahātamatteva “satthā bhūñjissati”ti saññāya catūsu mahādipesu dvīsu parittadīpasahassesu devatā pupphaphalādīni ceva sappinavanītatemadhpāñitādīni ca ādāya madhupaṭalam pīletvā madhum gañhantiyo viya dibbānubhāvena nibbattijameva gahetvā pakkipiṁsu. Tena tam sukhumattam gataṁ, manussānañca olārikam vatthūti tesam tāva olārikavatthutāya sammā pariñāmam na gacchat. Goyūse pana tilabījāni pakkipitvā pakkattā olārikamissakam jātam, devānañca sukhumam vatthūti tesam sukhumavathutāya sammā pariñāmam na gacchat. Sukkhavipassakakhīñāsavassāpi kucchiyam na pariñamat. Aṭṭhasamāpattilābhīkhīñāsavassa pana samāpattibalena pariñāmeyya. Bhagavato pana pākatikeneva kammajatejena pariñāmeyya.

Appaharitēti aharite. Sace hi haritesu tiñesu pakkipeyya, siniddhapāyāsenā tiñāni pūtīni bhaveyyum. Buddhā ca bhūtagāmasikkhāpadam na vītikkamanti, tasmā evamāha. Yattha pana galappamāñāni mahātiñāni, tādise thāne pakkipitum vatthati. **Appāñaketi** sappāñakasmiṁ hi parittake udake pakkhitte pāñakā maranti, tasmā evamāha. Yam pana gambhīram mahā-udakam hoti, pātisatepi pātisahassepi pakkhitte na āluñati, tathārūpe udake vatthati. **Opilāpesīti** suvaññapātiyā saddhimyeva nimujjāpesi. **Cicciñāyati** ciñciñāyatīti evarūpam saddam karoti. Kim panesa pāyāsassa ānubhāvo, udāhu tathāgatassāti? Tathāgatassa. Ayam hi brāhmaṇo tam pāyāsam opilāpetvā ummaggam āruyha satthu santikam anāgantvāva gaccheyya, atha bhagavā “ettakam acchariyam disvā mama santikam āgamissati. Athassāham dhammadesanāya micchādītthigahañam bhinditvā sāsane otāretvā amatapānam pāyessāmī”ti adhiññānabalena evamakāsi.

Dāru (1.0217) **samādahāno**Ti dārum jhāpayamāno. **Bahiddhā** hi etanti etam dārujjhāpanam nāma ariyadhammato bahiddhā. Yadi etena suddhi bhaveyya, ye davadāhakādayo bahūni dārūni jhāpenti, te pañhamataram sujjheyyum. **Kusalāti** kandhādīsu kusalā. **Ajjhattamevujjalayāmi** jotinti niyakajjhatte attano santānasmiñyeva ñāñajotim jālemi. **Niccagginīti** āvajjanapañibaddhena sabbaññutaññāñena niccam pajjalitaggi. **Niccasamāhitattoti** niccam sammā ṭhāpitacitto. **Brahmacariyam carāmīti** bodhimanḍe caritaṁ brahmacariyam gahetvā evam vadati.

Māno hi te, brāhmaṇa, khāribhāroti yathā khāribhāro kandhena vayhamāno upari ṭhitopi akkantakkantaṭṭhāne pathaviyā saddhim phuseti, evameva jātigottakulādīni mānavatthūni nissāya ussāpito mānopi tattha tattha issam uppādento catūsu apāyesu samsidāpeti. Tenāha “māno hi te, brāhmaṇa, khāribhāro”ti. **Kodho dhūmoti** tava ñāñaggissa upakkilesaṭṭhena kodho dhumo. Tena hi te upakkiliṭṭho ñāñaggi na virocati. **Bhasmani mosavajjanti** nirojaṭṭhena musāvādo chārikā nāma. Yathā hi chārikāya pañcchanno aggi na joteti, evam te musāvādena pañcchannam ñāñanti dasseti. **Jivhā sujāti** yathā tuyham suvaññarajatalohakaṭṭhamattikāsu aññataramayā yāgayajanatthāya sujā hoti, evam mayham dhammayāgam yajana-

tthāya pahūtajivhā sujāti vadati. **Hadayaṁ jotiṭṭhānanti** yathā tuyhaṁ nadītire jotiṭṭhānam, evam̄ mayhaṁ dhammayāgassa yajanaṭṭhānatthena sattānam hadayam jotiṭṭhānam. **Attāti cittam̄.**

Dhammo rahadoti yathā tvam̄ aggiṁ paricaritvā dhūmachārikasedakiliṭṭhasarīro sundarikam̄ nadim̄ otaritvā nhāyasi, evam̄ mayhaṁ sundarikāsadisena bāhirena rahadena attho natthi, aṭṭhaṅgikamaggadhammo pana mayhaṁ rahado, tatrāhaṁ pāṇasatampi pāṇasahassampi caturāsītipāṇasahassānipi ekappahārena nhāpemi. **Silatitthoti** tassa pana me dhammarahadassa catupārisuddhisilam titthanti dasseti. **Anāviloti** yathā tuyhaṁ sundarikā nadī catūhi pañcahi ekato nhāyantehi heṭṭhupariyavālikā āluṭā hoti (1.0218), na evam̄ mayhaṁ rahado, anekasatasahassesupi pāṇesu otaritvā nhāyantesu so anāvilo vippasannova hoti. **Sabbhi satam̄ pasatthoti** paṇḍitehi paṇḍitānam̄ pasaṭṭho. Uttamathena vā so sabbhīti vuccati, paṇḍitehi pasatthattā satam̄ pasattho. **Taranti pāranti** nibbāna-pāram gacchanti.

Idāni ariyamaggarahadassa aṅgāni uddharitvā dassento **saccam̄ dhammoti-ādi-māha**. Tattha **saccanti** vacīsaccam̄. **Dhammoti** iminā diṭṭhisāṅkappavāyāmasatisamādhayo dasseti. **Samyamoti** iminā kammantājīvā gahitā. **Saccanti** vā iminā maggasaccam̄ gahitam̄. Sā atthato sammādiṭṭhi. Vuttañhetam- “sammādiṭṭhi maggo ceva hetu cā”ti (dha. sa. 1039). Sammādiṭṭhiyā pana gahitāya taggatikattā sammāsaṅkappo gahitova hoti. **Dhammoti** iminā vāyāmasatisamādhayo. **Samyamoti** iminā vācākammantājīvā. Evampi aṭṭhaṅgiko maggo dassito hoti. Atha vā **saccanti** paramatthasaccam̄, tam̄ atthato nibbānam̄. **Dhammotipadena** diṭṭhi saṅkappo vāyāmo sati samādhīti pañcaṅgāni gahitāni. **Samyamoti** vācā kammanto ājīvoti tīṇi. Evampi aṭṭhaṅgiko maggo dassito hoti. **Brahmacariyanti** etam brahmacariyam nāma. **Majjhe sitāti** sassatuccede vajjetvā majjhe nissitā. **Brahmapatti** seṭṭhapatti. **Sa tujjubhūtesu namo karohīTi** ettha ta-kāro padasandhikaro, sa tvam̄ ujubhūtesu khīñāsavesu namo karohīti attho. **Tamaham̄ naram dhammasārīti brūmīti** yo evam̄ paṭipajjati, tamaham̄ puggalam̄ “dhammasārī eso dhammasāriyā paṭicchanno”ti ca “kusaladhammehi akusaladhamme sāretvā ṛhito”-ti vāti vadāmīti. Navamam̄.

10. Bahudhitarasuttavaṇṇanā

196. Dasame aññatarasmīm vanasañdeti paccūsasamaye lokam̄ olokento tassa brāhmaṇassa arahattassa upanissayam̄ disvā “gacchāmissa saṅgaham̄ karissāmī”ti gantvā tasmiṁ vanasañde viharati. **Natthā hontīti** kasitvā vissaṭṭhā aṭa-vimukhā caramānā brāhmaṇe bhūñjitum gate palātā honti. **Pallaṅkanti** samantato ūrubaddhāsanam̄. **Ābhujitvāti** bandhitvā (1.0219). **Ujuṁ kāyam̄ paṇidhāyāti** uparimam̄ sarīram̄ ujukam̄ ṛhapetvā, aṭṭhārasa piṭṭikanṭake koṭiyā koṭim̄ paṭipādetvā. **Parimukham̄ satim̄ upaṭṭhapetvāti** kammaṭṭhānābhimukham̄ satim̄ ṛhapayitvā, mukhasamīpe vā katvāti attho. Teneva vibhaṅge vuttam̄- “ayam̄ sati upaṭṭhitā hoti sūpaṭṭhitā nāsikagge vā mukhanimitte vā, tena vuccati parimukham̄ satim̄ upaṭṭha-

petvā”ti (vibha. 537). Atha vā “**parīti** pariggahaṭṭho. **Mukhanti** niyyānaṭṭho. **Satīti** upaṭṭhānaṭṭho. Tena vuccati parimukham satim upaṭṭhapetvā”ti evam paṭisambhidāyam (paṭi. ma. 1.164) vuttanayenapeththa attho datṭhabbo. Tatrāyam saṅkhepo—“pariggahitaniyyānam satim katvā”ti. Evam nisidanto ca pana chabbaṇṇā ghana-buddharasmiyo vissajjetvā nisidi. **Upasaṅkamīti** domanassābhībhūto āhiṇḍanto, “sukhena vatāyam samoṇo nisinno”ti cintetvā upasaṅkami.

Ajjasaṭṭhim na dissantīti ajja chadivasamattakā paṭṭhāya na dissanti. **Pāpakāti** lāmakā tilakhāṇukā. Tena kira tilakhette vapite tadaheva devo vassitvā tile pañsumhi osīdāpesi, puppham vā phalam vā gahetum nāsakkhiṁsu. Yepi vadḍhiṁsu, tesam upari pāṇakā patitvā paññāni khādim̄su, ekapaññadupaññā khāṇukā avasissiṁsu. Brāhmaṇo khettam oloketum gato te disvā—“vadḍhiyā me tilā gahitā, tepi naṭṭhā”ti domanassajāto ahosi, tam gahetvā imam gāthamāha.

Ussolhikāyāti ussāhena kaṇṇanaṅguṭṭhādīni ukkhipitvā vicarantā uppantanti. Tassa kira anupubbena bhogesu parikkhīnesu pakkhipitabbassa abhāvena tucchakoṭṭhā ahesum. Tassa ito cito ca sattahi gharehi āgatā mūsikā te tuccha-kotṭhe pavisitvā uyyānakīlam kīlantā viya naccanti, tam gahetvā evamāha.

Uppāṭakehi sañchannoti uppāṭakapāṇakehi sañchanno. Tassa kira brāhmaṇassa sayanatthāya santhatam tiṇapañṇasanthāram koci antarantarā paṭijagganto natthi. So divasam araññe kammaṇi katvā sāyam āgantvā tasmim nipa-jjati. Athassa uppāṭakapāṇakā sarīram ekacchannam karontā khādanti, tam gahetvā evamāha.

Vidhavāti (1.0220) matapatikā. Yāva kira tassa brāhmaṇassa gehe vibhavamattā ahosi, tāva tā vidhavāpi hutvā patikulesu vasitum labhiṁsu. Yadā pana so niddhano jāto, tadā tā “pitugharam gacchathā”ti sassusasurādīhi nikkadḍhitā tato tasseva gharam āgantvā vasantiyo brāhmaṇassa bhojanakāle “gacchatha ayya-kena saddhiṁ bhuñjathā”ti putte pesenti, tehi pātiyam hatthesu otāritesu brāhmaṇo hathassa okāsam na labhati. Tam gahetvā imam gāthamāha.

Piṅgalāti kaṭārapiṅgalā. **Tilakāhatāti** kālasetādivaṇṇehi tilakehi āhatagattā. **Sottam pādena bodhetīti** niddam okkantam pādena paharitvā pabodheti. Ayam kira brāhmaṇo mūsikasaddena ubbālho uppāṭakehi ca khajjamāno sabbarattim niddam alabhitvā paccūsakāle niddāyati. Atha nam akkhisu nimmilitamattesveva—“kim karosi, brāhmaṇa, pacchā ca pubbe ca gahitassa iṇassa? Vadḍhi matthakam pattā, satta dhītaro posetabbā. Idāni iṇāyikā āgantvā geham parivāressanti, gaccha kammaṇi karohi”ti pādena paharitvā pabodheti. Tam gahetvā imam gāthamāha.

Iṇāyikāti yesam anena hathato iṇam gahitam. So kira kassaci hathato ekam kahāpaṇam kassaci dve kassaci dasa ...pe... kassaci satanti evam bahūnam hathato iṇam aggahesi. Te divā brāhmaṇam apassantā “gehato tam nikkhanta-meva gaṇhissāmā”ti balavapaccūse gantvā codenti. Tam gahetvā imam gāthamāha.

Bhagavā tena brāhmaṇena imāhi sattahi gāthāhi dukkhe kathite “yam yam, brāhmaṇa, tayā dukham kathitam, sabbametam mayham natthī”ti dassento paṭi-

gāthāhi brāhmaṇassa dhammadesanam vadḍhesi. Brāhmaṇo tā gāthā sutvā bhagavati pasanno saraṇesu patiṭṭhāya pabbajitvā arahattam pāpuṇi. Tam dassetuṁ **evaṁ vutte bhāradvājagottoti**-ādi vuttam. Tattha **alatthāti** labhi.

Tañca pana brāhmaṇam bhagavā pabbājetvā ādāya jetavanaṁ gantvā punadivase tena therena pacchāsamaṇena kosalarañño gehadvāram agamāsi (1.0221). Rājā “satthā āgato”ti sutvā pāsādā oruyha vanditvā hatthato pattaṁ gahetvā tathāgataṁ uparipāsādaṁ āropetvā varāsane nisīdāpetvā gandhodakena pāde dhovitvā satapākatelena makkhetvā yāgum āharāpetvā rajatadaṇḍam suvaṇṇakaṭacchum gahetvā satthu upanāmesi. Satthā pattaṁ pidahi. Rājā tathāgatassa pādesu patitvā, “sace me, bhante, doso atthi, khamathā”ti āha. Natthi, mahārājāti. Atha kasmā yāgum na gaṇhathāti? Palibodho atthi, mahārājāti. Kim pana, bhante, yāgum agaṇhanteheva labhitabbo esa palibodho, paṭibalo aham palibodham dātum, gaṇhatha, bhanteti. Satthā aggahesi. Mahallakattheropi dīgharattam chāto yāvadattham yāgum pivi. Rājā khādanīyabhojanīyam datvā bhattakiccāvasāne bhagavantaṁ vanditvā āha-“bhagavā tumhe paveṇiyā āgate okkākavamse uppajjītvā cakkavattisirīm pahāya pabbajitvā loke aggataṁ patto, ko nāma, bhante, tumhākaṁ palibodho”ti? Mahārāja, etassa mahallakattherassa palibodho amhākaṁ palibodhasadisovāti.

Rājā theram vanditvā- “ko, bhante, tumhākaṁ palibodho”ti pucchi? Iṇapalibodho, mahārājāti. Kittako, bhanteti? Gaṇehi, mahārājāti. Rañño “ekam dve satam sahassan”ti gaṇentassa aṅguliyo nappahonti. Athekam purisam pakkositvā, “gaccha, bhaṇe, nagare bherim carāpehi ‘sabbe bahudhītikabrāhmaṇassa iṇāyikā rājaṅgaṇe sannipatantū”ti. Manussā bherim sutvā sannipatīmsu. Rājā tesam hatthato paṇṇāni āharāpetvā sabbesam anūnam dhanamadāsi. Tattha suvaṇṇameva satasahassagghanakam ahosi. Puna rājā pucchi- “aññopi atthi, bhante, palibodho”ti. Iṇam nāma, mahārāja, datvā muccitum sakkā, etā pana satta dārikā mahāpalibodhā mayhanti. Rājā yānāni pesetvā tassa dhītarō āharāpetvā attano dhītarō katvā tam tam kulagharam pesetvā, “aññopi, bhante, atthi

palibodho”ti pucchi? Brāhmaṇī, mahārājāti. Rājā yānaṁ pesetvā, tassa brāhmaṇīm āharāpetvā, ayyikatthāne ṭhapetvā puna pucchi- “aññopi, bhante, atthi palibodho”- ti? Natthi (1.0222), mahārājāti vutte rājāpi cīvaradussāni dāpetvā, “bhante, mama santakam tumhākam bhikkhubhāvam jānāthā”ti āha. Āma, mahārājāti. Atha naṁ rājā āha- “bhante, cīvarapiṇḍapātādayopi sabbe paccayā amhākam santakā bhavissanti. Tumhe tathāgatassa manam gahetvā samaṇadhammam karothā”ti. Thero tatheva appamatto samaṇadhammam karonto nacirasseva āsavakkhayam pattoti. Dasamam.

Paṭhamo vaggo.

2. Upāsakavaggo

1. Kasibhāradvājasuttavaṇṇanā

197. Dutiyavaggassa paṭhame **magadhesūti** evamnāmake janapade. **Dakkhiṇā-girismini** rājagahaṁ parivāretvā ṭhitassa girino dakkhiṇabhāge janapado atthi, tasmiṁ janapade, tattha vihārassāpi tadeva nāmaṁ. **Ekanālāyam brāhmaṇagāmeti** ekanālāti tassa gāmassa nāmaṁ. Brāhmaṇā panettha sambahulā paṭivasanti, brāhmaṇabhogo eva vā so. Tasmā “brāhmaṇagāmo”ti vuccati.

Tena kho pana samayenāti yam samayaṁ bhagavā magadharatthe ekanālām brāhmaṇagāmaṁ upanissāya dakkhiṇagirimahāvihāre brāhmaṇassa indriyapari-pākam āgamayamāno viharati, tena samayena. **Kasibhāradvājassāti** so brāhmaṇo kasiṁ nissāya jīvati, bhāradvājoti cassa gottam. **Pañcamattānīti** pañca pamāṇāni, anūnāni anadhikāni pañcanaṅgalasatānīti vuttam hoti. **Payuttānīti** yojitāni, balibaddānam khandhesu ṭhapetvā yuge yottehi yojitānīti attho.

Vappakāleti vappanakāle bījanikkhepasamaye. Tattha dve vappāni kalalava-ppañca paṁsuvappañca. Paṁsuvappam idha adhippetam, tañca kho paṭhamadi-vase maṅgalavappañ. Tatthāyam upakaraṇasampadā- tīni balibaddasahassāni upaṭṭhāpitāni honti, sabbesam suvaṇṇamayāni siṅgāni paṭimukkāni, rajatamayā khurā, sabbe (1.0223) setamālāhi ceva gandhapañcaṅgulīhi ca alaṅkatā paripuṇṇapañcaṅgā sabbalakkhaṇasampannā, ekacce kālā añjanavaṇṇā, ekacce setā phalikavaṇṇā, ekacce rattā pavālavaṇṇā, ekacce kammāsā masāragallavaṇṇā. Evam pañcasatā kassakā sabbe ahata setavatthā gandhamālālaṅkatā dakkhiṇa-amsakūṭesu patiṭṭhitapupphacumbaṭakā haritālamanosilālañjanujjalagattā dasa dasa naṅgalā ekekagumbā hutvā gacchanti. Naṅgalānam sīsañca yugañca patodā ca suvaṇṇakhacitā. Paṭhamanaṅgale atṭha balibaddā yuttā, sesesu cattāro cattāro, avasesā kilantaparivattanattham ānītā. Ekekagumbe ekekabījasakaṭam ekeko kasati, ekeko vappati.

Brāhmaṇo pana pageva massukammaṁ kārāpetvā nhāyitvā sugandhaga-

ndhehi vilitto pañcasatagghanakam vattham nivāsetvā sahassagghanakam ekamsam karitvā ekekissā aṅguliyā dve dveti vīsatī aṅgulimuddikāyo kaṇṭhesu sīhakuṇḍalāni sīse brahmavēṭhanam paṭīmuñcītvā suvaṇṇamālam kaṇṭhe katvā brāhmaṇagaṇaparivuto kammantam vosāsatī. Athassa brāhmaṇī anekasatabhājanesu pāyāsam pacāpetvā mahāsakaṭesu āropetvā gandhodakena nhāyitvā sabbālaṅkāravibhūsitā brāhmaṇīgaṇaparivutā kammantam agamāsi. Gehampissa haritupalittam vippakiṇṭhalājam puṇṇaghāṭakadalidhajapaṭākāhi alaṅkataṁ gandhapupphādīhi sukatabalikammam, khettañca tesu tesu ṭhānesu samussitaddhajapatakam ahosi. Parijanakammakārehi saddhim osaṭaparisā addhateyyasahassā ahosi, sabbe ahatavatthā, sabbesam pāyāsabhojanameva paṭiyattam.

Atha brāhmaṇo suvaṇṇapātiṁ dhovāpetvā pāyāsassa pūretvā sappimadhuphāṇitehi abhisāṅkharitvā naṅgalabalikammam kārāpesi. Brāhmaṇī pañcannam kassakasatānam suvaṇṇarajatakāmsatambalohamayāni bhājanāni dāpetvā suvaṇṇakaṭacchum gahetvā pāyāsenā parivisantī gacchatī. Brāhmaṇo pana bali-kammam kāretvā rattabandhikāyo upāhanāyo ārohitvā rattasuvaṇṇadaṇḍakam gahetvā, “idha pāyāsam detha, idha sappim (1.0224) detha, idha sakkharam dethā”ti vosāsamāno vicarati. Ayaṁ tāva kammante pavatti.

Vihāre pana yattha yattha buddhā vasanti, tattha tattha nesam devasikam pañca kiccāni bhavanti, seyyathidam- purebhattakiccam pacchābhattakiccam purimayāmakiccam majhimayāmakiccam pacchimayāmakiccantī.

Tatridam purebhattakiccam- bhagavā hi pātova uṭṭhāya upaṭṭhākānuggahattham sarīraphāsukatthañca mukhadhovanādiparikammam katvā yāva bhikkhācāravelā, tāva vivittāsane vītināmetvā bhikkhācāravelāya nivāsetvā kāyabandhanam bandhitvā cīvaraṁ pārupitvā pattamādāya kadāci ekako kadāci bhikkhusaṅghaparivuto gāmaṁ vā nigamaṁ vā piṇḍāya pavisati kadāci pakatiyā, kadāci anekehi pāṭīhāriyehi vattamānehi. Seyyathidam- piṇḍāya pavisato lokanāthassa purato purato gantvā mudugatiyo vātā pathavīm sodhenti, valāhakā udakaphusitāni muñcantā magge reṇum vūpasametvā upari vitānam hutvā tiṭṭhanti, apare vātā pupphāni upaharitvā magge okiranti. Unnatā bhūmippadesā onamanti, onatā unnamanti. Pādanikkhepasamaye samāva bhūmi hoti, sukhasamphassāni padumapupphāni vā pāde sampaṭīcchantī. Indakhīlassa anto ṭhapitamatte dakkhiṇapāde sarīrā chabbaṇṇarasmiyo nikhamitvā suvaṇṇarasasiñcanāni viya citrapaṭa-parikkhittāni viya ca pāsādakūṭāgārādīni karontiyo ito cito ca vidhāvanti. Hatthi-assavihaṅgādayo sakasakaṭṭhānesu ṭhitāyeva madhurenākārena saddam karonti, tathā bherivīṇādīni tūriyāni manussānañca kāyūpagāni ābharaṇāni. Tena saññāṇena manussā jānanti “ajja bhagavā idha piṇḍāya paviṭṭho”ti. Te sunivatthā supārutā gandhapupphādīni ādāya gharā nikhamitvā antaravīthim paṭipajjītvā bhagavantam gandhapupphādīhi sakkaccam pūjetvā vanditvā- “amhākam, bhante, dasa bhikkhū, amhākam vīsatī, amhākam bhikkhusataṁ dethā”ti yācitvā bhagavatopi pattam gahetvā āsanam paññāpetvā sakkaccam piṇḍapātena paṭīmānenti.

Bhagavā (1.0225) katabhattakicco tesam santānāni oloketvā tathā dhammam deseti, yathā keci saraṇagamane patiṭṭhahanti, keci pañcasu sīlesu, keci sotāpatti-

sakadāgāmi-anāgāmiphalānam aññatarasmiṁ, keci pabbajitvā aggaphale arahateti. Evam mahājanam anuggahetvā utṭhāyāsanā vihāram gacchati. Tattha gandhamāṇḍalamāle paññattavarabuddhāsane nisīdati bhikkhūnam bhattakiccapariyosānam āgamayamāno. Tato bhikkhūnam bhattakiccapariyosāne upaṭṭhāko bhagavato nivedeti. Atha bhagavā gandhakuṭīm pavisati. Idam tāva **purebhattakiccam**.

Atha bhagavā evam katapurebhattakicco gandhakuṭiyā upaṭṭhāne nisīditvā pāde pakkhāletvā pādapīṭhe ṭhatvā bhikkhusaṅgham ovadati- “**bhikkhave, appamādena sampādetha, dullabho buddhuppādo lokasmīm, dullabho manussattapaṭīlābho, dullabhā saddhāsampatti, dullabhā pabbajā, dullabham saddhammassavanān**”ti. Tattha keci bhagavantam kammaṭṭhānam pucchanti. Bhagavā tesam attano cariyanurūpam kammaṭṭhānam deti. Tato sabbepi bhagavantam vanditvā attano attano rattiṭṭhānadivāṭṭhānāni gacchanti, keci araññam, keci rukkhamūlam, keci pabbatādīnam aññataram, keci cātumahārājikabhavanam ...pe... keci vasa-vattibhavananti. Tato bhagavā gandhakuṭīm pavisitvā sace ākaṅkhati, dakkhiṇena passena sato sampajāno muhuttam sīhaseyyam kappeti. Atha samassāsitakāyo utṭhahitvā dutiyabhāge lokam voloketi. Tatiyabhāge yaṁ gāmaṁ vā nigamaṁ vā upanissāya viharati, tattha mahājano purebhattam dānam datvā pacchābhattam sunivattho supāruto gandhapupphādīni ādāya vihāre sannipatati. Tato bhagavā sampattaparisāya anurūpena pāṭīhāriyena gantvā dhammasabhāyam paññattavarabuddhāsane nisajja dhammaṁ deseti kālayuttam samayayuttam. Atha kālam viditvā parisam uyyojeti, manussā bhagavantam vanditvā pakkamanti. Idam **pacchābhattakiccam**.

So evam niṭṭhitapaccchābhettakicco sace gattāni osiñcitukāmo hoti, buddhāsanā vuṭṭhāya nhānakotṭhakam pavisitvā upaṭṭhākena paṭiyādita-udakena gattāni utum gāhāpeti. Upaṭṭhākopi buddhāsanam ānetvā papphoṭetvā gandhakuṭipariveṇe paññāpeti. Bhagavā surattadupaṭṭam nivāsetvā kāyabandhanam bandhitvā uttarāsaṅgam katvā tattha āgantvā nisīdati (1.0226) ekakova muhuttam paṭisallīno. Atha bhikkhū tato tato āgamma bhagavato upaṭṭhānam gacchanti. Tattha ekacce pañham pucchanti, ekacce kammaṭṭhānam, ekacce dhammassavanam yācanti. Bhagavā tesam adhippāyam sampādento purimayāmaṁ vītināmeti. Idam **purimayāmakiccam**.

Purimayāmakiccapariyosāne pana bhikkhūsu bhagavantam vanditvā pakkamantesu sakaladasasahassilokadhātudevatāyo okāsam labhamānā bhagavantam upasaṅkamitvā pañham pucchanti yathābhisaṅkhataṁ antamaso caturakkharapi. Bhagavā tāsam tāsam devatānam pañham vissajjento majjhimayāmaṁ vītināmeti. Idam **majjhimayāmakiccam**.

Pacchimayāmaṁ pana tayo koṭṭhāse katvā purebhettato paṭṭhāya nisajjāpiili-tassa sarīrassa kilāsubhāvamocanattham ekam koṭṭhāsam caṅkamena vītināmeti. Dutiyakoṭṭhāse gandhakuṭīm pavisitvā dakkhiṇena passena sato sampajāno sīhaseyyam kappeti. Tatiyakoṭṭhāse paccuṭṭhāya nisīditvā purimabuddhānam santike dānasīlādivasena katādhikārapuggaladassanattham buddhacakkhunā lokam olo-

keti. Idam **pacchimayāmakiccaṁ**.

Tadāpi evam olokento kasibhāradvājam brāhmaṇam arahattassa upanissayasa-mpannaṁ disvā- “tattha mayi gate kathā pavattissati, kathāvasāne dhammadesaṇam sutvā eso brāhmaṇo saputtadāro tīsu saraṇesu patiṭṭhāya asītikoṭidhanam mama sāsane vippakiritvā aparabhāge nikamma pabbajitvā arahattam pāpuṇi-ssatīti ñatvā tattha gantvā kathaṁ samuṭṭhāpetvā dhammaṁ desesi. Etamattham dassetum **atha kho bhagavāti-ādi** vuttaṁ.

Tattha **pubbañhasamayanti** bhummathe upayogavacanam, pubbañhasama-yeti attho. **Nivāsetvāti** paridahitvā. Vihāracīvaraparivattanavasenetaṁ vuttaṁ. **Pattacīvaraṁdāyāti** pattam hatthehi, cīvaraṁ kāyena ādiyitvā, sampaṭicchitvā dhāretvāti attho. Bhagavato kira piṇḍāya pavisitukāmassa bhamaro viya vikasita-padumadvayamajjhām, indanīlamanīvaṇṇaselamayapatto hatthadvayamajjhām āgacchati. Tam evamāgatam pattam hatthehi sampaṭicchitvā cīvarañca parimaṇḍalam pārutaṁ kāyena dhāretvāti vuttaṁ hoti. **Tenupasaṅkamīti** (1.0227) yena maggena kammanto gantabbo, tena ekakova upasaṅkami. Kasmā pana nam bhikkhū nānubandhiṁsūti? Yadā hi bhagavā ekakova katthaci gantukāmo hoti, yāva bhikkhācāravelā dvāram pidahitvā antogandhakuṭiyam nisidati. Bhikkhū tāya saññāya jānanti “ajja bhagavā ekakova piṇḍāya caritukāmo, addhā kañci eva vine-ttabpuggalam addasā”ti. Te attano pattacīvaraṁ gahetvā gandhakuṭim pada-kkhiṇam katvā vanditvā bhikkhācāram gacchanti. Tadā ca bhagavā evamakāsi, tasmā bhikkhū nānubandhiṁsūti.

Parivesanā vattatīti tesam suvaṇṇabhājanādīni gahetvā nisinnānam pañcasataṇam kassakānam parivisanā vippakatā hoti. **Ekamantam aṭṭhāsīti** yattha ṭhitam brāhmaṇo passati, tathārūpe dassanūpacāre kathāsavānaphāsuke uccatṭhāne aṭṭhāsi. Thatvā ca rajatasuvaṇṇarasapiñjaram candimasūriyānam pabhaṁ atirocamānam samantato sarīrappabhaṁ muñci, yāya ajjhottthaṭattā brāhmaṇassa kammantasālābhittirukkhakasitamattikapiṇḍādayo suvaṇṇamayā viya ahesum. Atha manussā bhuñjantā ca kasantā ca sabbakiccāni pahāya asīti-anubyañjana-parivāram dvattimśamahāpurisalakkhaṇapaṭimāṇditam sarīram byāmappabhāparikkhepavibhūsitam bāhuyugalam jaṅgamam viya padumasaram, rasmijālasamu-jjalitatārāgaṇamiva gaganatalam, vijjulatāvinaddhamiva ca kanakasikharam siriyā jalāmānam sammāsambuddham ekamantam ṭhitam disvā hatthapāde dhovitvā añjalim paggayha samparivāretvā aṭṭhamṣu. Evam tehi samparivāritaṁ addasā kho kasibhāradvājo brāhmaṇo bhagavantam piṇḍāya ṭhitam, disvāna bhagavantam etadavoca- **ahaṁ kho, samaṇa, kasāmi ca vapāmi cāti.**

Kasmā panāyam evamāha, kiṁ

samantapāsādike pasādanīye uttamadamathe samathamanuppattepi tathāgate appasādena, udāhu addhatiyānam janasahassānam pāyāsam paṭiyādetvāpi kaṭacchubhikkhāya maccherenāti? Ubhayathāpi no, bhagavato panassa dassanena atittam nikkhittakammantaṁ janam disvā “kammabhaṅgam me kātum āgato”ti anattamanatā ahosi, tasmā (1.0228) evamāha. Bhagavato ca lakkhaṇasampattim disvā- “sacāyam kammante appayojayissa, sakalajambudipe manussānam sīse cūlāmaṇi viya abhavissa, ko nāmassa attho na sampajjissati, evamevaṁ alastāya kammante appayojetvā vappamaṅgalādīsu piṇḍāya caratī”tipissa anattamanatā ahosi. Tenāha- “ahaṁ kho, samaṇa, kasāmi ca vapāmi ca, kasitvā ca vapitvā ca bhuñjāmī”ti.

Ayam kirassa adhippāyo- mayhampi tāva kammantā na byāpajjanti, na camhi yathā tvam evam lakkhaṇasampanno, tvampi kasitvā ca vapitvā ca bhuñjassu, ko te attho na sampajjeyya evam lakkhaṇasampannassāti. Apicāyam assosi- “sakyrājakule kira kumāro uppanno, so cakkavattirajjaṁ pahāya pabbajito”ti. Tasmā idāni “ayam so”ti ñatvā “cakkavattirajjaṁ pahāya kilantosī”ti upārambham āropento evamāha. Apica tikkhapañño esa brāhmaṇo, na bhagavantaṁ apasādento bhaṇati, bhagavato pana rūpasampattim disvā puññasampattim sambhāvaya-māno kathāpavattanatthampi evamāha. Atha bhagavā veneyyavasena sadevake loke aggakassakavappakabhāvam attano dassento **ahampi kho brāhmaṇoti-ādimāha**.

Atha brāhmaṇo cintesi- “ayam samaṇo” ‘ahampi kasāmi ca vapāmi cā’ti bhaṇati. Na cassa oḷārikāni yuganaṅgalādīni kasibhaṇḍāni passāmi, kiṁ nu kho musā bhaṇati”ti? Bhagavantaṁ pādatalato paṭṭhāya yāva kesaggā olokayamāno, aṅgavijjāya katādhikārattā dvattimśavaralakkhaṇasampattimassa ñatvā, “aṭṭhānametam yam evarūpo musā bhaṇeyyā”ti sañjātabahumāno bhagavati samaṇavādam pahāya gottena bhagavantaṁ samudācaramāno **na kho pana mayam passāma bphoto gotamassāti-ādimāha**. Bhagavā pana yasmā pubbadhammasabhāgatāya kathanaṁ nāma buddhānam ānubhāvo, tasmā buddhānubhāvam dīpento **saddhā bijanti-ādimāha**.

Kā panettha pubbadhammasabhāgatā? Nanu brāhmaṇena bhagavā naṅgalādikasisambhārasamāyogaṁ puṭho apucchitassa bijassa sabhāgatāya āha “saddhā bijan”ti, evañca sati kathāpi ananusandhikā hoti? Na hi buddhānam ananusandhikakathā (1.0229) nāma atthi, napi pubbadhammassa asabhāgatāya kathenti. Evam panettha anusandhi veditabbā- brāhmaṇena hi bhagavā yuganaṅgalādikasisambhāravasena kasīm pucchito. So tassa anukampāya “idam apucchitan”ti aparihāpetvā samūlam sa-upakāram sasambhāram saphalam kasīm paññāpetum mūlato paṭṭhāya dassento “saddhā bijan”ti-ādimāha. Tattha bijam kasīyā mūlam, tasmīm sati kattabbato, asati akattabbato, tappamāṇena ca kattabbato. Bije hi sati kasīm karonti, na asati. Bijappamāṇena ca kusalā kassakā khettam kasanti, na ūnam “mā no sassam parihāyī”ti, na adhikam “mā no mogho vāyāmo ahosī”ti. Yasmā ca bijameva mūlam, tasmā bhagavā mūlato paṭṭhāya kasisambhāram dassento tassa brāhmaṇassa kasīyā pubbadhammassa bijassa sabhāgatāya

attano kasiyā pubbadhammaṁ dassento āha “saddhā bījan”ti. Evamettha pubbadhammasabhāgatāpi veditabbā.

Pucchitamyeva vatvā apucchitam pacchā kiṁ na vuttanti ce? Tassa upakārabhāvato ca dhammasambandhasamatthabhbhāvato ca. Ayam hi brāhmaṇo paññavā, micchādīṭṭhikule pana jātattā saddhārahito, saddhārahito ca paññavā paresam saddhāya attano avisaye apaṭipajjamāno visesam nādhigacchat, kilesakālussiyaparāmatṭhāpi cassa dubbalā saddhā balavatiyā paññāya sahasā vattamānā atthasiddhim na karoti hatthinā saddhim ekadhure yutto goṇo viya. Itissa saddhā upakārikāti tam brāhmaṇam saddhāya patiṭṭhāpentena pacchāpi vattabbo ayamattho desanākusalatāya pubbe vutto. Bījassa ca upakārikā vuṭṭhi, sā tadana ntaramyeva vuccamānā samathā hoti. Evam dhammasambandhasamatthabhbhāvato pacchāpi vattabbo ayamattho, añño ca evarūpo īsāyottādi pubbe vuttoti veditabbo.

Tattha sampasādalakkhaṇā saddhā, okappanalakkhaṇā vā. **Bījanti** pañcavidham bījam mūlabījam khandhabījam phalubījam aggabījam bījabījameva pañcamanti. Tam sabbampi viruhaṇaṭṭhena bījanteva saṅkham gacchat.

Tattha (1.0230) yathā brāhmaṇassa kasiyā mūlabhūtam bījam dve kiccāni karoti, hetṭhā mūlena patiṭṭhāti, upari aṅkuram uṭṭhāpeti, evam bhagavato kasiyā mūlabhūtā saddhā hetṭhā sīlamūlena patiṭṭhāti, upari samathavipassanaṅkuram uṭṭhāpeti. Yathā ca tam mūlena pathavirasam āporasam gahetvā nālena dhañña- paripākagahaṇattham vadḍhati, evamayam sīlamūlena samathavipassanārasam gahetvā ariyamagganālenā ariyaphaladhaññaparipākagahaṇattham vadḍhati. Yathā ca tam subhūmiyam patiṭṭhahitvā mūlaṅkurapaṇṇanālakanḍapasavehi vuddhim virūlhim vepullam patvā khīram janetvā anekasāliphalabharitam sālisīsam nipphādeti, evamesā cittasantāne patiṭṭhahitvā chahi visuddhīhi vuddhim virūlhim vepullam patvā nāṇadassanavisuddhikhīram janetvā anekapaṭisambhidābhīññābharitam arahattaphalam nipphādeti. Tena vuttam “saddhā bījan”ti.

Kasmā pana añnesu paropaññāsāya kusaladhammesu ekato uppajjamānesu saddhāva “bījan”ti vuttāti ce? Bījakiccakaraṇato. Yathā hi tesu viññānamyeva vijānanakiccam karoti, evam saddhā bījakiccam. Sā ca sabbakusalānam mūlabhūtā. Yathāha- “saddhājāto upasaṅkamati, upasaṅkamanto payirupāsatī ...pe... paññāya ca nam ativijjhā passatī”ti (ma. ni. 2.183).

Akuladhamme ceva kāyañca tapatīti **tapo**. Indriyasamvaravīriyadhutaṅgadukkarakārikānam etam adhivacanam, idha pana indriyasamvaro adhippeto. **Vuṭṭhīti** vassavuṭṭhi vātavuṭṭhīti-ādi anekavidhā, idha vassavuṭṭhi adhippetā. Yathā hi brāhmaṇassa vassavuṭṭhisamanuggahitam bījam bījamūlakañca sassam viruhati na milāyati nipphattim gacchat, evam bhagavato indriyasamvarasamanuggahitā saddhā, saddhāmūlā ca sīlādayo dhammā viruhanti, na milāyanti nipphattim gacchanti. Tenāha “tapo vuṭṭhī”ti.

Paññā meti ettha vutto me-saddo purimapadesupi yojetabbo “saddhā me bījam, tapo me vuṭṭhī”ti tena kiṁ dīpeti? Yathā, brāhmaṇa, tayā vapite khette sace vuṭṭhi atthi, iccetam kusalam. No ce atthi, udakampi tāva dātabbam hoti. Tathā mayā

hiri-īse paññāyuganaṅgale manoyottena ekābaddhe kate vīriyabalibadde yojetvā satipācanena vijhītvā attano cittasantānakhattamhi saddhābīje vapite (1.0231) vuṭṭhiyā abhāvo nāma natthi, ayam pana me niccakālam indriyasamvaratapo vuṭṭhīti.

Paññāti kāmāvacarādibhedato anekavidhā. Idha pana saha vipassanāya maggapaññā adhippetā. **Yuganaṅgalanti** yugañca naṅgalañca yuganaṅgalam. Yathā hi brāhmaṇassa yuganaṅgalam, evam bhagavato duvidhāpi vipassanā paññā ca. Tattha yathā yugam īsāya upanissayam hoti, purato ca īsābaddham hoti, yottānam nissayam hoti, balibaddānam ekato gamanam dhāreti, evam paññā hirippamukhānam dhammānam upanissayā hoti. Yathāha- “paññuttarā sabbe kusalā dhammā”ti (a. ni. 8.83; 10.58) ca, “paññā hi seṭṭhā kusalā vadanti, nakkhattarājāriva tārakānan”ti (jā. 2.17.81) ca. Kusalānam dhammānam pubbaṅgamaṭṭhena purato ca hoti. Yathāha- “sīlam sīrī cāpi satañca dhammo, anvāyikā paññavato bhavanti”ti hirivippayogena anuppattito pana īsābaddho hoti. Manosaṅkhātassa samādhiyottassa nissayapaccayato yottānam nissayo hoti. Accāraddhātilinabhāvapatiṣedhanato vīriyabalibaddānam ekato gamanam dhāreti, yathā ca naṅgalam phālayuttam kasanakāle pathavighanam bhindati, mūlasantānakāni padāleti, evam satiyuttā paññā vipassanākāle dhammānam santatisamūhakiccārammaṇaghānam bhindati, sabbakilesamūlasantānakāni padāleti. Sā ca kho lokuttarāva, itarā pana lokikāpi siyā. Tenāha “paññā me yuganaṅgalan”ti.

Hiriyati pāpakehi dhammehīti **hirī**. Taggahanena tāya avippayuttam ottappampi gahitameva hoti. **Īsāti** yuganaṅgalasandhārikā rukkhalaṭṭhi. Yathā hi brāhmaṇassa īsā yuganaṅgalam dhāreti, evam bhagavatopि hirī lokiyalokuttarapaññāsaṅkhātam yuganaṅgalam dhāreti hiri-abhāve paññāya abhāvato. Yathā ca īsāpaṭibaddhayuganaṅgalam kiccakaram hoti acalam asithilam, evam hiripatiqbaddhā ca paññā kiccakārī hoti acalā asithilā abbokiṇḍā ahirikena. Tenāha “hirī īsā”ti. Munātīti **mano**, cittassetam nāmam. Idha pana manosisena tamśampayutto samādhī adhippeto. **Yottanti** rajjubandhanam. Tam tividham īsāya saha yugassa (1.0232) bandhanam, yugena saha balibaddānam bandhanam, sārathinā saha balibaddānam ekābandhananti. Tattha yathā brāhmaṇassa yottam īsāyugabalibadde ekābaddhe katvā sakakicce paṭipādeti, evam bhagavato samādhī sabbeva te hiri-paññāvīriyadhamme ekārammaṇe avikkhepasabhāvena bandhitvā sakakicce paṭipādeti. Tenāha “mano yottan”ti.

Cirakatādimattham saratīti **sati**. Phāletīti **phālo**. Pājenti etenāti **pājanam**. Tam idha “pācanan”ti vuttam. Patodassetam nāmam. Phālo ca pācanañca phālapācanam. Yathā hi brāhmaṇassa phālapācanam, evam bhagavato vipassanāsampa-yuttā maggasampayuttā ca sati. Tattha yathā phālo naṅgalam anurakkhati, purato cassa gacchatī, evam sati kusalākusalānam dhammānam gatiyo samanvesamānā ārammaṇe vā upaṭṭhāpayamānā paññānaṅgalam rakkhati. Tenevesā “satārakkhena cetasā viharatī”ti-ādīsu (a. ni. 10.20) viya ārakkhāti vuttā. Appamussana-vasena cassā purato hoti. Satiparicite hi dhamme paññā pajānāti, no pamuṭṭhe. Yathā ca pācanam balibaddānam vijjhanabhayaṁ dassentam samsīditum na deti,

uppathagamanam vāreti, evam sati vīriyabalibaddanam apāyabhayaṁ dassentī kosajjasamsidanaṁ na deti, kāmaguṇasāṅkhāte agocare cāram nivāretvā kammaṭṭhāne niyojentī uppathagamanam vāreti. Tenāha “sati me phālapācanan”ti.

Kāyaguttoti tividhena kāyasucaritena gutto. **Vacīguttoti** catubbidhena vacīsucaritena gutto. Ettāvatā pātimokkhasaṁvarasilam vuttam. **Āhāre udare yatoti** ettha āhāramukhena sabbapaccayānam gahitattā catubbidhepi paccaye yato saṁyato nirupakkilesoti attho. Iminā ājīvapārisuddhisilam vuttam. **Udare yatoti** udare yato saṁyato mitabhoji, āhāre mattaññūti vuttam hoti. Iminā bhojane mattaññutāmu-khena paccayapaṭisevanasilam vuttam. Tena kiṁ dīpeti? Yathā tvam, brāhmaṇa, bījam vapitvā sassaparipālanattham kanṭakavatim vā rukkhavatim vā pākārapari-kkhepam vā karosi, tena te gomahiṁsamigaganā pavesam alabhartā sassam na vilumpanti, evamahampi tam saddhābījam vapitvā nānappakārakusalasassapari-pālanattham kāyavacī-āhāraguttimayam tividham parikkhepam karomi (1.0233), tena me rāgādi-akusaladhammadmagomahiṁsamigaganā pavesam alabhartā nānappakārakam kusalasassam na vilumpantīti.

Saccam karomi niddānanti ettha dvīhākārehi avisamvādanam **saccam**. **Niddānanti** chedanam lunanam uppāṭanam. Karaṇatthe cetam upayogavacanam veditabbam. Ayam hettha attho “saccena karomi niddānan”ti. Kiṁ vuttam hoti- “yathā tvam bāhiram kasiṁ katvā sassadūsakānam tiṇānam hatthena vā asitena vā niddānam karosi, evam ahampi ajjhattikam kasiṁ katvā kusalasassadūsakānam visamvādanatiṇānam saccena niddānam karomi”ti. Yathābhūtaññānam vā ettha **saccanti** veditabbam. Tena attasaññādīnam tiṇānam niddānam karomiti dasseti. Atha vā **niddānanti** chedakam lāvakam uppāṭakanti attho. Yathā tvam dāsam vā kammakaram vā niddānam karosi, “niddehi tiṇāni”ti tiṇānam chedakam lāvakam uppāṭakam karosi, evamaham saccam karomiti dasseti, atha vā **saccanti** diṭṭhi-saccam. Tamaham niddānam karomi, chinditabbam lunitabbam uppāṭetabbam karomiti. Iti imesu dvīsu vikappesu upayogenevattho yujjati.

Soraccam me pamocananti ettha yaṁ tam “kāyiko avītikkamo vācasiko avītikkamo”ti sīlameva “soraccan”ti vuttam, na tam adhippetam. “Kāyagutto”ti-ādinā hi tam vuttameva. Arahattaphalam pana adhippetam. Tam hi sundare nibbāne ratattā

“soraccan”ti vuccati. **Pamocananti** yogavissajjanam. Idam vuttam hoti- yathā tava pamocanam punapi sāyanhe vā dutiyadivase vā anāgatasamvacchare vā yojetabbato appamocanameva hoti, na mama evam. Na hi mama antarā mocanam nāma atthi. Aham hi dīpañkaradasabalakālato paññānaṅgale vīriyabali- badde yojetvā kappasatasahassādhikāni cattāri asaṅkhyeyyāni mahākasim kasanto tāva na muñcim, yāva na sammāsambodhim abhisambujjhim. Yadā ca me sabbam tam kālam khepetvā bodhimūle aparājitapallaṅke nisinnassa sabbagūṇaparivāram arahattaphalam udapādi, tadā mayā tam sabbussukkapatiippassa- ddhiyā pamuttam, na dāni puna yojetabbam bhavissatīti. Etamatthaṁ sandhāyāha “soraccam me pamocanan”ti.

Vīriyam (1.0234) me **dhuradhorayhanti** ettha **vīriyanti** kāyikacetasiko vīriyā- rambho. **Dhuradhorayhanti** dhurāyam dhorayham, dhurāvahanti attho. Yathā hi brāhmaṇassa dhurāyam dhorayhākaḍḍhitam naṅgalam bhūmighanam bhindati, mūlasantānakāni ca padāleti, evam bhagavato vīriyākaḍḍhitam paññānaṅgalam yathā vuttam ghanam bhindati, kilesasantānakāni ca padāleti. Tenāha “vīriyam me dhuradhorayhan”ti. Atha vā purimadhurāvahattā dhurā, mūladhurāvahattā dhorayhā, dhurā ca dhorayhā ca dhuradhorayhā. Iti yathā brāhmaṇassa eke- kasmim naṅgale catubalibaddapabhedam dhuradhorayham vahantam uppannu- pannam tiṇamūlaghātañceva sassasampattiñca sādheti, evam bhagavato catus- mappadhbānavīriyabhedam dhuradhorayham vahantam uppannuppannam aku- salaghātañceva kusalasampattiñca sādheti. Tenāha “vīriyam me dhuradhorayhan”- ti.

Yogakkhemādhivāhananti ettha yoeхи khemattā nibbānam yogakkhemam nāma, tam adhikicca vāhīyat, abhimukham vā vāhīyatīti adhivāhanam, yogakkhe- massa adhivāhanam yogakkhemādhivāhananti. Idam vuttam hoti- yathā tava dhuradhorayham puratthimādīsu aññataradisābhimukham vāhīyat, tathā mama dhuradhorayham nibbānābhimukham vāhīyatīti. Evam vāhīyamānamva **gacchati anivattantam**. Yathā tava naṅgalam vahantam dhuradhorayham khettakoṭim patvā puna nivattati, evam anivattantam dīpañkarakālato paññāya gacchateva. Yasmā vā tena tena maggena pahīnā kilesā na punappunam pahātabbā honti, yathā tava naṅgalena chinnāni tiṇāni puna aparasmiṁ samaye chinditabbāni honti, tasmāpi evam pañhamamaggavasena diṭṭhekaṭṭhe kilese, dutiyavasena ola- rike, tatiyavasena aṇusahagate, catutthavasena sabbakilese pajahantam gacchati anivattantam. Atha vā **gacchati anivattanti** nivattanarahitam hutvā gacchatīti attho. **Tanti** tam dhuradhorayham. Evamettha attho veditabbo. Evam gacchantañca yathā tava dhuradhorayham na tam ṭhānam gacchati, yattha gantvā kassako asoko virajo hutvā na socati. Etam pana tam ṭhānam gacchati **yattha gantvā na socati**. Yattha satipācanena etam vīriyaduradhorayham codento gantvā mādiso kassako asoko virajo hutvā na socati, tam sabbasokasallasamu- gghātabhūtam nibbānam nāma asaṅkhataṁ ṭhānam gacchatīti.

Idāni (1.0235) nigamanam karonto **evamesā kasīti** gāthamāha. Tassāyam saṅkhepattho- yassa, brāhmaṇa, esā saddhābījā tapovuṭṭhiyā anuggahitā kasī

paññāmayam yuganaṅgalam hirimayañca īsam manomayena yottenā ekābaddham katvā paññānaṅgalena satiphālam ākoṭetvā satipācanam gahetvā kāyavacī-āhāraguttiyā gopetvā saccam niddānam katvā soraccapamocanam vīriyadhradhorayham yogakkhemābhimukham anivattantam vāhantena kaṭṭhā kasī kammapariyosānam catubbidham sāmaññaphalam pāpitā, **sā hoti amatapphalā**, sā esā kasī amatapphalā hoti. Amataṁ vuccati nibbānam, nibbānānisamsā hotīti attho. Sā kho panesā kasī na mamevekassa amatapphalā hoti, atha kho yo koci khattiyo vā brāhmaṇo vā vesso vā suddo vā gahaṭṭho vā pabbajito vā etam kasīm kasati, so sabbopi etam kasitvāna sabbadukkhā pamuccatīti.

Evam bhagavā brāhmaṇassa arahattanikūṭena nibbānapariyosānam katvā desanam niṭṭhāpesi. Tato brāhmaṇo gambhīratthaṁ desanam sutvā- “mama kasi-phalam bhuñjtvā punapi divaseyeva chāto hoti, imassa pana kasī amatapphalā, tassa phalam bhuñjtvā sabbadukkhā pamuccatīti”ti ñatvā pasanno pasannākāram karonto **bhuñjatu bhavam gotamoti-ādimāha**. Tam sabbam tato parañca vuttatthamevāti. Paṭhamam.

2. Udayasuttavaṇṇanā

198. Dutiye **odanena pūresīti** attano atthāya sampāditena sūpabyañjanena odanena pūretvā adāsi. Bhagavā kira paccūsasamaye lokam olokentova tam brāhmaṇam disvā, pātova sarīrapaṭijagganam katvā, gandhakuṭīm pavisitvā, dvāram pidhāya, nisinno tassa bhojanam upasamhariyamānam disvā, ekakova pattam amsakūṭe laggetvā, gandhakuṭito nikhamma, nagaradvāre pattam nīharitvā, antonagaram pavisitvā, paṭipāṭiyā gacchanto brāhmaṇassa dvārakoṭṭhake atṭhāsi. Brāhmaṇo bhagavantam disvā, attano sajjitam bhojanam adāsi. Tam sandhāyetam vuttaṁ. **Dutiyampīti** dutiyadivasepi. **Tatiyampīti** tatiyadivasepi. Tāni kira tīṇi divasāni nirantaram (1.0236) brāhmaṇassa gharadvāram gacchantassa bhagavato antarā añño koci uṭṭhāya pattam gahetum samatho nāma nāhosī, mahājano olokentova atṭhāsi.

Etadavocāti brāhmaṇo tīṇi divasāni pattam pūretvā dentopi na saddhāya adāsi, “gharadvāram āgantvā ṭhitassa pabbajitassa bhikkhāmattampi adatvā bhuñjatīti”ti upārambhabhayena adāsi. Dadanto ca dve divasāni datvā kiñci avatvāva nivatto. Bhagavāpi kiñci avatvāva pakkanto. Tatiyadivase pana adhivāsetum asakkonto etam “pakaṭṭhako”ti-ādivacanam avoca. Bhagavāpi etam vacanam nicchārāpanatthameva yāva tatiyamagamāsi. Tattha **pakaṭṭhakoti** rasagiddho.

Punappunaṁ ceva vapanti bijanti satthā brāhmaṇassa vacanam sutvā, “brāhmaṇa, tvam tīṇi divasāni piṇḍapātam datvā osakkasi, punappunaṁ kātabbā nāma lokasmim soṭasa dhammā”ti vatvā te dhamme dassetum imam desanam ārabhi. Tattha **punappunaṁ ceva vapanti** ekasmim sassavāre vuttaṁ “alamettāvatā”ti anosakkitvā aparāparesupi sassavāresu ca vapantiyeva. **Punappunaṁ vassatīti** na ekadivasam vassitvā tiṭṭhati, punappunadivasesupi punappunasaṁvaccchesupi vassatiyeva, evam janapadā iddhā honti. Etenupāyena sabbattha

nayo veditabbo.

Yācakāti imasmim pade satthā desanākusalatāya attānampi pakkhipitvā dasseti. **Khīranikāti** khīrakārakā godohakā. Na hi te ekavārameva thanam añchanti, punappunañ añchantā dhenum duhantīti attho. **Kilamati phandati cāti** ayam satto tena iriyāpathena kilamati ceva phandati ca. **Gabbhanti** soñasiñgālādīnampi tiracchānagatānam kucchim. **Sivathikanti** susānam, matañ matañ sattam tattha punappunañ harantīti attho. **Maggañca laddhā apunabbhavāyāti** apuna-bbhavāya maggo nāma nibbānam, tam labhitvāti attho.

Evam vutteti evam bhagavatā antaravīthiyam ṭhatvāva soñasa punappuna-dhamme desentena vutte. **Etadavocāti** desanāpariyosāne pasanno saddhim (1.0237) puttadāramittañātivaggena bhagavato pāde vanditvā etam “abhikkantam bho”ti-ā-divacanam avoca. Dutiyam.

3. Devahitasuttavaññanā

199. Tatiye **vātehīti** udaravātehi. Bhagavato kira chabbassāni dukkarakārikam karontassa pasatamuggayūsādīni āhārayato dubbojanena ceva dukkhaseyyāya ca udaravāto kuppi. Aparabhāge sambodhim patvā pañītabhojanam bhuñjanta-ssāpi antarantarā so ābādho attānam dassetiyeva. Tam sandhāyetam vuttam. **Upaṭṭhāko hotīti** paṭhamabodhiyam anibaddhupaṭṭhākakāle upaṭṭhāko hoti. Tasmim kira kāle satthu-asītimahātheresu upaṭṭhāko abhūtapubbo nāma natthi. Nāgasamālo upavāno sunakkhatto cundo samañuddeso sāgato bodhi meghiyoti ime pana pāliyam āgatupaṭṭhākā. Imasmim pana kāle upavānatthero pātova uṭṭhāya pariveñasammajjanañ dantakaṭṭhadānam nhānodakapariyādanam pattacīvarañ gahetvā anugamananti sabbam bhagavato upaṭṭhānamakāsi. **Upasañkamīti** paṭha-mabodhiyam kira vīsatī vassāni niddhūmam araññameva hoti, bhikkhusaṅghassa udakatāpanampi na bhagavatā anuññātam. So ca brāhmaṇo uddhanapāliñ bandhāpetvā mahācātiyo uddhanamāropetvā uñhodakam kāretvā, nhāniyacuññādīhi saddhim tam vikkīñanto jīvikam kappeti. Nhāyitukāmā tattha gantvā mūlam datvā nhāyitvā gandhe vilimpitvā mālam piñlandhitvā pakkamanti. Tasmā therotattha upasañkami.

Kim patthayānoti kim icchanto. **Kim esanti** kim gavesanto. **Pūjito pūjaneyyānantī** idam therō dasabalassa vaññam kathetumārabhi. Gilānabhesajjattham gatena kira gilānassa vañño kathetabboti vattametam. Vaññam hi sutvā manussā sakkaccam bhesajjam dātabbam maññanti. Sappāyabhesajjam laddhā gilāno khippameva vuṭṭhāti. Kathentena ca jhānavimokkhasamāpattimaggaphalāni ārabbha kathetum na vat̄tati. “Sīlavā lajjī kukuccako bahussuto āgamadharo vāñsānurakkhako”ti evam pana āgamanīyapaṭipadāmyeva kathetum vat̄tati. **Pūjaneyyānanti** asītimahātherā sadevakena lokena (1.0238) pūjetabbāti pūjaneyyā. Teyeva sakkātabbāti **sakkareyyā**. Tesamyeva apaciti kattabbāti **apaceyyā**. Bhagavā tesam pūjito sakkato apacito ca, iccassa tam guñam pakāsento therō evamāha. **Hātaveti** haritum.

Phāṇitassa ca puṭanti mahantam̄ nicchārikam̄ guṇapiṇḍam̄. So kira “kim̄ samaṇassa gotamassa aphāsukan”ti? Pucchitvā, “udaravāto”ti sutvā, “tena hi maya-mettha bhesajjam̄ jānāma, ito thokena udakena idam̄ phāṇitaṁ ālojetvā nhānapariyosāne pātum̄ detha, iti uṇhodakena bahi parisedo bhavissati, iminā antoti evam̄ samaṇassa gotamassa phāsukam̄ bhavissati”ti vatvā therassa patte pakhipitvā adāsi.

Upasaṅkamīti tasmiṁ kira ābādhe paṭipassaddhe “devahitena tathāgatassa bhesajjam̄ dinnam̄, teneva rogo vūpasanto, aho dānam̄ paramadānam̄ brāhmaṇasā”ti kathā vitthāritā jātā. Tam̄ sutvā kittikāmo brāhmaṇo “ettakenapi tāva me ayam̄ kittisaddo abbhuggato”ti somanassajāto attanā katabhāvam̄ jānāpetukāmo tāvatakena dasabale vissāsam̄ āpajjivā upasaṅkami.

Dajjāti dadeyya. **Katham̄ hi yajamānassāti** kena kāraṇena yajantassa. **Ijjhatī** samijjhati mahapphalo hoti. **Yovedīti** yo avedi aññāsi, viditam̄ pākaṭamakāsi “yoveti”tipi pāṭho, yo aveti jānātīti attho. **Passatīti** dibbacakkhunā passati. **Jātikkhayanti** arahattam̄. **Abhiññāvositoti** jānitvā vosito vosānam̄ katakiccataṁ patto. **Evam̄ hi yajamānassāti** iminā khīnāsave yajanākārena yajantassa. Tatiyam̄.

4. Mahāsālasuttavaṇṇanā

200. Catutthe **Iūkho Iūkhapāvuraṇoti** jiṇo jiṇapāvuraṇo. **Upasaṅkamīti** kasmā upasaṅkami? Tassa kira ghare aṭṭhasatasahassadhanam̄ ahosi. So catunnam̄ puttānam̄ āvāham̄ katvā cattāri satasahassāni adāsi (1.0239). Athassa brāhmaṇiyā kālaṇkatāya puttā sammantayimsu- “sace aññam̄ brāhmaṇim̄ ānessati, tassā kucchiyam̄ nibbattavasena kulam̄ bhijjissati. Handa nam̄ mayam̄ saṅgaṇhāmā”ti. Te cattāropi paṇītehi ghāsacchādanādīhi upaṭṭhahantā hatthapādasambāhanā-dīni karontā saṅgaṇhitvā ekadivasam̄ divā niddāyitvā vuṭṭhitassa hatthapāde sambāhamānā pāṭiyekkam̄ gharāvāse ādīnavam̄ vatvā- “mayam̄ tumhe iminā nīhārena yāvajīvam̄ upaṭṭhahissāma, sesadhanampi no dethā”ti yācīmsu. Brāhmaṇo puna ekekassa satasahassam̄ satasahassam̄ datvā attano nivathapārupanamattam̄ ṭhapetvā sabbam̄ upabhogaparibhogam̄ cattāro koṭhāse katvā niyyādesi. Tam̄ jetṭhaputto katipāham̄ upaṭṭhahi.

Atha nam̄ ekadivasam̄ nhatvā āgacchantam̄ dvārakoṭṭhake ṭhatvā suṇhā evamāha- “kim̄ tayā jetṭhaputtassa satam̄ vā sahassam̄ vā atirekam̄ dinnamatthi? Nanu sabbesam̄ dve dve satasahassāni dinnāni, kim̄ sesaputtānam̄ gharassa maggam̄ na jānāsi”ti? So “nassa vasali”ti kujjhītvā aññassa gharam̄ agamāsi, tatopi

katipāhaccayena imināva upāyena palāpito aññassāti evam ekagharepi pave-
sanam alabhamāno pañdaraṅgapabbajam pabbajitvā bhikkhāya caranto kālāna-
maccayena jarājiṇo dubbojanadukkhaseyyāhi milatasarīro bhikkhācārato
āgamma, pīthakāya nipanno niddam okkamitvā vuṭṭhāya nisinno attānam oloketvā
puttesu patiṭṭham apassanto cintesi- “samaṇo kira gotamo abbhākuṭiko uttāna-
mukho sukhasambhāso paṭisanthārakusalo, sakkā samaṇam gotamam upasaṅka-
mitvā paṭisanthāram labhitun”ti nivāsanapāvuraṇam saṇṭhapetvā bhikkhābhājana-
mādāya yena bhagavā tenupasaṅkami.

Dārehi sampuccha gharā nikkhāmentīti sabbam mama santakam gahetvā
mayham niddhanabhāvam ūnatvā attano bhariyāhi saddhim mantayitvā mam
gharā nikkaḍḍhāpenti.

Nandissanti nandijāto tuṭṭho pamudito ahosim. **Bhavamicchisanti** vuḍḍhim
patthayim. **Sāva vārenti sūkaranti** yathā sunakhā vaggavaggā hutvā bhussantā (1.02)
bhussantā sūkaram vārenti, punappunaṁ mahāravam ravāpenti, evam dārehi
saddhim mam bahum vatvā viravantaṁ palāpentīti atho.

Asantāti asappurisā. **Jammāti** lāmakā. **Bhāsareti** bhāsanti. **Puttarūpenāti** putta-
vesena. **Vayogatanti** tayo vaye gataṁ atikkantam pacchimavaye ṭhitam mam. **Jaha-
ntīti** pariccajanti.

Nibbhogoti nipparibhogo. **Khādanā apaniyatīti** asso hi yāvadeva taruṇo hoti java-
sampanno, tāvassa nānārasam khādanaṁ dadanti, jiṇṇam nibbhogam tato apa-
nenti, antimavaye tam vattam na labhati, gāvīhi saddhim aṭaviyam sukkhatiṇāni
khādanto carati. Yathā so asso, evam jiṇṇakāle viluttasabbadhanattā nibbhogo
mādisopi bālakānam pitā thero paragharesu bhikkhati.

Yañceti nipāto. Idam vuttaṁ hoti- ye mama puttā anassavā appatissā avasava-
ttino, tehi daṇḍova kira seyyo sundarataroti. Idānissa seyyabhāvam dassetum
caṇḍampi goṇanti-ādi vuttaṁ.

Pure hotīti aggato hoti, tam purato katvā gantum sukhām hotīti attho. **Gādhame-
dhatīti** udakam otaraṇakāle gambhīre udake patiṭṭham labhati.

Pariyāpuṇitvāti uggaṇhitvā vā vācuggatā katvā. **Sannisinnesūti** tathārūpe
brāhmaṇānam samāgamadivase sabbālaṅkārapaṭīmaṇḍitesu puttesu tam sabham
ogāhetvā brāhmaṇānam majhe mahārahe āsane nisinnesu. **Abhāsīti** ‘ayam me
kālo’ti sabhāya majhe pavisitvā hattham ukkhipitvā, “bho aham tumhākam gāthā
bhāsitukāmo, bhāsite suṇissathā”ti vatvā- “bhāsa, brāhmaṇa, suṇomā”ti vutto
ṭhitakova abhāsi. “Tena ca samayena manussānam vattaṁ hoti yo mātāpitūnam
santakam khādanto mātāpitaro na poseti, so māretabbo”ti. Tasmā te brāhmaṇa-
puttā pitupādesu nipatitvā “jīvitam no tāta, dehī”ti yācīmsu. So pituhadayassa
puttānam muduttā “mā me, bho, bālakē vināsayittha, posissanti man”ti āha.

Athassa (1.0241) putte manussā āhamṣu- “sace, bho, ajja paṭṭhāya pitaram na
sammā paṭijaggissatha, ghātessāma vo”ti. Te bhītā gharam netvā paṭijaggiṁsu.
Tam dassetum **atha kho nam brāhmaṇamahāsālanti-ādi** vuttaṁ. Tattha **netvāti**
pīṭhe nisīdāpetvā sayam ukkhipitvā nayīmsu. **Nhāpetvāti** sarīram telena abbha-
ñjitvā ubbaṭṭetvā gandhacuṇṇādīhi nhāpesum. Brāhmaṇiyopi pakkosāpetvā, “ajja

paṭṭhāya amhākam pitaram sammā paṭijaggatha. Sace pamādaṃ āpajjissatha, gharato vo nikkaḍḍhissāmā”ti vatvā, pañītabhojanam bhojesum.

Brāhmaṇo subhojanañca sukhaseyyañca āgamma katipāhaccayena sañjātabalo pīnitindriyo attabhāvam oloketvā, “ayaṃ me sampatti samaṇam gotamaṃ nissāya laddhā”ti paññākāram ādāya bhagavato santikam agamāsi. Tam dassetum **atha kho soti**-ādi vuttam. Tattha **etadavocāti** dussayugam pādamūle ṭhapetvā etam avoca. Saranagamanāvasāne cāpi bhagavantam evamāha- “bho gotama, mayham puttehi cattāri dhurabhattāni dinnāni, tato ahaṃ dve tumhākam dammi, dve sayam paribhuñjissāmī”ti. Kalyāṇam, brāhmaṇa, pāṭiyekkam pana mā niyyādehi, amhākam ruccanatthānameva gamissāmāti. “Evam, bho”ti kho brāhmaṇo bhagavantam vanditvā gharam gantvā putte āmantesi “tātā, samaṇo gotamo mayham sahāyo, tassa dve dhurabhattāni dinnāni, tumhe tasmim sampatte mā pamajjathā”ti. Sādhu, tātāti. Punadivase bhagavā pubbañhasamaye pattacīvaraṃ ādāya jetṭhaputtassa nivesanadvāram gato. So satthāram disvāva hatthato pattam gahetvā gharam pavesetvā mahārahe pallaṅke nisīdāpetvā pañītabhojanamadāsi. Satthā punadivase itarassa, punadivase itarassāti paṭipāṭiyā sabbesam gharāni agamāsi. Sabbe tatheva sakkāram akāmsu.

Athekadivasam jeṭṭhaputtassa ghare maṅgalam paccupatthitam. So pitaram āha- “tāta, kassa maṅgalam demā”ti. Amhe aññam na jānāma? Nanu samaṇo gotamo mayham sahāyoti? Tena hi tumhe pañcahi bhikkhusatehi saddhim svātanāya samaṇam gotamaṃ nimantethāti. Brāhmaṇo tathā akāsi (1.0242). Bhagavā adhivāsetvā punadivase bhikkusaṅghaparivuto tassa gehadvāram agamāsi. So haritupalittam sabbālaṅkārapaṭimāṇḍitam geham satthāram pavesetvā buddha-pamukham bhikkusaṅgham paññattāsaneshu nisīdāpetvā appodakapāyāsa-ñceva khajjakavikatiñca adāsi. Antarabhattasmīmyeva brāhmaṇassa cattāropi puttā satthu santike nisīditvā āhamṣu- “bho gotama, mayam amhākam pitaram paṭijaggāma nappamajjāma, passathassa attabhāvan”ti. Satthā “kalyāṇam vo kataṃ, mātāpituposakam nāma porāṇakapaṇḍitānam āciṇṇamevā”ti vatvā mahā-nāgajātakam (jā. 1.11.1 ādayo; cariyā. 2.1 ādayo) nāma kathetvā, cattāri saccāni dīpetvā dhammadam desesi. Desanāpariyosāne brāhmaṇo saddhim catūhi puttehi catūhi ca suṇhāhi desanānusārena ñāṇam pesetvā sotāpattiphale patiṭṭhito. Tato paṭṭhāya satthā na sabbakālam tesam geham agamāsīti. Catuttham.

5. Mānatthaddhasuttavaṇṇanā

201. Pañceme **mānatthaddhoti** vātabharitabhastā viya mānena thaddho. **Ācariyanti** sippuggahaṇakāle ācariyo anabhivādentassa sippam na deti, aññasmiṃ pana kāle taṃ na abhivādeti, atthibhāvampissa na jānāti. **Nāyam samaṇoti** evam kirassa ahosi- “yasmā ayaṃ samaṇo mādise jātisampannabrāhmaṇe sampatte paṭisanthāramattampi na karoti, tasmā na kiñci jānāti”ti.

Abbhutavittajātāti abhūtapubbāya tuṭṭhiyā samannāgatā. **Kesu cassāti** kesu bhaveyya. **Kyassāti** ke assa puggalassa. **Apacitā assūTi** apacitīm dassetum yuttā

bhaveyyum. **Arahanteti** imāya gāthāya desanākusalattā attānam antokatvā pūjaneyyam dasseti. Pañcamam.

6. Paccanīkasuttavaṇṇanā

202. Chaṭṭhe “sabbam setan”ti vutte “sabbam kaṇhan”ti-ādinā nayena paccanīkam karontassevassa sātam sukham hotīti **paccanīkasāto**. Yo (1.0243) ca **vineyya sārambhanti** yo karaṇuttariyalakkhaṇam sārambham vinetvā sunātīti attho. Chaṭṭham.

7. Navakammikasuttavaṇṇanā

203. Sattame **navakammikabhāradvājoti** so kira araññe rukkham chindāpetvā tattheva pāsādakūṭāgārādīni yojtvā nagaram āharitvā vikkīnāti, iti navakammam nissāya jīvatīti navakammiko, gottena bhāradvājoti **navakammikabhāradvājo**. **Disvānassa etadahosīti** chabbaṇṇarasmiyo vissajjetvā nisinnam bhagavantam disvāna assa etam ahosi. **Vanasminti** imasmim vanasaṇde. **Ucchinnaṁūlam me vananti** mayham kilesavanam ucchinnaṁūlam. **Nibbanathoti** nikilesavano. Eko rameti ekako abhiramāmi. **Aratiṁ vippahāyāti** pantasenāsanesu ceva bhāvanāya ca ukkaṇṭhitam jahitvā. Sattamam.

8. Kaṭṭhahārasuttavaṇṇanā

204. Aṭṭhame **antevāsikāti** veyyāvaccam katvā sippuggaṇhanakā dhammantevāsikā. **Nisinnanti** chabbaṇṇarasmiyo vissajjetvā nisinnam. **Gambhirarūpeti** gambhīrasabhāve.

Bahubheraveti tatraṭṭhakasaviññāṇaka-aviññāṇakabheravehi bahubherave. **VigāhiyāTi** anupavisitvā. **Aniñjamānenāti-ādīni** kāyavisesanāni, evarūpena kāyenāti attho. **Sucārurūpam vatāti** atisundaram vata jhānam jhāyasīti vadati.

Vanavassito munīti vanam avassito buddhamuni. **Idanti** idam tumhākam evam vane nisinnakāraṇam mayham accherarūpam paṭibhāti. **Pītimanoti** tuṭṭhacitto. **Vane vaseti** vanamhi vasi.

Maññāmahanti maññāmi aham. **Lokādhipatisahabyatanti** lokādhipatimahābrahmunā sahabhāvam. **Ākaṇkhamānoti** icchamāno. **Tidivam anuttaranti** idam brahmałokameva sandhāyāha. **Kasmā bhavam** vijanamaraññamassitoti aham tāva brahmałokam ākaṇkhamānoti maññāmi. Yadi evam na hoti, atha me ācikkha, kasmā bhavanti? Pucchati. **Brahmapattiyāti** setṭhapattiyā (1.0244). Idha idam tapo kasmā karosīti aparenapi ākārena pucchati.

Kaṇkhāti taṇhā. **Abhinandanāti** abhinandanavasena taṇhāva vuttā. **Anekadhātūsūti** anekasabhāvesu ārammaṇesu. **Puthūti** nānappakārā taṇhā sesakilesā vā. **Sadāsitāti** niccakālām avassitā. **Aññāṇamūlappabhavāti** avijjāmūlā hutvā jātā. **Pajapitāti** taṇhāva “idampi mayham, idampi mayhan”ti pajappāpanavasena pajappitā

nāmāti vuttā. **Sabbā mayā byantikatāti** sabbā taṇhā mayā aggamaggena vigatātā nirantā katā. **Samūlikāti** saddhim aññāṇamūlena.

Anūpayoti anupagamano. **Sabbesu dhammesu visuddhadassanoti** iminā sabba-ññutaññāṇam dīpeti. **Sambodhimanuttaranti** arahattam sandhāyāha. **Sivanti** setṭham. **Jhāyāmīti** dvīhi jhānehi jhāyāmi. **Visāradoti** vigatasārajjo. Aṭṭhamam.

9. Mātuposakasuttavaṇṇanā

205. Navame **peccāti** ito paṭigantvā. Navamam.

10. Bhikkhakasuttavaṇṇanā

206. Dasame **idhāTi** imasmiṃ bhikkhubhāve. **Vissam dhammantī** duggandham akusaladhammam. **Bāhitvāti** aggamaggena jahitvā. **Saṅkhāyāti** ñāṇena. **Sa ve bhikkhūti vuccatīti** so ve bhinnakilesattā bhikkhu nāma vuccati. Dasamam.

11. Saṅgāravasuttavaṇṇanā

207. Ekādasame **paccetīti** icchati pattheti. **Sādhū, bhanteti** āyācamāno āha. Therassa kiresa gihisahāyo, tasmā therō “ayam varāko maṃ sahāyam labhitvāpi micchāditthim gahetvā mā apāyapūrako ahosi”ti āyācati. Apicesa mahāparivāro, tasmiṃ (1.0245) pasanne pañcakulasatāni anuvattissantīti maññamānopi āyācati. **Atthavasanti**

atthānisamsam̄ atthakāraṇam̄. **Pāpanti** pāṇatipātādi-akusalam̄. **Pavāhemīti** galappamāṇam̄ udakam̄ otaritvā pavāhemī palāpemi. **Dhammoti** gāthā vuttathāva. Ekādasamam̄.

12. Khomadussasuttavaṇṇanā

208. Dvādasame **khomadussam̄ nāmāti** khomadussānam̄ ussannattā evam̄la-ddhanāmam̄. **Sabhāyanti** sālāyaṇam̄. **Phusāyatīti** phusitāni muñcati vassati. Satthā kira tam̄ sabham̄ upasaṅkamitukāmo- “mayi evamevaṇ upasaṅkamante aphāsu-kadhātukam̄ hoti, ekam̄ kāraṇam̄ paṭicca upasaṅkamissāmī”ti adhitthānavasena vuṭṭhim̄ uppādesi. **Sabhādhammanti** sukhanisinne kira asañcāletvā ekapassena pavisanaṇam̄ tesam̄ sabhādhammo nāma, na mahājanam̄ cāletvā ujukameva pavisanaṇam̄. Bhagavā ca ujukameva āgacchati, tena te kūpitā bhagavantam̄ hīlentā “ke ca muṇḍakā samaṇakā, ke ca sabhādhammam̄ jānissanti”ti āhamṣu. **Santoti** pañditā sappurisā. **Pahāyāti** ete rāgādayo jahitvā rāgādivinayāya dhammam̄ bhaṇanti, tasmā te santo nāmāti. Dvādasamam̄.

Upāsakavaggo dutiyo.

Iti sāratthappakāsiniyā

Samyuttanikāya-atṭhakathāya

Brāhmaṇasamyuttavaṇṇanā niṭṭhitā.

8. Vāngīsasamyuttam̄

1. Nikkhantasuttavaṇṇanā

209. Vāngīsasamyuttassa (1.0246) paṭhame **aggālave cetiyeti** ālaviyam̄ aggace-tiye. Anuppanne buddhe aggālavagotamakādīni yakkhanāgādīnam̄ bhavanāni, cetiyāni ahesum̄. Uppanne buddhe tāni apanetvā manussā vihāre karim̄su. Tesam̄ tāneva nāmāni jātāni. **Nigrodhakappenāti** nigrodharukkhamūlavāsinā kappatthe-reṇa. **Ohiyyakoti** ohīnako. **Vihārapāloti** so kira tadā avassiko hoti pattacīvaragga-haṇe akovido. Atha nam̄ therā bhikkhū- “āvuso, imāni chattupāhanakattaraya-ṭṭhi-ādīni olokento nisidā”ti vihārarakkhakam̄ katvā piṇḍāya pavisim̄su. Tena vuttam̄ “vihārapālo”ti. **Samalaṅkaritvāti** attano vibhavānurūpena alaṅkārena alaṅkaritvā. **Cittam̄ anuddhamsetīti** kusalacittam̄ viddhamseti vināseti. **Tam̄ kutettha labbhāti** etasmiṇ rāge uppanne tam̄ kāraṇam̄ kuto labbhā. **Yam̄ me paroti** yena

me kāraṇena añño puggalo vā dhammo vā anabhiratiṁ vinodetvā idāneva abhiratiṁ uppādeyya ācariyupajjhāyāpi mām vihāre ohāya gatā.

Agārasmāti agārato nikkhantam. **Anagāriyanti** pabbajjam upagatanti attho. **Kaṇhatoti** kaṇhapakkhato mārapakkhato ādhāvanti. **Uggaputtāti** uggatānam puttā mahesakkhā rājaññabhūtā. **Dalhadhamminoti** dalhadhanuno, uttamappamāṇam ācariyadhanum dhārayamānā. **Sahassam apalāyinanti** ye te samantā sarehi parikireyyum, tesam apalāyinam saṅkham dassento “sahassan”ti āha. **Etato Bhiyyoti** etasmā sahassā atirekatarā. **Neva mām byādhayissantīti** mām cāletum na sakkhi-santi. **Dhamme samhi patitthitanti** anabhiratiṁ vinodetvā abhiratiṁ uppādanamatthe sake sāsanadhamme patitthitam. Idam vuttam hoti- issāsasahasse tāva samantā sarehi parikirante sikkhito puriso daṇḍakam gahetvā sabbe sare sarīre apatamāne antarāva paharitvā pādamūle pāteti. Tattha (1.0247) ekopi issāso dve sare ekato na khipati, imā pana itthiyo rūpārammaṇādivasena pañca pañca sare ekato khipanti. Evaṁ khipantiyo etā sacepi atirekasahassā honti, neva mām cāletum sakkhissantīti.

Sakkhī hi me sutam etanti mayā hi sammukhā etam sutam. **Nibbānagamanam magganti** vipassanam sandhāyāha. So hi nibbānassa pubbabhāgamaggo, lingavipallāsenā pana “maggan”ti āha. **Tattha meti tasmiṁ me attano taruṇavipassanāsaṅkhāte** nibbānagamanamagge mano nirato. **Pāpimāti** kilesam ālapati. **Maccūtipi tameva ālapati.** **Na me maggampi dakkhasīti** yathā me bhavayoni-ādīsu gatamaggampi na passasi, tathā karissāmīti. Paṭhamam.

2. Aratīsuttavaṇṇanā

210. Dutiye **nikkhamatīti** vihārā nikhamati. **Aparaju vā kāleti** dutiyadivase vā bhikkhācārakāle. Vihāragaruko kiresa thero. **Aratiñca ratiñcāti** sāsane aratiṁ kāmaguṇesu ca ratim. **Sabbaso gehasitañca vitakkanti** pañcakāmaguṇagehannisitam pāpavitakkañca sabbākārena pahāya. **Vanathanti** kilesamahāvanam. **Kuhiñcīti** kismiñci ārammaṇe. **Nibbanathoti** nikilesavano. **Aratoti** taṇhāratirahito.

Pathaviñca vehāsanti pathaviñthitañca itthipurisavatthālaṅkārādivanṇam, vehāsaṭṭhakañca candasūriyobhāsādi. **Rūpagatanti** rūpameva. **Jagatogadhanti** jagatiyā ogadham, antopathaviyam nāgabhavenagatanti attho. **Parijīyatīti** pariñirati. **Sabbamaniccanti** sabbam tam aniccam. Ayaṁ therassa mahāvipassanāti vadanti. **Evaṁ samaccāti** evam samāgantvā. **Caranti mutattāti** viññātattabhbāvā viharanti.

Upadhīsūti khandhakilesābhisaṅkhāresu. **Gadhitāti** giddhā. **Ditthasuteti** cakkhunā ditthe rūpe, sotena sute sadde. **Paṭighe ca mute cāti** ettha paṭighapadena gandharasā gahitā, mutapadena phoṭṭhabbārammaṇam. **Yo ettha na limpātīti** yo etesu pañcakāmaguṇesu taṇhāditthilepehi na limpati.

Atha saṭṭhinissitā savitakkā, puthū janatāya adhammā niviñthāti atha cha ārammaṇanissitā puthū adhammatakkā janatāya niviñthāti attho. **Na (1.0248) ca vaggagatassa kuhiñcīti** tesam vasena na katthaci kilesavaggagato bhaveyya. **No pana duṭṭhullabhbāṇīti** duṭṭhullavacanabhbāṇīpi na siyā. **Sa bhikkhūti** so evamvidho

bhikkhu nāma hoti.

Dabboti dabbajātiko paññito. **Cirarattasamāhitoti** dīgharattam samāhitacitto. **Nipakoti** nepakkena samannāgato pariṇatapañño. **Apihālūti** nittañho. **Santam** padanti nibbānañ. **Ajjhagamā munīti** adhigato muni. **Paṭicca parinibbuto kañkhati kālanti** nibbānañ paṭicca kilesaparinibbānena parinibbuto parinibbānakālam āgameti. Dutiyam.

3. Pesalasuttavaññanā

211. Tatiye **atimaññatīti** “kim ime mahallakā? Na etesam pāli, na atṭhakathā, na padabyañjanamadhuratā, amhākam pana pālipi atṭhakathāpi nayasatena nayasa-hassena upaṭṭhāti”ti atikkamitvā maññati. **Gotamāti** gotamabuddhasāvakattā attānam ālapati. **Mānapathanti** mānārammaṇañceva mānasahabhuno ca dhamme. **Vippaṭisārīhuvāti** vippaṭisārī ahuvā, ahosīti attho. **Maggajinoti** maggena jitakileso. **Kittiñca sukhañcāti** vanṇabhañanañca kāyikacetasikasukhañca. **Akhilodha padhānavāti** akhilo idha padhānavā vīriyasampanno. **Visuddhoti** visuddho bhaveyya. **Asesanti** nissesam navavidham. **Vijjāyantakaroti** vijjāya kilesānam antakaro. **Samitāvīti rāgādīnam** samitatāya samitāvī. Tatiyam.

4. Ānandasuttavaññanā

212. Catutthe **rāgoti** āyasmā ānando mahāpuñño sambhāvito, tam rājarājama-hāmattādayo nimantetvā antonivesane nisidāpenti. Sabbālañkārapaṭimāñditāpi itthiyo theram upasañkamitvā vanditvā tālavāñṭena bījenti, upanisīditvā pañhañ pucchanti dhammam suñanti. Tattha āyasmato vañgīsassa navapabbajitassa āra-mmañam pariggahetum asakkontassa itthirūpārammañe rāgo cittam anuddham-seti. So saddhāpabbajitattā ujujātiko kulaputto “ayam me rāgo vadḍhitvā diṭṭhadhammikasamparāyikam attham nāseyyā”ti (1.0249) cintetvā anantaram nisinnova therassa attānam āvikaronto **kāmarāgenāti-ādimāha**.

Tattha **nibbāpananti** rāganibbānakārañam. **Vipariyesāti** vipallāsenā. **Subham rāgūpasañhitanti** rāgaṭṭhāniyam itṭhārammañam. **Parato passāti** aniccato passa. **Mā ca attatoti** attato mā passa. **Kāyagatā tyatthūti** kāyagatā te atthu. **Animittañca bhāvehīti** niccādīnam nimittānam ugghātitattā vipassanā animittā nāma, tam bhāvehīti vadati. **Mānābhīsamayāti** mānassa dassanābhīsamayā ceva pahānābhīsamayā ca. **Upasantoti rāgādisantatāya** upasanto. Catuttham.

5. Subhāsitasuttavaññanā

213. Pañcame **aṅgehīTi** kārañehi, avayavehi vā. Musāvādāveramañi-ādīni hicattāri subhāsitavācāya kārañāni, saccavacanādayo cattāro avayavā. Kārañatthe ca aṅgasadde “catūhī”ti nissakkavacanāñ hoti, avayavatthe kārañavacanāñ. **Samannāgatāti** samanu-āgatā pavattā yuttā ca. **Vācāti** samullapanavācā, yā

“vācā girā byappatho”ti (dha. sa. 636) ca, “nelā kaṇṭasukhā”ti (dī. ni. 1.9) ca āgatā. “Yā pana vācāya ce katam kamman”ti evam viññatti ca “yā catūhi vacīduccaritehi ārati ...pe... ayam vuccati sammāvācā”ti (vibha. 206) evam virati ca, “pharusavācā, bhikkhave, āsevitā bhāvitā bahulikatā nirayasaṁvattanikā hotī”ti (a. ni. 8.40) evam cetanā ca vācāti āgatā, na sā idha adhippetā. Kasmā? Abhāsita-bbato. **Subhāsitāti** suṭṭhu bhāsitā. Tenassā atthāvahataṁ dīpeti. **No dubbhāsitāti** na duṭṭhu bhāsitā. Tenassā anatthāvahanapahānataṁ dīpeti. **Anavajjāti** rāgādivajjarahitā. Imināssā kāraṇasuddhim catudosābhāvañca dīpeti. **Ananuvajjāti** anuvādavimuttā. Imināssā sabbākārasampattim dīpeti. **Viññūnanti** pañditānaṁ. Tena nindāpasamsāsu bālā appamāṇāti dīpeti.

Subhāsitāmyeva (1.0250) **bhāsatīti** puggalādhiṭṭhānāya desanāya catūsu vācāngesu aññataraniddosavacanametam. **No dubbhāsitanti** tasева vācaṅgassa paṭipakkhabhāsanananivāraṇam. **No dubbhāsitanti** iminā micchāvācappahānam dīpeti. **Subhāsitanti** iminā pahīnamicchāvācena bhāsitabbavacanalakkhaṇam. Aṅgaparidīpanattham panettha abhāsitabbaṁ pubbe avatvā bhāsitabbamevāha. Esa nayo **dhammāmyevāti**-ādīsupi. Ettha ca paṭhamena pisuṇadosarahitam saggakaraṇam vacanam vuttaṁ, dutiyena samphappalāpadosarahitam dhammato anapetam mantāvacanam, itarehi dvīhi pharusālikarahitāni piyasaccavacanāni. **Imehi khoti** ādinā tāni aṅgāni paccakkhato dassento tam vācam nigameti. Yañca aññe paṭiññādīhi avayavehi, nāmādīhi padehi, liṅgavacanavibhattikālakārakasampattīhi ca samannāgataṁ musāvādādivācampi subhāsitanti maññanti, tam paṭisedheti. Avayavādisamannāgatāpi hi tathārūpī vācā dubbhāsitāva hoti attano ca paresañca anatthāvahattā. Imehi pana catūhaṅgehi samannāgatā sacepi milakkhubhāsāpariyāpannā ghaṭaceṭikāgītikapariyāpannāpi hoti, tathāpi subhāsitāva lokiyalokuttarahaṇitasukhāvahattā. Tathā hi maggapasse sassam rakkhantiyā sīhaļa-ceṭikāya sīhaļakeneva jātijarāmarañayuttam gītikam gāyantiyā saddam sutvā maggam gacchantā saṭṭhimattā vipassakā bhikkhū arahattam pāpuṇīmsu. Tathā tisso nāma āraddhavipassako bhikkhu padumasarasamīpena gacchanto paduma-sare padumāni bhañjitvā-

“Pātova phullitakokanadam, sūriyālokena bhijjiyate;

evaṁ manussattam gatā sattā, jarābhivegena maddiyantī”ti.-

Imam gītikam gāyantiyā cētikāya sutvā arahattam patto.

Buddhantarepi aññataro puriso sattahi puttehi saddhim aṭavito āgamma aññata-rāya itthiyā musalena taṇḍule koṭṭentiyā-

“Jarāya (1.0251) parimadditam etam, milātachaviccammanissitam;

maraṇena bhijjati etam, maccussa ghāsamāmisam.

“Kiminam ālayam etam, nānākuṇapena pūritam;

asucissa bhājanam etam, kadalikkhandhasamam idan”ti.-

Imam gītikam sutvā paccavekkhanto saha puttehi paccekabodhim patto. Evaṁ imehi catūhi aṅgehi samannāgatā vācā sacepi milakkhubhāsāpariyāpannā ghaṭa-ceṭikāgītikapariyāpannāpi hoti, tathāpi subhāsitāti veditabbā. Subhāsitattā eva ca anavajjā ca ananuvajjā ca viññūnam atthatthikānam atthapaṭisaraṇānam, no byañjanapaṭisaraṇānanti.

Sāruppāhīti anuccchavikāhi. **Abhitthavīti** pasam̄si. **Na tāpayeti** vippaṭisārena na tāpeyya na vibādheyya. **Pareti** parehi bhindanto nābhibhaveyya na bādheyya. Iti imāya gāthāya apisuṇavācāvasena bhagavantam thometi. **Paṭinanditāti** piyāyitā. **Yam anādāyāti** Yam vācam bhāsanto paresam pāpāni appiyāni pharusavacanāni anādāya atthabyañjanamadhuram piyameva bhāsatī, tam vācam bhāseyyāti piyāvācāvasena abhitthavi.

Amatāti sādhubhāvena amatasadisā. Vuttampi hetam- “saccam have sādu-taram rasānan”ti (sam. ni. 1.246) nibbānāmatapaccayattā vā amatā. **Esa dhammo sanantanoti** yā ayaṁ saccavācā nāma, esa porāṇo dhammo cariyā paveṇī. Idameva hi porāṇānam āciṇṇam, na te alikam bhāsim̄su. Tenevāha- **sacce atthe ca dhamme ca, āhu santo patiṭṭhitāti**.

Tattha sacce patiṭṭhitattāva attano ca paresañca atthe patiṭṭhitā, atthe patiṭṭhitattā eva dhamme patiṭṭhitā hontīti veditabbā. Saccavisesanameva vā etam. Idam hi vuttam hoti- sacce patiṭṭhitā, kīdise? Atthe ca dhamme ca, Yam paresam attato anapetattā attham anuparodhakaram, dhammato anapetattā dhammam dhammikameva attham sādhetīti. Iti imāya gāthāya saccavacanavasena abhitthavi.

Khemanti (1.0252) abhayam nirupaddavam. Kena kāraṇenāti ce. **Nibbānapattiya dukkhassantakiriyāya**, yasmā kilesanibbānam pāpeti, vaṭṭadukkhassa ca antakiri-yāya samvattatīti attho. Atha vā Yam buddho nibbānapattiya dukkhassantakiriyāyāti dvinnam nibbānadhatūnam atthāya khemamaggappakāsanato khemam vācam bhāsatī, **sā ve vācānamuttamāti** sā vācā sabbavācānam setṭhāti evamettha attho daṭṭhabbo. Iti imāya gāthāya mantāvacanavasena bhagavantam abhitthavanto arahattanikūṭena desanam niṭṭhapesīti. Pañcamam.

6. Sāriputtasuttavaṇṇanā

214. Chatthe poriyāti akkharādiparipunṇāya. **Vissatṭhāyāti** avibaddhāya apalibuddhāya. Dhammasenāpatissa hi kathentassa pittādīnam vasena apalibuddhavacanam hoti, ayadaṇḍena pahatakam̄satālato saddo viya niccharati. **Anelagalāyāti**

anelāya agalāya niddosāya ceva akkhalitapadabyañjanāya ca. Therassa hi kathayato padam vā byañjanam vā na parihāyati. **Athassa viññāpaniyāti** athassa viññāpanasamathāya. **Bhikkhunanti** bhikkhūnam.

Saṃkhittenapīti “cattārimāni, āvuso, ariyasaccāni. Katamāni cattāri? Dukkham ariyasaccam ...pe... imāni kho, āvuso, cattāri ariyasaccāni, tasmātiha, āvuso, idam dukkham ariyasaccanti yogo karaṇīyo”ti (sam. ni. 5.1096-1098) evam saṃkhittēnapi deseti. **Vitthārenapīti** “katamām, āvuso, dukkham ariyasaccan”ti-ādinā (ma. ni. 3.373) nayena tāneva vibhajanto vitthārenapi bhāsatī. Khandhādidesanāsupi eseva nayo. **Sālikāyiva nigghosoti** yathā madhuraṃ ambapakkam sāyitvā pakkhehi vātam datvā madhurassaram nicchārentiyā sālikasakuṇiyā nigghoso, evam therassa dhammam kathentassa madhuro nigghoso hoti. **Paṭibhānam udīrayīti** samuddato ūmiyo viya anantam paṭibhānam uṭṭhahati. **Odhentīti** odahanti. Chattham.

7. Pavāraṇāsuttavaṇṇanā

215. Sattame (1.0253) **tadahūti** tasmiṃ ahu, tasmiṃ divaseti attho. Upavasanti etthāti **uposatho**. Upavasantīti ca sīlena vā anasanena vā upetā hutvā vasantīti attho. So panesa uposathadivaso aṭṭhamīcātuddasīpannarasibhedenā tividho, tasmā sesadvayanivāraṇattham **pannaraseti** vuttaṃ. **Pavāraṇāyāti** vassam-vuṭṭhapavāraṇāya. Visuddhipavāraṇātipi etissāva nāmam. **Nisinno hotīti** sāyanhasamaye sampattaparisāya kālayuttam dhammam desetvā udakakoṭṭhake gattāni parisīñcitvā nivatthanivāsano ekaṃsam sugatamahācīvaraṃ katvā majjhima-tthambham nissāya paññatte varabuddhāsane puratthimadisāya uṭṭhahato canda-maṇḍalassa sirīm siriyā abhibhavamāno nisinno hoti. **Tuṇhībhūtaṃ tuṇhībhūtanti** yato yato anuviloketi, tato tato tuṇhībhūtameva. Tattha hi ekabhikkhussāpi hatthakukkuccam vā pādakkukkuccam vā natthi, sabbe niravā santena iriyāpathena nisidim̄su. **Anuviloketvāti** dissamānapañcapasādehi nettehi anuviloketvā. **Handāti** vossaggatthe nipāto. **Na ca me kiñci garahathāti** eththa **na ca kiñcīti** pucchanatthena-kāro. Kim me kiñci garahatha? Yadi garahatha, vadatha, icchāpemi vo vattunti attho. **Kāyikam vā vācasikam vā** Ti iminā kāyavacīdvārāneva pavāreti, na manodvāram. Kasmā? Apākaṭattā. Kāyavacīdvāresu hi doso pākaṭo hoti, na manodvāre. “Ekamañce sayatopi hi kim cintesi”ti? Pucchitvā cittācāram jānāti. Iti manodvāram apākaṭattā na pavāreti, no aparisuddhāttā. Bodhisattabhūtassāpi hi tassa bhūridattachaddantasaṅkhapālādhammapālādikāle manodvāram parisuddham, idānettha vattabbameva natthi.

Etadavocāti dhammasenāpatiṭṭhāne ṭhitattā bhikkhusaṅghassa bhāram vahanto etaṃ avoca. **Na kho mayam, bhanteti**, bhante, mayam bhagavato na kiñci garahāma. **Kāyikam vā vācasikam vā** ti idam catunnam arakkhiyatam sandhāya therō āha. Bhagavato hi cattāri arakkhiyāni. Yathāha-

“Cattārimāni (1.0254), bhikkhave, tathāgatassa arakkhiyāni. Katamāni cattāri? Parisuddhakāyasamācāro, bhikkhave, tathāgato, natthi tathāgatassa kāyaducca-

ritaṁ, yaṁ tathāgato rakkheyya ‘mā me idam paro aññāsi’ti. Parisuddhavacīsamācāro, bhikkhave, tathāgato, natthi tathāgatassa vacīduccaritam, yaṁ tathāgato rakkheyya, ‘mā me idam paro aññāsi’ti. Parisuddhamanosamācāro, bhikkhave, tathāgato, natthi tathāgatassa manoduccaritam, yaṁ tathāgato rakkheyya, ‘mā me idam paro aññāsi’ti. Parisuddhājivo, bhikkhave, tathāgato, natthi tathāgatassa micchā-ājivo, yaṁ tathāgato rakkheyya “mā me idam paro aññāsi”ti (a. ni. 7.58).

Idāni bhagavato yathābhūtaguṇe kathento **bhagavā** hi, **bhanteti-ādimāha**. Tattha **anuppannassāti** kassapasammāsambuddhato paṭṭhāya aññena samanena vā brāhmaṇena vā anuppāditapubbassa. **Asañjātassāti** idam anuppannavevacanameva. **Anakkhātassāti** aññena adesitassa. **Pacchā samannāgatāti** pathamagatassa bhagavato pacchā samanu-āgatā. Iti theroyasmā sabbepi bhagavato sīlādayo guṇā arahattamaggameva nissāya āgatā, tasmā arahattamaggameva nissāya guṇam kathesi. Tena sabbaguṇā kathitāva honti. **Ahañca kho, bhanteti** idam theroyadevake loke aggapuggalassa attano ceva saṅghassa ca kāyikavācasikam pavārento āha.

Pitarā pavattitanti cakkavattimhi kālaṅkate vā pabbajite vā sattāhaccayena cakkam antaradhāyati, tato dasavidham dvādasavidham cakkavattivattam pūretvā nisinnassa puttassa aññam pātubhavati, tam so pavatteti. Ratanamayattā pana sadisaṭṭhena tadeva vattam katvā “pitarā pavattitan”ti vuttam. Yasmā vā so “apposukko tvam, deva, hohi, ahamanusāsissāmi”ti āha, tasmā pitarā pavattitam āñācakkam anuppavatteti nāma. **Sammadeva anuppavattesīti** sammā nayena hetunā kāraṇeneva anuppavattesi. Bhagavā hi catusaccadhammam katheti, theroyameva anukatheti, tasmā evamāha. **Ubhatobhāgavimuttāti** dvīhi bhāgehi vimuttā (1.0255), arūpāvacarasamāpattiyyā rūpakāyato vimuttā, aggamaggena nāmakāyatoti. **Paññāvimuttāti** paññāya vimuttā tevijjādibhāvam appattā khīnāsavā.

Visuddhiyāti visuddhatthāya. **Samyojanabandhanacchidāti** samyojanasaṅkhāte ceva bandhanasaṅkhāte ca kilese chinditvā ṣhitā. **Vijitasaṅgāmanti** vijitarāgadosamohasaṅgāmam, mārabalassa vijitattāpi vijitasaṅgāmam. **Satthavāhanti** aṭṭhaṅgi-kamaggarathe āropetvā veneyyasattham vāheti samsārakantāram uttāretīti bhagavā satthavāho, tam satthavāham. **Palāpoti** antotuccho dussilo. **Ādiccabandhūnanti** ādiccabandhum satthāram dasabalam vandāmīti vadati. Sattamam.

8. Parosahassasuttavaṇṇanā

216. Aṭṭhame parosahassanti atirekasahassam. **Akutobhayanti** nibbāne kutoci bhayam natthi, nibbānappattassa vā kutoci bhayam natthīti nibbānam akuto-bhayam nāma. **Isinam̄ isisattamoti** vipassito paṭṭhāya isinam sattamako isi.

Kim nu te vaṅgīsāti idam bhagavā athuppattivasena āha. Saṅghamajjhē kira kathā udapādi “vaṅgīsatthero vissaṭṭhavatto, neva uddese, na paripucchāya, na yonisomanasikāre kammaṁ karoti, gāthā bandhanto cuṇṇiyapadāni karonto vicarati”ti. Atha bhagavā cintesi- “ime bhikkhū vaṅgīsassa paṭibhānasampattim na jānanti, cintetvā cintetvā vadatīti maññanti, paṭibhānasampattimassa jānāpessā-

mī”ti cintetvā, “**kim nu te vaṅgīsā**” ti-ādimāha.

Ummaggapathanti anekāni kilesummujjanasatāni, vatṭapathattā pana pathanti vuttam. **Pabhijja khilānīti** rāgakhilādīni pañca bhinditvā carasi. **Tam passathāti** tam evam abhibhuya bhinditvā carantaṁ buddham passatha. **Bandhapamuñcakaranti** bandhanamocanakaram. **Asitanti** anissitam. **Bhāgaso pavibhajanti** satipaṭṭhānādikoṭṭhāsavasena dhammadam vibhajantam. Pavibhajjāti vā pāṭho, aṅgapaccāṅakoṭṭhāsavasena vibhajitvā vibhajitvā passathāti attho.

Oghassāti (1.0256) caturoghassa. **Anekavihitanti** satipaṭṭhānādivasena anekavidham. **Tasmīm ca amate akkhāteti** tasmīm tena akkhāte amate. **Dhammadaddāsāti** dhammassa passitāro. **Thitā asaṁhīrāti** asaṁhāriyā hutvā patiṭṭhitā.

Ativijjhāti ativijjhitvā. **Sabbatṭhitīnanti** sabbesam diṭṭhiṭṭhānānam viññāṇaṭṭhitīnam vā. **Atikkamamaddasāti** atikkamabھūtam nibbānamaddasa. **Agganti** uttama-dhammadam. Aggeti vā pāṭho, paṭhamataranti attho. **Dasaddhānanti** pañcannam, aggadhammadam pañcavaggiyānam, agge vā pañcavaggiyānam dhammadam desesīti attho. **Tasmāti** yasmā esa dhammo sudesitoti jānantena ca pamādo na kātabbo, tasmā. **Anusikkheti** tisso sikkhā sikkheyya. Aṭṭhamam.

9. Konḍaññasuttavaṇṇanā

217. Navame aññāsikoṇḍaññoti paṭhamam dhammassa aññātattā evam gahitānāmo thero. **Sucirassevāti** kivacirassa? Dvādasannam samvaccharānam. Ettakam kālam kattha vihāsīti. Chaddantabhavane mandākinipokkharaṇiyā tīre paccekabuddhānam vasanaṭṭhāne. Kasmā? Vihāragarutāya. So hi paññavā mahāsāvako. Yatheva bhagavato, evamassa dasasahassacakkavāle devamanussānam abbhantare guṇā patthaṭṭāva. Devamanussā tathāgatassa santikam gantvā gandhamālādīhi pūjam katvā “aggadhammam paṭividdhasāvako”ti anantaram theram upasāṅkamitvā pūjenti. Santikam āgatānañca nāma tathārūpā dhammakathā vā paṭisānthāro vā kātabbo hoti. Thero ca vihāragaruko, tenassa so papañco viya upatṭhāti. Iti vihāragarutāya tattha gantvā vihāsi.

Aparampi kāraṇam- bhikkhācāravelāyam tāva sabbasāvakā vassaggena gacchanti. Dhammadesanākāle pana majhaṭṭhāne alaṅkatabuddhāsanamhi satthari nisinne dakkhiṇahatthapasse dhammasenāpati, vāmahatthapasse mahāmoggallānatthero nisīdati, tesam piṭṭhibhāge aññāsikoṇḍaññattherassa āsanam paññāpenti. Sesā bhikkhū tam parivāretvā nisīdanti. Dve aggasāvakā aggadhammapaṭividdhattā ca mahallakattā ca there sagāravā theram mahābrahma (1.0257) viya aggikkhandham viya āśīvisam viya ca maññamānā dhurāsane nisīdantā ottappanti harāyanti. Thero cintesi- “imehi dhurāsanatthāya kappasatasahassādhikam asaṅkhyeyyam pāramiyo pūritā, te idāni dhurāsane nisīdantā mama ottappanti harāyanti, phāsuvihāram nesaṁ karissāmī”ti. So patirūpe kāle tathāgataṁ upasāṅkamitvā “icchāmahaṁ, bhante, janapade vasitun”ti āha, satthā anujāni.

Thero senāsanam saṃsāmetvā pattacīvaramādāya chaddantabhavane mandākinītīram gato. Pubbe paccekabuddhānam pāricariyāya kataparicayā aṭṭhasahassā hatthināgā theram disvāva “amhākam puññakkhettam āgatan”ti nakhehi caṅkamanam nittiṇam katvā āvaraṇasākhā haritvā therassa vasanaṭṭhānam paṭijaggitvā vattam katvā sabbe sannipatitvā mantayiṁsu- “sace hi mayam ‘ayam therassa kattabbam karissati, ayam karissati’ti paṭipajjissāma, thero bahuñātikāgāmam gato viya yathādhoteneva pattenā gamissati, vārena nam paṭijaggissāma, ekassa pana vāre patte sesehipi nappamajjitatban”ti vāram ṭhapayiṁsu. Vārikanāgo pātova therassa mukhodakañca dantakaṭṭhañca ṭhapedi, vattam karoti.

Mandākinipokkharaṇī nāma cesā paññāsayojanā hoti. Tassā pañcavīsatiyojanamatte ṭhāne sevālo vā paṇakam vā natthi, phalikavaṇṇam udakameva hoti. Tato param pana kaṭippamāne udake adḍhayojanavitthataṁ sesapadumavananam paññāsayojanam saram parikkhipitvā ṭhitam. Tadanantaram tāva mahantameva rattapadumavananam, tadanantaram rattakumudavananam, tadanantaram setakumudavananam, tadanantaram nīluppalavananam, tadanantaram rattuppalavananam, tadanantaram sugandharattasālivananam, tadanantaram elālukalābukumbhaṇḍādīni madhurarasāni valliphalāni, tadanantaram adḍhayojanavitthārameva ucchuvananam, tattha pūgarukkhakkhandhappamāṇā ucchū, tadanantaram kadalivananam, yato

duve pakkāni khādantā kilamanti, tadanantaram cātiippamāṇaphalam panasavam, tadanantaram jambuvanam, tadanantaram ambavanam, tadanantaram kapitthavananti. Saṅkhepato tasmiṁ dahe khāditabbayuttakam phalam nāma natthīti na vattabbaṁ. Kusumānam pupphanasamaye vāto reñuvatṭim uṭṭhāpetvā paduminipattesu ṭhāpeti, tattha udakaphusitāni patanti. Tato ādiccapākena paccitvā pakkapayoghanikā viya tiṭṭhati, etaṁ pokkharamadhu nāma (1.0258), tam therassa āharitvā denti. Muṭṭalām naṅgalasīsamattam hoti, tampi āharitvā denti. Bhisam mahābheripokkharappamāṇam hoti, tassa ekasmim pabbe pādaghaṭakapramāṇam khīram hoti, tam āharitvā denti. Pokkharaṭṭhīni madhusakkharāya yojetvā denti. Ucchum pāsāṇapiṭṭhe ṭhāpetvā pādena akkamanti. Tato raso paggharitvā sonḍi-āvāṭe pūretvā, ādiccapākena paccitvā khīrapāsāṇapiṇḍo viya tiṭṭhati, tam āharitvā denti. Panasakadali-ambapakkādīsu kathāva natthi.

Kelāsapabbate nāgadatto nāma devaputto vasati. Thero kālena kālam tassa vimānadvāram gacchat. So navasappipokkharamadhuṇṇayuttassa nirudakapāyāsassa pattam pūretvā deti. So kira kassapabuddhakāle vīsativassasahassāni sugandhasappinā khīrasalākam adāsi. Tenassetam bhojanam uppajjati. Evam thero dvādasa vassāni vasitvā attano āyusaṅkhāram olokento parikkhīṇabhāvam ūnatvā “kattha parinibbāyissāmī”ti cintetvā- “hatthināgehi mām dvādasa vassāni upaṭṭhahantehi dukkaram kataṁ, satthāram anujānāpetvā etesameyeva santike parinibbāyissāmī”ti ākāsenā bhagavato santikam agamāsi. Tena vuttam “sucirasseva yena bhagavā tenupasaṅkamī”ti.

Nāmañcāti kasmā nāmam sāveti? Therañhi keci sañjānanti, keci na sañjānanti. Tattha thero cintesi- “ye mām ajānantā ‘ko esa pañḍarasīso obhaggo gopānasi-vañko mahallako satthārā saddhim paṭisanthāram karoti”ti cittam padūsessanti, te apāyapūrakā bhavissanti. Ye pana mām jānantā- ‘dasasahassacakkavāle satthā viya paññāto pākaṭo mahāsāvako’ti cittam pasādessanti, te saggūpagā bhavissanti”ti, sattānam apāyamaggam pidahitvā saggamaggam vivaranto nāmam sāveti.

Buddhānubuddhoti paṭhamam satthā cattāri saccāni bujhi, pacchā thero, tasmā buddhānubuddhoti, vuccati. **Tibbanikkamoti** bālhabīriyo. **Vivekānanti** tiṇṇam vivekānam. **Tevijjo, cetopariyāyakovidoti** chasu abhiññāsu catasso vadati. Itarā dve kiñcāpi na vuttā, thero pana chaṭabhiññova. Immissā ca gāthāya pariyośāne parisā sannisīdi. Parisāya (1.0259) sannisinnabhāvam ūnatvā thero satthārā saddhim paṭisanthāram katvā “parikkhīṇā me, bhante, āyusaṅkhārā, parinibbāyissāmī”ti, parinibbānakālam anujānāpesi. Kattha parinibbāyissasi koṇḍaññāti? Upaṭṭhākehi me, bhante, hatthināgehi dukkaram kataṁ, tesam santiketi. Satthā anujāni.

Thero dasabalaṁ padakkhiṇam katvā- “pubbam tam me, bhante, paṭhamadasanam, idam pacchimadassanan”ti paridevante mahājane satthāram vanditvā nikhamitvā, dvārakoṭṭhake ṭhito- “mā socittha, mā paridevittha, buddhā vā hontu buddhasāvakā vā, uppannā saṅkhārā abhijjanakā nāma natthī”ti mahājanam ovaditvā passantasseva mahājanassa vehāsam abbhuggamma mandākinitire ota ritvā pokkharaṇiyam nhatvā nivatthanivāsano katuttarāsango senāsanam samsāmetvā phalasamāpattiyā tayo yāme vītināmetvā balavapaccūsasamaye parini-

bbāyi. Therassa sahapaninibbānā himavati sabbarukkhā pupphehi ca phalehi ca onatavinatā ahesum. Vārikanāgo therassa parinibbutabhāvam ajānanto pātova mukhodakadantakaṭṭhāni upaṭṭhapetvā vattam katvā khādaniyaphalāni āharitvā caṅkamanakoṭiyam aṭṭhāsi. So yāva sūriyuggamanā therassa nikhamanam apassanto “kim nu kho etam? Pubbe ayyo pātova caṅkamati, mukhaṁ dhovati. Ajja pana paññasālatopi na nikhamati”ti kuṭidvāram kampetvā olokento theram nisinnakameva disvā hatthaṁ pasāretvā parāmasitvā assāsapassāse pariyesanto tesam appavattibhāvam ūnatvā- “parinibbuto thero”ti soṇḍam mukhe pakhipitvā mahāravam viravi. Sakalahimavanto ekaninnādo ahosi. Aṭṭhanāgasahassāni sannipatitvā theram jetṭhakanāgassa kumbhe nisīdāpetvā supupphitarukkhāsākhā gahetvā parivāretvā sakalahimavantam anuvicaritvā sakaṭṭhānameva āgatā.

Sakko vissakammaṁ āmantesi- “tāta, amhākam jetṭhabhātā parinibbuto, sakkāram karissāma, navayojanikam sabbaratanamayam kūṭāgāram māpehī”ti. So tathā katvā theram tattha nipajjāpetvā hatthināgānam adāsi. Te kūṭāgāram ukkipitvā tiyojanasahassam himavantam punappunam āvijjhīmsu (1.0260). Tesam hathato ākāsaṭṭhakā devā gahetvā sādhukilītam kīlimsu. Tato vassavalāhakā sītavalāhakā uṇhavalāhakā cātumahārājikā tāvatimsāti etenupāyena yāva brahmalokā kūṭāgāram agamāsi, puna brahmāno devānanti anupubbena hatthināgānamyeva kūṭāgāram adamsu. Ekekā devatā caturaṅgulamattam candanaghatikam āhari, citako navayojaniko ahosi. Kūṭāgāram citakam āropayīmsu. Pañca bhikkhusatāni ākāsenāgantvā sabbarattim sajjhāyamakaṁsu. Anuruddhatthero dhammaṁ kathesi, bahūnam devatānam dhammābhisaṁayo ahosi. Punadivase aruṇuggamanavelāyameva citakam nibbāpetvā sumanamakuļavaṇṇānam dhātūnam parisāvanam pūretvā bhagavati nikhamitvā veļuvanavihārakoṭṭhakam sampatte āharitvā satthu hatthe ṭhapayīmsu. Satthā dhātuparisāvanam gahetvā pathaviyā hatthaṁ pasāresi, mahāpathavim bhinditvā rajatabubbulasadisam cetiyam nikhami. Satthā sahatthena cetiye dhātuyo nidhesi. Ajjāpi kira tam cetiyam dharatiyevāti. Navamam.

10. Moggallānasuttavaṇṇanā

218. Dasame **samannesatī** pariyesati paccavekkhati. **Nagassāti** pabbatassa. Muninti buddhamunim. **Dukkhassa pāragunti** dukkhapāram gataṁ. **Samanne-**santi samannesanto. **Evaṁ sabbaṅgasampannanti** evam sabbaguṇasampannam. **Anekākārasampannanti** anekehi guṇehi samannāgataṁ. Dasamam.

11. Gaggarāsuttavaṇṇanā

219. Ekādasame **tyāssudanti** te assudam. Assudanti nipātamattam. **Vaṇṇenāti** sariravaṇṇena. **Yasasāti** parivārena. **Vigatamalova bhāṇumāti** vigatamalo ādicco viya. Ekādasamam.

12. Vaṅgīsasuttavaṇṇanā

220. Dvādasame āyasmāti piyavacanaṁ. **Vaṅgīso**Ti tassa therassa nāmaṁ. So kira pubbe padumuttarākāle paṭibhānasampannam sāvakam disvā dānam (1.0261) datvā patthanam katvā kappasatasahassam pāramiyo pūretvā amhākam bhagavato kāle sakalajambudipe vādakāmatāya jambusākham pariharitvā ekena paribbājakena saddhim vādaṁ katvā vāde jayaparājayānubhāvena teneva paribbājakena saddhim saṁvāsaṁ kappetvā vasamānāya ekissā paribbājikāya kucchimhi nibbatto vayam āgamma mātito pañcavādasatāni, pitito pañcavādasatānīti vādasa-hassam uggaṇhitvā vicarati. Ekañca vijjam jānāti, yaṁ vijjam parijappitvā matānaṁ sīsaṁ aṅguliyā paharitvā- “asukaṭṭhāne nibbatto”ti jānāti. So anupubbena gāma-nigamādīsu vicaranto pañcahi māṇavakasatehi saddhim sāvatthim anuppatto nagaradvāre sālāya nisīdati.

Tadā ca nagaravāsino purebhattam dānam datvā pacchābhettam suddhuttarā-saṅgā gandhamālādihatthā dhammassavanāya vihāram gacchanti. Māṇavo disvā, “kaham gacchathā”ti? Pucchi. Te “dasabalassa santikam dhammassavanāyā”ti āhamasu. Sopi saparivāro tehi saddhim gantvā paṭisanthāram katvā ekamantam atṭhāsi. Atha nam bhagavā āha- “vaṅgīsa, bhaddakam kira sippam jānāsi”ti. “Bho gotama, aham bahusippam jānāmi. Tumhe kataram sandhāya vadathā”ti? Chavadūsakasippanti. Āma, bho gotamāti. Athassa bhagavā attano ānubhāvena niraye nibbattassa sīsaṁ dassetvā, “vaṅgīsa, ayam kaham nibbatto”ti pucchi. So mantam jappitvā aṅguliyā paharitvā “niraye”ti āha. “Sādhu, vaṅgīsa, sukathitan”ti devaloke nibbattassa sīsaṁ dassesi. Tampi so tatheva byākāsi. Athassa khīṇāsavassa sīsaṁ dassesi. So punappunam mantam parivattetvāpi aṅguliyā paharitvāpi nibba-ttaṭṭhānam na passati.

Atha nam bhagavā “kilamasi, vaṅgīsā”ti āha? Āma bho, gotamāti. Punappunam upadhārehīti. Tathā karontopi adisvā, “tumhe, bho gotama, jānāthā”ti āha. Āma, vaṅgīsa, mam nissāya cesa gato, ahamassa gatim jānāmīti. Mantena jānāsi, bho gotamāti? Āma, vaṅgīsa, ekena manteneva jānāmīti. Bho gotama, mayham mantena imam mantam dethāti. Amūliko, vaṅgīsa, mayham mantoti. Detha, bho gotamāti. Na (1.0262) sakkā mayham santike apabbajitassa dātunti. So antevā-sike āmantesi- “tātā samaṇo gotamo atirekasippam jānāti, aham imassa santike pabbajitvā sippam gaṇhāmi, tato sakalajambudipe amhehi bahutaram jānanto nāma na bhavissati. Tumhe yāva aham āgacchāmi, tāva anukkaṇṭhitvā vicarathā”- ti te uyyojetvā “pabbājetha man”ti āha.

Satthā nigrodhakappassa paṭipādesi. Thero tam attano vasanaṭṭhānam netvā pabbājesi. So pabbajitvā satthu santikam āgamma vanditvā ṭhito “sippam dethā”ti yāci. Vaṅgīsa, tumhe sippam gaṇhantā aloṇabhojanathaṇḍilaseyyādīhi parikammam̄ katvā gaṇhatha, imassāpi sippassa parikammam̄ atthi, tam tāva karohīti. Sādhu, bhanteti. Athassa satthā dvattiṁsākārakammaṭṭhānam ācikkhi. So tam anulomapaṭilomaṁ manasikaronto vipassanam̄ vadḍhetvā anukkamena arahattam pāpuṇi.

Vimuttisukham paṭisamvedīti evam̄ arahattam patvā vimuttisukham paṭisamvedento. **Kāveyyamattāti** kāveyyena kabbakaraṇena mattā. **Khandhāyatanaṁ** adhātuyoti imāni khandhādīni pakāsento dhammam̄ desesi. **Ye niyāmagataddasāti** ye niyāmagatā ceva niyāmadassāti ca. **Svāgatanti** su-āgamanam̄. **Iddhipattomhīti** iminā iddhividhañānam̄ gahitam̄. **Cetopariyāyakovidoti** iminā cetopariyañānam̄. Dibbasotam̄ pana avuttampi gahitameva hoti. Evam̄ cha abhiññāpatto eso mahāsāvakoti veditabbo. Dvādasamam̄.

Iti sāratthappakāsiniyā

Samyuttanikāya-aṭṭhakathāya

Vaṅgīsa samyuttavaṇṇanā niṭhitā.

9. Vanasamyuttaṁ

1. Vivekasuttavaṇṇanā

221. Vanasamyuttassa (1.0263) paṭhame **kosalesu viharatīti** satthu santike kammaṭṭhānam̄ gahetvā tassa janapadassa sulabhabhikkhatāya tattha gantvā viharati. **Samvejetukāmāti** vivekam̄ paṭipajjāpetukāmā. **Vivekakāmoti** tayo viveke patthayanto. **Niccharatī bahiddhāti** bāhiresu puthuttārammaṇesu carati. **Jano jana-** sminti tvam̄ jano aññasmim̄ jane chandarāgam̄ vinayassu. **Pajahāsīti** pajaha. **Bhavāsīti** bhava. **Satam tam sārayāmaseti** satimantaṁ paṇḍitam̄ tam mayampi sārayāma, satam vā dhammam̄ mayam̄ tam sārayāmāti attho. **Pātālarajoti** appati-ṭṭhaṭṭhena pātālasaṅkhāto kilesarajo. **Mā tam kāmarajoti** ayam kāmarāgarajo tam mā avahari, apāyameva mā netūti attho. **Pāmsukunthitoti** pāmsumakkhito. **Vidhunanti** vidhunanto. **Sitam rajanti** sarīralaggam̄ rajam̄. **Samvegamāpādīti** devatāpi nāma mam̄ evam̄ sāretīti vivekamāpanno, uttamavīriyam̄ vā paggayha paramavivekam̄ maggameva paṭipannoti. Paṭhamam̄.

2. Upaṭṭhānasuttavaṇṇanā

222. Dutiye **supatīti** ayaṁ kira khīṇāsavo, so dūre bhikkhācāragāmaṁ gantvā āgato paññasālāya pattacīvaraṁ paṭisāmetvā avidūre jātassaram otaritvā gattāni utuṁ gāhāpetvā divāṭṭhānaṁ sammajjivtā tattha nīcamāñcakam paññāpetvā niddam anokkamantova nipanno. Khīṇāsavassāpi hi kāyadaratho hotiyevāti tassa vinodanattham, tam sandhāya supatīti vuttaṁ. **Ajjhabhāsīti** “ayaṁ bhikkhu satthu santike kammaṭṭhānaṁ gahetvā divā supati, divāsoppañca nāmetam vadḍhitam diṭṭhadhammikasamparāyikam attham nāseti”ti maññamānā “codessāmi nan”ti cintetvā abhāsi.

Āturassāti jarāturo rogāturo kilesāturoti tayo āturā, tesu kilesāturaṁ sandhāyevamāha. **Sallaviddhassāti** savisena (1.0264) sattisallena viya avijjāvisaviṭṭhena taṇhāsallena hadaye viddhassa. **Ruppatoti** ghaṭṭiyamānassa.

Idānissa kāmesu ādīnavam kathayantī **aniccāti**-ādimāha. Tattha **asitanti** taṇhādiṭṭhinissayena anissitam. **Kasmā pabbajitaṁ tapeti** evarūpaṁ khīṇāsavam divāsoppaṁ na tapati, tādisam pana kasmā na tapessatīti? Vadati. Therasseva vā etam vacanam, tasmā ayamettha attho- baddhesu muttam asitam mādisam khīṇāsavapabbajitaṁ kasmā divāsoppaṁ tape, na tapessatīti? Sesagāthāsupi eseva nayo. Devatāya hi vacanapakkhe- “evarūpaṁ khīṇāsavapabbajitaṁ divāsoppaṁ na tapati, tādisam pana kasmā na tapessati? Tapessatiyevā”ti attho. Therassa vacanapakkhe- “evarūpaṁ mādisam khīṇāsavapabbajitaṁ kasmā divāsoppaṁ tape? Na tapatiyevā”ti attho. Ayam panetha anuttānapadavaṇṇanā. **Vinayāti** vinyena. **Samatikkamāti** vaṭṭamūlikāya avijjāya samatikkamena. **Tam** ñāṇanti tam catusaccañānam. **Paramodānanti** paramaparisuddham. **Pabbajitanti** evarūpena ñāṇena samannāgataṁ pabbajitaṁ. **Vijjāyāti** catutthamaggavijjāya. **Āraddhavīryanti** paggahitavīriyam paripuṇṇavīriyam. Dutiyam.

3. Kassapagottasuttavaṇṇanā

223. Tatiye **chetanti** ekam migaluddakam. **Ovadatīti** so kira migaluddako pātova bhuñjitvā “mige vadhiśāmī”ti araññam paviṭṭho ekam rohitamigam disvā “sattiyā nam paharissāmī”ti anubandhamāno therassa paṭhamasutte vuttanayeneva divā-vihāram nisinnassa avidūrena pakkamati. Atha nam thero- “upāsaka, pāṇātipāto nāmesa apāyasamvattaniko appāyukasamvattaniko, sakka aññenapi kasivanijjā-dikammena dārabharanam kātum, mā evarūpaṁ kakkhalakammam karohī”ti āha. Sopi “mahāpaṭsukūlikatthero katheti”ti gāravena ṣhatvā sotum āraddho. Athassa sotukāmataṁ janessāmīti thero aṅguṭṭhakam jālāpesi. So akkhīhipi passati, kaṇhe-hipi suṇāti, cittam panassa “asukaṭṭhānaṁ (1.0265) migo gato bhavissati, asuka-tittham otīṇo, tattha nam gantvā ghātettvā yāvadicchakam maṇsam khāditvā sesam kājenādāya gantvā puttakē tosessāmī”ti evam migasseva anupadam dhāvati. Evam vikkhittacittassa dhammaṁ desentam theraṁ sandhāya vuttaṁ “ovadatī”ti. **Ajjhabhāsīti** “ayaṁ therō adārum tacchanto viya akhette vappanto viya attanopi kammaṁ nāseti, etassāpi codessāmi nan”ti abhāsi.

Appapaññanti nippaññam. **Acetasanti** kāraṇajānanasamatthena cittena rahitam.

Mandovāti andhabālo viya. **Suṇatīti** tava dhammakatham suṇāti. **Na vijānātīti** attha-massa na jānāti. **Āloketīti** tava puthujjanika-iddhiyā jalantam aṅgutthakam āloketi. **Na passatīti** ettha “neva telam na vatṭi na dīpakapallikā, therassa pana ānubhāve-nāyam jalati”ti imam kāraṇam na passati. **Dasa pajjoteti** dasasu aṅgulīsu dasa padīpe. **Rūpānīti** kāraṇarūpāni. **Cakkhūti** paññācakkhu. **Samvegamāpādīti** kiṁ me imināti? Vīriyam paggayha paramavivekam arahattamaggam paṭipajji. Tatiyam.

4. Sambahulasuttavaṇṇanā

224. Catutthe **sambahulāti** bahū suttantikā ābhidhammikā vinayadharā ca. **Viharantīti** satthu santike kammatṭhānam gahetvā viharanti. **Pakkamīmsūti** te kira tasmiṁ janapade aññataram gāmaṁ upasaṅkamante disvā manussā pasanna-cittā āsanasālāya kojavattharaṇādīni paññāpetvā yāgukhajjakāni datvā upanisīdiṁsu. Mahāthero ekam dhammakathikam “dhammaṁ kathehi”ti āha. So cittam dhammakatham kathesi. Manussā pasīditvā bhojanavelāyam pañītabhojanam adamsu. Mahāthero manuññam bhattānumodanamakāsi. Manussā bhiyyosoma-ttāya pasannā “idheva, bhante, temāsam vasathā”ti paṭiññam kāretvā gamanāga-manasampanne ṭhāne senāsanāni kāretvā catūhi paccayehi upaṭṭhahimṣu. Mahāthero vassūpanāyikadivase bhikkhū ovadi- “āvuso, tumhehi garukassa satthu santike kammatṭhānam gahitam, buddhapātubhāvo nāma dullabho. Māsassa atṭha divase dhammassavanam katvā gaṇasaṅgaṇikam pahāya appamattā vihara-thā”ti. Te tato paṭṭhāya yuñjanti ghaṭenti. Kadāci sabbarattikam dhammassavanam (1.0266) karonti, kadāci pañham vissajjenti, kadāci padhānam karonti. Tesam dhammassavanadivase dhammaṁ kathentānamyeva aruno uggacchat. Pañhāvi-sajjanadivase byatto bhikkhu pañham pucchat, pañdito vissajjetīti pucchanavi-sajjanam karontānamyeva. Padhānadivase sūriyatthaṅgamane gaṇḍim pahari-tvā caṅkamam otaritvā padhānam karontānamyeva. Te evam vassam vassitvā pavāretvā pakkamīmsu. Tam sandhāyetam vuttam. **Paridevamānāti** “idāni tathā-rūpam madhuram dhammassavanam pañhākathanam kuto labhissāmī”ti-ādīni vatvā rodamānā.

Khāyatīti paññāyati upaṭṭhāti. **Ko meti** kaham ime. **Vajjibhūmiyāti** vajjiraṭṭhābhimukhā gata. **Magā viyāti** yathā magā tasmiṁ tasmiṁ pabbatapāde vā vanasande vā vicarantā- “idam amhākam mātusantakam pitusantakam paveṇi-āgatan”ti agahetvā, yattheva nesam gocaraphāsutā ca hoti paripanthābhāvo ca, tattha vicaranti. Evam aniketā agehā bhikkhavopi “ayam, āvuso, amhākam ācariyupajjhā-yānam santako paveṇi-āgato”ti agahetvā yattheva nesam utusappāyam bhojanasappāyam puggalasappāyam senāsanasappāyam dhammassavanasappāyañca sulabham hoti, tattha viharanti. Catuttham.

5. Ānandasuttavaṇṇanā

225. Pañcame **ānandoti** dhammabhaṇḍāgārikatthero. **Ativelanti** atikkantam

velam. **Gihisaññattibahuloti** rattiñca divā ca bahukālam gihī saññāpayanto. Bhagavati parinibbute mahākassapatthero theram āha- “āvuso, mayam rājagahe vassam upagantvā dhammaṁ saṅgāyissāma, gaccha tvam̄ araññam̄ pavisitvā uparimaggattayatthāya vāyāmaṁ karohi”ti. So bhagavato pattacīvaraṁdāya kosala- ratṭham̄ gantvā ekasmiṁ araññāvāse vasitvā punadivase ekam̄ gāmam̄ pāvisi. Manussā theram disvā- “bhante ānanda, tumhe pubbe satthārā saddhim̄ āga- cchatha. Ajja ekakāva āgatā. Kahaṁ satthāram̄ ṭhapetvā āgataattha? Idāni kassa pattacīvaraṁ gahetvā vicaratha? Kassa mukhodakam̄ dantakaṭṭham̄ detha, pari- veṇam̄ sammajjatha, vattapaṭivattam̄ karothā”ti bahum̄ vatvā parideviṁsu. Thero- “mā, āvuso, socittha, mā (1.0267) paridevittha, aniccā saṅkhārā”ti-ādīni vatvā te saññāpetvā bhattakiccāvasāne vasanaṭṭhānameva gacchati. Manussā sāyampi tattha gantvā tatheva paridevanti. Theropi tatheva ovadati. Tam sandhāyetam vuttam. **Ajjhabhāsīti** “ayam thero bhikkhusaṅghassa katham sutvā ‘samaṇa- dhammaṁ karissāmi’ti araññam̄ pavisitvā idāni gihī saññāpento viharati, satthu sāsanam̄ asaṅgahitapuppharāsi viya ṭhitam̄, dhammasaṅgaham̄ na karoti, code- ssāmi nan”ti cintetvā abhāsi.

Pasakkiyāti pavisitvā. **Hadayasmiṁ opiyāti** kiccato ca ārammaṇato ca hadayamhi pakhipitvā. “Nibbānam̄ pāpuṇissāmī”ti vīriyam̄ karonto nibbānam̄ kiccato hadayamhi opeti nāma, nibbānārammaṇam̄ pana samāpattim̄ appetvā nisidanto ārammaṇato. Tadubhayampi sandhāyesā bhāsatī. **Jhāyāti** dvīhi jhānehi jhāyiko bhava. **Bilibiliṇikāti** ayam gihī saddhim̄ bilibiliṇikathā. Pañcamam̄.

6. Anuruddhasuttavaṇṇanā

226. Chaṭṭhe **purāṇadutiyikāti** anantare attabhāve aggamahesī. **Sobhasīti** pubbepi sobhasi, idānipi sobhasi. **Duggatāti** na gatiduggatiyā duggatā. Tā hi sugatiyam̄ ṭhitā sampattim̄ anubhavanti, paṭipattiduggatiyā pana duggatā. Tato cutā hi tā nirayepi upapajjantīti duggatā. **Patiṭṭhitāti** sakkāyasmiṁ hi patiṭṭhahanto aṭṭhahi kāraṇehi patiṭṭhāti- ratto rāgavasena patiṭṭhāti, duṭṭho dosavasena... mūlho mohavasena... vinibaddho mānavasena... parāmaṭṭho diṭṭhivasena... thāmagato anusayavasena... anīṭhaṅgato vicikicchāvasena... vikkhepagato uddhaccavasena patiṭṭhāti. Tāpi evam̄ patiṭṭhitāva. **Naradevānanti** devanarānam̄.

Natthi dānīti sā kira devadhītā there balavasinehā ahosi, paṭigantum nāsakkhi. Kālena āgantvā pariveṇam̄ sammajjati, mukhodakam̄ dantakaṭṭham̄ pānīyam̄ pari- bhojanīyam̄ upaṭṭhapeti. Thero anāvajjanena paribhuñjati. Ekasmiṁ divase therassa jiṇṇacīvarassa

coṇakabhikkhaṁ carato saṅkārakūṭe dibbadussaṁ ṭhapetvā pakkami. Thero tam disvā ukkhipitvā, olokento dussantam (1.0268) disvā “dussametan”ti ñatvā, “alam ettāvatā”ti aggahesi. Tenevassa cīvaraṁ niṭhāsi. Atha dve aggasāvakā anuruddhatthero cāti tayo janā cīvaraṁ karīmsu. Satthā sūcīṁ yojetvā adāsi. Niṭhitacīvarassa piṇḍaya carato devatā piṇḍapātam samādapeti. Sā kālena ekikā, kālena attadutiyā therassa santikam āgacchat. Tadā pana attatatiyā āgantvā divāṭṭhane theram upasaṅkamitvā- “mayaṁ manāpakāyikā nāma manasā icchiticchitarūpaṁ māpemā”ti āha. Thero- “etā evam vadanti, vīmaṁsissāmi, sabbā nīlakā hontū”ti cintesi. Tā therassa manam ñatvā sabbāva nīlavaṇṇā ahesum, evam pītalohita-o-dātavaṇṇāti. Tato cintayiṁsu- “thero amhākam dassanam assādeti”ti tā samajjam kātum āraddhā, ekāpi gāyi, ekāpi nacci, ekāpi accharam pahari. Thero indriyāni okkhipi. Tato- “na amhākam dassanam thero assādeti”ti ñatvā sineham vā santhavam vā alabhamānā nibbinditvā gantumāraddhā. Thero tāsam gamana-bhāvam ñatvā- “mā punappunam āgacchimśū”ti arahattam byākaronto imam gāthamāha. Tattha **vikkhīṇoti** khīṇo. **Jātisāmsāroti** tattha tattha jātisaṅkhāto sāmsāro. Chatṭham.

7. Nāgadattasuttavaṇṇanā

227. Sattame **atikālenāti** sabbarattim niddāyitvā balavapaccūse koṭisammuñjaniyā thokam sammajjitvā mukham dhovitvā yāgubhikkhāya pātova pavisati. **Atidi-vāti** yāgum ādāya āsanasālam gantvā pivitvā ekasmiṁ ṭhāne nipanno niddāyitvā- “manussānaṁ bhojanavelāya paṇītam bhikkham labhissāmī”ti upakaṭhe majjhānhike uṭṭhāya dhammadakaraṇena udakam gahetvā akkhīni pamajjitvā piṇḍaya caritvā yāvadattham bhuñjitvā majjhānhike vītivatte paṭikkamati. **Divā ca āga-ntvāti** atikāle paviṭṭhena nāma aññehi bhikkhūhi paṭhamataram āgantabbam hoti, tvam pana ativiya divā āgantvā gatāsīti attho. **Bhāyāmi nāgadattanti** tam nāgadattam aham bhāyāmi. **Suppagabbhanti** suṭṭhu pagabbham. **Kulesūti** khattiyakulādi-upaṭṭhākakulesu. Sattamam.

8. Kulagharaṇīsuttavaṇṇanā

228. Atṭhame (1.0269) **ajjhogāḥappattoti** ogāhappatto. So kira satthu santike kammaṭṭhānam gahetvā tam vanasaṇḍam pavisitvā dutiyadivase gāmam piṇḍaya pāvisi pāsādikehi abhikkantādīhi. Aññataram kulam tassa iriyāpathe pasiditvā pañcapatiṭṭhitena vanditvā piṇḍapātam adāsi. Bhattānumodanam puna sutvā atirekataram pasiditvā, “bhante, niccakālam idheva bhikkham gaṇhathā”ti nimantesi. Thero adhivāsetvā tesam āhāram paribhuñjamāno vīriyam paggayha ghaṭento arahattam patvā cintesi- “bahūpakāram me etam kulaṁ, aññattha gantvā kim kari-sāmī”ti? Phalasamāpattisukham anubhavanto tattheva vasi. **Ajjhabhāsīti** sā kira therassa khīṇāsavabhāvam ajānantī cintesi- “ayam thero neva aññam gāmam gacchat, na aññam gharam, na rukkhamūla-āsanasālādīsu nisīdati, niccakālam

gharam pavisitvāva nisidati, ubhopete ogādhappattā paṭigādhappattā, kadāci esa imam kulaṁ dūseyya, codessāmi nan”ti. Tasmā abhāsi.

Saṇṭhāneti nagaradvārassa āsanne manussānam bhaṇḍakam otāretvā vissa-manaṭhāne. **Saṅgammāti** samāgantvā. **Mantentīti** kathenti. **Mañca tañcāti** mañca kathenti tañca kathenti. **Kimantaranti** kiṁ kāraṇam? **Bahū hi saddā paccūhāti** bahukā ete lokasmiṁ paṭilomasaddā. **Na tenāti** tena kāraṇena, tena vā tapassinā na mañku hotabbam. **Na hi tenāti** na hi tena parehi vuttavacanena satto kilissati, attanā katena pana pāpakammeneva kilissatīti dasseti. **Vātamigo yathāti** yathā vane vātamigo vāteritānam paññādīnam saddena paritassati, evam yo saddapari-ttāsi hotīti attho. **Nāssa sampajjate vatanti** tassa lahucittassa vataṁ na sampajjati. Thero pana khīṇāsavattā sampannavatoti veditabbo. Aṭṭhamam.

9. Vajiputtasuttavaṇṇanā

229. Navame **vajiputtakoti** vajjiraṭṭhe rājaputto chattam pahāya pabbajito. **Sabbaratticāroti** kattikanakkhattam ghosetvā sakalanagaram dhajapaṭākādīhi (1.0270) paṭimaṇḍetvā pavattito sabbaratticāro. Idañhi nakkhattam yāva cātumahārājikehi ekābaddham hoti. **Tūriyatālitavāditanigghosasaddanti** bheri-ādītūriyānam tāli-tānam viññādīnañca vāditānam nigghosasaddam. **Abhāsīti** vesāliyam kira satta rāja-sahassāni sattasatāni satta ca rājāno, tattakāva tesam uparājasenāpati-ādayo. Tesu alaṅkatapaṭiyattesu nakkhattakīlanatthāya vīthim otīñnesu satthihatthe mahā-caṅkame caṅkamamāno nabhassa majhe ṭhitaṁ candam disvā caṅkamanako-ṭiyam phalakam nissāya ṭhito abhāsi. **Apaviddhamva vanasmim dārukanti** vattha-veṭhanālaṅkārarahitattā vane chadditadārukam viya jātam. **Pāpiyoti** lāmakataro amhehi añño koci atthi. **Pihayantīti** thero āraññiko pamsukūliko piṇḍapātiko sap-dānacāriko appiccho santuṭṭhoti bahū tuyham patthayantīti attho. **Saggagāminanti** saggam gacchantānam gatānampi. Navamam.

10. Sajjhāyasuttavaṇṇanā

230. Dasame **yaṁ sudanti** nipātamattam. **Sajjhāyabahuloti** nissaraṇapariyattiva-sena sajjhāyanato bahutaram kālam sajjhāyanto. So kira ācariyassa divāṭṭhānam sammajjivtā ācariyam udikkhanto tiṭṭhati. Atha naṁ āgacchantaṁ disvāva paccugantvā pattacīvaraṁ paṭiggahetvā paññattāsane nisinnassa tālavaṇṭavātām datvā pānīyam āpucchitvā pāde dhovitvā telam makkhetvā vanditvā ṭhito uddesam gahetvā yāva sūriyatthaṅgamā sajjhāyam karoti. So nhānakotṭhake udakam upaṭṭhapetvā aṅgārakapalle aggim karoti. Ācariyassa nhatvā āgatassa pādesu udakam puñchitvā piṭṭhiparikammaṁ katvā vanditvā uddesam gahetvā paṭhamayāme sajjhāyam katvā majhimayāme sarīram samassāsetvā pacchimayāme uddesam gahetvā yāva aruṇuggamanā sajjhāyam katvā niruddhasaddam khayato sammasati. Tato sesam upādāyarūpam bhūtarūpam nāmarūpanti pañcasu khandhesu vipassanam vadḍhetvā arahattam pāpuṇi. **Appossukkoti** uddesagga-

haṇe ca sajjhāyakaraṇīye ca nirussukko. **Saṅkasāyatīti** yassa dāni atthāya aham sajjhāyam kareyyam, so me attho matthakam (1.0271) patto. Kim me idāni sajjhāyenāti phalasamāpattisukhena kālam ativatteti. **Ajjhabhāsīti**, “kim nu kho assa therassa aphāsukam jātam, udāhussa ācariyassa? Kena nu kho kāraṇena pubbe viya madhurassarena na sajjhāyati”ti? Āgantvā santike ṛhitā abhāsi.

Dhammapadānīti idha sabbampi buddhavacanam adhippetam. **Nādhīyasīti** na sajjhāyasi. Nādiyasīti vā pāṭho, na gaṇhāsīti attho. **Pasāmsanti** dhammabhāṇako pasāmsam labhati, ābhidhammiko puttāntiko vinayadharotissa pasāmsitā bhavanti. **Virāgenāti** ariyamaggena. **Aññāyāti** jānitvā. **Nikkhepanāti** tassa diṭṭhasutādino vissajjanam santo vadantīti dīpeti, na buddhavacanassa. Ettāvatā “thero buddhavacanam na vissajjāpeti”ti na nicca kālam sajjhāyanteneva bhavitabbam, sajjhāyitvā pana- “ettakassāham atthassa vā dhammassa vā ādhāro bhavitum samattho”ti ñatvā vatṭadukkhassa antakiriyāya paṭipajjitabbam. Dasamam.

11. Akusalavitakkasuttavaṇṇanā

231. Ekādasame **akusale vitakketi** kāmavitakkādayo tayo mahāvitakke. **Ayoniso manasikārāti** anupāyamanasikārena. **Soti** so tvam. **Ayoniso paṭinissajjāti** etam anupāyamanasikāram vajjehi. **Satthāranti** imāya gāthāya pāsādikakammaṭṭhānam katheti. **Pītisukhamasāṃsayanti** ekaṃseneva balavapītiñca sukhañca adhigamissasi. Ekādasamam.

12. Majjhanhikasuttavaṇṇanā

232. Dvādasame yam vattabbam, tam devatāsaṃyutte nandanavagge vutta-meva. Dvādasamam.

13. Pākatindriyasuttavaṇṇanā

233. Terasamam devaputtasaṃyutte jantudevaputtasutte vitthāritameva. Tera-samam.

14. Gandhatthenasuttavaṇṇanā

234. Cuddasame (1.0272) **ajjhabhāsīti** tam bhikkhum nāle gahetvā padumam siṅghamānam disvāva- “ayaṁ bhikkhu satthu santike kammaṭṭhānam gahetvā samaṇadhammam kātum araññam paviṭṭho gandhārammaṇam upanijjhāyati, svāyam ajja upasiṅgham svepi punadivasepi upasiṅghissati, evamassa sā gandhataṇhā vadḍhitvā diṭṭhadhammikasamparāyikam attham nāsessati, mā mayi passantiyā nassatu, codessāmi nan”ti upasaṅkamitvā abhāsi.

Ekaṅgametam theyyānanti thenitabbānam rūpārammaṇādīnam pañcakoṭṭhā-sānam idam ekaṅgam, ekakoṭṭhāsoti attho. **Na harāmīti** na gahetvā gacchāmi.

Ārāti dūre nāle gahetvā nāmetvā dūre ṭhito upasiṅghāmīti vadati. **Vaṇṇenāti** kāraṇena.

Yvāyanti yo ayam. Tasmīm kira devatāya saddhiṁ kathenteyeva eko tāpaso ota-ritvā bhisakhananādīni kātum āraddho, tam sandhāyevamāha. **Ākiṇṇakamma-**ntoti evam aparisuddhakammanto. Akhīṇakammantotipi pāṭho, kakkhaṭakamma-ntoti attho. **Na vuccatīti** gandhacoroti vā pupphacoroti vā kasmā na vuccati.

Ākiṇṇaluddoti bahupāpo gālhapāpo vā, tasmā na vuccati. **Dhāticelamva makkhi-**toti yathā dhātiyā nivatthakiliṭṭhavattham uccārapassāvapamsumasikaddamādīhi makkhitam, evamevam rāgadosādīhi makkhito. **Arahāmi vattaveti** arahāmi vattum. Devatāya codanā kira sugatānusitṭhisadisā, na tam lāmakā hīnādhimuttikā micchā-paṭipannakapuggalā labhanti. Tasmīm pana attabhāve maggaphalānam bhabbarūpā puggalā tam labhanti, tasmā evamāha.

Sucigavesinoti sucīni sīlasamādhiñāṇāni gavesantassa. **Abbhāmattam** vāti valāhakakūṭamattaṁ viya. **Jānāsīti** suddho ayanti jānāsi. **Vajjāsīti** vadeyyāsi. **Neva tam upajīvāmāti** devatā kira cintesi- “ayam bhikkhu atthi me hitakāmā devatā, sā mam codessati sāressatīti (1.0273) pamādampi anuyuñjeyya, nāssa vacanam sampaṭicchissāmī”ti. Tasmā evamāha. **Tvamevāti** tvamyeva. **Jāneyyāti** jāneyyāsi. **Yenāti** yena kammena sugatīm gaccheyyāsi, tam kammam tvamyeva jāneyyāsīti. Cuddasamam.

Iti sāratthappakāsiniyā

Samyuttanikāya-atṭhakathāya

Vanasamyuttavaṇṇanā niṭṭhitā.

10. Yakkhasamyuttam

1. Indakasuttavaṇṇanā

235. Yakkhasamyuttassa (1.0274) paṭhame **indakassāti** indakūṭanivāsino yakkhassa. Yakkhato hi kūṭena, kūṭato ca yakkhenā nāmaṁ laddham. **Rūpam na jīvanti vadantīti** yadi buddhā rūpam jīvanti na vadanti, yadi rūpam satto puggaloti evam na vadantīti attho. **Kathaṁ nvayanti** kathaṁ nu ayam? **Kutassa atṭhīyakapiṇḍametīti** assa sattassa atṭhiyakapiṇḍañca kuto āgacchat? Ettha ca atṭhiggahaṇena tīṇi atṭhisatāni, yakapiṇḍaggahaṇena nava maṃsapesisatāni gahitāni. Yadi

rūpam na jīvo, athassa imāni ca aṭṭhīni imā ca maṃsapesiyo kuto āgacchantīti pucchatī. **Katham nvayam sajjati gabbharasminti** kena nu kāraṇena ayam satto mātukucchismiṃ sajjati laggati, tiṭṭhatīti? Puggalavādī kiresa yakkho, “ekappahāre-neva satto mātukucchismiṃ nibbattati”ti gahetvā gabbhaseyyakasattassa mātā macchamamṣadīni khādati, sabbāni ekarattivāsenā pacitvā pheṇam viya vilīyanti. Yadi rūpam satto na bhaveyya, evameva vilīyeyyāti laddhiyā evamāha. Athassa bhagavā- “na mātukucchismiṃ ekappahāreneva nibbattati, anupubbena pana vadḍhati”ti dassento **paṭhamam kalalam hotī-ādimāha**. Tattha **paṭhamanti** paṭhamena paṭisandhiviññāṇena saddhiṃ tissoti vā phussoti vā nāmaṃ natthi, atha kho tīhi jāti-uṇṇamṣūhi katasuttagge saṇṭhitatelabinduppamāṇam kalalam hoti, yam sandhāya vuttam-

“Tilatelassa yathā bindu, sappimaṇḍo anāvilo;
evam vaṇṇappaṭibhāgam, kalalam sampavuccati”ti.

Kalalā hoti abbudanti tasmā kalalā sattāhaccayena maṃsadhovera-udaka-vanṇam abbudam nāma hoti, kalalanti nāmaṃ antaradhāyati. Vuttampi cetam-

“Sattāham kalalam hoti, paripakkam samūhatam;
vivaṭṭamānam tabbhāvam, abbudam nāma jāyati”ti.

Abbudā (1.0275) **jāyate pesīti** tasmāpi abbudā sattāhaccayena vilīnatipusadisā pesi nāma sañjāyati. Sā maricaphāṇitena dīpetabbā. Gāmadārikā hi supakkāni maricāni gahetvā sāṭakante bhanḍikam katvā pīletvā maṇḍam ādāya kapāle pakhipitvā ātape ṭhapenti, tam sukkhamānam sabbabhāgehi muccati. Evarūpā pesi hoti, abbudanti nāmaṃ antaradhāyati. Vuttampi cetam-

“Sattāham abbudam hoti, paripakkam samūhatam;
vivaṭṭamānam tabbhāvam, pesi nāma pajāyati”ti.

Pesi nibbattati ghanoti tato pesito sattāhaccayena kukkuṭaṇḍasāṇṭhāno ghano nāma maṃsapiṇḍo nibbattati, pesīti nāmaṃ antaradhāyati. Vuttampi cetam-

“Sattāham pesi bhavati, paripakkam samūhatam;
vivaṭṭamānam tabbhāvam, ghanoti nāma jāyati.

“Yathā kukkuṭiyā aṇḍam, samantā parimāṇḍalam;
evam ghanassa saṇṭhānam, nibbattam kammapaccayā”ti.

Ghanā pasākhā jāyantīti pañcāme sattāhe dvinnam hatthapādānam sīsassa catthāya pañca pīlakā jāyanti, yam sandhāyetam vuttam “pañcāme, bhikkhave, sattāhe pañca pīlakā saṇṭhahanti kammato”ti.

Ito param chaṭṭhasattamādīni sattāhāni atikkamma desanam saṅkhipitvā dvācattālise sattāhe pariṇatakālam gahetvā dassento **kesāti-ādimāha**. Tattha **kesā lomānakhāpi cāti** dvācattālise sattāhe etāni jāyanti.

Tena so **tattha yāpetīti** tassa hi nābhito uṭṭhito nālo mātu udarapaṭalena ekābaddho hoti, so uppalaḍaṇḍako viya chiddo, tena āhāraro samsaritvā āhārasa-muṭṭhānarūpam samuṭṭhāpeti. Evaṃ so dasa māse yāpeti. **Mātukucchigato naroti** mātuyā tirokucchigato, kuchiyā abbhantaragatoti attho. Iti bhagavā (1.0276) “evam kho, yakkha, ayam satto anupubbena mātukucchiyam vadḍhati, na ekappa-hāreneva nibbattati”ti dasseti. Paṭhamam.

2. Sakkanāmasuttavaṇṇanā

236. Dutiyē **sakkanāmakoti** evam nāmako eko yakkho, so kira mārapakkhika-yakkho. **Vippamuttassāti** tīhi bhavehi vippamuttassa. **Yadaññanti** yam aññam. **Vaṇṇenāti** kāraṇena. **Saṃvāsoti** ekato vāso, sakkhidhammo mittadhammoti attho. **Sappaññoti** supañño sambuddho. Dutiyam.

3. Sūcīlomasuttavaṇṇanā

237. Tatiye **gayāyanti** gayāgāme, gayāya avidūre niviṭṭhagāmaṁ upanissāyāti attho. **Ṭaṅkitamañceti** dīghamañce pādamajhe vijjhītī aṭāniyo pavesetvā kata-mañce. Tassa “idam upari, idam heṭṭhā”ti natthi, parivattetvā atthatopi tādisova hoti, tam devaṭṭhāne ṭhapenti. Catunnaṁ pāsāṇāmaṁ upari pāsāṇāmaṁ attharitvā katagehampi “ṭaṅkitamañco”ti vuccati. **Sūcīlomassāti** kathinasūcisadisalomassa. So kira kassapassa bhagavato sāsane pabbajitvā dūraṭṭhānato āgato sedamala-ggahitena gattena supaññattam saṅghikamañcam anādarena apaccattharitvā nipajji, tassa parisuddhasilassa tam kammam suddhavatthe kālakam viya ahosi. So tasmiṁ attabhāve visesam nibbattetum asakkonto kālamkatvā gayāgāma-dvāre saṅkāraṭṭhāne yakkho hutvā nibbatti. Nibbattamattasseva cassa sakalasa-rīram kathinasūcīhi gavicchivijjhītam viya jātam.

Athekadivasam bhagavā paccūsasamaye lokam olokento tam yakkham paṭhamāvajjanasseva āpātham āgataṁ disvā- “ayaṁ ekaṁ buddhantaram mahādukkham anubhavi. Kim nu khvāssa maṁ āgamma sotthikāraṇam bhaveyyā”ti? Āvajjento (1.0277) paṭhamamaggassa upanissayam addasa. Athassa saṅgaham kātukāmo surattadupatṭam nivāsetvā sugatamahācīvaraṁ pārupitvā devavimānakappam gandhakuṭīm pahāya hatthigavāssamanussakukkurādikunapadugandham saṅkāraṭṭhānam gantvā tattha mahāgandhakuṭiyam viya nisidi. Tam sandhāya vuttam “sūcīlomassa yakkhassa bhavane”ti.

Kharoti sumsumārapiṭṭhi viya chadaniṭṭhakāhi visamacchadanapiṭṭhi viya ca kharasarīro. So kira kassapasammāsambuddhakāle sīlasampanno upāsako eka-divase vihāre cittattharaṇādīhi atthatāya bhūmiyā saṅghike attharaṇe attano uttarāsaṅgam apaccattharitvā nipajji. Saṅghikam telam abhājetvā attano uttarāsaṅgam apaccattharitvā nipajji. Saṅghikam telam abhājetvā attano hatthehi sarīram makkhesītipi vadanti. So tena kammena sagge nibbattitum asakkonto tasseva gāmassa dvāre saṅkāraṭṭhāne yakkho hutvā nibbatti. Nibbattamattassa cassa sakalasarīram vuttappakāram ahosi. Te ubhopi sahāyā jātā. Iti kharassa kharabhāvo veditabbo.

Avidūre atikkamantīti gocaram pariyesantā samāgamaṭṭhānam vā gacchantā āsanne ṭhāne gacchanti. Tesu sūcīlomo satthāram na passati, kharalomo paṭhamaram disvā sūcīlomam yakkham etadavoca- “**eso samaṇo**”ti, samma, esa tava bhavanam pavisitvā nisinno eko samaṇoti. **Neso samaṇo, samaṇako esoti** so kira

yo mām passitvā bhīto palāyati, tam samaṇakoti vadati. Yo na bhāyati, tam samaṇoti. Tasmā “ayam mām disvā bhīto palāyissatī”ti maññamāno evamāha.

Kāyaṁ upanāmesīti bheravarūpam nimminitvā mahāmukham vivaritvā sakalasarīre lomāni utṭhāpetvā kāyaṁ upanāmesi. **Apanāmesīti** ratanasatikam suvaṇṇagghanikam viya thokam apanāmesi. **Pāpakotī** lāmako amanuñño. So gūtham viya aggi viya kaṇhasappo viya ca parivajjetabbo, na iminā suvaṇṇavaṇṇena sarīrena sampaṭicchitabbo. Evam vutte pana sūcilo mo “pāpako kira me samphasso”ti kuddho **pañham tam, samanāti-ādimāha**. **Cittam vā te khipissāmīti** yesañhi amanussā cittam (1.0278) khipitukāmā honti, tesam setamukham nīlodaram surattahattapādam mahāsīsam pajjalitanettam bheravam vā attabhāvam nimminitvā dassenti, bheravam vā saddam sāventi, kathentānamyeva vā mukhe hattham pakkipitvā hadayaṁ maddanti, tena te sattā ummattakā honti khittacittā. Tam sandhāyevamāha. **Pāragaṅgāyāti** dvīsu pādesu gahetvā tam āviñchetvā yathā na punāgacchasi, evam pāram vā gaṅgāya khipissāmīti vadati. **Sadevaketi-ādi** vutta-thameva. **Puccha yadākaṇkhasīti** yaṁkiñci ākaṇkhasi, tam sabbam puccha, asesam te byākarissāmīti sabbaññupavāraṇam pavāreti.

Kutonidānāti kiṁnidānā, kiṁpaccayāti attho? **Kumārakā dhaṇkamivossajantī** Ti yathā kumārakā kākam gahetvā ossajanti khipanti, evam pāpavitakkā kuto samuṭṭhāya cittam ossajantīti pucchatī?

Itonidānāti ayam attabhāvo nidānam etesanti ito nidānā. **Itojāti** ito attabhāvato jātā. **Ito samuṭṭhāya manovitakkāti** yathā dīghasuttakena pāde baddham kākam kumārakā tassa suttapariyantam aṅguliyam veṭhetvā ossajanti, so dūram gantvāpi puna tesam pādamūleyeva patati, evameva ito attabhāvato samuṭṭhāya pāpavitakkā cittam ossajanti.

Snehajāti taṇhāsinehato jātā. **Attasambhūtāti** attani sambhūtā. **Nigrodhasseva khandhajāti** nigrodhakhandhe jātā pārohā viya. **Puthūti** bahū anekappakārā pāpavitakkā tam sampayuttakilesā ca. **Visattāti** laggā laggitā. **Kāmesūti** vatthukāmesu. **Māluvāva vitatā vaneti** yathā vane māluvā latā yaṁ rukkham nissāya jāyati, tam mūlato yāva aggā, aggato yāva mūlā punappunam saṁsibbitvā ajjhottaritvā ota-tavitatā tiṭṭhati. Evam vatthukāmesu puthū kilesakāmā visattā, puthū vā sattā tehi kilesakāmehi vatthukāmesu visattā. **Ye nam pajānantīti** ye “attasambhūtā”ti ettha vuttam attabhāvam jānanti.

Yatonidānanti (1.0279) yaṁ nidānamassa attabhāvassa tañca jānanti. **Te nam vinodentīti** te evam attabhāvasaṅkhātassa dukkhasaccassa nidānabhūtam samudayasaccam maggasaccena vinodenti. **Te duttaranti** te samudayasaccam nīharantā idam duttaram kilesogham taranti. **Atiṇṇapubbanti** anamatagge saṁsāre supinantepi na tiṇṇapubbam. **Apunabbhavāyāti** apunabbhavasaṅkhātassa nirodhasaccassatthāya. Iti imāya gāthāya cattāri saccāni pakāsento arahattanikūṭena desanam niṭṭhapesi. Desanāvasāne sūcilo mo tasmiṁyeva padese ṭhito desanānu-sārena ñānam pesetvā sotāpattiphale patiṭṭhito. Sotāpannā ca nāma na kiliṭṭhattabhbāve tiṭṭhantīti saha phalapaṭilābhennassa sarīre setakaṇḍupiṭakasūciyo sabbā patitā. So dibbavatthanivatho dibbavaradukūluttarāsaṅgo dibbaveṭhanaveṭhito

dibbābharaṇagandhamāladharo suvaṇṇavaṇṇo hutvā bhummadevatāparihāram paṭilabhitī. Tatiyam.

4. Maṇibhaddasuttavaṇṇanā

238. Catutthe **sukhamedhatīti**, sukham paṭilabhati. **Suve seyyoti** suve suve seyyo, niccameva seyyoti attho. **Verā na parimuccatīti** aham satimāti ettakena verato na muccati. **Yassāti** yassa arahato. **Ahiṁsāyāti** karuṇāya ceva karuṇāpubbabhāge ca. **Mettaṁsoti** so mettañceva mettāpubbabhāgañca bhāveti. Atha vā **aṁsoti** kotthāso vuccati. Mettā aṁso etassāti mettamō. Idam vuttam hoti- yassa arahato sabbakālam ahiṁsāya rato mano, yassa ca sabbabhūtesu mettākotthāso atthi, tassa kenaci puggalena saddhim veram nāma natthi yakkhāti. Catuttham.

5. Sānusuttavaṇṇanā

239. Pañcame **yakkhena gahito hotīti** so kira tassā upāsikāya ekaputtako. Atha nam sā daharakāleyeva pabbājesi. So pabbajitakālato paṭṭhāya sīlavā ahosi vattasampanno, ācariyupajjhāya-āgantukādīnam (1.0280) vattam katameva hoti, māsassa aṭṭhamidivase pāto vuṭṭhāya udakamālake udakam upaṭṭhāpetvā dhammassavanaggam sammajjivtā dīpaṁ jāletvā madhurassarena dhammassavanam

ghoseti. Bhikkhū tassa thāmañ ñatvā “sarabhāñam bhaṇa, sāmañerā”ti ajjhē-santi. So “mayhañ hadayavāto rujati, kāso vā bādhati”ti kiñci paccāhāram akatvā dhammāsanam abhiruhitvā ākāsagañgam otārente viya sarabhāñam vatvā ota-ranto- “mayhañ mātāpitūnampi imasmiñ sarabhaññe patti”ti vadati. Tassa manussā mātāpitaro pattiyā dinnabhāvam na jānanti. Anantarattabhbāve panassa mātā yakkhinī jātā. Sā devatāhi saddhim āgatā, dhammāñ sutvā- “sāmañerena dinnapattim anumodāmi, tātā”ti vadati. Sīlasampannā ca nāma bhikkhū sadeva-kassa lokassa piyā hontīti tasmiñ sāmañere devatā salajjā sagāravā mahā-brahmāñ viya aggikkhandham viya ca nam maññanti. Sāmañere gāravena tam yakkhiniñ garum katvā passanti. Dhammassavanayakkhasamāgamañdīsu “sānu-mātā sānumātā”ti yakkhiniyā aggāsanam aggodakam aggapiñḍam denti. Mahesa-kkhāpi yakkhā tam disvā maggā okkamanti, āsanā vuṭṭhahanti.

Atha kho sāmañero vuḍḍhimanvāya paripakkindriyo anabhiratiplito anabhiratiñ vinodetum asakkonto parūlhakesanakho kiliṭhanivāsanapārupano kassaci anāro-cetvā pattacivaramādāya ekakova mātu ghamāñ gato. Upāsikā puttāñ disvā, vanditvā āha- “tāta, tvam pubbe ācariyupajjhāyehi vā daharasāmañerehi vā saddhim idhāgacchasi. Kasmā ekakova aja āgato”ti? So ukkaṇṭhitabhāvam āro-cesi. Saddhā upāsikā nānappakārena gharāvāse ādīnavam dassetvā puttāñ ova-damānāpi tam saññāpetum asakkonti, “appeva nāma attano dhammatāyapi salla-kkhessati”ti anuyojetvā- “tiṭṭha, tāta, yāva te yāgubhattam sampādemi, yāgum pivitvā katabhattakiccassa te manāpāni vatthāni nīharitvā dassāmī”ti vatvā āsanam paññāpetvā adāsi. Nisidi sāmañero. Upāsikā muhutteneva yāgukha-jjakam sampādetvā adāsi. Tato “bhattam sampādessāmī”ti avidūre nisinnā tañḍule dhovati. Tasmīñ samaye sā yakkhinī “kaham nu kho sāmañero? Kiñci bhikkhāhāram labhati (1.0281), udāhu no”ti? Āvajjamānā tassa vibbhamitukāma-tāya nisinnabhāvam ñatvā, “mā heva kho me devatānam antare lajjāñ uppādeyya, gacchāmissa vibbhamane antarāyam karomī”ti āgantvā sarīre adhimuccitvā gīvam parivattetvā bhūmiyam pātesi. So akkhīhi viparivattehi kheļena paggharantena bhūmiyam vipphandati. Tena vuttam “yakkhena gahito hoti”ti.

Abhāsīti upāsikā puttassa tam vippakāram disvā vegena gantvā puttāñ āli-ñgetvā ūrūsu nipajjāpesi. Sakalagāmavāsino āgantvā balikammādīni karonti. Upā-sikā paridevamānā imā gāthāyo abhāsi.

Pāṭīhāriyapakkhañcāti manussā “aṭṭhamī-uposathassa paccuggamanañca anu-ggamanañca karissāmā”ti sattamiyāpi navamiyāpi uposathañgāni samādiyanti, cātuddasipannarasīnam paccuggamanānuggamanam karontā terasiyāpi pāṭīpa-depi samādiyanti, “vassāvāsassa anuggamanam karissāmā”ti dvinnam pavāra-ñānam antare adḍhamāsam nibaddhuposathikā bhavanti. Idam sandhāya vuttam “pāṭīhāriyapakkhañcā”ti. **Aṭṭhañgasusamāgatanti** aṭṭhañgehi suṭṭhu samāgatañ, sampayuttanti attho. **Brahmacariyanti** setṭhacariyam. **Na te hi yakkhā kīlanti** Ti na te gahetvā yakkhā kilamenti.

Puna cātuddasinti imāya gāthāya sāmañerassa kāye adhimuttā yakkhinī āha. **Āvi vā yadi vā rahoti** kassaci sammukhe vā parammukhe vā. **Pamutyatthīti**

pamutti atthi. **Uppaccāpīti** uppatitvāpi. Sacepi sakuṇo viya uppatitvā palāyasi, tathāpi te mokkho natthīti vadati. Evañca pana vatvā sāmañeram muñci. Sāmañero akkhīni ummīlesi, mātā kese pakiriya assasantī passasantī rodati. So “amanusse na gahitomhi”ti na jānāti. Olokento pana “ahañ pubbe pīthe nisinno. Mātā me avidūre nisīditvā tañḍule dhovati. Idāni panamhi bhūmiyam nisinno, mātāpi me assasantī passasantī rodati, sakalagāmavāsinopi sannipatitā. Kim nu kho etan”ti? Nipannakova **matañ vā ammāti** gāthamāha.

Kāme (1.0282) **cajītvānāti** duvidhepi kāme pahāya. **Punarāgacchateti** vibbhama-nava sena āgacchati. **Puna jīvam̄ mato hi soti** uppabbajitvā puna jīvantopi so mata-kova, tasmā tampi rodantīti vadati.

Idānissa gharāvāse ādīnavam̄ dassentī **kukkuñāti-ādimāha**. Tattha **kukkuñāti** gharāvāso kira uñhañthena kukkuñā nāma hoti. **Kassa ujjhāpayāmaseti-** “abhidhā-vatha, bhaddam̄ te hotū”ti evam̄ vatvā- “yam̄ tvam̄ vibbhamitukāmo yakkhena pāpito, imam̄ vippakāram̄ kassa mayam̄ ujjhāpayāma nijjhāpayāma ārocayāmā”ti vadati. **Puna ḥayhitumicchasīti-ādittagharato** nīhañabhañḍam̄ viya gharā nīharitvā buddhasāsane pabbajito puna mahādāhasadise gharāvāse ḥayhitum̄ icchasīti attho. So mātari kathentiyā kathentiyā sallakkhetvā hirottappam̄ pañilabhitvā, “natthi mayham̄ gihibhāvena attho”ti āha. Athassa mātā “sādhū, tātā”ti tuññhā pañi-tabhojanam̄ bhojetvā, “kati vassosi, tātā”ti pucchi. Paripuññavassomhi upāsiketi. “Tena hi, tāta, upasampadañ karohī”ti cīvarasāñtake adāsi. So ticivaram̄ kārāpetvā upasampanno buddhavacanam̄ uggañhanto tepiñako hutvā sīlādīnam̄ āgatañthāne tam̄ tam̄ pūrente nacirasseva arahattam̄ patvā mahādhammakathiko hutvā vīsavassasatañ ṣhatvā sakalajambudīpam̄ khobhetvā parinibbāyi. Pañcamam̄.

6. Piyañkarasuttavaññanā

240. Chañthe jetavane Ti jetavanassa paccante kosambakakuñi nāma atthi, tattha viharati. **Dhammapadānīti** idha pāñiyekkañ sañgahañ āruñhā chabbisati-vaggā tanti adhippetā. Tatra therō tasmiñ samaye antovihāre nisinno madhurassarena sarabhaññam̄ katvā appamādavaggam̄ bhāsatī. **Evam̄ tosesīti** sā kira puttam̄ piyañkaram̄ añkenādāya jetavanassa pacchimabhāgato paññhāya gocaram̄ pariyesantī anupubbena nagarābhīmukhī hutvā uccārapassāvakheñsinghānikadubbojanāni pariyesamānā therassa vasanañthānam̄ patvā madhurassaram̄ assosi. Tassā so saddo chavi-ādīni chetvā (1.0283) aññhimīñjam̄ āhacca hadayañgamanīyo hutvā aññhāsi. Athassā gocarapariyesane cittampi na uppajji, ohitasotā dhammameva suññantī ṣhitā. Yakkhadārakassa pana daharatāya dhammassavane cittam̄ natthi. So jighacchāya pīlitattā, “kasmā ammā gatagatañthāne khāñuko viya tiññhasi? Na mayham̄ khādanīyam̄ vā bhojanīyam̄ vā pariyesasi”ti punappunam̄ mātaram̄ codeti. Sā “dhammassavanassa me antarāyam̄ karotī”ti puttakam̄ “mā saddam̄ kari, piyañkarā”ti evam̄ tosesi. Tattha **mā saddam̄ karīti** saddam̄ mā kari.

Pāñesu cāti gāthāya sā attano dhammatāya samādiññam̄ pañcasīlam̄ dasseti. Tattha **samyamāmaseti** samyamāma samyatā homa. Iminā pāññatipatā virati

gahitā, dutiyapadena musāvādā virati, tatiyapadena sesā tisso viratiyo. **Api muccema pisācayoniyāti** api nāma yakkhaloke uppannāni pañca verāni pahāya, yoniso pañipajjivā imāya chātakadubbhikkhāya pisācayakkhayoniyā muccema, tātāti vadati. Chaṭṭham.

7. Punabbasusuttavaṇṇanā

241. Sattame tena kho pana samayenāti katarasamayena? Sūriyassa atthaṅgamanasamayena. Tadā kira bhagavā pacchābhakte mahājanassa dhammām desetvā mahājanam uyyojetvā nhānakotthake nhatvā gandhakuṭipariveṇe paññatavarabuddhāsane puratthimalokadhātum olokayamāno nisīdi. Athekacārikadvicārikādayo pañsukūlikapiṇḍapātikabhikkhū attano attano vasanaṭṭhānehi nikkhamitvā āgamma dasabalam vanditvā rattasāṇiyā parikkhipamānā viya nisidimṣu. Atha nesam ajjhāsayam viditvā satthā nibbānapaṭisaṃyuttam dhammakatham kathesi.

Evam tosesīti sā kira dhītaram añkenādāya puttam aṅguliyā gahetvā jetavana-piṭṭhiyam pākāraparikkhepasamīpe uccārapassāvakheṭasiṅghāṇikam pariyesamānā anupubbena jetavanadvārakoṭṭhakam sampattā. Bhagavato ca, “ānanda, pattam āhara, cīvaraṃ āhara, vighāsādānam dānam dehī”ti kathentassa saddo samantā dvādasahatthamattameva gaṇhāti. Dhammām descentassa (1.0284) sacepi cakkavālapariyantam katvā parisā nisidati, yathā parisam gacchat, bahiparisāya ekaṅgulimattampi na niggacchat, “mā akāraṇā madhurasaddo nassi”ti. Tatrāyam yakkhinī bahiparisāya ṭhitā saddam na suṇāti, dvārakoṭṭhake ṭhitāya panassā mahatiyā buddhavīthiyā abhimukhe ṭhitā gandhakuṭi paññāyi. Sā nivāte dīpasikhā viya buddhagāravena hatthakukkuccādirahitaṃ niccalam parisam disvā—“nūna mettha kiñci bhājanīyabhaṇḍam bhavissati, yato aham sappitelamadhuphāṇitādīsu kiñcideva pattato vā hatthato vā paggharantam bhūmiyam vā pana patitam labhissāmī”ti antovihāram pāvisi. Dvārakoṭṭhake avaruddhakānam nivāraṇatthāya ṭhitā ārakkhadevatā yakkhiniyā upanissayam disvā na nivāresi. Tassā saha parisāya ekibhāvagamanena madhurassaro chavi-ādīni chinditvā aṭṭhimiñjam āhacca aṭṭhāsi. Tam dhammassavanatthāya niccalam ṭhitaṃ purimanaye-neva puttakā codayimṣu. Sā “dhammassavanassa me antarāyam karontī”ti puttake **tuṇhī uttarike hohīti evam tosesi**.

Tattha **yāvāti** yāva dhammām suṇāmi, tāva tuṇhī hohīti attho. **Sabbaganthappamocananti** nibbānam āgamma sabbe ganthā pamuccanti, tasmā tam sabbaganthappamocananti vuccati. **Ativelāti** velātikkantā pamāṇatikkantā. **PiyāyanāTi** magganā patthanā. **Tato piyataranti** yā ayam assa dhammassa magganā patthanā, idam mayham tato piyataranti attho. Piyatarāti vā pāṭho. **Pāṇinanti** yathā pāṇīnam dukkhā moceti. Ke mocetīti? Pāṇineti āharitvā vattabbam. **Yam dhammām abhisambuddhanti**, yam dhammām bhagavā abhisambuddho. **Tuṇhībhūtāyamuttarāti** na kevalam ahameva, ayam me bhaginī uttarāpi tuṇhībhūtāti vadati. **Saddhammassa anaññāyāti**, amma, mayam pubbepi imam saddhamma-

meva ajānitvā idāni idam khuppi pāsādīdukkham anubhavantā dukkham carāma viharāma.

Cakkhumāti pañcahi cakkhūhi cakkhumā. Dhammam desentoyeva bhagavā parisam sallakkhayamāno tassā yakkhiniyā ceva yakkhadārakassa ca sotāpatti-phalassa upanissayam disvā desanam vinivat̄etvā catusaccakatham dīpeti, tam sutvā tasmīmyeva dese ṭhitā yakkhinī saddhim puttena (1.0285) sotāpattiphale patiṭṭhitā. Dhītuyāpi panassā upanissayo atthi, atidaharattā pana desanam sampaticchitum nāsakkhi.

Idāni sā yakkhinī puttassa anumodanam karontī **sādhū kho paññito nāmāti-ādi-māha**. **Ajjāhamhi samuggatāti** ahamhi aija vat̄ato uggatā samuggatā sāsane vā uggatā samuggatā, tvampi sukhī hohīti. **Dīṭṭhānīti** mayā ca tayā ca dīṭṭhāni. **Uttarāpi suṇātu meti**, “amhākam catusaccapaṭivedhabhāvam, dhītā me uttarāpi, suṇātū”ti vadati. Saha saccapaṭivedheneva sāpi sūcilo mo viya sabbam setakaṇḍukacchu-ādibhāvam pahāya dibbasampattim paṭilabhati saddhim puttena. Dhītā panassā yathā nāma loke mātāpitūhi issariye laddhe puttānampi tam hoti, evam mātu-ānubhāveneva sampattim labhi. Tato paṭṭhāya ca sā saddhim puttakehi gandhakuṭisamīparukkheyeva nivāsarukkham labhitvā sāyam pātam buddhadasanam labhamānā dhammad suṇamānā dīgharattam tattheva vasi. Sattamam.

8. Sudattasuttavaṇṇanā

242. Aṭṭhame kenacideva karaṇiyenāti vāṇijjakammañ adhippetam. Anāthapiṇḍiko ca rājagahaseṭṭhi ca aññamaññam bhaginipatikā honti. Yadā rājagahe uṭṭhānakabhaṇḍakam mahagham hoti, tadā rājagahaseṭṭhi tam gahetvā pañcasakaṭasatehi sāvatthim gantvā yojanamatte ṭhito attano āgatabhāvam jānāpeti. Anāthapiṇḍiko paccuggantvā tassa mahāsakkāram katvā ekayānam āropetvā sāvatthim pavisati. So sace bhaṇḍam lahukam vikkiyati, vikkiṇāti. No ce, bhaginighare ṭhapetvā pakkamati. Anāthapiṇḍikopi tattheva karoti. Svāyam tadāpi teneva karaṇiyena agamāsi. Tam sandhāyetam vuttam.

Tam divasam pana rājagahaseṭṭhi yojanamatte ṭhitena anāthapiṇḍikena āgatabhāvajānanattham pesitam paññam na suṇi, dhammassavanatthāya vihāram

agamāsi. So dhammакatham sutvā svātanāya buddhappamukham bhikkhu-saṅgam nimantetvā attano ghare uddhanakhaṇāpanadāruphālanādīni kāresi. Anāthapiṇḍikopī “idāni mayham paccuggamanam karissati, idāni karissatī”ti gharadvārepi paccuggamanam alabhitvā (1.0286) antogharam paviṭṭho paṭisanthārampi na bahum alattha. “Kim, mahāsetṭhi, kusalam dārakarūpānam? Nasi magge kilanto”ti? Ettakova paṭisanthāro ahosi. So tassa mahābyāpāram disvā, “kim nu te, gahapati, āvāho vā bhavissatī”ti? Khandhake (cūlava. 304) āgatanayeneva katham pavattetvā tassa mukhato buddhasaddam sutvā pañcavāṇṇam pītiṁ paṭilabhi. Sā tassa sīsena utṭhāya yāva pādapiṭṭhiyā, pādapiṭṭhiyā utṭhāya yāva sīsā gacchati, ubhato utṭhāya majhe osarati, majhe utṭhāya ubhato gacchati. So pītiyā nirantaram phuṭṭho, “buddhoti tvam, gahapati, vadesi? Buddho tāham, gahapati, vadāmī”ti evam tikkhattum pucchitvā, “ghosopi kho eso dullabho lokasmim yadidam buddho”ti āha. Idam sandhāya vuttam “assosi kho anāthapiṇḍiko, gahapati, buddho kira loke uppanno”ti.

Etadahosi akālo kho ajjāti so kira tam setṭhim pucchi, “kuhiṁ gahapati satthā viharati”ti? Athassa so “buddhā nāma durāsadā āsīvisasadisā honti, satthā sivathikāya vasati, na sakkā tattha tumhādisehi imāya velāya gantun”ti ācikkhi. Athassa etadahosi. **Buddhagatāya satiyā nipajjīti** tamdivasam kirassa bhanḍasakaṭesu vā upaṭṭhākesu vā cittampi na uppajji, sāyamāsampi na akāsi, sattabhūmikam pana pāsādam āruyha supaññattālaṅkatavarasayane “buddho buddho”ti sajjhāyam karontova nipajjitvā niddam okkami. Tena vuttam “buddhagatāya satiyā nipajjī”ti.

Rattiyā sudam tikkhattum utṭhāsi pabhātanti maññamānoti paṭhamayāme tāva vītivatte utṭhāya buddham anussari, athassa balavappasādo udapādi, pīti-āloko ahosi, sabbatamaṁ vigacchi, dīpasahassujalam viya canduṭṭhānam sūriyuṭṭhānam viya ca jātam. So “papādam āpanno vatamhi, sūriyo uggato”ti utṭhāya ākāsatale ṭhitam candaṁ ulloketvā “ekova yāmo gato, aññe dve atthi”ti puna pavisitvā nipajji. Etenupāyena majhimayāmāvasānepi pacchimayāmāvasānepīti tikkhattum utṭhāsi. Pacchimayāmāvasāne pana balavapaccūseyeva utṭhāya ākāsatalam āgantvā (1.0287) mahādvārābhīmukhova ahosi, sattabhūmikadvāram sayameva vivaṭam ahosi. So pāsādā oruyha antaravīthim paṭipajji.

Vivarimśūti “ayaṁ mahāsetṭhi ‘buddhupaṭṭhānam gamissāmī”ti nikkhanto, paṭhamadassaneneva sotāpattiphale patiṭṭhāya tiṇam ratanānam aggupaṭṭhāko hutvā asadisam saṅghārāmam katvā cātuddisassa ariyagaṇassa anāvaṭadvāro bhavissati, na yuttamassa dvāram pidahitun”ti cintetvā vivarimśu. **Antaradhāyīti** rājagaham kira ākiṇṇamanussam antonagare nava koṭiyo, bahinagare navāti tam upanissāya atṭhārasa manussakoṭiyo vasanti. Avelāya matamanusse bahi nīharitum asakkontā atṭalake ṭhatvā bahidvāre khipanti. Mahāsetṭhi nagarato bahinikkhantamattova allasarīram pādena akkami, aparampi piṭṭhipādena pahari. Makkhikā uppatitvā parikirimśu. Duggandho nāsapuṭam abhihani. Buddhappasādo tanuttam gato. Tenassa āloko antaradhāyi, andhakāro pāturahosi. **Saddamanussāvesīti** “setṭhissa ussāham janessāmī”ti suvaṇṇakiṇikam ghaṭento viya madhurassa-

rena saddam anussāvesi.

Sataṁ kaññāsahassānīti purimapadānipi imināva sahassapadena saddhim sambandhaniyāni. Yatheva hi sataṁ kaññāsahassāni, sataṁ sahassāni hatthī, sataṁ sahassāni assā, sataṁ sahassāni rathāti ayamettha attho. Iti ekekasatasahassameva dīpitam. **PadavītihārassāTi** padavītihāro nāma samagamane dvinnam padānam antare muṭṭhiratanamattaṁ. **Kalaṁ nāgganti soḷasinti** tam ekaṁ padavītihāram soḷasabhāge katvā tato eko koṭṭhāso puna soḷasadhbā, tato eko soḷasadhāti evam soḷasa vāre soḷasadhbā bhinnassa eko koṭṭhāso soḷasikalā nāma, tam soḷasikalām etāni cattāri satasahassāni na agghanti. Idam vuttaṁ hoti- sataṁ hatthisahassāni sataṁ assasahassāni sataṁ rathasahassāni sataṁ kaññāsahassāni, tā ca kho āmukkamaṇikunḍalā sakalajambudīparājadhītarō vāti imasmā ettakā lābhā vihāram gacchantassa tasmiṁ soḷasikalasaṅkhāte padese pavattacētanāva uttaritarāti. Idam pana vihāragamanam kassa vasena gahitanti? Vihāram gantvā anantarāyena sotāpattiphale patiṭṭhahantassa. “Gandhamālādīhi pūjam karissāmi (1.0288), cetiyam vandissāmi, dhammaṁ sossāmi, dīpapūjam kari-ssāmi, saṅgham nimantetvā dānam dassāmi, sikkhāpadesu vā saraṇesu vā patiṭṭhahissāmi”ti gacchatopi vasena vatṭatiyeva.

Andhakāro antaradhāyīti so kira cintesi- “ahaṁ ekakoti saññām karomi, anuyuttāpi me atthi, kasmā bhāyāmī”ti sūro ahosi. Athassa balavā buddhappasādo udapādi. Tasmā andhakāro antaradhāyīti. Sesavāresupi eseva nayo. Apica purato purato gacchanto bhimsanake susānamagge aṭṭhikasaṅkhālikasamamāsalohita-nti-ādīni anekavidhāni kuṇapāni addasa. Soṇasiṅgalādīnam saddam assosi. Tam sabbam parissayaṁ punappunaṁ buddhagataṁ pasādaṁ vadḍhetvā maddanto agamāsiyeva.

Ehi sudattāti so kira seṭṭhi gacchamānova cintesi- “imasmim loke bahū pūraṇa-kassapādayo titthiyā ‘mayam buddhā mayam buddhā’ti vadanti, kathaṁ nu kho ahaṁ satthu buddhabhāvam jāneyyan”ti? Athassa etadahosi- “mayham guṇava-sena uppannaṁ nāmaṁ mahājano jānāti, kuladattiyaṁ pana me nāmaṁ aññatra mayā na koci jānāti. Sace buddho bhavissati, kuladattikanāmena mam ālapissati”-ti. Satthā tassa cittam ūnatvā evamāha.

Parinibbutoti kilesaparinibbānenā parinibbuto. **Āsattiyoti** taṇhāyo. **Santinti** kile-savūpasamam. **Pappuyyāti** patvā. Idañca pana vatvā satthā tassa anupubbi-kathaṁ kathetvā matthake cattāri saccāni pakāsesi. Seṭṭhi dhammadesanam sutvā sotāpattiphale patiṭṭhāya buddhappamukham bhikkhusaṅgham nimantetvā punadivasato paṭṭhāya mahādānam dātum ārabhi. Bimbisārādayo seṭṭhissa sāsanam pesenti- “tvam āgantuko, yam nappahoti, tam ito āharāpehi”ti. So “alam tumhe bahukiccā”ti sabbe paṭikkhipitvā pañcahi sakaṭasatehi ānītavibhavena sattāham mahādānam adāsi. Dānapariyosāne ca bhagavantaṁ sāvatthiyam vassāvāsam paṭijānāpetvā rājagahassa ca sāvatthiyā (1.0289) ca antare yojane yojane satasahassam datvā pañcacattālīsa vihāre kārento sāvatthim gantvā jetavanamahāvihāram kāretvā buddhappamukhassa bhikkhusaṅghassa niyyādesīti. Aṭṭhamam.

9. Pathamasukkāsuttavaṇṇanā

243. Navame **rathikāya rathikanti** ekam rathikam gahetvā tato aparaṁ gacchanto rathikāya rathikam upasaṅkamanto nāma hoti. Siṅghāṭakepi eseva nayo. Ettha ca **rathikāti** racchā. **Siṅghāṭakanti** catukkaṁ. **Kiṁ me katāti** kiṁ ime katā? Kiṁ karontīti attho. **Madhupītāva seyareti** gandhamadhupānam pītā viya sayanti. Gandhamadhupānam pīto kira sīsaṁ ukkhipitum na sakkoti, asaññī hutvā sayateva. Tasmā evamāha.

Tañca pana appaṭivānīyanti tañca pana dhammadam appaṭivānīyam deseti. Bāhirakañhi sumadhurampi bhojanam punappunaṁ bhuñjantassa na ruccati, “apānetha, kiṁ iminā”ti? Paṭivānetabbam apanetabbam hoti, na evamayam dhammo. Imam hi dhammadam pañditā vassasatampi vassasahassampi suṇantā tittim na gacchanti. Tenāha “appaṭivānīyan”ti. **Asecanakamojavanti** anāsittakam ojavantam. Yathā hi bāhirāni asambhinnapāyāsādīnīpi sappimadhusakkharāhi āsittāni yojitāneva madhurāni ojvantāni honti, na evamayam dhammo. Ayam hi attano dhammatāya madhuro ceva ojavā ca, na aññena upasitto. Tenāha “asecanakamojavā”ti. **Pivanti maññe sappaññāTi** pañditapurisā pivanti viya. **Valāhakameva panthagūti** valāhakantarato nikkhanta-udakam ghammābhittattā pathikā viya. Navamam.

10-11. Dutiyasukkāsuttādivaṇṇanā

244. Dasame **puññam vata pasavi bahunti** bahum vata puññam pasavatīti. Dasamaṁ.

245. Ekādasamam uttānameva. Ekādasamam.

12. Ālavakasuttavaṇṇanā

246. Dvādasame **ālaviyanti** ālavīti tam raṭṭhampi nagarampi. Tañca bhavanam nagarassa avidūre gāvutamatte ṭhitam. Bhagavā tattha viharanto tam nagaram upanissāya (1.0290) ālaviyam viharatīti vutto. **Ālavakassa yakkhassa bhavaneti** ettha pana ayamanupubbikathā- ālavako kira rājā vividhanāṭakūpabhogam chaḍḍetvā corapaṭibāhanattham paṭirājanisedhanattham byāyāmakaraṇatthañca sattame sattame divase migavam gacchanto ekadivasam balakāyena saddhim katikam akāsi- “yassa passena migo palāyati, tasseva so bhāro”ti. Atha tasseva passena migo palāyi, javasampanno rājā dhanum gahetvā pattikova tiyojanam tam migam anubandhi. Eṇimigā ca tiyojanavegā eva honti. Atha parikkhīṇajavam tam udakam viya pavisitvā ṭhitam vadhitvā dvidhā chetvā anathikopi maṃsenā “nāsakkhi migam gahetun”ti apavādamocanattham kājenādāya āgacchanto nagarassāvidūre bahalapattapalāsam mahānigrodham disvā parissamavinodanattham tassa mūlamupagato. Tasmīñca nigrodhe ālavako yakkho mahārājasantikā

bhavanaṁ labhitvā majjhankasamaye tassa rukkhassa chāyāya phuṭṭhokāsam paviṭṭhe pāṇino khādanto paṭivasati. So tam disvā khāditum upagato. Rājā tena saddhiṁ katikam akāsi- “muñca maṁ, ahaṁ te divase divase manussañca thālipākañca pesessāmī”ti. Yakkho- “tvam rājūpabhogena pamatto na sarissasi, ahaṁ pana bhavanaṁ anupagatañca ananuññatañca khāditum na labhāmi, svāham bhavantampi jīyeyyan”ti na muñci. Rājā “yaṁ divasam na pesemi, tam divasam maṁ gahetvā khādā”ti attānam anujānitvā tena mutto nagarābhimukho agamāsi.

Balakāyo magge khandhāvāram bandhitvā ṛhito rājānam disvā, “kim, mahārāja, ayasamattabhayā evam kilantosi”ti? Vadanto paccuggantvā paṭiggahesi. Rājā tam pavattim anārocetvā nagaram gantvā katapātarāso nagaraguttikam āmantetvā etamattham ārocesi. Nagaraguttiko- “kim, deva, kālaparicchedo kato”ti āha? Na kato bhañeti. Duṭṭhu kataṁ, deva, amanussā hi paricchinnamattameva labhanti, aparicchinne pana janapadassābādho bhavissati, hotu deva, kiñcāpi evamakāsi, apposukko tvam rajasukhamanubhohi, ahamettha kātabbam karissāmīti. So kālasseva vuṭṭhāya bandhanāgāradvāre ṣhatvā ye ye vajjhā honti, te te sandhāya “yo jīvitatthiko, so nikkhamatū”ti (1.0291) bhañati. Yo paṭhamam nikkhamati, tam geham netvā nhāpetvā bhojetvā ca “imaṁ thālipākam yakkhassa dehī”ti peseti. Tam rukkhamūlam paviṭṭhamattamyeva yakkho bheravam attabhāvam nimminitvā mūlakandam viya khādi. Yakkhānubhāvena kira manussānam kesādīni upādāya sakalasarīram navanītapiṇḍam viya hoti, yakkhassa bhattam gāhāpetum gatapurisā tam disvā bhītā yathāmittam ārocesum. Tato pabhuti “rājā core gahetvā yakkhassa detī”ti manussā corakammato paṭiviratā. Tato aparena samayena navacorānam abhāvena purāṇacorānañca parikkhayena bandhanāgārāni suññāni ahesum.

Atha nagaraguttiko rañño ārocesi. Rājā attano dhanam nagararacchāsu chaddāpesi “appeva nāma koci lobhena gaṇheyā”ti. Tam pādenapi koci nacchupi. So core alabhanto amaccānam ārocesi. Amaccā “kulapaṭipātiyā eka-mekam jinṇakam pesema, so pakatiyāpi maccupathe vattati”ti āhamsu. Rājā “amhākam pitaram amhākam pitāmaham pesetīti manussā khobham karissanti, mā vo etam rucci”ti vāresi. “Tena hi, deva, dārakam pesema uttānaseyyakam, tathāvidhassa hi ‘mātā me’ti ‘pitā me’ti sineho natthī”ti āhamsu. Rājā anujāni. Te tathā akamsu. Nagare dārakamātaro ca dārake gahetvā gabbhiniyo ca palāyitvā parajanapade dārake saṃvadḍhetvā ānenti. Evam dvādasa vassāni gatāni.

rañño ārocesum- “nathī, deva, nagare dārako ṭhapetvā antepure tava puttam ālāvakakumāran”ti. Rājā “yathā mama putto piyo, evam sabbalokassa, attanā pana piyataram natthī, gacchatha tampi datvā mama jīvitam rakkhathā”ti. Tena ca samayena ālavakassa mātā puttam nhāpetvā maṇḍetvā dukūlacumbaṭake katvā añke sayāpetvā nisinnā hoti. Rājapurisā rañño āñāya tattha gantvā vippalapantiyā tassā soḷasannañca devisahassānam saddhim dhātiyā tam ādāya pakkamiṣu, “sve yakkhabhakkho bhavissati”ti. Tamdivasañca bhagavā paccūsasamayam paccuṭṭhāya (1.0292) jetavanavihāre gandhakuṭiyam mahākaruṇāsamāpattim samāpajjitvā buddhacakkhunā lokam olokento addasa ālavakassa kumārassa anāgāmiphaluppattiyā upanissayam yakkhassa ca sotāpattiphaluppattiyā, desanāpariyosāne ca caturāśītipāñcasahassānam dhammacakkhupaṭilābhassāti. So vibhātāya rattiyā purimabhattakiccam katvā suniṭṭhitapacchābhattakicco kālapakkhūposathadivase vattamāne oggate sūriye eko adutyo pattacīvaramādāya pādamaggeneva sāvatthito tiṁsa yojanāni gantvā tassa yakkhassa bhavanam pāvisi. Tena vuttam “ālavakassa yakkhassa bhavane”ti.

Kiṁ pana bhagavā yasmim nigrodhe ālavakassa bhavanam, tassa mūle vihāsi, udāhu bhavaneyevāti? Bhavaneyeva. Yatheva hi yakkhā attano bhavanam passanti, tathā bhagavāpi. So tattha gantvā bhavanadvāre atṭhāsi. Tadā ālavako himavante yakkhasamāgamam gato hoti. Tato ālavakassa dvārapālo gadrabho nāma yakkho bhagavantaṁ upasaṅkamitvā vanditvā, “kiṁ, bhante, bhagavā vikāle āgato”ti āha. Āma, gadrabha, āgatomhi, sace te agaru, vihareyyāmekarattam ālavakassa bhavaneti. Na me, bhante, garu, apica kho so yakkho kakkhaṭo pharuso, mātāpitūnampi abhivādanādīni na karoti, mā rucci bhagavato idha vāsoti. Jānāmi, gadrabha, tassa sabhāvam, na koci mamantarāyo bhavissati. Sace te agaru, vihareyyāmekarattanti.

Dutiyampi gadrabho yakkho bhagavantaṁ etadavoca- “aggitattakapālasadiso, bhante, ālavako, mātāpitaroti vā samanabrahmaṇāti vā dhammoti vā na jānāti, idhāgatānam pana cittakkhepampi karoti, hadayampi phāleti, pādepi gahetvā para-samuddam vā paracakkavālam vā khipati”ti. Dutiyampi bhagavā āha- “jānāmi, gadrabha, sacepi te agaru, vihareyyāmekarattan”ti. Na me, bhante, garu, apica kho so yakkho attano anārocetvā anujānantam mām jīvitāpi voropeyya, ārocemi, bhante, tassāti. Yathāsukham (1.0293), gadrabha, ārocehīti. “Tena hi, bhante, tvameva jānāhī”ti bhagavantaṁ abhivādetvā himavantābhimukho pakkāmi. Bhavanadvārampi sayameva bhagavato vivaramadāsi. Bhagavā antobhavanaṁ pavisitvā yattha abhilakkitesu maṇgaladivasādīsu nisīditvā ālavako sirim anubhoti, tasmīmyeva dibbaratanamaye pallaṅke nisīditvā suvaṇṇābhām muñci. Tam disvā yakkhassa itthiyo āgantvā bhagavantaṁ vanditvā samparivāretvā nisīdiṁsu. Bhagavā “pubbe tumhe dānam datvā sīlam samādiyitvā pūjaneyyam pūjetvā imaṁ sampattim pattā, idānipi tatheva karotha, mā aññamaññam issāmacchariyābhībhūtā viharathā”ti-ādinā nayena tāsam pakiṇṇakadhammadhākatham kathesi. Tā bhagavato madhuranigghosam sutvā sādhukārasahassāni datvā bhagavantaṁ

samarivāretvā nisīdīmsuyeva. Gadrabhopi himavantam gantvā ālavakassārocesi- “yagghe, mārisa, jāneyyāsi vimāne te bhagavā nisinno”ti. So gadrabhassa saññām akāsi “tuṇhī hohi, gantvā kattabbam karissāmī”ti. Purisamānena kira lajjito ahosi, tasmā “mā koci parisamajjhe suṇeyyā”ti evamakāsi.

Tadā sātāgirahemavatā bhagavantam jetavaneyeva vanditvā “yakkhasamāgamam gamissāmā”ti saparivārā nānāyānehi ākāsenā gacchanti. Ākāse ca yakkhānaṁ sabbattha maggo natthi, ākāsaṭṭhāni vimānāni pariharitvā maggaṭṭhāneneva maggo hoti. Ālavakassa pana vimānam bhūmaṭṭham suguttam pākāraparikkittam susamvihitadvāra-aṭṭalakagopuram upari kamṣajālasañchannam mañjūsasadisam tiyojanam ubbedhena, tassa upari maggo hoti. Te tam padesamāgamma gantum nāsakkhiṁsu. Buddhānam hi nisinnokāsassa uparibhāgena yāva bhavaggā koci gantum na sakkoti. Te “kimidan”ti? Āvajjetvā bhagavantam disvā ākāse khittaleddu viya oruha vanditvā dhammam sutvā padakkhiṇam katvā, “yakkhasamāgamam gacchāma bhagavā”ti tīṇi vatthūni pasāṁsantā yakkhasamāgamam agamamsu. Ālavako te disvā, “idha nisīdathā”ti paṭikkamma okāsama-dāsi. Te ālavakassa nivedesum- “lābhā te, ālavaka, yassa te bhavane bhagavā viharati, gacchāvuso, bhagavantam payirupāsassū”ti. Evam bhagavā bhavane-yeva vihāsi, na yasmīm nigrodhe (1.0294) ālavakassa bhavanaṁ, tassa mūleti. Tena vuttam- “ekam samayaṁ bhagavā ālaviyam viharati ālavakassa yakkhassa bhavane”ti.

Atha kho ālavako ...pe... etadavoca- “nikkhama, samaṇā”ti kasmā panāyam etadavoca? Rosetukāmatāya. Tatrevam ādito pabhuti sambandho veditabbo-ayaṁ hi yasmā assaddhassa saddhākathā dukkathā hoti dussilādīnaṁ sīlādikathā viya, tasmā tesam yakkhānaṁ santikā bhagavato pasāṁsaṁ sutvāyeva aggimhi pakkhittalonasakkharā viya abbhantare kopena taṭataṭāyamānahadayo hutvā “ko so bhagavā nāma, yo mama bhavanam paviṭṭho”ti āha. Te ahaṁsu- “na tvam, āvuso, jānāsi bhagavantam amhākam satthāram, yo tusitabhavane ṭhito pañcamahāvilotitam viloketvā”ti-ādinā nayena yāva dhammacakkapavattanā kathentā paṭisandhi-ādīsu dvattimsa pubbanimittāni vatvā, “imānipi tvam, āvuso, acchariyāni nāddasā”ti? Codesum. So disvāpi kodhavasena “nāddasan”ti āha. Āvuso āla-vaka, passeyyāsi vā tvam, na vā, ko tayā attho passatā vā apassatā vā? Kim tvam karissasi amhākam satthuno, yo tvam tam upanidhāya calakkakudha-mahā-usabhasamīpe tadahujātavacchako viya, tidhā pabhinnamattavāraṇasamīpe bhiṅkapotako viya, bhāsuravilambitakesarasobhitakkhandhassa migarañño samīpe jarasiṅgālo viya, diyadḍhayojanasatapavadaḍḍhakāyasupaṇṭarājasamīpe chinnappa-kkhakākapotako viya khāyasi, gaccha yaṁ te karaṇiyam, tam karohīti. Evam vutte duṭṭho ālavako uṭṭhahitvā manosilātale vāmapādena ṭhatvā- “passatha dāni tumhākam vā satthā mahānubhāvo, ahaṁ vā”ti dakkhiṇapādena saṭṭhiyojanamattam kelāsapabbatakūṭam akkami. Tam ayokūṭapahaṭo viya niddhanta-ayo-piṇḍo papatikāyo muñci, so tatra ṭhatvā, “ahaṁ ālavako”ti ugghosesi. Sakalaja-mbudīpam saddo phari.

Cattāro kira saddā sakalajambudīpe sūyim̄su- yañca puṇṭako yakkhasenāpati

dhanañjayakorabyarājānam jūtam jinitvā apphoṭetvā “ahaṁ jinin”ti ugghosesi; yañca sakko devānamindo kassapabhagavato sāsane osakkante vissakammade-vaputtaṁ sunakham karitvā- “ahaṁ pāpabhikkhū ca (1.0295) pāpabhikkhuniyo ca upāsake ca upāsikāyo ca sabbeva ca adhammavādino khādāmī”ti ugghosāpesi; yañca kusajātake pabhāvatihetu sattahi rājūhi nagare uparuddhe pabhāvatim attanā saha hatthikkhandhe āropetvā nagarā nikkhamma- “ahaṁ sīhassaramahā-kusarājā”ti mahāpuriso ugghosesi; yañca kelāsamuddhani ṭhatvā ālavakoti. Tadā hi sakalajambudipe dvāre ṭhatvā ugghositasadisam ahosi. Tiyojanasahassavi-tthato ca himavāpi saṅkampi yakkhassānubhāvena.

So **vātamaṇḍalam** samuṭṭhāpesi- “eteneva samaṇam palāpessāmī”ti. Te puratthimādibhedā vātā samuṭṭhahitvā addhayojanayojanadvijoyojanappamāṇāni pabbatakūṭāni padāletvā vanagaccharukkhādīni ummūlam katvā, ālavina-garam pakkhantā jīṇahatthisālādīni cuṇṇentā chadaniṭṭhakā ākāse vidhamentā. Bhagavā “mā kassaci uparodho hotū”ti adhitthāsi. Te vātā dasabalam patvā cīvara-kaṇṇamattampi cāletum nāsakkhiṁsu. Tato **mahāvassam** samuṭṭhāpesi. “Uda-kena ajjhōthtaritvā samaṇam māressāmī”ti. Tassānubhāvena uparūpari satapaṭa-lasahassapaṭalādibhedā valāhakā utṭhahitvā pavassim̄su. Vuṭṭhidhārāvegena pathavī chiddā ahosi. Vanarukkhādīnam upari mahogho āgantvā dasabalassa cīvare ussāvabindumattampi temetum nāsakkhi. Tato **pāsāṇavassam** samuṭṭhāpesi. Mahantāni mahantāni pabbatakūṭāni dhūmāyantāni pajjalantāni ākāsenā-gantvā dasabalam patvā dibbamālāgulāni sampajjiṁsu. Tato **paharaṇavassam** samuṭṭhāpesi. Ekatodhārā-ubhatodhārā-asisattikhurappādayo dhūmāyantā pajjalantā ākāsenāgantvā dasabalam patvā dibbapupphāni ahesum. Tato **aṅgāra-vassam** samuṭṭhāpesi. Kīmsuka vaṇṇā aṅgārā ākāsenāgantvā dasabalassa pāda-mūle dibbapupphāni hutvā vikirayim̄su. Tato **kukkulavassam** samuṭṭhāpesi. Accuṇhā kukkulā ākāsenāgantvā dasabalassa pādamūle candanacuṇṇam hutvā nipatiṁsu. Tato **vālikavassam** samuṭṭhāpesi. Atisukhumavālikā dhūmāyantā pajjalantā ākāsenāgantvā dasabalassa pādamūle dibbapupphāni hutvā nipatiṁsu. Tato **kalalavassam** samuṭṭhāpesi. Tam kalalavassam dhūmāyantaṁ pajjalantam ākāsenāgantvā dasabalassa pādamūle dibbagandham hutvā nipati. Tato (1.0296) **andhakāram** samuṭṭhāpesi “bhiṁsetvā samaṇam palāpessāmī”ti. Tam caturaṅga-samannāgataṁ andhakārasadisam hutvā dasabalam patvā sūriyappabhāvihata-miva andhakāram antaradhāyi.

Evam yakkho imāhi navahi vātavassapāsāṇapaharaṇaṅgārakukkulavālikakala-landhakāravuṭṭihī bhagavantaṁ palāpetum asakkonto nānāvidhapaharaṇa-ha-tthāya anekappakārarūpabhūtagaṇasamākulāya caturaṅginiyā senāya sayameva bhagavantaṁ abhigato. Te bhūtagaṇā anekappakāre vikāre katvā “gaṇhatha hanathā”ti bhagavato upari āgacchantā viya honti. Apica kho niddhantaloha-piṇḍam viya makkhikā, bhagavantaṁ alliyitum asamatthāva ahesum. Evam santepī yathā bodhimande māro āgatavelāyameva nivatto, tathā anivattetvā upaḍḍharattimattam byākulamakam̄su. Evam upaḍḍharattimattam anekappakāravi-bhiṁsanakadassanenapi bhagavantaṁ cāletum asakkonto ālavako cintesi-

“yamnūnāham kenaci ajeyyam dussāvudham muñceyyan”ti.

Cattāri kira āvudhāni loke setṭhāni- sakkassa vajirāvudham, vessavaṇassa gadāvudham, yamassa nayanāvudham, ālavakassa dussāvudhanti. Yadi hi sakko duṭṭho vajirāvudham sinerumatthake pahareyya, aṭṭhasatṭhisahassādhikayojana-satasahassam vinivijjhītva heṭṭhato gaccheyya. Vessavaṇena kujhanakāle vissajjitatam gadāvudham bahūnam yakkhasahassānam sīsam pātetvā puna hatthapāsam āgantvā tiṭṭhati. Yamena duṭṭhena nayanāvudhena olokitamatte anekāni kumbhaṇḍasahassāni tattakapāle tilā viya pharantāni vinassanti. Ālavako duṭṭho sace ākāse dussāvudham muñceyya, dvādasa vassāni devo na vasseyya. Sace pathaviyam muñceyya. Sabbarukkhatiṇādīni sussitvā dvādasavassantare na puna viruheyyum. Sace samudde muñceyya, tattakapāle udakabindu viya sabbamudakam susseyya. Sace sinerusadisepi pabbate muñceyya, khaṇḍākhaṇḍam hutvā vikireyya. So evam mahānubhāvam dussāvudham uttarisāṭakam muñcītvā aggahesi. Yebhuyyena dasasahassīlokadhātudevatā vegena sannipatiṁsu “ajja (1.0) bhagavā ālavakam damessati, tattha dhammaṁ sossāmā”ti yuddhadassanakāmāpi devatā sannipatiṁsu. Evam sakalampi ākāsam devatāhi paripuṇṇamahosi.

Atha ālavako bhagavato samīpe uparūpari vicaritvā vatthāvudham muñci. Tam asanivicakkam viya ākāse bheravasaddam karontam dhūmāyantaṁ pajjalantam bhagavantam patvā yakkhamānamaddanattham pādapuñchanacoṭam hutvā pādamūle nipati. Ālavako tam disvā chinnavisāṇo viya usabho uddhatadāṭho viya sappo nittejo nimmado nipatitamānaddhajo hutvā cintesi- “dussāvudhampi me samaṇam nābhibhosī. Kīm nu kho kāraṇan”ti? “Idam kāraṇam, mettāvihārayutto samaṇo, handa nam rosetvā mettāya viyojemī”ti iminā sambandhenetam vuttaṁatha kho ālavako yakkho yena bhagavā ...pe... nikkhama samaṇāti. Tatthāyamadhippāyo- kasmā mayā ananuññāto mama bhavanam pavisitvā gharasāmiko viya itthāgārassa majhe nisinnosi? Ananuyuttametam samaṇassa yadidam adinnaparibhogo itthisaṁsaggo ca? Tasmā yadi tvam samaṇadhamme ṭhito, nikkhama samaṇāti. Eke pana- “etāni aññāni ca pharusavacanāni vatvā evāyam etadavocā”- ti bhaṇanti.

Atha bhagavā- “yasmā thaddho paṭithaddhabhāvena vinetuṁ na sakkā, so hi paṭithaddhabhāve kayiramāne, seyyathāpi caṇḍassa kukkurassa nāsāya pittam bhindeyya, so bhiyyosomattāya caṇḍataro assa, evam thaddhataro hoti, mudunā pana so sakkā vinetuṁ”ti ñatvā, **sādhāvusoti** piyavacanena tassa vacanam sampaticchitvā nikkhāmi. Tena vuttaṁ **sādhāvusoti bhagavā nikkhāmīti**.

Tato ālavako- “subbaco vatāyam samaṇo ekavacaneneva nikkhanto, evam nāma nikkhametum sukham samaṇam akāraṇenēvāham sakalarattim yuddhena abbhuyyāsin”ti muducitto hutvā puna cintesi- “idānipi na sakkā jānitum, kiṁ nu kho subbacatāya nikkhanto udāhu kodhano. Handāham vīmamsāmī”ti. Tato **pavisa**, **samaṇāti** āha. Atha subbacoti mudubhūtacittavatthānakaraṇattham puna piavacanam vadanto **sādhāvusoti** bhagavā (1.0298) pāvisi. Ālavako punappunam tameva subbacabhāvam vīmamsanto dutiyampi tatiyampi **nikkhama pavisāti** āha. Bhagavāpi tathā akāsi. Yadi na kareyya, pakatiyāpi thaddhayakkhassa cittam thaddhataram hutvā dhammakathāya bhājanam na bhaveyya. Tasmā yathā nāma mātā rodantam puttakam yam so icchatī, tam datvā vā katvā vā saññāpesi tathā bhagavā kilesarodanena rodantam yakkham saññāpetum yam so bhaṇati, tam akāsi. Yathā ca dhātī thaññam apivantaṁ dārakam kiñci datvā upalāletvā pāyeti, tathā bhagavā yakkham lokuttaradhammadhākhiram pāyetum tassa patthitavacanaka-raṇena upalālento evamakāsi. Yathā ca puriso lābumhi catumadhuram pūretukāmo tassabbhantaram sodheti, evam bhagavā yakkhassa citte lokuttaracatumadhuram pūretukāmo tassabbhantare kodhamalam sodhetum yāva tatiyam nikkhamanapavisanaṁ akāsi.

Atha ālavako “subbaco ayam samaṇo ‘nikkhamā’ti vutto nikhamati, ‘pavisā’ti vutto pavisati. Yamnūnāham imam samaṇam evameva sakalarattim kilametvā pāde gahetvā pāragaṅgāya khippeyyan”ti? Pāpakaṁ cittam uppādetvā catutthavāram āha **nikkhama**, **samaṇāti**. Tam ḡatvā bhagavā **na khvāham tanti** āha. Evam vā vutte taduttarikaraṇiyam pariyesamāno pañham pucchitabbam maññissati. Tam dhammakathāya mukham bhavissatīti ḡatvā, **na khvāham tanti** āha. Tattha **na-iti** paṭikkhepe. **Khoti** avadhāraṇe. **Ahanti** attanidassanam. **Tanti** hetuvacanam. Tenevettha “yasmā tvam evam cintesi, tasmā aham, āvuso, neva nikhamissāmi, yam te karaṇiyam, tam karohī”ti evamattho daṭhabbo.

Tato ālavako yasmā pubbepi ākāsenā gamanavelāya- “kiṁ nu kho etam suvaṇṇavimānam, udāhu rajatamaṇivimānānam aññataram, handa nam passāmā”ti evam attano vimānam āgate idhimante tāpasaparibbājake pañham pucchitvā vissajjetum asakkonte cittakkhepādīhi viheṭheti, tasmā bhagavantampi tathā viheṭhessāmīti maññamāno **pañham tanti-ādimāha**.

Kuto panassa pañhāti (1.0299)? Tassa kira mātāpitaro kassapam bhagavantam payirupāsitvā aṭha pañhe saha vissajjanena uggahesum. Te daharakāle ālavakam pariyāpuṇāpesum; so kālaccayena vissajjanam sammussi. Tato “ime pañhāpi mā vinassantū”ti suvaṇṇapatthe jātihiṅgulakena lekhāpetvā vimāne nikhipi. Evamete puṭṭhapañhā buddhavisayāva honti. Bhagavā tam sutvā yasmā buddhānam pariccattalābhantarāyo vā jīvitantarāyo vā sabbaññutaññāṇabyāmaprabhādipaṭighāto vā na sakkā kenaci kātum, tasmā nam loke asādhāraṇam buddhānubhāvam dassento **na khvāham tam, āvuso, passāmi sadevake loketi-ādimāha**.

Evam bhagavā tassa bādhanacittam paṭisedhetvā pañhāpucchane ussāham janento āha **apica tvam, āvuso, puccha, yadākaṇkhasīti**. Tassattho- puccha, yadi

ākāñkhasi, na me pañhāvissajjane bhāro atthi. Atha vā puccha, yañ ākañkhasi. Sabbam te vissajjessāmīti sabbaññupavārañam pavāresi asādhārañam pacceka-buddha-aggasāvakamahāsāvakehi. Evam bhagavato sabbaññupavārañāya pavāritāya **atha kho ālavako yakkho bhagavantañ gāthāya ajjhabhāsi.**

Tattha **kim sūdha vittanti**, kim su idha vittam. **Vittanti** dhanañ. Tam hi pītisañkhātañ vittim karoti, tasmā “vittan”ti vuccati. **Suciññanti** sukatañ. **Sukhanti** kāyikacetasikam sātam. **Āvahātīti** āvahati āneti deti appeti. **Have-iti** dañhatthe nipāto. **Sādutaranti** atisayena sādu. “Sādhutaran”tipi pātho. **Rasānanti** rasasaññitānam dhammānam. **Kathanti** kena pakārena. Kathamjīvino jīvitam **kathamjīvīñjīvitam**. Gāthābandhasukhattham pana sānunāsikam vuccati. Kathamjīvīm jīvatanti vā pātho, tassa “jīvantānam kathamjīvin”ti attho. Evam imāya gāthāya “kim su idha loke purisassa vittam settham? Kim su sucinñam sukhamāvahāti? Kim rasānam sādutaram? Kathamjīvīm jīvitam setthamāhū”ti? Ime cattāro pañhe pucchi.

Athassa bhagavā kassapadasabalena vissajjitanayeneva vissajjento imam gāthamāha **saddhīdha vittanti**. Tattha yathā hiraññasuvaññādi vittam upabhoga-sukham (1.0300) āvahati, khuppi pāsādidukkham pañibāhati, dāliddiyam vūpasameti, muttādiratanapañilābhahetu hoti, lokasantatiñca āvahati, evam lokiyalokuttarā saddhāpi yathāsambhavam lokiyalokuttaram vipākam sukhamāvahati, saddhādhurena pañipannānam jātijarādidukkham pañibāhati, gunadāliddiyam vūpasameti, satisambojjhañgādiratanapañilābhahetu hoti.

“Saddho sīlena sampanno, yaso bhogasamappito;

yañ yañ padesam bhajati, tattha tattheva pūjito”ti. (dha. pa. 303)-

Vacanato lokasantatiñca āvahatīti katvā “vittan”ti vuttam. Yasmā pana tesam saddhāvittam anugāmikam anaññasādhārañam sabbasampattihetu, lokiassa hiraññasuvaññādivittassāpi nidānam. Saddhoyeva hi dānādīni puññāni katvā vittam adhigacchat, assaddhassa pana vittam yāvadeva anathāya hoti, tasmā setthanti vuttam. **Purisassāti** ukkañthaparicchedadesanā. Tasmā na kevalam purisassa, itthi-ādīnampi saddhāvittameva setthanti veditabbam.

Dhammoti dasakusaladhammo, dānasīlabhāvanādhammo vā. **Suciññoti** sukato sucarito. **Sukhamāvahatīti** soñaseñthiputtarañthapālādīnam viya manussasukham, sakkādīnam viya dibbasukham, pariyoñne mahāpadumādīnam viya nibbānasukhañca āvahati.

Saccanti ayam saccasaddo anekesu atthesu dissati. Seyyathidam- “saccam bhañe na kujjheyā” ti-ādīsu (dha. pa. 224) vācāsacce. “Sacce ṭhitā samanabrahmañā cā”ti-ādīsu (jā. 2.21.433) viratisacce. “Kasmā nu saccāni vadanti nānā, pavādiyāse kusalā vadānā”ti-ādīsu (su. ni. 891) diñthisacce. “Cattārimāni, bhikkhave, brāhmañasaccāni”ti-ādīsu (a. ni. 4.185) brāhmañasacce. “Ekañ hi saccam na dutiyamatthi”ti-ādīsu (su. ni. 890; mahāni. 119) paramatthasacce. “Catunnam saccānam kati kusalā”ti-ādīsu (vibha. 216) ariyasacce. Idha pana paramatthasaccam nibbānam viratisaccañca abbhantaram katvā (1.0301) vācāsaccam adhippetam, yassānubhāvena udakādīni vase vattenti, jātijarāmarañapāram taranti. Yathāha-

“Saccena vācenuudakamhi dhāvati,
visampi saccena hananti pañditā;
saccena devo thanayaṁ pavassati,
sace ṭhitā nibbutim patthayanti.

“Ye kecime atthi rasā pathabyā,
saccam̄ tesam̄ sādutaram̄ rasānaṁ;
sacce ṭhitā samaṇabrahmaṇā ca,
taranti jātimaraṇassa pāraṇ”ti. (jā. 2.21.433);

Sādutaranti madhurataram̄ pañitataram̄. **Rasānanti** ye ime “mūlaraso khandharaso”ti-ādinā (dha. sa. 628-630) nayena sāyanīyadhammā, yecime “anujānāmi, bhikkhave, sabbam̄ phalarasam̄ (mahāva. 300), arasarūpo bhavam̄ gotamo, ye te, brāhmaṇa, rūparasā saddarasā (pārā. 3; a. ni. 8.11), anāpatti rasarase (pāci-605-611), ayam̄ dhammadvinayo ekaraso vimuttiraso (cūlava. 385; a. ni. 8.19), bhāgī vā bhagavā attharasassa dhammarasassā”ti-ādinā (mahāni. 149) nayena rūpācārarasupavajjā avasesā byañjanādayo “dhammarasā”ti vuccanti. Tesam̄ rasānaṁ saccam̄ have sādutaram̄ saccameva sādutaram̄. Sādhutaram̄ vā, setṭhataram̄, uttamataram̄. Mūlarasādayo hi sarīramupabruhenti, samkilesikañca sukhamāvahanti. Saccarase viratisaccavācāsaccarasā samathavipassanādīhi cittam̄ upabruheti, asamkilesikañca sukhamāvahati. Vimuttiraso paramatthasaccarasapribhāvitattā sādu, attharasadhammarasā ca tadadhigamūpāyabhūtam̄ atthañca dhammañca nissāya pavattitoti.

Paññājivimjivitanti ettha pana yvāyam̄ andhekacakkhudvicakkhukesu dvicakkhupuggalo gahaṭho vā kammantānuṭṭhāna-saraṇagamanadāna-samvibhāga-silasamādānuposathakammādi gahaṭṭhapatiṣṭipadaṁ, pabbajito vā avippaṭisārakara-silasaṅkhātaṁ taduttaricittavisuddhi-ādibhedampi pabbajitapaṭipadaṁ paññāya ārādhetvā jīvati, tassa (1.0302) paññāya jīvino jīvitam̄, tam̄ vā paññājivitam̄ setṭhamāhūti evamattho daṭṭhabbo.

Evam̄ bhagavatā vissajjite cattāropi pañhe sutvā attamano yakkho avasesepi cattāro pañhe pucchanto **katham̄su tarati oghanti** gāthamāha. Athassa bhagavā purimanayeneva vissajjento **saddhāya taratīti** gāthamāha. Tattha kiñcāpi yo catubbidhamogham̄ tarati, so saṃsāraṇṇavampi tarati, vaṭṭadukkhampi acceti, kilesamalāpi parisujjhati, evam̄ santepi pana yasmā assaddho oghataranam̄ asaddhanto na pakkhandati, pañcasu kāmaguṇesu cittavossaggenna pamatto tattheva visattattā saṃsāraṇṇavam̄ na tarati, kusīto dukkham̄ viharati vokiṇo akusalehi dhammehi, appañño suddhimaggam̄ ajānanto na parisujjhati, tasmā tappaṭipakkham̄ dassentena bhagavatā ayaṁ gāthā vuttā.

Evam̄ vuttāya cetāya yasmā sotāpattiyaṅgapadaṭṭhānam̄ saddhindriyam̄, tasmā **saddhāya tarati oghanti** iminā padena diṭṭhoghataranam̄ sotāpattimaggam̄ sotāpannañca pakāseti. Yasmā pana sotāpanno kusalānam̄ dhammānam̄ bhāvanāya sātaccakiriyasāṅkhatena appamādena samannāgato dutiyamaggam̄ ārādhetvā ṭhāpetvā sakidevimam̄ lokam̄ āgamanamaggam̄ avasesam̄ sotāpattimaggena atiṇṇam̄ bhavoghavatthum̄ saṃsāraṇṇavam̄ tarati, tasmā **appamādena aṇṇavanti**

iminā padena bhavoghataraṇam sakadāgāmimaggam sakadāgāmiñca pakāseti. Yasmā ca sakadāgāmī vīriyena tatiyamaggam ārādhetvā sakadāgāmimaggena anatītam kāmoghavatthum kāmoghasaññitañca kāmadukkhamacceti, tasmā **vīriyena dukkhamacceti**ti iminā padena kāmoghataraṇam anāgāmimaggam anāgāmiñca pakāseti. Yasmā pana anāgāmī vigatakāmasaññāya parisuddhāya paññāya ekantaparisuddham catutthamaggapaññam ārādhetvā anāgāmimaggena appahīnam avijjāsaṅkhātam paramamalam pajahati, tasmā **paññāya parisujjhati**ti, iminā padena avijjoghataraṇam arahattamaggañca arahattañca pakāseti. Imāya ca arahattanikūṭena kathitāya gāthāya pariyośāne yakkho sotāpattiphale patiṭṭhāsi.

Idāni (1.0303) tameva “paññāya parisujjhati”ti ettha vuttam paññāpadam gahetvā attano paṭibhānena lokiyalokuttaramissakam pañham pucchanto **kathamsu labhate paññanti** imam chappadam gāthamāha. Tattha **kathamsūti** sabbattheva atthayuttipucchā honti. Ayam hi paññādi-attham ñatvā tassa yuttim pucchati- “katham, kāya yuttiyā, kena kāraṇena paññam labhati”ti? Esa nayo dhanādīsu.

Athassa bhagavā catūhi kāraṇehi paññālābhām dassento **saddahānoti-ādi-māha**. Tassattho- yena pubbabhāge kāyasucaritādibhedena aparabhāge ca sattatiṁsabodhipakkhiyabhedena dhammena

arahanto buddhapaccekabuddhasāvakā nibbānam patta, tam saddahāno arahatam dhammam nibbānapattiyā lokyalokuttarapaññam labhati, tañca kho na saddhāmattakena. Yasmā pana saddhājato upasañkamati, upasañkamanto payirupāsatī, payirupāsanto sotam odahati, ohitasoto dhammam suñāti, tasmā upasañkamanato pabhuti yāva dhammassavanena sussūsam labhati. Kim vuttam hoti- tam dhammam saddahitvāpi ācariyupajjhāye kālena upasañkamitvā vattakarañena payirupāsitvā yadā payirupāsanāya ārādhitacittā kiñci vattukāmā honti. Atha adhigatāya sotukāmatāya sotam odahitvā suñanto labhatīti. Evam sussūsamapi ca sati-avippavāsenā appamatto subhāsitadubbhāsitaññutāya vicakkhaṇo eva labhati, na itaro. Tenāha “appamatto vicakkhaṇo”ti.

Evam yasmā saddhāya paññalābhāsamvattanikam paṭipadam paṭipajjati, sussūsāya sakkaccam paññādhigamūpāyam suñāti, appamādena gahitam na pamussati. Vicakkhaṇatāya anūnādhikam aviparītañca gahetvā vitthārikam karoti. Sussūsāya vā ohitasoto paññāpaṭilābhahetu dhammam suñāti, appamādena sutadhammam dhāreti, vicakkhaṇatāya dhatānam dhammānam atthamupapari-kkhati, athānupubbena paramathasaccam sacchikaroti, tasmāssa bhagavā “kathaṁsu labhate paññan”ti puṭṭho imāni cattāri kāraṇāni dassento imam gāthamāha.

Idāni (1.0304) tato pare tayo pañhe vissajjento **patirūpakārīti** imam gāthamāha. Tattha desakālādīni ahāpetvā lokyassa lokuttarassa vā dhanassa patirūpam adhigamūpāyam karotīti **patirūpakārī**. **Dhuravā** Ti cetasikavīriyavasena anikkhittadhuro. **Uṭṭhātāti**, “yo ca sītañca uñhañca, tiñā bhiyyo na maññatī”ti-ādinā (theragā. 232) nayena kāyikavīriyavasena uṭṭhānasampanno asithilaparakkamo. **Vindate dhananti** ekamūsikāya nacirasseva catusatasahassasañkham cūlantevāsī viya lokiyadhanañca, mahallakamahātissatthero viya lokuttaradhanañca labhati. So “tīhiyeva iriyāpathēhi viharissāmī”ti vuttam katvā thinamiddhāgamanavelāya palā-lacumbaṭakam temetvā sīse katvā galappamānam udakam pavisitvā thinamiddham paṭibāhanto dasahi vassehi arahattam pāpuṇi. **Saccenāti** vacīsacce-nāpi “saccavādī bhūtavādī”ti, paramathasaccenāpi “buddho paccekabuddho ariyasāvako”ti evam kittim pappoti. **Dadanti** yamkiñci icchitapatthitam dadanto mittāni ganthati, sampādeti karotīti attho. Duddadam vā dadam tam ganthati. Dānamukhena vā cattāripi saṅgahavatthūni gahitānīti veditabbāni, tehi mittāni karotīti vuttam hoti.

Evam gahaṭṭhapabbajitānam sādhārañena lokyalokuttaramissakena nayena cattāro pañhe vissajjetvā idāni “kathaṁ pecca na socati”ti imam pañcamam pañham gahaṭṭhavasena vissajjento **yasseteti-ādīmāha**. Tassattho- yassa “saddhāno arahatan”ti ettha vuttāya sabbakalyāṇadhammuppādikāya saddhāya sammānāgatattā **saddhassa**, **gharamesinoti** gharāvāsam pañca vā kāmagune esantassa gavesantassa kāmabhogino gahaṭṭhassa “saccena kittim pappoti”ti ettha vuttappakāram **saccam**. “Sussūsam labhate paññan”ti ettha sussūsapāññānāmena vuttova **damo**. “Dhuravā uṭṭhātā”ti ettha dhuranāmena uṭṭhānanāmena ca vuttā **dhiti**. “Dadam mittāni ganthati”ti ettha vuttappakāro **cāgo** cāti ete caturo

dhammā santi. **Sa ve pecca na socatīti** idhalokā paralokam gantvā sa ve na socatīti.

Evam (1.0305) bhagavā pañcamampi pañham vissajjetvā tam yakkham codento **iṅgha aññepīti-ādimāha**. Tattha **iṅghāti** codanatthe nipāto. **Aññepīti** aññepi dhamme puthū samaṇabrāhmaṇe pucchassu. Aññepi vā pūraṇādayo sabbaññupaṭiññe puthū samaṇabrāhmaṇe pucchassu. Yadi amhehi “saccena kittim pappoti”ti ettha vuttappakārā saccā bhiyyo kittippattikāraṇam vā, “sussūsam labhate paññan”ti ettha sussūsāti paññāpadesena vuttā dammā bhiyyo lokiyalokuttarapaññāpaṭilābhakāraṇam vā, “dadam mittāni ganthati”ti ettha vuttappakārā cāgā bhiyyo mittaganthanakāraṇam vā, “dhuravā uṭṭhātā”ti ettha tam tam atthavasam paṭicca dhuranāmena uṭṭhānanāmena ca vuttāya mahābhārasahanatthena ussolhibhāvappattāya vīriyasaṅkhātāya khantyā bhiyyo lokiyalokuttaradhanavindanakāraṇam vā, “saccam dammo dhti cāgo”ti evam vuttehi imeheva catūhi dhammehi bhiyyo asmā lokā param lokam pecca asocanakāraṇam vā idha vijjatīti ayameththa saddhim saṅkhepayojanāya atthavaṇṇanā. Vitthārato pana ekamekam padam atthuddhārapaduddhārapadavaṇṇanānayehi vibhajitvā veditabbā.

Evam vutte yakkho yena samsayena añne puccheyya, tassa pahīnattā **katham nu dāni puccheyyam**, puthū samaṇabrāhmaṇeti vatvā yepissa apucchanakāraṇam na jānanti, tepi jānāpento **yoham ajjapajānāmi**, yo attho samparāyikoti āha. Tattha **ajjāti** ajjādīm katvāti adhippāyo. **Pajānāmīti** yathāvuttena pakārena jānāmi. **Yo atthotī** ettāvatā “sussūsam labhate paññan”ti-ādinā nayena vuttam ditthadhammikam dasseti. **Samparāyikoti** iminā “yassete caturo dhammā”ti vuttam pecca sokābhāvakāraṇam samparāyikam. **Atthotī** ca kāraṇassetam adhivacanam. Ayaṁ hi atthasaddo “sāttham sabyañjanan”ti evamādīsu (pārā. 1; dī. ni. 1.255) pāṭhatthe vattati. “Attho me, gahapati, hiraññasuvanenā”ti-ādīsu (dī. ni. 2.250; ma. ni. 3.258) vicakkhaṇe. “Hoti sīlavatam attho”ti-ādīsu (jā. 1.1.11) vuḍḍhimhi. “Bahu-jano bhajate atthahetū”ti-ādīsu dhane. “Ubhinnamattham carati”ti-ādīsu (jā. 1.7.66; sam. ni. 1.250; theragā. 443) hite (1.0306). “Atthe jāte ca paṇḍitan”ti-ādīsu (jā. 1.1.92) kāraṇe. Idha pana kāraṇe. Tasmā yam paññādilābhādīnam kāraṇam ditthadhammikam, yañca pecca sokābhāvassa kāraṇam samparāyikam, tam yoham ajja bhagavatā vuttanayena sāmaṇyeva pajānāmi, so katham nu dāni puccheyyam puthū samaṇabrāhmaṇeti evameththa saṅkhepato attho veditabbo.

Evam yakkho “pajānāmi yo attho samparāyiko”ti vatvā tassa ñāṇassa bhagavāmūlakattam dassento **atthāya vata me buddhoti** āha. Tattha **atthāyāti** hitāya vuḍḍhiyā ca. **Yattha dinnam mahapphalanti** “yassete caturo dhammā”ti ettha vuttacāgena yattha dinnam mahapphalam, tam aggadakkhiṇeyyam buddham pajānāmīti attho. Keci pana “saṅgham sandhāya evamāhā”ti bhaṇanti.

Evam imāya gāthāya attano hitādhigamam dassetvā idāni sahitapaṭipattiṁ dīpentō **so aham vicarissāmīti-ādimāha**. Tattha **gāmā gāmanti** devagāmā devagāmam. **Purā puranti** devanagarato devanagaram. **Namassamāno sambuddham**, **dhammassa ca sudhammatanti** “sammāsambuddho vata bhagavā, svākkhāto vata bhagavato dhammo”ti-ādinā nayena buddhasubodhitañca dhammasudha-

mmatañca ca-saddena “suppañipanno vata bhagavato sāvakasañgho”ti-ādinā saṅghasuppañipattiñca abhitthavitvā namassamāno dhammadghosako hutvā vicarissāmīti vuttañ hoti.

Evamimāya gāthāya pariyośānañca rattivibhāvanañca sādhukārasadduṭṭhānañca ālavakakumārassa yakkhabhavanam ānayanañca ekakkhaṇeyeva ahosi. Rājapurisā sādhukārasaddam sutvā- “evarūpo sādhukārasaddo ṭhapetvā buddhe na aññesam abbhuggacchat, āgato nu kho bhagavā”ti āvajjentā bhagavato sarīraprabham disvā pubbe viya bahi aṭṭhatvā nibbisānkā antoyeva pavisitvā addasāmsu bhagavantañ yakkhassa bhavane nisinnam, yakkhañca añjaliñ paggahetvā ṭhitam. Disvāna yakkham āhañsu- “ayam te, mahāyakkha, rājakumāro bali-kammāya ānīto, handa nam khāda vā bhuñja vā, yathāpaccayañ vā karohī”ti. So sotāpannattā lajjito visesena (1.0307) ca bhagavato purato evam vuccamāno atha tam kumāram ubhohi hatthehi paṭiggahetvā bhagavato upanāmesi “ayam, bhante, kumāro mayham pesito, imāhañ bhagavato dammi, hitānukampakā buddhā, paṭiggaṇhātu, bhante, bhagavā imam dārakam imassa hitatthāya sukhathāyā”ti imañca gāthamā-

“Imam kumāram satapuññalakkhaṇam,
sabbañgupetam paripuññabyañjanam;
udaggacitto sumano dadāmi te,
paṭiggaha lokahitāya cakkhumā”ti.

Paṭiggahesi bhagavā kumāram. Paṭiggāhanto ca yakkhassa ca kumārassa ca maṅgalakaraṇattham pādūnagātham abhāsi. Tam yakkho kumāram saraṇam gamento tikkhattum catutthapādena pūresi. Seyyathidam-

“Dīghāyuko hotu ayam kumāro,
tuvañca yakkha sukhito bhavāhi;
abyādhitā lokahitāya tiṭṭhatha,
ayam kumāro saraṇamupeti buddham;
ayam kumāro saraṇamupeti dhammam;
ayam kumāro saraṇamupeti saṅghan”ti.

Atha bhagavā kumāram rājapurisānam adāsi- “imam vadḍhetvā puna mameva dethā”ti. Evam so kumāro rājapurisānam hatthato yakkhassa hattham, yakkhassa hatthato bhagavato hattham, bhagavato hatthato puna rājapurisānam hattham gatattā nāmato “hatthako ālavako”ti jāto. Tam ādāya paṭinivatte rājapurise disvā kassakavanakammikādayo “kiñ yakkho kumāram atidaharattā na icchī”ti? Bhītā pucchiñsu. Rājapurisā “mā bhāyatha. Khemam katañ bhagavatā”ti sabbamārocesum. Tato “sādu sādhū”ti sakalam ālavinagarañ ekakolāhalena yakkhābhīmukham ahosi. Yakkhopi bhagavato bhikkhācārakāle anuppatte pattacīvarañ gahetvā upadḍhamaggam anugantvā nivatti.

Atha bhagavā nagare piṇḍāya caritvā katabhakkicco nagaradvāre aññata-rasmim vivitte rukkhamūle paññattabuddhāsane nisīdi. Tato mahājanakāyena saddhiñ rājā ca nāgarā ca ekato sampiṇḍitvā bhagavantañ upasaṅkamma (1.0308) vanditvā parivāretvā nisinnā- “katham, bhante, evam dāruṇam yakkham damayi-

tthā”ti pucchiṁsu. Tesam bhagavā yuddhamādīm katvā “evam navavidham vassam vassetvā evam vibhiṁsanakam akāsi, evam pañham pucchi. Tassāham evam vissajjesin”ti tamevālavakasuttam kathesi. Kathāpariyosāne caturāsītipāṇa-sahassānam dhammābhismayo ahosi. Tato rājā ceva nāgarā ca vessavaṇama-hārājassa bhavanasaṁipe yakkhassa bhavanam katvā pupphagandhādisakkāru-petaṁ niccabalim pavattesum. Tañca kumāraṁ viññutam pattaṁ “tvam bhagavantam nissāya jīvitam labhi, gaccha bhagavantaṁyeva payirupāsassu bhikkhusaṅghañcā”ti vissajjesum. So bhagavantañca bhikkhusaṅghañca payirupāsamāno nacirasseva anāgāmiphale patiṭṭhāya sabbam buddhavacanam uggahetvā pañcasata-upāsakaparivāro ahosi. Bhagavā ca naṁ etadagge niddisi- “etadaggam, bhikkhave, mama sāvakānam upāsakānam catūhi saṅgahavatthūhi parisam saṅgañhantānam yadidam hatthako ālavako”ti (a. ni. 1.251). Dvādasamam.

Iti sāratthappakāsiniyā

Saṁyuttanikāya-aṭṭhakathāya

Yakkhasaṁyuttavaṇṇanā niṭṭhitā.

11. Sakkasaṁyuttam

1. Paṭhamavaggo

1. Suvīrasuttavaṇṇanā

247. Sakkasamyuttassa (1.0309) paṭhame **abhiyamṣūti** kadā abhiyamsu? Yadā balavanto ahesum, tadā. Tatrāyaṁ anupubbikathā- sakko kira magadharatṭhe macalagāmake magho nāma māṇavo hutvā tettiṁsa purise gahetvā kalyāṇakammam karonto satta vatapadāni püretvā tattha kālaṅkato devaloke nibbatti. Tam

balavakammānubhāvena saparisam̄ sesadevatā dasahi thānehi adhigaṇhantam disvā “āgantukadēvaputtā āgatā”ti nevāsikā gandhapānam sajjayimsu. Sakkō sakaparisāya saññam̄ adāsi-“mārisā mā gandhapānam pīvittha, pīvanākāramattameva dassethā”ti. Te tattha akāmsu. Nevāsikadēvata suvaṇṇasarakehi upanītam gandhapānam yāvadatthaṁ pīvitvā mattā tattha tattha suvaṇṇapathaviyam patitvā sayimsu. Sakkō “gaṇhatha puttahatāya putte”ti te pādesu gahetvā sinerupāde khipāpesi. Sakkassa puññatejena tadanuvattakāpi sabbe tattheva patīmsu. Te sineruvemajjhakāle saññam̄ labhitvā, “tātā na suram pīvimha, na suram pīvhā”ti āham̄su. Tato paṭṭhāya asurā nāma jātā. Atha nesam̄ kammapaccaya-utusamūṭhānam̄ sinerussa heṭṭhimatale dasayojanasahassam̄ asurabhavanam nibbatti. Sakkō tesam̄ nivattetvā anāgamanatthāya ārakkham̄ ṭhapesi, yam sandhāya vuttam-

“Antarā dvinnam̄ ayujjhapurānam̄,
pañcavidhā ṭhapitā abhirakkhā;
udakam̄ karoṭi-payassa ca hārī,
madanayutā caturo ca mahathā”ti.

Dve (1.0310) nagarāni hi yuddhena gahetuṁ asakkuṇeyyatāya ayujjhapurāni nāma jātāni devanagarañca asuranagarañca. Yadā hi asurā balavanto honti, atha devehi palāyitvā devanagaram pavisitvā dvāre pidahite asurānam̄ satasaha-ssampi kiñci kātum na sakkoti. Yadā devā balavanto honti, athāsurehi palāyitvā asuranagarassa dvāre pidahite sakkānam̄ satasahassampi kiñci kātum na sakkoti. Iti imāni dve nagarāni ayujjhapurāni nāma. Nesam̄ antarā etesu udakādīsu pañcasu thānesu sakkena ārakkhā ṭhapitā. Tattha **udaka**saddena nāgā gahitā. Te hi udate balavanto honti. Tasmā sinerussa paṭhamālinde tesam̄ ārakkhā. **Karoṭi**saddena supaṇṇā gahitā. Tesam̄ kira karoṭi nāma pānabhojanam̄, tena tam nāmam̄ labhiṁsu. Dutiyālinde tesam̄ ārakkhā. **Payassahārī**saddena kumbhaṇḍā gahitā. Dānavarakkhasā kira te. Tatiyālinde tesam̄ ārakkhā. **Madanayuta**saddena yakkhā gahitā. Visamacārino kirate yujjhasonḍā. Catutthālinde tesam̄ ārakkhā. **Caturo ca mahantāti** cattāro mahārājāno vuttā. Pañcamālinde tesam̄ ārakkhā. Tasmā yadi asurā kūpitāvilacittā devapuram upayanti yuddhesū, yam girino paṭhamam̄ paribhaṇḍam̄, tam uragā paṭibāhanti evam̄ sesesu sesā.

Te pana asurā āyuvāṇiarasa-issariyasampattīhi tāvatiṁsasadisāva. Tasmā antarā attānam̄ ajānitvā pāṭaliyā pupphitāya, “na idam̄ devanagaram, tattha pāri-cchattako pupphati, idha pana cittapāṭalī, jarasakkenāmhākam̄ suram pāyetvā vañcitā, devanagarañca no gahitam̄, gacchāma tena saddhim̄ yujjhissāmā”ti hatthi-assarathe āruyha suvaṇṇarajatamaṇiphalakāni gahetvā, yuddhasajjā hutvā, asurabheriyo vādentā mahāsamudde udakam̄ dvidhā bhettvā utṭhahanti. Te deve vuṭṭhe vammikamakkhikā vammikam̄ viya sinerum̄ abhiruhitu ārabhanti. Atha nesam̄ paṭhamam̄ nāgehi saddhim̄ yuddham̄ hoti. Tasmīm̄ kho pana yuddhe na kassaci chavi vā cammam̄ vā chijjati, na lohitam̄ uppajjati, kevalam̄ kumārakānam dārumenḍakayuddham̄ viya aññamaññam̄ santāsanamattameva (1.0311) hoti. Koṭisatāpi koṭisahassāpi nāgā tehi saddhim̄ yujjhītvā te asurapuram̄yeva pave-

setvā nivattanti.

Yadā pana asurā balavanto honti, atha nāgā osakkitvā dutiye ālinde supaṇṇehi saddhim̄ ekatova hutvā yujjhanti. Esa nayo supaṇṇādīsūpi. Yadā pana tāni pañcapi ṭhānāni asurā maddanti, tadā ekato sampiṇḍitānipi pañca balāni osakkanti. Atha cattāro mahārājāno gantvā sakkassa tam̄ pavattim̄ ārocenti. Sakko tesam̄ vacanam̄ sutvā diyadḍhayojanasatikam̄ vejayantaratham̄ āruyha sayam̄ vā nikhamati, ekam̄ vā puttam̄ peseti. Imasmiṁ pana kāle puttam̄ pesetukāmo, **tāta suvīrāti-ādimāha**.

Evam̄ bhaddantavāti khoti evam̄ hotu bhaddam̄ tava iti kho. **Pamādaṁ āpāde-**sīti pamādaṁ akāsi. Accharāsaṅghaparivuto saṭṭhiyojanam̄ vitthārena suvaṇṇama-
hāvīthim̄ otaritvā nakkhattam̄ kīlanto nandanavanādīsu vicaratīti attho.

Anuṭṭhahanti anuṭṭhahanto. **Avāyāmanti** avāyamanto. **Alasvassāti** alaso assa. **Na ca kiccāni kārayeti** kiñci kiccam̄ nāma na kareyya. **Sabbakāmasamiddhassāti** sabbakāmehi samiddho assa. **Tam̄ me, sakka, varam̄ disāti**, sakka devasetṭha, tam̄ me varam̄ uttamam̄ ṭhānam̄ okāsam̄ disam̄ ācikkha kathehīti vadati. **Nibbānassa hi so maggoti** kammam̄ akatvā jīvitatṭhānam̄ nāma nibbānassa maggo. Paṭhamam̄.

2. Susīmasuttavaṇṇanā

248. Dutiye **susīmanti** attano puttahassassa antare evamnāmakam̄ ekam̄ puttameva. Dutiyam̄.

3. Dhajaggasuttavaṇṇanā

249. Tatiye **samupabyūḥoti** sampiṇḍito rāsibhūto. **Dhajaggam̄ ullokeyyathāti** sakkassa kira diyadḍhayojanasatāyāmo ratho (1.0312). Tassa hi pacchimanto paṇṇāsayojano, majhe rathapañjaro paṇṇāsayojano, rathasandhito yāva rathasīsā paṇṇāsayojanāni. Tadeva pamānam̄ diguṇam̄ katvā tiyojanasatāyāmotipi vadantiyeva. Tasmiṁ yojanikapallaṅko atthato, tiyojanikam̄ setacchattam̄ matthake ṭhapitam̄, ekasmimyeva yuge sahassa-ājaññā yuttā, sesālaṅkārassa pamānam̄ natthi. Dhajo panassa aḍḍhatiyāni yojanasatāni uggato, yassa vātāhatassa pañcaṅgikatūriyasseva saddo niccharati, tam̄ ullokeyyāthāti vadati. Kasmā? Tam̄ passantānañhi rājā no āgantvā parisapariyante nikhātathambho viya ṭhito, kassa mayam̄ bhāyāmāti bhayaṁ na hoti. **Pajāpatissāti** so kira sakkena samānavāṇo samānāyuko dutiyam̄ āsanam̄ labhati. Tathā **varuṇo īsāno** ca. Varuṇo pana tatiyam̄ āsanam̄ labhati, īsāno catuttham̄. **Palāyīti** asurehi parājito tasmiṁ rathe ṭhito appamattakampi rajadhajam̄ disvā palāyanadhammo.

Itipi so bhagavāti-ādīni visuddhimagge vitthāritāneva. **Idamavocāti** idam̄ dhajaggaparittam̄ nāma bhagavā avoca, yassa āñākhette koṭisatasahassacakavāle ānubhāvo vattati. Idam̄ āvajjetvā hi yakkhabhayacorabhayādīhi dukkhehi muttānam̄ anto natthi. Tiṭṭhatu aññadukkhavūpasamo, idam̄ āvajjamāno hi pasa-

nnacitto ākāsepi patiṭṭham labhati.

Tatridam vatthu- dīghavāpicetiyamhi kira sudhākamme kayiramāne eko daharo muddhavedikāpādāto patitvā cetiyakucchiyā bhassati. Heṭṭhā ṭhito bhikkhusaṅgo “dhajaggaparittam, āvuso, āvajjāhī”ti āha. So maraṇabhayena tajjito “dhajaggaparittam mām rakkhatū”ti āha. Tāvadevassa cetiyakucchito dve iṭṭhakā nikkhamitvā sopānaṁ hutvā aṭṭhamṣu, upariṭṭhito vallinisseṇim otāresum. Tasmiṁ nisseṇiyam ṭhite iṭṭhakā yathātṭhāneyeva aṭṭhamṣu. Tatiyam.

4. Vepacittisuttavaṇṇanā

250. Catutthe (1.0313) **vepacittīti** so kira asurānam sabbajeṭṭhako. **Yenāti** nipātāmattam **nanti** ca. **Kaṇṭhapañcamehīti** dvīsu hatthesu pādesu kaṇṭhe cāti evam pañcahi bandhanehi. Tāni pana naṭinasuttam viya makkaṭakasuttam viya ca cakkhussāpātham āgacchanti, iriyāpatham rujjhanti. Tehi pana citteneva bajjhati, citteneva muccati. **Akkosatīti** corosi bālosi mūlhosi thenosi oṭṭhosи goṇosi gadrabhosi nerayikosi tiracchānagatosi, natthi tuyham sugati, duggatiyeva tuyham pāṭikaṅkhāti imehi dasahi akkosavatthūhi akkosati. **Paribhāsatīti**, jarasakka, na tvam sabbakālam jinissasi, yadā asurānam jayo bhavissati, tadā tampi evam bandhitvā asurabhavanassa dvāre nipajjāpetvā pothāpessāmīti ādīni vatvā tajjeti. Sakko vijitavijayo na tam manasi karoti, mahāpaṭiggahaṇam panassa matthake vidhunanto sudhammadivasabham pavisati ceva nikkhamati ca. **Ajjhabhāsatīti** “kim nu kho esa sakko imāni pharusavacanāni bhayena titikkhati, udāhu adhvāsanakhantiyā samannāgatattā”ti? Vīmaṇsanto abhāsi.

Dubbalyā noti dubbalabhāvena nu. **Paṭisamyujeti** paṭisamyujeyya paṭipphareyya. **Pabhijjeyyunti** virajjeyyum. Pakujjheyyuntipi pāṭho. **Paranti** paccatthikam. **Yo sato upasammātīti** yo satimā hutvā upasammati, tassa upasamāmyevāham bālassa paṭisedhanam maññeti attho. **Yadā nam maññatīti** yasmā tam maññati. **Ajjhāruhatīti** ajjhottharati. **Gova bhiyyo palāyinanti** yathā goyuddhe tāvadeva dve gāvo yujjhante gogaṇo olokento tiṭṭhati, yadā pana eko palāyati, atha nam palāyantam sabbo gogaṇo bhiyyo ajjhottharati. Evam dummedho khamantam bhiyyo ajjhottharatīti attho.

Sadatthaparamāti sakatthaparamā. **Khantyā bhiyyo na vijjatīti** tesu saka-attha-paramesu atthesu khantito uttaritaro añño attho na vijjati. **Tamāhu paramam khantinti** yo balavā titikkhati, tassa tam khantim paramam āhu. **Bālabalam** nāma aññānabalam. Tam yassa balam, abalameva (1.0314) tam balanti āhu kathentīti dīpeti. **Dhammaguttassāti** dhammena rakkhitassa, dhammaṁ vā rakkhantassa. **Paṭivattāti** paṭippharitvā vattā, paṭippharitvā vā bālabalanti vadeyyāpi, dhammaṭṭham pana cāletum samattho nāma natthi. **Tasseva** tena pāpiyoti tena kodhena tasseva puggalassa pāpam. Katarassa? **Yo kuddham paṭikujjhati.** **Tiki-cchantānanti** ekavacane bahuvacanam, tikičchantanti attho. **Janā maññantīti** eva-rūpam attano ca parassa cāti ubhinnam attham tikičchantam nipphādentam puggalam “andhabālo ayan”ti andhabālaputhujjanāva evam maññanti.

Dhammassa akovidāti catusaccadhamme achekā. Idhāti imasmiṃ sāsane. Khoti nipātamattam. Catuttham.

5. Subhāsitajayasuttavaṇṇanā

251. Pañcame **asurindam etadavocāti** chekatāya etam avoca. Evaṃ kirassa ahosi “parassa nāma gāham mocetvā paṭhamam vattuṃ garu. Parassa vacanam anugantvā pana pacchā sukham vattun”ti. **Pubbadevāti** devaloke ciranivāsino pubbasāmikā, tumhākam tāva paveṇi-āgataṃ bhaṇathāti. **Adaṇḍāvacarāti** daṇḍāvacaraṇarahitā, daṇḍam vā sattham vā gahetabbanti evamettha natthīti attho. Pañcamam.

6. Kulāvakasuttavaṇṇanā

252. Chatthe **ajjhabhāsi** Ti tassa kira simbalivanābhimukhassa jātassa rathasaddo ca ājāniyasaddo dhajasaddo ca samantā asanipātasaddo viya ahosi. Tam sutvā simbalivane balavasupaṇṇā palāyiṃsu, jarājiṇṇā ceva rogaḍubbalā ca asaṇjātapakkhapotakā ca palāyitum asakkontā, maraṇabhayena tajjitat ekappahare neva mahāviravam viraviṃsu. Sakko tam sutvā “kassa saddo, tātā”ti? Mātalim pucchi. Rathasaddam, te deva, sutvā supaṇṇā palāyitum asakkontā viravantīti. Tam sutvā karuṇāsamāvajjithadayo abhāsi. **Isāmukhenāti** rathassa isāmukhena. Yathā kulāvake isāmukham na sañcuṇneti, evaṃ iminā isāmukhena te parivajjaya. So hi ratho puññapaccayanibbatto cakkavālāpabbatepi (1.0315) sinerumhipi sammukhībhūte vinivijjhītvā gacchatī na sajjati, ākāsagatasadiseneva gacchatī. Sace tena simbalivanena gato bhaveyya, yathā mahāsakaṭe kadalivanamajjhena vā eraṇḍavanamajjhena vā gacchante sabbavanam vibhaggam nimmathitam hoti, evaṃ tampi simbalivanam bhaveyya. Chattham.

7. Nadubbiyasuttavaṇṇanā

253. Sattame **upasaṅkamīti** “ayam sakko

'yopi me assa supaccatthiko, tassa pāham na dubbheyyan'ti cinteti, mayā tassa paccatthikataro nāma natthi, vīmamsissāmi tāva nam, kiṁ nu kho mam passitvā dubbhati, na dubbhati"ti cintetvā upasaṅkami. **Tiṭṭha vepacitti gahito**ti vepacitti, etheva tiṭṭha, gahito tvam mayāti vadati. Saha vacanenevassa so kaṇṭhapañca-mehi bandhanehi baddhova ahosi. **Sapassu ca meti** mayi adubbhathāya sapathaṁ karohiti vadati. **Yaṁ musābhaṇato pāpanti** imasmiṁ kappe paṭhamakappaikesu cetiyarañño pāpam sandhāyāha. **Ariyūpavādinoti** kokalikassa viya pāpam. **Mittadduno ca yaṁ pāpanti mahākapijātake** mahāsatte duṭṭhacittassa pāpam. **Aka-taññunoti** devadattasadisassa akataññuno pāpam. Imāni kira imasmiṁ kappe cattāri mahāpāpāni. Sattamam.

8. Verocana-asurindasuttavaṇṇanā

254. Aṭṭhame **aṭṭhamśūTi** dvārapālarūpākāni viya ṭhitā. **Nipphadāti** nipphatti, yāva attho nippajjati, tāva vāyamethevāti vadati. Dutiyagāthā sakkassa. Tattha **khantyā bhiyyoti** nippannasobhanesu atthesu khantito uttaritaro attho nāma natthi. **Atthajātāti** kiccajātā. Soṇasingālādayopi hi upādāya akiccajāto satto nāma natthi. Ito etto gamanamattampi kiccameva hoti. **Samyogaparamā tveva, sambhogā sabbapāṇinanti** pārivāsika-odanādīni hi asambhogārahāni honti, tāni puna uṇhāpetvā bhajitvā sappimadhuphāṇitādīhi samyojitāni sambhogārahāni honti. Tenāha "samyogaparamā tveva, sambhogā sabbapāṇinan"ti (1.0316). **Nippannasobhano atthoti** ime athā nāma nippannāva sobhanti. Puna catutthagāthā sakkassa. Tatthāpi vuttanayeneva attho veditabbo. Aṭṭhamam.

9. Araññāyatana-isisuttavaṇṇanā

255. Navame **paññakuṭīsu sammantīti** himavantapadese ramaṇīye araññāyane rattīṭṭhānadināvāṭṭhānacaṅkamanādīhi sampannāsu paññasālāsu vasanti. **Sakko ca devānamindo vepacitti cāti** ime dve janā jāmātikasasurā kālena kalaham karonti, kālena ekato caranti, imasmiṁ pana kāle ekato caranti. **Paṭaliyoti gaṇa-ṅgāṇūpāhanā.** **Khaggam olaggetvāti** khaggam amse olaggetvā. **Chattenāti** dibbasetacchattena matthake dhārayamānenā. **Apabyāmato karitvāti** byāmato akatvā. **Ciradikkhitānanti** cirasamādiṇṇavatānam. Ito paṭikkammāti "ito pakkama parivajjaya, mā uparivāte tiṭṭhā"ti vadanti. **Na hettha devāti** etasmīm sīlavantānam gandhe devā na paṭikkūlasaññino, iṭṭhakantamanāpasaññinoyevāti dīpeti. Navamam.

10. Samuddakasuttavaṇṇanā

256. Dasame **samuddatīre paññakuṭīsūti** cakkavālamahāsamuddapiṭṭhiyam raja-tapaṭṭavaṇṇe vālukapuṭine vuttappakārāsu paññasālāsu vasanti. **Siyāpi noti** siyāpi amhākam. **Abhayadakkhiṇam yāceyyāmāti** abhayadānam yāceyyāma.

Yebhuyyena kira devāsurasaṅgāmo mahāsamuddapiṭhe hoti. Asurānam na sabbakālam jayo hoti, bahuvāre parājayova hoti. Te devehi parājītā palāyantā isinām assamapadena gacchantā “sakko imehi saddhiṃ mantetvā amhe nāseti, gaṇhatha puttahatāya putte”ti kūpitā assamapade pānīyaghaṭacaṅkamanasālā-dīni viddhamṣenti. Isayo araññato phalāphalam ādāya āgatā naṃ disvā puna dukkhena paṭipākatikam (1.0317) karonti. Tepi punappunaṃ tathēva vināsentī. Tasmā “idāni tesam saṅgāmo paccupaṭṭhito”ti sutvā evam cintayimṣu.

Kāmaṅkaroti icchitakaro. **Bhayassa abhayassa vāti bhayaṃ vā abhayaṃ vā.** Idam vuttam hoti- sace tvam abhayaṃ dātukāmo, abhayaṃ dātum pahosi. Sace bhayaṃ dātukāmo. Bhayaṃ dātum pahosi. Amhākam pana abhayadānam dehīti. **Duṭṭhānanti** viruddhānam. **Pavuttanti** khette patiṭṭhāpitaṃ.

Tikkhattum ubbjijīti sāyamāsabhattam bhuñjitvā sayanam abhiruyha nipanno niddāya okkantamattāya samantā ṭhatvā sattisatena pahaṭo viya viravanto utṭhāhati, dasayojanasahassam asurabhavanam “kimidan”ti saṅkhobham āpajjati. Atha naṃ āgantvā “kimidan”ti pucchanti. So “na kiñci”ti vadati. Dutiyayāmādīsupi eseva nayo. Iti asurānam “mā bhāyi, mahārājā”ti tam assāsentānamyeva aruṇam uggacchati. Evamassa tato paṭṭhāya gelaññajātam cittam vepati. Teneva cassa “vepacitti”ti aparam nāmaṃ udapādīti. Dasamam.

Paṭhamo vaggo.

2. Dutiyavaggo

1. Vatapadasuttavaṇṇanā

257. Dutiyaggassa paṭhame **vatapadānī** Ti vatakoṭṭhāsāni. **Samattānī** Ti paripuṇṇāni. **Samādinnañānī** ti gahitāni. **Kule jeṭṭhāpacāyīti** kulajetṭhakānam mahāpitā mahāmātā cūḍapitā cūḍamātā mātulo mātulānīti-ādīnam apacitikārako. **Saṅhavā-coti** piyamudumaduravāco. **Muttacāgoti** vissaṭṭhacāgo. **Payatapānīti** deyyadhammadānatthāya sadā dhotahattho. **Vossaggaratoti** vossajjane rato. **Yācayogoti** parehi yācitabbāraho, **yācayogoti** vā yācayogeneva yutto. **Dānasamvibhāgaratoti** dāne ca saṃvibhāge ca rato. Paṭhamam.

2. Sakkanāmasuttavaṇṇanā

258. Dutiye (1.0318) **manussabhūtoti** magadharaṭṭhe macalagāme manussabhūto. **Āvasatham adāsī** Ti catumahāpathe mahājanassa āvasatham kāretvā adāsi. **Sahassampi atthānanti** sahassampi kāraṇānam, janasahassena vā vacanasahassena vā osārite “ayam imassa attho, ayam imassa attho”ti ekapade ṭhitova vinicchinati. Dutiyam.

3. Mahālisuttavaṇṇanā

259. Tatiye **upasaṅkamīti** “sakko devarājāti kathenti, atthi nu kho so sakko, yena so diṭṭhapubboti imamattham dasabalam pucchissāmi”ti upasaṅkami. **Tañca pajā-nāmīti** bahuvacane ekavacanam, te ca dhamme pajānāmīti attho. Sakko kira anantare attabhāve magadharatthe macalagāme magho nāma māṇavo ahosi paṇḍito byatto, bodhisattacariyā viya ca tassa cariyā ahosi. So tettimsa purise gahetvā kalyāṇamakāsi. Ekadivasam attanova paññāya upaparikkhitvā gāmamajjhē mahājanassa sannipatitatthāne kacavaram ubhatopassesu apabyūhitvā tam thānam ramaṇiyam akāsi. Puna tattheva maṇḍapam kāresi. Puna gacchante kāle sālam kāresi. Gāmato ca nikhamitvā gāvutampi adḍhayojanampi tigāvutampi yojanampi vicaritvā tehi sahāyehi saddhim visamaṁ samam akāsi. Te sabbeva eka-cchandā tattha tattha setuyuttaṭṭhāne setum, maṇḍapasālāpokkharaṇimālāvaccharopanapadīnam yuttaṭṭhānesu maṇḍapasālāpokkharaṇimālāvaccharopanādīni karontā bahuṁ puññamakam̄su. Magho satta vatapadāni pūretvā kāyassa bhedā saddhim sahāyehi tāvatiṁsabhavane nibbatti. Tam sabbam bhagavā jānāti. Tenāha- **yesam dhammānam samādinnattā sakko sakkattam ajjhagā, tañca pajā-nāmīti**. Ayaṁ sakkassa sakkattādhigame saṅkhepakathā, vitthāro pana sumaṅgavilāsiniyā dīghanikāyatthakathāya sakkapaṇhavaṇṇanāyam vutto. Tatiyam.

4. Daliddasuttavaṇṇanā

260. Catutthe (1.0319) **manussadaliddoti** manussa-adhano. **Manussakapaṇoti** manussakāruññataṁ patto. **Manussavarākoti** manussalāmako. **Tatrāti** tasmiṁ thāne, tasmiṁ vā atirocane. **Ujjhāyantīti** avajjhāyanti lāmakato cintenti. **Khiyantīti** kathenti pakāsentī. **Vipācentīti** tattha tattha kathenti vitthārenti. **Eso kho mārisāti** ettha ayamanupubbikathā- so kira anuppanne buddhe kāsiraṭṭhe bārāṇasirājā hutvā samussitaddhajapaṭākanānālānkārena suṭṭhu alānkatam nagaram padakkhiṇam akāsi attano sirisampattiyā samākadḍhitānettena janakāyena samullokiyamāno. Tasmiñca samaye eko paccekabuddho gandhamādanapabbatā āgamma tasmiṁ nagare piṇḍāya carati, santindriyo santamānaso uttamadamatthasamannāgato. Mahājanopi rājagatam cittikāram pahāya paccekabuddhameva olokesi. Rājā- “idāni imasmiṁ janakāye ekopi maṁ na oloketi. Kim nu kho etan”ti? Olokento paccekabuddham addasa. Sopi paccekabuddho mahallako hoti pacchimavaye ṭhito. Cīvarānipissa jīṇāni, tato tato suttāni galānti. Rañño satasahassā-dhikāni dve asaṅkhyeyyāni pūritapāramiṁ paccekabuddham disvā cittapasāda-mattam vā hattham pasāretvā vandanamattam vā nāhosī. So rājā “pabbajito maññe esa usūyāya maṁ na oloketi”ti kujjhītvā “kvāyam kuṭṭhicīvarāni pāruto”ti niṭṭhubhitvā pakkāmi. Tassa kammasa vipākena mahāniraye nibbattitvā vipākā-vasesena manussalokam āgacchanto rājagahe paramakapaṇāya itthiyā kucchimhi paṭisandhim gaṇhi. Gahitakālato paṭṭhāya sā itthī kañjikamattampi uda-

rapūram nālattha. Tassa kucchigatasseva kañjanāsā vilīnā, sañkhapalitakuṭṭhī hutvā mātukucchito nikkhanto. Mātāpitaro nāma dukkarakārikā honti, tenassa mātā yāva kapālam gahetvā caritum na sakkoti, tāvassa kañjikampi udakampi āharitvā adāsi. Bhikkhāya caritum samatthakāle panassa kapālam hatthe datvā “paññāyissasi sakena kammenā”ti pakkāmi.

Athassa (1.0320) tato paṭṭhāya sakalasarirato māmsāni chijjivā chijjivā patanti, yūsam paggharati, mahāvedanā vattanti. Yaṁ yaṁ raccham nissāya sayati, sabbarattim mahāravena ravati. Tassa kāruññaparidevitasaddena sakalavīthiyam manussā sabbarattim niddam na labhanti. Tassa tato paṭṭhāya sukhasayite pabodhetīti **suppabuddhotveva** nāmam udapādi. Athāparena samayena bhagavati rājagahaṁ sampatte nāgarā satthāram nimantetvā nagaramajjhe mahāmaṇḍapam katvā dānam adamsu. Suppabuddhopi kuṭṭhī gantvā dānaggamaṇḍapassa avidūre nisidi. Nāgarā buddhappamukham bhikkhusaṅgham pañītena khādanīyena bhojanīyena parivisantā tassāpi yāgubhattam adamsu. Tassa pañītabhojanam bhuttassa cittaṁ ekaggam ahosi. Satthā bhattakiccāvasāne anumodanam katvā saccāni dipesi, suppabuddho nisinnatthāne nisinnova desanānusārena nāṇam pesetvā sotāpattiphale patiṭṭhito. Satthā utṭhāya vihāram gato. Sopi cumbaṭam āruhya kapālamādāya daṇḍamolubbha attano vasanaṭṭhānam gacchanto vibbhantāya gāviyā jīvitā voropito mattikapātim bhinditvā suvaṇṇapātim paṭilabhanto viya dutiyacittavāre devaloke nibbatto attano puñṇam nissāya aññe deve atikkamma virocittha. Tam kāraṇam dassento sakko devānamindo **eso kho mārisāti-ādimāha**.

Saddhāti maggenāgatasaddhā. **Sīlañca yassa kalyāṇanti** kalyāṇasilaṁ nāma ariyasāvakassa ariyakantasilaṁ vuccati. Tattha kiñcāpi ariyasāvakassa ekasi-lampi akantaṁ nāma natthi, imasmim panatthe bhavantarepi appahīnam pañcasilam adhippetam. Catuttham.

5. Rāmaṇeyyakasuttavaṇṇanā

261. Pañcame ārāmacetyāti ārāmacetiyyāni. **Vanacetyāti** vanacetiyyāni. Ubhaya-tthāpi cittikataṭṭhena cetyaṁ veditabbam. **Manussarāmaṇeyyassāti** manussaramaṇīyabhāvassa. Idāni manussaramaṇīyakavasena bhūmiramaṇīyakam dassento **gāme vāti-ādimāha**. Pañcamam.

6. Yajamānasuttavaṇṇanā

262. Chatthe (1.0321) **yajamānānanti** yajantānam. Tadā kira aṅgamagadhavā-sikā manussā anusamvaccharam sappimadhuphāṇitādīsu aggam gahetvā ekasmim ṭhāne dārūnam saṭṭhimatte sakaṭabhāre rāsim katvā

aggim datvā pajjalitakāle “mahābrahmuno yajāmā”ti tam sabbaṁ pakkhipanti. “Ekavāram pakkhittam sahassaguṇaphalam deti”ti nesam laddhi. Sakko devarājā “sabbe pime sabba-aggāni gahetvā ‘mahābrahmuno yajāmā’ti aggimhi jhāpenti. Aphalam karonti, mayi passante mā nassantu, yathā buddhassa ceva saṅghassa ca datvā bahum puññam pasavanti, evam karissāmi”ti dārurāsim jalāpetvā oloketesu manussesu puṇṇamadivase brahmattabhāvaṁ māpetvā mahājanassa passantasseva candamaṇḍalam bhinditvā nikkhanto viya ahosi. Mahājano disvā “imam yaññam paṭiggahetuṁ mahābrahmā āgacchatī”ti janṇukehi bhūmiyam patiṭṭhāya, añjaliṁ paggayha namassamāno atṭhāsi. Brāhmaṇā āhamṣu “tumhe ‘mayam takkena kathemā’ti maññatha, idāni passatha, ayam vo brahmā sahatthā yaññam paṭiggahetuṁ āgacchatī”ti. Sakko āgantvā dārucitakamatthake ākāse ṭhatvā “kassāyam sakkāro”ti pucchi? Tumhākam, bhante, paṭiggaṇhatha no yaññanti. Tena hi āgacchatha, mā tulam chaddetvā hatthena tulayittha, ayam satthā dhuravihāre vasati, tam pucchissāma “kassa dinnam mahapphalam hoti”ti? Ubhayaraṭṭhavāsino gahetvā satthu santikam gantvā pucchanto evamāha.

Tattha **puññapekkhānanti** puññam icchantānam puññatthikānam. **Opadhikam puññanti** upadhivipākam puññam. **Saṅghe dinnam mahapphalanti** ariyasāṅge dinnam vipp'hāravantam hoti. Desanāvasāne caturāsītipāṇasahassāni amata-pānam pivim̄su. Tato paṭṭhāya manussā sabbāni aggadānāni bhikkhusaṅghassa adamsu. Chaṭṭham.

7. Buddhavandanāsuttavaṇṇanā

263. Sattame **uṭṭhehīti** uṭṭhaha, ghaṭa, vāyama. **Vijitasaṅgāmāti** rāgādīnañceva dvādasayojanikassa ca mārabalassa jitattā bhagavantam evam ālapati (1.0322). **Pannabhārāti** oropitakhandhakilesābhisaṅkhārabhāra. **Pannarasāya rattinti** pannarasāya puṇṇamāya rattim. Sattamam.

8. Gahaṭṭhavandanāsuttavaṇṇanā

264. Aṭṭhame **puthuddisāti** catasso disā catasso anudisā ca. **Bhummāti** bhūmi-vāsino. **Cirarattasamāhiteti** upacārappanāhi cirarattasamāhitacitte. **Vandeti** vandāmi. **Brahmacariyaparāyaṇeti** dasapi vassāni vīsatipi vassāni ...pe... saṭṭhipi vassāni āpāṇakoṭikam ekaseyyam ekabhattanti-ādikam setṭhacariyam brahmacariyam caramāneti attho. **Puññakarāti** catupaccayadānam kusumbhasumanapūjā dīpasahassajālanti evamādipuññakārakā. **Sīlavantoti** upāsakatte patiṭṭhāya pañcahipi dasahipī silehi samannāgatā. **Dhammena dāram posentīti** umāṅgabhindanādīni akatvā dhammikehi kasigorakkhavaṇijjādīhi puttadāram posenti. **Pamukho rathamāruhīti** devānam pamukho setṭho ratham āruhi. Aṭṭhamam.

9. Satthāravandanāsuttavaṇṇanā

265. Navame **bhagavantam namassatīti** ekaṁsaṁ uttariyam dukulaṁ katvā, brahmajāṇuko hutvā sirasi añjaliṁ ṭhapetvā namassati. **So yakkhoti** so sakko. **Anomanāmanti** sabbaguṇehi omakabhāvassa natthitāya sabbaguṇanemittakehi nāmehi anomanāmaṁ. **Avijjāsamatikkamāti** catusaccapaṭicchādikāya vaṭṭamūlaka-avijjāya samatikkamena. **Sekkhāti** satta sekkhā. **Apacayārāmāti** vaṭṭaviddham-sane ratā. **Sikkhareti** sikkhanti. Navamam.

10. Saṅghavandanāsuttavaṇṇanā

266. Dasame **ajjhabhāsīti** kasmā esa punappunaṁ evam bhāsatīti? Sakkassa kira devarañño saddo madhuro, suphasitaṁ dantāvaraṇam, kathanakāle suvaṇṇa-kiṇīkikasaddo viya niccharati. Tam punappunaṁ sotum labhissāmīti bhāsatī. **Pūti-dehasayāti** pūtimhi mātusarīre vā, attanoyeva vā sarīram avattharitvā sayanato pūtidehasayā. **Nimuggā** (1.0323) **Kuṇapamheteti** dasamāse mātukucchisaṅkhāte kuṇapasmīm ete nimuggā. **Etaṁ tesam pihayāmīti** etesam etam pihayāmi patthayāmi. **Na te sam koṭhe opentīti** na te sam santakam dhaññam koṭhe pakkipanti. Na hi etesam dhaññam atthi. **Na kumbhīti** na kumbhiyam. **Na kaḷopiyanti** na pacchiyam. **Paraniṭṭhitamesānāti** paresam niṭṭhitam paraghare pakkam bhikkhācāravattena esamānā gavesamānā. **Tenāti** evam pariyitṭhena. **Subbatāti** dasapi ...pe... saṭṭhipi vassāni susamādinnasundaravatā.

Sumantamantinoti dhammaṁ sajjhāyissāma, dhutaṅgam samādiyissāma, amataṁ paribhuñjissāma, samaṇadhammaṁ karissāmāti evam subhāsitabhāsino. **Tuṇhībhūtā samañcarāti** tiyāmarattim asanighosena ghositā viya dhammaṁ kathe-nīpi tuṇhībhūtā samam carantiyeva nāma. Kasmā? Niratthakavacanassābhāvā. **Puthumaccā cāti** bahusattā ca aññamaññam viruddhā. **Attadañdesu nibbutāti** paraviheṭhanattham gahitadañdesu sattesu nibbutā vissaṭṭhadanḍā. **Sādānesu anā-dānāti** sagahañesu sattesu ca bhavayoni-ādīnam ekakoṭṭhāsassāpi agahitattā agahañā. Dasamam.

Dutiyo vaggo.

3. Tatiyavaggo

1. Chetvāsuttavaṇṇanā

267. Tatiyavaggassa paṭhamam vuttatthameva. Paṭhamam.

2. Dubbaṇṇiyasuttavaṇṇanā

268. Dutiye **dubbaṇṇoti** jhāmakhāṇuvanṇo. **Okoṭimakoti** lakuṇḍako mahodaro.

Āsaneti pañḍukambalasilāyam. **Kodhabhakkhoti** sakkena gahitanāmamevetam. So pana eko rūpāvacarabrahmā, “sakko kira khantibalena samannāgato”ti sutvā vīmamsanattham āgato (1.0324). Avaruddhakayakkhā pana evarūpam samvihitārakkham ṭhānam pavisitum na sakkonti. **Upasaṅkamīti** devānam sutvā “na sakkā esa pharusena cāletum, nīcavuttinā pana khantiyam ṭhitena sakkā palāpetun”ti tathā palāpetukāmo upasaṅkami. **Antaradhāyīti** khantiyam ṭhatvā balavacittikāram paccupaṭṭhapetvā nīcavuttiyā dassiyamānāya sakkāsane ṭhātum asakkonto antaradhāyi. **Na sūpahatacittomhīti** ettha **sūti** nipātamattam, upahatacittomhīti āha. **Nāvattena** suvānayoti na kodhāvattena su-ānayo, kodhavase vattetum na sukarmhīti vadati. **Na vo cirāhanti voti** nipātamattam, aham ciram na kujjhāmīti vadati. Dutiyam.

3. Sambarimāyāsuttavaṇṇanā

269. Tatiye ābādhikoti isigaṇena abhisapakāle uppannābādhena ābādhiko. **Vācehi** manti sacce mam sambarimāyam vācesi, evamaham tampi tikitissāmīti vadati. **Mā kho tvam, mārisa, vācesīti** vināpi tāva sambarimāyam sakko amhe bādhati, yadi pana tam jānissati, naṭṭhā mayam, mā attano ekassa athāya amhe nāsehīti vatvā nivārayim̄su. **Sambarova satam samanti** yathā sambaro asurindo māyāvī māyam payojetvā vassasataṁ niraye pakko, evam paccati. Tumhe dhammikāva, alam vo māyāyāti vadati. Kim pana sakko tassa kodham tikititum sakkuṇeyyāti? Āma sakkuṇeyya. Katham? Tadā kira so isigaṇo dharatiyeva, tasmā nam isinām santikam netvā khamāpeyya, evamassa phāsu bhaveyya. Tena pana vañcitattā tathā akatvā pakkantova. Tatiyam.

4. Accayasuttavaṇṇanā

270. Catutthe sampayojesunti kalaham akaṇsu. **Accasarāti** atikkami, eko bhikkhu ekam bhikkhum atikkamma vacanam avocāti attho. **Yathādhammam** (1.032) nappaṭiggaṇhātīti na khamati. **Kodho vo vasamāyātūti** kodho tumhākam vasam āgacchatu, mā tumhe kodhavasam gamitthāti dīpeti. **Mā ca mitte hi vo jarāti** ettha hīti nipātamattam, tumhākam mittadhamme jarā nāma mā nibbatti. Bhummatthe vā karaṇavacanam, mittesu vo jarā mā nibbatti, mittabhāvato aññathābhāvo mā hotūti attho. **Agarahiyam mā garahitthāti** agārayham khīṇāsavapuggalam mā garahittha. Catuttham.

5. Akkodhasuttavaṇṇanā

271. Pañcame mā vo kodho aijhabhavīti kodho tumhe mā abhibhavi, tumheva kodham abhibhavatha. **Mā ca kujjhiththa kujjhitanti** kujjhantānam mā paṭikujjhiththa. **Akkodhoti** mettā ca mettāpubbabhāgo ca. **Avihimsāti** karuṇā ca karuṇāpubbabhāgo ca. **Atha pāpajanaṁ kodho, pabbatovābhimaddatīti lāmakajanaṁ pabbato**

viya kodho abhimaddatīti. Pañcamam.

Tatiyo vaggo.

Sakkasam̄yuttavaṇṇanā niṭṭhitā.

Iti sāratthappakāsiniyā samyuttanikāya-aṭṭhakathāya

Sagāthāvaggavaṇṇanā niṭṭhitā.

Samyuttanikāya-aṭṭhakathāya paṭhamo bhāgo.